

22

2  
9

2



Ex Bibliotheca  
majori Coll. Rom.  
Societ. Jesu

13.4.4.

4  
1  
3






# DISSERTATIO PERIPATETICA

DE EPICO CARMINE.

Auctore PETRO MAMBRVNO *Arverno*  
è Societate IESV.



BIBLIOTECA NAZ.  
ROMA  
VITTORIO EMANUELE

PARISIIS,

Apud { SEBASTIANVM CRAMOISY, Regis  
ac Reginae Architypographum: } viâ Iaco-  
E T } bae, sub  
GABRIELEM CRAMOISY. } Cjconiis.

M. D C. LII.  
CVM PRIVILEGIO REGIS.





ILLVSTRISSIMO VIRO  
IOANNI ANTONI  
DE MESMES D'YRVAL

REGI A CONSILIIS SANCTIORIBVS,  
ET IN SVPREMA PARISIORVM  
CVRIA PRÆSIDI INFLATO.



**F**RAVDI *certainè quidem mihi esse non debet (VIR ILLVSTRISSIME) quod hoc operis, quodcunque est, fratris tui Auauxij consilio, & auctoritate informatum, atque adeò ipsi consecratum; tibi postquam is summo nostro mœrore à nobis discessit, tandem aliquan-*

## EPISTOLA.

*do representetur. Neque id ego tantum eò dico, quòd iure hereditario id tu possis repetere; aut quòd Germani tui mentem verbi duntaxat interpretatione aliquà, atque coniecturâ assequar: sed quia eius sententiam apertissimâ significatione cognoui. Postremo enim congressu nostro, qui contigit paucis diebus antequam in morbum incideret, ubi me seuocasset à circulo, in quo multa de re litterariâ, deque vitæ Christianæ officiis coram disputasset eleganter ac peritè; dixit sibi propemodum constitutum esse, ab aulae tumultu secedere, & administratione regni, quam in impedimentis ponebat, se abdicare. Neque tamen aiebat se cogitare in aliquem Religiosorum ordinem,*

## EPISTOLA:

*in quo inter illos profiteretur ; sed spatium atque locum quærere ; ubi animum omni illâ tristitie , quæ ex consuetudine , atque usu tot principum , & populorum adhæsisse quodammodo potuerat , penitus detergeret. Enimverò hic ego multis aduersari , & esse id è re diuinâ , vel suâ , vel familia pluribus negare. Cum neuter vinci vellet , & pro suâ quisque sententiâ pertenderet , ampliandi esse potestatem dixit. In discessu subridens adieci ego : Ecquid nobis , & musis nostris nuncium remitteret ? Tum ille , quâ erat humanitate : At secessum Musis odio esse nondum audiueram : si tamen tua est urbana , licebit illi ad fratrem Yrualium , & eius filium Cramayelum tran-*

## EPISTOLA.

*sire. Post obitum eius tristissimum, nescio quì factum sit, ut qui eius perpetuò meminissem; huius tamen moniti obliuiscerer. Scilicet acerbissimo mortis illius dolore ad omnem litterarum gustum ita mihi animus omnis obstupuerat, ut plures menses studia illa nostra à me aspernatus fuerim, & quæ suauitatis artes erant plenissima, visæ fuerint odiosæ. Neque sanè ego veternum illum excussissem, nisi me nominis tui, & gloriæ fama excitasset. Nam cum summâ ordinum omnium gratulatione in Præsidum insulatum Collegium esses pro fratre tuo cooptatus, non latitiâ tantum bonos omnes, sed etiam admiratione compleuisti. Sapientiam, ac prudentiam tuam in rebus scienter tractan-*

## EPISTOLA.

*dis singularem cum eximiâ quâdam integritate coniunctam , quia norat Gallia , sibi, & tibi de dignitate illâ gratulabatur: eloquentiam verò, & in dicendo facundiam , quòd locus illi adhuc defuisset , nondum agnoscebat. Quapropter qui fratris tui Memmij hominis post Tulliana tempora eloquentissimi partes & dignitatem sustineres, expectabat. Vt semel, iterum, tertio, ac deinceps pro tribunali sententiam dicentem audiuit ; agnouit illa te fratrum tuorum minimum ætate quidem fuisse , meritis verò parem. Accessit etiam filij tui Auauxij dignitas , qui ex patruis alterum nomine, alterum officij præstantiâ , utrumque morum , atque ingenij bonitate omni-*

## EPISTOLA.

*bus representat. Cum igitur urbs tota in te, atque filium tuum se conuerterit, & mœrorem suum ex morte fratrum tuorum conceptum tuâ virtute consoletur: facerem sanè quàm imprudenter, si dolori meo medicinam fieri negarem; præsertim cum tu me sæpè complexus sis humanissimè, & filius tuus Auauxius iam inde à primis annis mihi fuerit venerationi. Hanc igitur opellam vel pro tuâ humanitate, quâ tibi omnium animos deuincis; vel pro tuâ in litteras voluntate, quâ mirificè erga illas & litteratos affectus es, vel pro tuâ in fratrem obseruantia, cuius cohortatione, atque consiliis hoc inceptum & perfectum est opus; fove, ac tuere.*

DISSER-





# DISSERTATIONIS INDEX.

## ANTECESSIO.

- I. *Consilium de poemate epico scribendo temerè capi non debet, cur ab auctore susceptum; tum cur ad hanc Dissertationem scribendam aggressus sit.* II. *Veritas sine Aristotelis Philosophiâ nequidem in re poëtica teneri potest.* III. *Partitio huius Dissertationis.* pag. 1.
- 

## DISSERTATIONIS PARS I. De materiâ Epopœiæ.

### QVÆSTIO PRIMA.

- I. *Mens Aristotelis de obiecto cuiusvis disciplina aperitur.* II. *Quæ sit in obiecto eiusmodi materia.* III. *Quæ sit in eodem obiecto forma.* IV. *unde hæ voces petita sint.* pag. 10.

### QVÆSTIO ALTERA.

*Ostenditur ex Aristotele obiectum epica artis esse actionem unam, totam, illustrem, certa magnitudinis, quæ narratione dramaticâ, & versu hexametro exornari debet ad viros principes cum admiratione, & delectatione ad primarias virtutes excitandos.* pag. 15.

### QVÆSTIO TERTIA.

#### De Materia Epopœiæ.

- I. *Statuitur quæ sit materia Epopœiæ.* II. *Iulius Scaliger illustratur, tum & Ioannes Vossius.* pag. 19.

DISSERTATIONIS  
QVÆSTIO QVARTA.

De actione, quæ est Epopœiæ materia.

- I. De potestate huius vocis, Actio. II. Epopœia est imitatio non personæ, aut morum, sed actionis. III. Beatitudo hominis in actione, non in habitu sita est. IV. Georgica Virgilij, & similia opera non sunt epicum carmen. V. Qui versum tantum ad epicum carmen confert non est pœta: neque qui fabulam sine versu instruxerit. Non est pœma sine metro, neque sine fabulâ. VI. Actionis & fabulæ discrimen. VII. Actionis species duæ. VIII. Quæ Actio esse possit sine peripetiâ. Pacij versio incommoda. IX. Quid sit actio complexa. X. Possitne ficta esse Actio, siue argumentum Epopœiæ. XI. Grauis difficultas, possitne Actio, siue argumentum Epopœiæ non esse verissimile, licet sit verum. XII. Ex comparatione Actionis, siue argumenti Odysseæ, cum Samsonis Actione, ostenditur hanc non esse aptam ad Epopœiæ argumentum.

pag. 26.

QVÆSTIO QVINTA.

De vnitate Actionis.

- I. Actio debet esse una. II. Vnitas illa non petitur ab uno Heroë. III. Neque ab uno tempore. IV. Neque uno Heroë, & uno tempore coniunctè. V. Ex Aristotele Actio Epica non debet esse πολυμερὴς sed simplex. VI. Rationes Aristotelis cur debeat esse simplex. VII. An Heroës multi possint facere ab eâdem parte. VIII. Torquati in parte οὐτιόδα, siue essentiali Epopœiæ peccatum. IX. Ariosti & Statij in Achilleide grauis lapsus. p. 52.

QVÆSTIO SEXTA.

Actionis integritas.

- I. Totius definitio. II. Initij definitio. III. Finis definitio. IV. Mediij definitio. V. Discrimen inter Totum & Perfectum. VI. *Æneidos* Actio tota, & perfecta. *Maphai* hallucinatio.

# INDEX.

VII. *Odyſſea*, & *Iliadis Actio tota*, & *perfecta*. Tryphiodori,  
& *Calabri conatus inanes*. pag. 79.

## QVÆSTIO SEPTIMA.

### De Magnitudine Actionis.

- I. Magnitudo Epopœia tripliciter poteſt conſiderari. II. Magnitudo verſuum quanta, & quot tragœdias æquare poſſit. III. Magnitudo fabule tragica. IV. Magnitudo fabula epica. Quæ ve-  
grandia, aut parua ſunt, pulchra eſſe nequeunt. Quid pulchri-  
tudo. V. Magnitudo fabule neque ex auditorum libidine, ne-  
que contentione, ſed inclinatione rerum naturali. VI. Magni-  
tudo Actionis primaria quanta eſſe poſſit. VII. *Actio Odyſſea*  
*eſt dierum LV.* pag. 87.

## QVÆSTIO VLTIMA PRIMÆ PARTIS.

- I. *Actio carmini epico ſubiecta debet eſſe illuſtris*. II. *Heros epi-*  
*ci carminis præſtantior debet eſſe iis hominibus, qui poëta ſunt*  
*coæui*. III. *Femina actio poteſt eſſe argumentum Tragœdiæ*.  
IV. *Utrum femina Actio poſſit eſſe materia Epopœiæ*. V. *U-*  
*trum femina virtutibus heroicis prædita poſſint eſſe*. VI. *Utrum*  
*conatus licet fortis ſi exeat infeliciter, ſatis ſit illuſtris, ut*  
*Epopœia ſeruiat.* pag. 103.

## DISSERTATIONIS PARS II.

### De forma Epopœiæ.

## QVÆSTIO PRIMA.

### De Fabula.

- I. *Ordo huius ſecundæ partis*. II. *Variæ poteſtates huius vocis fa-*  
*bula*. III. *Deſinitio fabula epica explicatur*. IV. *Fabula eſt*  
*anima poematis: ſex rationes, cur id ſit*. *Lucanus non eſt poëta*  
*epicus*. V. *Fabulam conſtituere qui velit, eius prima partes ſunt,*





ILLVSTRISSIMO VIRO  
IOANNI ANTONIO  
DE MESMES D'YRVAL

REGI A CONSILIIS SANCTIORIBVS,  
ET IN SVPREMA PARISIORVM  
CVRIA PRÆSIDI INFLATO.



**F**RAVDI *certe quidem mi-*  
*hi esse non debet (VIR IL-*  
*LVSTRISIME) quod*  
*hoc operis, quodcunque est, fratris tui*  
*Auauxij consilio, & auctoritate infor-*  
*matum, atque adeò ipsi consecratum;*  
*tibi postquam is summo nostro mæro-*  
*re à nobis discessit, tandem aliquan-*



## EPISTOLA.

*do representetur. Neque id ego tantum eò dico, quòd iure hereditario id tu possis repetere; aut quòd Germani tui mentem verbi duntaxat interpretatione aliquâ, atque coniecturâ assequar: sed quia eius sententiam apertissimâ significatione cognoui. Postremo enim congressu nostro, qui contigit paucis diebus antequam in morbum incideret, ubi me seuocasset à circulo, in quo multa de re litterariâ, deque vitæ Christianæ officiis coram disputasset eleganter ac peritè; dixit sibi propemodum constitutum esse, ab aula tumultu secedere, & administratione regni, quam in impedimentis ponebat, se abdicare. Neque tamen aiebat se cogitare in aliquem Religiosorum ordinem,*

## EPISTOLA:

*in quo inter illos profiteretur ; sed spatium atque locum quærere ; ubi animum omni illâ tristitie , quæ ex consuetudine , atque usu tot principum , & populorum adhæsisse quodammodo potuerat , penitus detergeret. Enimuerò hic ego multis aduersari , & esse id è re diuinâ , vel suâ , vel familia pluribus negare. Cum neuter vinci vellet , & pro suâ quisque sententiâ pertenderet , ampliandi esse potestatem dixit. In discessu subridens adieci ego : Ecquid nobis , & musis nostris nuncium remitteret ? Tum ille , quâ erat humanitate : At secessum Musis odio esse nondum audiueram : si tamen tua est urbana , licebit illi ad fratrem Yrualium , & eius filium Cramayelum tran-*

## EPISTOLA.

*sire. Post obitum eius tristissimum, nescio quò factum sit, ut qui eius perpetuò meminissem; huius tamen moniti obliuiscerer. Scilicet acerbissimo mortis illius dolore ad omnem litterarum gustum ita mihi animus omnis obstupuerat, ut plures menses studia illa nostra à me aspernatus fuerim, & quæ suauitatis artes erant plenissima, visæ fuerint odiosæ. Neque sanè ego veternum illum excussissem, nisi me nominis tui, & gloriæ fama excitasset. Nam cum summâ ordinum omnium gratulatione in Præsidum insulorum Collegium esses pro fratre tuo cooptatus, non latitiâ tantum bonos omnes, sed etiam admiratione compleuisti. Sapientiam, ac prudentiam tuam in rebus scienter tractan-*



## EPISTOLA.

*dis singularem cum eximiâ quâdam integritate coniunctam , quia norat Gallia , sibi, & tibi de dignitate illâ gratulabatur: eloquentiam verò, & in dicendo facundiam , quòd locus illi adhuc defuisset , nondum agnoscebat. Quapropter qui fratris tui Memmij hominis post Tulliana tempora eloquentissimi partes & dignitatem sustineres, expectabat. Vi semel, iterum, tertio , ac deinceps pro tribunali sententiam dicentem audiuit ; agnouit illa te fratrum tuorum minimum ætate quidem fuisse , meritis verò parem. Accessit etiam filij tui Auauxij dignitas , qui ex patruis alterum nomine, alterum officij præstantiâ , utrumque morum , atque ingenij bonitate omni-*

## EPISTOLA.

*bus repræsentat. Cum igitur urbs tota in te, atque filium tuum se conuerterit, & mœrorem suum ex morte fratrum tuorum conceptum tuâ virtute consoletur: facerem sanè quàm imprudenter, si dolori meo medicinam fieri negarem; præsertim cum tu me sæpè complexus sis humanissimè, & filius tuus Auauxius iam inde à primis annis mihi fuerit venerationi. Hanc igitur opellam vel pro tuâ humanitate, quâ tibi omnium animos deuincis; vel pro tuâ in litteras voluntate, quâ mirificè erga illas & litteratos affectus es, vel pro tuâ in fratrem obseruantia, cuius cohortatione, atque consiliis hoc inceptum & perfectum est opus; fove, ac tuere.*

DISSER-



# DISSERTATIONIS INDEX.

## ANTECESSIO.

- I. *Consilium de poemate epico scribendo temerè capi non debet, cur ab auctore susceptum; tum cur ad hanc Dissertationem scribendam aggressus sit.* II. *Veritas sine Aristotelis Philosophiâ nequidem in re poëtica teneri potest.* III. *Partitio huius Dissertationis.* pag. I.
- 

## DISSERTATIONIS PARS I.

### De materiâ Epopœiæ.

#### QVÆSTIO PRIMA.

- I. *Mens Aristotelis de obiecto cuiusvis disciplina aperitur.* II. *Quæ sit in obiecto eiusmodi materia.* III. *Quæ sit in eodem obiecto forma.* IV. *unde hæ voces petita sint.* pag. 10.

#### QVÆSTIO ALTERA.

*Ostenditur ex Aristotele obiectum epica artis esse actionem unam, totam, illustrem, certa magnitudinis, quæ narratione dramaticâ, & versu hexametro exornari debet ad viros principes cum admiratione, & delectatione ad primarias virtutes excitandos.* pag. 15.

#### QVÆSTIO TERTIA.

### De Materia Epopœiæ.

- I. *Statuitur quæ sit materia Epopœiæ.* II. *Iulius Scaliger illustratur, tum & Ioannes Vossius.* pag. 19.  
c

DISSERTATIONIS  
QVÆSTIO QVARTA.

De actione, quæ est Epopœiæ materia.

- I. De potestate huius vocis, Actio. II. Epopœia est imitatio non personæ, aut morum, sed actionis. III. Beatitudo hominis in actione, non in habitu sita est. IV. Georgica Virgilij, & similia opera non sunt epicum carmen. V. Qui versum tantum ad epicum carmen confert non est poëta: neque qui fabulam sine versu instruxerit. Non est poema sine metro, neque sine fabulâ. VI. Actionis & fabule discrimen. VII. Actionis species dua. VIII. Quæ Actio esse possit sine peripetiâ. Pacij versio incommoda. IX. Quid sit actio complexa. X. Possitne ficta esse Actio, siue argumentum Epopœiæ. XI. Grauis difficultas, possitne Actio, siue argumentum Epopœiæ non esse verisimile, licet sit verum. XII. Ex comparatione Actionis, siue argumenti Odysseæ, cum Samsonis Actione, ostenditur hanc non esse aptam ad Epopœiæ argumentum. pag. 26.

QVÆSTIO QVINTA.

De vnitate Actionis.

- I. Actio debet esse una. II. Vnitas illa non petitur ab uno Heroë. III. Neque ab uno tempore. IV. Neque uno Heroë, & uno tempore coniunctè. V. Ex Aristotele Actio Epica non debet esse πολυμερὴς sed simplex. VI. Rationes Aristotelis cur debeat esse simplex. VII. An Heroës multi possint facere ab eâdem parte. VIII. Torquati in parte οὐκ ἴσται, siue essentiali Epopœia peccatum. IX. Ariostij & Statij in Achilleide grauis lapsus. p. 52.

QVÆSTIO SEXTA.

Actionis integritas.

- I. Totius definitio. II. Initij definitio. III. Finis definitio. IV. Medij definitio. V. Discrimen inter Totum & Perfectum. VI. Encidos Actio tota, & perfecta. Maphai hallucinatio.

## I N D E X.

VII. *Odyſſea, & Iliadis Actio tota, & perfectæ. Tryphiodori, & Calabri conatus inanes.* pag. 79.

### QVÆSTIO SEPTIMA.

#### De Magnitudine Actionis.

- I. Magnitudo Epopœiæ tripliciter poteſt conſiderari. II. Magnitudo verſuum quanta, & quot tragædias æquare poſſit. III. Magnitudo fabulæ tragica. IV. Magnitudo fabulæ epica. Quæ vengrandia, aut parua ſunt, pulchra eſſe nequeant. Quid pulchritudo. V. Magnitudo fabulæ neque ex auditorum libidine, neque contentione, ſed inclinatione rerum naturali. VI. Magnitudo Actionis primariæ quanta eſſe poſſit. VII. Actio *Odyſſeæ* eſt dierum LV. pag. 87.

### QVÆSTIO VLTIMA PRIMÆ PARTIS.

- I. Actio carmini epico ſubiecta debet eſſe illuſtris. II. Heros epici carminis præſtantior debet eſſe iis hominibus, qui poëta ſunt coæui. III. Femina actio poteſt eſſe argumentum Tragædiæ. IV. Vtrum femina Actio poſſit eſſe materia Epopœiæ. V. Vtrum femina virtutibus heroicis prædita poſſint eſſe. VI. Vtrum conatus licet fortis ſi exeat infeliciter, ſatis ſit illuſtris, ut Epopœiæ ſeruiat. pag. 103.

## DISSERTATIONIS PARS II.

### De forma Epopœiæ.

#### QVÆSTIO PRIMA.

#### De Fabula.

- I. Ordo huius ſecundæ partis. II. Variæ poteſtates huius vocis fabula. III. Deſinitio fabulæ epicæ explicatur. IV. Fabula eſt anima poëmatis: ſex rationes, cur id ſit. Lucanus non eſt poëta epicus. V. Fabulam conſtituere qui velit, eius prima partes ſunt,

## DISSERTATIONIS

ut actionem episodis, & nominibus propriis spoliaret. VI. *Odyssæa* argumentum ex placitis Aristotelicis absque nominibus, deinde cum nominibus, postremò cum Episodiis. VII. *Iliadis* argumentum ad imitationem *Odyssææ*. VIII. *Aeneidos* argumentum simili arte compositum. IX. *Godofredi* siue *Hierosolyma* liberata argumentum ex eisdem præceptis. X. Religionis siue *Constantiniados* argumentum ex iisdem regulis. XI. Rationes, quàmobrem actio suo ornatu spoliari debeat. pag. 131.

## QVÆSTIO ALTERA.

### De Fabulæ compositione.

- I. Status questionis. II. Aristotelis eâ de re præceptum. III. Horatius, Macrobius, Vida, Scaliger, & alij pro ordine perturbato. IV. Rationes eorum. V. Aristoteles, & eius interpretes pro recto & naturali ordine. VI. Rationes istorum. VII. Rationes à nobis pro eâdem sententiâ. VIII. Homerus, & Virgilius sequuti sunt ordinem naturalem. IX. Respondetur rationibus aduersariorum. X. Quid inter historicum, & poëtam intersit. pag. 149.

## QVÆSTIO TERTIA.

### De vnitatē fabulæ.

- I. Vnitatem in fabulâ desiderat Philosophus. II. Quâ fabula una possit esse; quæ sit πολυπραγµία, & πολύμυθος. III. Fabulas Homeri florere laude vnitatis, ac primò quidem *Iliadis* fabulam. IV. Fabula *Odyssææ* una. V. Fabula *Aeneidos* una. Fabula *Godofredi* non est satis una, quare nonnihil peccat in artem. pag. 163.

## QVÆSTIO QVARTA.

### De fabulæ alterâ virtute: Quòd sit simplex.

- I. Ambigua potestas huius vocis, τὸ ἀπλοῦς, detergitur; unde existerat difficultas in Aristotele maxima. II. Quid fa-

# INDEX.

*bula simplex, quid implicita. III. Quid peripetia. IV. Quid agnitio. V. Quid fabula duplicis, & simplicis constitutionis. VI. Soluitur difficultas textus Aristotelici initio proposita. VII. Quæ fabula possit esse sine peripetia. VIII. Cur fabula implexa sit melior simplici. IX. Quid πᾶρος in fabulâ. P. 170.*

## QVÆSTIO QVINTA.

*De partibus fabulæ καὶ τὸ πρῶτον.*

- I. Partes fabulæ καὶ τὸ πρῶτον. II. Definitiones nexus, & solutionis in fabulâ. III. Episodia sunt in nexu, non in solutione. IV. Solutio debet esse sine machinâ. V. Benius tertiam partem nequidquam adducit. VI. Inuocatio, & propositio in poemate quamnam esse debeant. pag. 180.*

## QVÆSTIO SEXTA.

*De Episodio.*

- I. Ambiguitas vocis tollitur. II. Episodij definitio traditur. III. Quid sit fabula Episodica, & quid in illa vitij. p. 186.*

## QVÆSTIO SEPTIMA.

*De Machinâ. pag. 192.*

## QVÆSTIO OCTAVA.

*De Moribus.*

- I. Morum definitio. II. Prima laus morum, ut sint boni in heroë. Marini Adonis schola nequitie. III. Laus morum aliter, ut congruant personis καὶ τὸ ἄλλος in specie. Torquati peccatum. IV. Laus morum tertia, ut sint ὁμοιοί similes. Similitudo est personarum καὶ ἕκαστος, id est singularium. V. Laus quarta morum, ut tenoris sint æquabilis. VI. Quid sit ποῆσιν esse moratam. Vulgi hallucinatio. VII. Viros fortes non dedecent lacrymæ, sed ciuitas. VIII. Cur secunda partes tribuantur moribus. pag. 197.*

*εἰς ἱ*

## DISSERTATIONIS

*ut actionem episodis, & nominibus propriis spoliaret. VI. Odyssea argumentum ex placitis Aristotelicis absque nominibus, deinde cum nominibus, postremo cum Episodiis. VII. Iliadis argumentum ad imitationem Odysseae. VIII. Aeneidos argumentum simili arte compositum. IX. Godofredi siue Hierosolyma liberata argumentum ex eisdem praeceptis. X. Religionis siue Constantiniados argumentum ex iisdem regulis. XI. Rationes, quoniam obrem actio suo ornatu spoliari debeat.* pag.131.

## QVÆSTIO ALTERA.

### De Fabulæ compositione.

- I. Status questionis. II. Aristotelis eâ de re præceptum. III. Horatius, Macrobius, Vida, Scaliger, & alij pro ordine perturbato. IV. Rationes eorum. V. Aristoteles, & eius interpretes pro recto & naturali ordine. VI. Rationes istorum. VII. Rationes à nobis pro eâdem sententiâ. VIII. Homerus, & Virgilius sequuti sunt ordinem naturalem. IX. Respondetur rationibus aduersariorum. X. Quid inter historicum, & poëtam intersit.

pag.149.

## QVÆSTIO TERTIA.

### De vnitare fabulæ.

- I. Vnitatem in fabulâ desiderat Philosophus. II. Quâ fabula una possit esse, quæ sit πολυμερὴς, & πολύμωτος. III. Fabulas Homeri florere laude unitatis, ac primò quidem Iliadis fabulam. IV. Fabula Odysseæ una. V. Fabula Aeneidos una. Fabula Godofredi non est satis una, quare nonnihil peccat in arte.

pag.163.

## QVÆSTIO QVARTA.

### De fabulæ alterâ virtute: Quòd sit simplex.

- I. Ambigua potestas huius vocis, τὸ ἀπλοῦν, detergitur; unde existerat difficultas in Aristotele maxima. II. Quid fa-



# INDEX.

*bula simplex, quid implicita.* III. *Quid peripetia.* IV. *Quid agnitio.* V. *Quid fabula duplicis, & simplicis constitutionis.* VI. *Soluitur difficultas textus Aristotelici initio proposita.* VII. *Quæ fabula possit esse sine peripetia.* VIII. *Cur fabula implexa sit melior simplici.* IX. *Quid πᾶτος in fabulâ.* P. 170.

## QVÆSTIO QVINTA.

De partibus fabulæ καὶ τὸ πρῶτον.

- I. *Partes fabulæ καὶ τὸ πρῶτον.* II. *Definitiones nexus, & solutionis in fabulâ.* III. *Episodia sunt in nexu, non in solutione.* IV. *Solutio debet esse sine machinâ.* V. *Benius tertiam partem nequidquam adducit.* VI. *Inuocatio, & propositio in poemate quamam esse debeant.* pag. 180.

## QVÆSTIO SEXTA.

De Episodio.

- I. *Ambiguitas vocis tollitur.* II. *Episodij definitio traditur.* III. *Quid sit fabula Episodica, & quid in illa vitij.* p. 186.

## QVÆSTIO SEPTIMA.

De Machinâ. pag. 192.

## QVÆSTIO OCTAVA.

De Moribus.

- I. *Morum definitio.* II. *Prima laus morum, ut sint boni in heroë.* Marini Adonis schola nequitia. III. *Laus morum altera, ut congruant personis καὶ τὸ ἄλλος in specie.* Torquati peccatum. IV. *Laus morum tertia, ut sint ὅμοιοι similes.* Similitudo est personarum καὶ ἕξῃς, id est singularium. V. *Laus quarta morum, ut tenoris sint æquabilis.* VI. *Quid sit pœsim esse moratam.* Vulgi hallucinatio. VII. *Viros fortes non dedecent lacryme, sed ciulatus.* VIII. *Cur secunda partes tribuantur moribus.* pag. 197.

DISSERTATIONIS  
QVÆSTIO NONA.

De Sententia.

- I. *Sententia ambigua potestas. Aliquando pro Gnome, aliquando pro Dianæa.* II. *Definitio sententia, quæ est Gnome.* III. *Tres laudes siue conditiones sententia.* IV. *Prima laus sententia, ut sit καθολικὴ, id est vniuersim pronunciata.* V. *Altera laus sententia, ut sit breuis.* VI. *Tertia laus, ut sit morata.* VII. *Sex rationes quare sententia placeat.* VIII. *An frequens usus sententia esse debeat.* *Augusti Casaris ea de re mens, & sententia.* IX. *Quid inter sententiam, & acutè dictum intersit.* X. *Cur acutè dicta placeant.* XI. *De sententiâ, quæ est Dianæa.* XII. *Definitur, & eius partes adducuntur.* XIII. *Inter parpes formales tertius locus debetur sententia.* p. 207.

QVÆSTIO DECIMA.

De Dictione.

- I. *Definitio Dictionis.* II. *Quid sit interpretatio, apud Aristotelem.* III. *Verba multa in nominibus censentur.* IV. *Sensa animi esse παύματα, quæ lateant, & vocibus proferantur.* V. *Qui nata sit Histrionica, & quomodo distincta à Pœsi.* VI. *In recitatione vis maxima.* VII. *Dictionis partes octo.* VIII. *Dictionis pœtica laudes quinque.* IX. *De perspicuitate; cur primaria laus, qui oriatur, quenam illi officiant.* X. *De maiestate dictionis; qui fiat magna oratio Pœtica. Alia est dictio pœtica, alia oratoria. Pœsis Gallica nimis timida.* XI. *De aquabilitate dictionis. Cur sædum sit inaquabile dicendi genus.* XII. *De numeris dictionis pœtica.* XIII. *De concinnitate, & venustate dictionis. Concinnitas dictionis est ἁρμονία distinctum à numeris & verbis, oritur ex metaphoris, & dialectis. Aurea, & diuina mediocritas in usu ornamentorum. Gallici sermonis penuria.* XIV. *Non omnis pars pœmatis ornari postulat.* XV. *Sitne potius pœma scribendum*

## INDEX.

*Latino sermone, quàm patrio? XVI. Quis locus inter partes formales debeat dictioni?* pag. 225.

---

### DISSERTATIONIS PARS III.

De causa Efficiente Epici Carminis.

#### QVÆSTIO PRIMÆ.

Quis habitus sit Poëtica.

1. *Quid sit scientia.* II. *Quid ars.* III. *Quid prudentia.* IV. *Epica est prudentia.* V. *Epica non est Historia.* VI. *Epica non est Ars.* VII. *Epica non est Logica.* pag. 251.

#### QVÆSTIO ALTERA.

De furore Poëtico.

1. *Definitio furoris in genere.* II. *Textus Aristotelis emendatus.* Pacius & Ricobonus defenduntur contra Robortellum. III. *Quotuplex sit species furoris.* IV. *Platonica divisio furoris.* V. *Quid Aristoteles de furore.* VI. *Tot furoris species, quot animorum perturbationes vehementiores.* VII. *Poëta Epicus in constitutione fabula furere non potest, quis furor in illo admitti possit, & quomodo nascatur.* VIII. *An arte, an natura poëta existat.* pag. 261.
- 

### DISSERTATIONIS PARS IV.

De fine Poëseos.

1. *Poëseos finis non est voluptas.* II. *Animi voluptas quæ ex imitatione oritur adpoësin pertinet.* III. *Finis Poëseos non est gloria rumusculus.* IV. *Finis Epopæie est, viros principes instituere, qui repub. rectè constituent, & administrent.* p. 273.

DISSERTATIONIS INDEX.

AD DISPUTATIONEM  
DE EPICA  
APPENDIX.

DEFINITIO METAPHYSICA  
ΕΡΟΡΟΕΙΑΣ.

- I. *Etymologia Epopæia.* II. *Epopæia dicitur pictura.* III. *Epopæia quæ mendacium dicatur.* IV. *Epopæia definitio Stoica.*  
V. *Epopæia accurata definitio.* pag. 283.



SYLVÆ POETICÆ INDEX.

VMBRA Ecloga I.	pag. 289
TRIPVDIVM.	293
DAMON Ecloga II.	305
MELPOMENE.	310
HORTI CIRCÆI.	316
DAPHNIS Ecloga III.	327
ΔΑΦΝΙΣ εἰδύλλιον.	333

*Pro Erratis reponere.*

Pag. 73. *Raimundo.* pag. 113. *Miltiadis, Themistocli.* pag. 133. *πῶτα*  
pag. 142. *inclusos.* pag. 171. *ῥωσι.* pag. 182. *πὸ δὲ.* pag. 190. *ἐπιστολῆς.*  
pag. 203. *senem.* pag. 204. *cantatricis.* pag. 216. *Troade.* pag. 240. *πιδε.*  
ead. pag. nullibi. pag. 270. *assentior.*



DE EPICO CARMINE  
DISSERTATIO  
PERIPATETICA

BIBLIOTECA NAZ.  
ROMA  
VITTORIO EMANUELE

DISSERTATIONIS ANTECESSIO.

- I. *Consilium de poëmate epico scribendo temerè capi non debet ; cur ab auctore susceptum ; tum , cur ad hoc opus sit aggressus. II. Veritas sine Aristotelis philosophiâ ne in poëticâ quidem locum habet. III. Partitio huius Dissertationis.*



VM ego ante aliquot annos ad scribendum Epicum carmen animum appuli , id tantum operis mihi suscipere visus sum : quò & genio utcunq; indulgerem meo , & animum aliarum rerum fastidio grauem.

A

quodammodo recreare possem. Verùm multò aliter euenisse sentio, atque olim credideram. Poëma quippe res est ingens, & ardua, quæque hominem actuosum, atque aliis studiis minimè implicitum desiderat. Me itaque susceptæ operæ identidem pertæsum est; vicissè quæ limæ, & laboris offensio, nisi pudor inclinantem inconstantia metu erexisset. Vt igitur est quorundam hominum natura fortasse non pessima, quæ ubi se alicui applicuit arti, eius est retinentissima: ita & mihi vsu venit; vt, quæ animi causâ suscepta esset poësis, ea deinde in partem officij, atque vitæ veniret. Id tantò antè sanè quàm diligenter cauerat disertissimis istis verbis ingeniorum ille arbiter. *Multos carmen decepit. Nam vt quisque versum pedibus instruxit, sensumque teneriorem verborum ambitu intexuit; putauit continuò se in Heliconem venisse. Sic forensibus ministeriis exercitati ad carminis tranquillitatem, tanquam ad portum faciliorem refugerunt; credentes facilius poëma extrui posse, quàm controuersiam sententiolis vibrantibus pictam. Caterùm neque generosior spiritus vanitatem amat; neque concipere, aut edere partum mens potest; nisi ingenti flumine verborum inundata. Effugiendum est ab*

omni verborum, ut ita dicam, vilitate, & sumenda voces à plebe summotæ, ut fiat: Odi profanum vulgus, & arceo. Præterea cauendum est, ne sententiæ emineant extra corpus orationis expressæ; sed intexto versibus colore niteant. Homerus testis, & Lyrici, Romanusque Virgilius, & Horatii curiosa felicitas. Ceteri enim aut non viderunt viam, quâ iretur ad carmen, aut visam timuerunt calcare. Ecce belli civilis ingens opus quisquis attigerit, nisi plenus literis sub onere labetur. Non enim res gestæ versibus comprehendenda sunt, quod melius historici faciunt; sed per ambages, Deorumque ministeria, & fabulosum sententiarum tormentum precipitandus est liber spiritus; ut potius furentis animi vaticinatio appareat, quàm religiosa orationis sub testibus fides. Poterat etiam me deterere rerum istarum callidissimus Horatius, qui libro de arte sanctè monet.

O maior iuuenum, quamuis & voce paternâ  
Fingeris ad rectum, & per te sapis; Hoc tibi  
dictum

Tolle memor. Certis medium, & tolerabile  
rebus

Rectè concedi. Consultus iuris, & actor  
Causarum mediocris abest virtute disertæ

A ij

*Messala, nec scit quantum Casselius Aulus;  
Sed tamen in pretio est. Mediocribus esse poëtis  
Non homines, non Dij, non concessere co-  
lumna.*

*Vt gratas inter mensas symphonia discors  
Et crassum ingenium, & Sardo cum melle  
papauer*

*Offendunt, poterat duci quia cœna sine istis:  
Sic animis natum, inuentumque poema iu-  
uandis*

*Si paullum summo decedit, vergit ad imum.*  
Bene multos incessit spes condendi poëma-  
tis, atque cupiditas, quâ decepti de se ludos  
fecêre. Tantam rei difficultatem, vt id fatear,  
quod in re est, non priùs sensi quàm tum  
cùm pedem referre integrum non erat. Quam-  
obrem nunc temporis hoc superest vnum, vt  
incepto insistam operi, & instituti à me stu-  
dij commemoratâ ratione, alios ad id litera-  
rum genus incitem, alios deterream, vtrif-  
que profim. Iam inde ab incunte pueritiâ,  
Homero, Virgilio, Tasso (illos ego in Epi-  
cis poëtis vnos omnium propemodum cen-  
suerim) assueueram; quorum ex consuetudi-  
ne, & vsu, cùm incredibilem animi volupta-  
tem capiebam, tum ad ipsorum imitationem



mirificè accendebar. Ac primùm quidem non tam præceptionibus, aut arte aliquâ accurari poëma, quàm ingenij bonitate; aut etiam afflatu quodam diuino effici putavi: postquam tamen propior accessi, & in Poëtarum mentes intraui penitiùs; facilè animaduerti opus omni elegantia, & cultu nitidum, omnibùsque suis numeris absolutum sine præceptis, & doctrinâ florere non posse, nedum ad maturitatem perducì. Vt Natura fuerit excellens, sine arte tamen ea est cæca, & inculta. Quare eruditè Aristoteles apud Laërt. lib. v. pronunciat visum à circumfuso aëre lumen habere; mentem verò à disciplinâ, & studio. *Ἡ μὲν ὁρασις ἀπὸ τοῦ περιέχοντος αἵετος λαμβανέῃ τὸ φῶς· ἡ δὲ ψυχὴ ἀπὸ τοῦ μαθημάτων.*

Adieci itaque continuò animum ad eos, qui de re poëtica commentarios edidissent. Imprimis dedit se Horatius, qui poëtam nauiter deterret à vitiis, & peccatis; quæ prima est sapientia: informat verò, & instituit minimè, quæ res à me quærebatur. Occurrit deinde & Hieronymus Vida, qui versu erudito sanè illo, ac mundo quædam rectè monet, sed quæ sic apta inter se non sunt, vt in corpus vnum, & artem vnam possint coale-

scere. Quid Scaligero fiet? qui septem libros mirâ eruditionis varietate distinctos edidit. De illo id ego ausim asserere, quod in paradoxis esse potest; cum quidem grammaticâ supellectile libros illos suos de poëticâ locupletasse, & ornasse copiosius; quibus tamen inuiderit eam eruditionis gloriam, quæ ex naturæ, & earum, quas appellant *ιδιότητες*, cognitione petitur. Quod eius factum ex iis, quæ parte primâ quæstione tertiâ adducemus, nemo non intelliget. Non desunt etiam ex Italis, & Batauis doctissimi homines, qui de poësi, & poëtâ disputarunt largiter, sed plerique sine arte, & sine ordine; vt literaturam, aut latinitatem potius sequi; quàm viam, aut methodum, quâ iretur ad poësim, indicare videantur. Huic malô caput esse puto, quod ex iis pars magna à philosophiâ parum instructi erant, ac proinde neque satis idonei, qui in rerum naturam, & *σύνολον* possent inspicere.

II. Cogitanti hæc mihi & diligentius intuenti venit in mentem operæ pretium fore, si ea præcepta, quæ ab Aristotele de Epopœiâ, siue Epico carmine tradita sunt in artem aliquam includerem, & legibus itidem sancirem, ac rem logicam, aut physicam peripatetica schola so-

let constituere. Quâ re vnâ duo mihi videor consequuturus ; alterum , vt peccem minimè , cùm ab eius præceptis , qui vnus omnium optimè nouit , quid sit non ineptire , minimè discedam : alterum , vt iis placere possim , quibus non tam verborum fucus , & inanis cuiusdam πολυμεθείας rumusculus placet , quàm virtus solida , & succi plena est cordi , atque venerationi.

At vereor non mediocriter , ne hic aditus tristior hominibus politulis videatur , qui inter sophistarum delicias nutriti , fastidij sunt delicati , & stomachi languidioris , quàm vt hæc philosophiæ peripateticæ axiomata concoquere , & verborum quorundam tristitiam ferre queant. Adsint tamen animis , & à barbarie illâ , ac sordibus , quibus adeò sunt inimici , sibi malè non timeant. Dabimus operam , vt quod fieri poterit , insolens nihil obrepat , & à Latinis auribus abhorrens. Id ego eos vicissim oratos velim , vt quoniam ipsorum causâ , ea quæ sunt in Philosophiâ duriuscula mollimus dictione ; ipsi quoque veritatis gratiâ nimiam ingenij teneritudinem durent quodammodo , & animi sui aciem , atque robur contendant. Persuasissi-

num enim mihi est, aliâ disputandi ratione, quàm peripateticâ veritatem teneri non posse. Elegantiùs, copiosiùs, maiori verborum apparatu, & sententiarum lumine disputari potest; tutiùs, & certiùs non potest. Troiam ludunt vt plurimùm, qui Platonem sequuntur: in vmbra, & otio magnificè se ostentant, & efferunt; qui Senecam imitantur: pugnant enim uerò qui Aristoteli student. Illi vincere nec sciunt, nec queunt. Hi possunt certè, & obtinent sæpenumero.

III. Docet Aristoteles cùm aliàs sæpe, tum imprimis libro primo *Physicorum* cap. primo sapientum omnium mentes in id congruere: vt is sciens habeatur alicuius rei; cui prima illius principia, tum causæ, & elementa perspecta fuerint. Quamobrem eius, qui Epicuri carminis naturam nosse velit, partes primariæ esse debent: vt illius causas omnes probè cognitæ, atque animo teneat comprehensas. Sunt autem in Epopœiâ; vt in omni re, quæ quidem fit arte, causæ quatuor nemini obscuræ: duæ intrinsecæ, totidem externæ. In intrinsecis sunt Materia, & Forma: in externis Efficiens, & Finis.

Materia Epopœiæ est Actio vna, certæ cuius-

cuiusdam magnitudinis, tota, perfecta, & illustris.

Eiusdem forma est ornata Actionis illius constitutio.

Causa efficiens est Prudentia.

Finis est expulsio vitiorum, & virtutum factio quædam cum voluptate coniuncta.

Ex his quatuor causis tanquam ex quatuor partibus assurgit hæc disputatio; cui ne quid desit, appendicem de metaphysicâ Epopœiæ definitione attexemus.





# DISSERTATIONIS


## PARS PRIMA.

HAC parte primâ explicatur Materia Epœiæ, quæ comprehenditur octo quæstionibus.

---

### QVÆSTIO PRIMA.

- I. *Mens Aristotelis de obiecto cuiusvis disciplinæ aperitur.* II. *Quæ sit in obiecto eiusmodi Materia.* III. *Quæ sit in eodem obiecto Forma.* IV. *Vnde hæ voces petita sint.*

I.  VM hæc quæstio ex mediâ Philosophiâ petita sit, iis certè qui philosophicè nesciunt, stomacho esse non poterit; quamobrem si tutò, & re incolumi meâ licitum fuisset, consilium fuerat eam prætermittere : Sed quoniam id integrum non est, potius esse duxi, paucis ea comprehendere, quæ in Philosophiâ pluribus disputantur.

ita enim futurum est maximè , id, cui nunc studeo: Nam & certæ fient, quæ subinde istis initiis nitentur quæstiones; & ipsâ breuitate medebor eorum fastidio , qui philosophicis minùs delectantur.

Cuilibet disciplinæ subiecta materia , siue obiectum quatuor laudibus ex Aristotelis decreto efflorescit. Prima est ἐνότης siue unitas generica. Altera , vt unitatem conciliet ei disciplinæ , cuius obiectum esse dicitur. Tertia , vt eandem disciplinam ab omni aliâ secernat, atque segreget. Quarta, vt ea omnia de quibus illa scientia quærit, & disputat , eidem obiecto accepta quodammodo referantur.

Primæ est assertor, & vindex Philosophus V I. Metaphysicæ cap. I. his verbis : Πᾶσαι γὰρ αὐταὶ αἰεὶ ἐν π, καὶ ἕως ἀπαρχαίανται αἰεὶ πούτου ἀρχματῶνται. Id est, *omnes (disciplinæ) uno quopiam genere circumscriptæ in illo suam nauant operam.*

Alterius proprietatis est auctor idem lib. I V. Metaph. cap. II. in hæc verba. Καθ' ὅσον οὐδ' καὶ τῶν ὑγιάνων ἀπολύτων μία ἐπιστήμη ἐστίν, ὁμοίως τῷ π, καὶ ἐπὶ τῶν ἀλλῶν. Id est, *vt de iis, quæ sana sunt, una est scientia; ita de aliis sentiendum est.* Vbiloci

disputat, sitne Ens genus; eò sanè , scientiæ vnus vti esse demonstret de illo differere.

Tertiæ proprietatis meminit VI. Metaphysicæ cap. I. Η μὲν γὰρ φυσικὴ περὶ ἀκίνητα μὲν, ἀλλ' ἐκ ἀκίνητα τῆς δὲ Μαθηματικῆς ἐνα περὶ ἀκίνητα μὲν, οὐ κίνητα δὲ ἴσως, ἀλλ' ὡς ἐν ὕλη. ἡ δὲ τέταρτη καὶ περὶ κίνητα καὶ ἀκίνητα. Id est, *Physica in iis occupatur rebus, quæ à materiâ segregari nequeunt, quæque moueri possunt; Mathematica pars quædam in iis, quæ motus quidem, sed non fortassis materia expertes sunt. Prima verò Philosophia, (quæ nobis Metaphysica dicitur) & in separatis à materiâ, & omni motu casis.* Huc si quis animum aduertere velit, facillè intelliget scientiam quamlibet ab aliâ secerni per obiectum. Quamobrem à sequioris minúsque Latinæ ætatis auctoribus, *scientia dicuntur secari, ut res.*

Quartam laudem defendit, & vindicat Philosophus IV. Metaph. cap. II. vbi disputat quæ negationes sint potestatis Metaphysicæ. quia (inquit) communione quâdam entis gaudent. Nam dicimus negationes *Εἶναι* non ens.

Hæc sunt Aristotelis placita de obiecto cuiusvis disciplinæ; quibus lux accedet ab exem-



plis. Physicæ obiectum ex eodem Philosopho VI. Metaphysicæ cap. I. est ens φυσικόν quatenus moueri potest. At illud est vnum genere, quæ prima fuit obiecti laus; nam & corpora simplicia, vt elementa; & corpora mixta, vt plantæ & animantes corpore naturali tanquam genere comprehenduntur. Vtrum verò illud sit genus σωόνιμος an ὁμώνιμος. Id est. Vtrum pari potestate ad inferiora descendat, an dispari; nostrâ quidem nihil interest.

Deinde Physica vnitatem ducit ab illo ente naturali. Quæ enim est demonstratio de ente naturali, est eadem Physicæ ditionis; & si quæ demonstratio non est de ente naturali, est eadem extra Physicam potestatem. Tertiò per ens naturale Physica secernitur ab omni aliâ disciplinâ. Nulla est enim alia, quæ entis naturalis, quatenus naturale est, satagat. Demum omnia, de quibus Physica disputat, tribuuntur enti naturali, quâ naturale est, vt iam monuimus.

II. AT in illo obiecto (quæ cautio est diligens) quippiam est, quod ὕλη Græci, nos materiam dicimus, aliud verò quod εἶδος ab illis, à nobis Forma appellatur. Materia in obiecto scientiæ cuiusvis est id, de quo scientia quæ-

dam disputat, sed non sola. Velut in obiecto Physico, quod ex Aristotele monuimus esse corpus naturale, ut patiens est motus; materia esto corpus naturale. id enim vni Physicæ non est additum, siquidem etiam ars medendi de corpore naturali differit.

III. FORMA verò in obiecto est id, quod vni scientiæ sic affixum est, ut ad alteram adduci nequeat; verbi gratia in obiecto Physicæ, & ut naturale, forma erit. nam ad vnam Physicam id restringitur. Non enim ars medendi corporis naturalis, ut naturalis, rationem habet; sed ut medicinæ, & sanationis patiens est.

IV. ALTERI nomen materiæ; alteri, formæ appellatio quæ sita est à re physicâ per translationem. Nam ut ea pars compositi physici, quæ pluribus formis sui copiam facit, materia vocitatur; quæ verò pars materiam illam vagam, & incertam ad vnum certum compositum adigit, formæ nomen habet: Ita in obiectis disciplinarum, quæ pars ad plures artes attinere potest, materia dicitur; quæ verò vni certæ illigatur, & addicitur, formæ appellationem sortita est.

## QVÆSTIO ALTERA.

Statuitur obiectum Epicæ Artis.

*Ostenditur ex Aristotele obiectum Epicæ artis esse Actionem unam, totam, illustrem, certæ magnitudinis, quæ narratione dramaticâ, & versu hexametro exornari debeat, ad viros principes cum admiratione, & delectatione ad primarias virtutes excitandos.*

**E**X illo Aristotelis edicto, quod à nobis Equæstione primâ explicatum est, id conficitur, vt Epicæ (appello autem Epicam, illam Poëticæ partem, quæ Epopœiam conficit) obiectum sit actio vna, tota, perfecta, illustris, & certæ cuiusdam magnitudinis, quæ narratione dramaticâ, & versu hexametro exornari debeat, ad viros principes cum admiratione, & voluptate ad primarias virtutes excitandos.

Singulæ partes subinde accurabuntur diligenter, nunc temporis nobis satis erit auctoritate Philosophi illas confirmare.

Apud Aristotelem libro de Poëticâ cap. XXIII. id vnum conatur Epicæ, vt actionem,

qualem hîc descripsimus, imitetur, & exhibeat. Pronunciat siquidem illo cap. eam versari *ἡ δὲ μῆκος περὶ ἔξιν, ὅλῳ, καὶ τελείῳ, ἔχουσιν ὅλῳ καὶ μέσῳ, καὶ τέλος*. Id est, *circa actionem unam, totam, integram, initio, medio, atque fine constantem*. Ex iis dotibus, quibus instruximus actionem, vna hîc desideratur, quod sit illustris. At illam sufficit cap. v. *Ἡ μὲν οὖν ἐποποιία τῇ τραγωδίᾳ μέγῃ μόνου μέτρου μὲν λόγου μίμησις ἐστὶ ἀποιδάμων ἡχολούησι*.

De narratione dramaticâ admonet, cùm sancit fabulam etiam Epopœiæ debere esse dramaticam. cap. XXII. *Δεῖ τοὶ μῦθους κατὰ τὸ ἐν ταῖς τραγωδίαις σκωπεύειν δραματικούς*. Hîc δ dramaticum auditur. De narratione non reliquit copiam dubitandi, qui Epopœiam eodem cap. XXIII. appellat *διηγηματικῶν*, *narrativam*.

Carmen hexametrum ita asciscit, vt omne aliud genus metri repudiet. *ὃ γὰρ Ἡρωικὸν κασιμέτερον, καὶ ὀγκωδέστατον τῶν μέτρων ἐστίν*. & subinde. *Διὸς ἐοικὸς μακρὰν αὖςασις ἐν ἄλλῃ πεποίηκεν*. Id est, *Versus heroicus statarius est, & dignitate magnus, quare nemo longiorem fabulam (epicam) scripsit alio metro*.

Admirationem in Epopœiâ dominari iubet,

bet, cap. XXIV. *Oportet quidem (inquit) in tragædiis admirationem excitare, multò magis in Epopœiâ; quippe quæ supra plebis opinionem, & rationem assurgat.* Μαλλον ὃ ἐνδέχεται ἐν τῇ ἐποποιίᾳ ὁ ἀνάλωτος.

Delectatio ex admiratione nascitur. eodem capite ὁ ἡραμασόν, ἡδύ.

Principes viros adhortatur Epopœia. Nam vt ipsa est imitatrix actionum illustrium, quod monuimus; ita claros, & illustres viros adhortatur.

Virtutum primarum est conciliatrix, & expultrix vitiorum. Omnis quippe poësis à vitiis deterret, & ad virtutes excitat. atque hic est finis poëseos. Aristoteles in Politicis lib. vltimo, pollicetur se in poëticiis disputaturum de expiatione, quæ fit per musicam, & poëticam. τί ὃ λέγωμεν πλὴν καὶ θαρσύνει, καὶ ἀπλῶς, πάλιν ὃ ἐν τοῖς περὶ ποιητικῆς ἐρωτῶμεν σαφέστερον. Ea verò pars libri de poëticâ tempus non tulit, & excidit. Cùm itaque cuiuslibet poësis officium sit à vitiis expiare; Epopœiæ partes erunt non tantùm à peccato detertere, sed etiam ad primarias virtutes adhortari.

Hæc ab Aristotele petita, in syllogismum placet concludere. Obiectum cuiuslibet disci-

plinæ quatuor proprietatibus florere debet, quas primâ quæstione attulimus. At illud, quod Epicæ à nobis tributum est, iis floret. Nam actio genus est; cuius quidem multiplices sunt species, vt ex iis clarebit, quæ infra dicentur; duæ nunc quidem satis erunt, quas ab Aristot. cap. X. adduco. Εἴσι δ' ἑπὶ μῦθων οἱ μὲν ἀπλοῖ, οἱ δὲ πεπλεγμένοι. Καὶ γὰρ αἱ περὶ ἑξέως, ὧν μιμήσεις οἱ μῦθοί εἰσι, ἑωάρχουσιν ὅθως οὐσαυτοῖαι. Id est, *Fabularum alia sunt simplices, alia implexæ. Etenim actiones, quas fabula imitantur, tales sunt.* Est hæc itaque prima proprietas. En alteram. Ab vnitate actionis vnitas Epicæ pendet ex cap. VIII. vbi eâ de causâ disputat de vnitate Epopœiæ, & Actionis; de illâ nos diligenter suo loco quæremus. Tertia proprietas obiecti est, vt per id quæuis disciplina ab omni aliâ segregetur; & hæc quoque in obiecto nostro locum habet. Neque enim Tragœdia, aut Comoedia, aut poësis alia quæcumque actionem eiusmodi imitatur; quod pluribus sigillatim deinde explicabitur. Quarta proprietas ostenditur quàm facilè. Nihil est enim in totâ Epicâ, quod actioni ornandæ non seruiat.

## QVÆSTIO TERTIA.

## De Materia Epopœiæ.

I. *Statuitur quæ sit Epopœia materia.* II. *Julius Scaliger illustratur: tum & Joannes Vossius.*

I. **P**OSTQUAM integrum Epopœiæ obiectum est actio vna, tota, cum cæteris dotibus, quæ primâ quæstione laudatæ sunt; nunc in controuersia est, quænam sit obiecti illius materia, quæ forma. De formâ quidem constituet pars huius libri altera; Nunc de materiâ sit disputatio. In obiecto cuiuscumque scientiæ id materiæ locum tenet, quod illi scientiæ commune est cum aliis, vt disputatum fuit, erit igitur materia Epopœiæ actio vna, tota, perfecta, illustris, & certæ magnitudinis. Nam in actionem eiusmodi Tragœdia, & Epopœia conueniunt; atque in eâ operam suam ponunt. De Tragœdiâ auctor est scholæ dictator cap. VI. Εἰσι οὖν τραγῳδία μίμησις μεγέθους σπουδαίας ἢ τελέας, &c. Id est, *Tragœdia igitur est imitatio actionis vnius, illustris, perfecta, & quæ magnitudinem habeat.*

De Epopœiâ idem decernit cap. XXIII. ver-  
fari illam *Ἡ μὲν ποιεῖται ὅλῳ , καὶ τελείῳ , ἔχουσα  
ἄρχὴν καὶ μέσον , καὶ τέλος , &c.* Id est , *Circa unam  
actionem , totam , & perfectam , & habentem  
initium , medium , & finem.* Est itaque actio  
communis Epopœiæ , & tragœdiæ ; Ea igitur  
est materia. Hæc ratio ex iis est, quas *διότι* phi-  
losophia passim appellat.

Esto igitur materia Epopœiæ Actio vna ,  
tota, illustris, &c.

Cùm verò in poëmate epico multiplices,  
variæque actiones sint ; non illæ omnes sunt  
poëmati subiecta materia; sed vna aliqua actio  
primaria , à quâ reliquæ veluti secundariæ  
sint aptæ, atque connexæ. Huius actionis pri-  
mariæ laudes quæstionibus IV. V. VI. VII. VIII.  
explicabuntur accuratè. Nunc satis erit e-  
xemplo illam ostendere. In odysseam prima-  
ria actio est reditus Vlyssis in patriam; bellum  
verò cum Ciconibus , antrum Polyphemi,  
Scyllæ & Charybdis præternavigatio, descen-  
sus ad inferos sunt actiones secundariæ.

Intercedit enimvero hîc pro imperio vir  
existimationis maximæ Iulius Scaliger. In  
materiam poëseos omnis, & idcirco Epopœiæ  
dat nobis literulas , syllabas , dictiones , pe-



des, versus, rhythmos, & totum illud grammaticæ instrumentum : atque adeò librum alterum , quem inscripsit hylen id est materiam, iambis, choreis, anapæstis, & dactylis infercit. Id certè, quidquid est peccati , optassem silentio premere. Esse enim in auctoribus, quæ laudem, gaudeo ; & si quæ sunt, quæ reprehendi necesse sit, doleo non modocriter. Hæc tamen culpa est eiusmodi , vt sine summâ rei poëticæ iniuriâ & naufragio foedissimo dissimulari nequeat : tum illius est hominis, qui censuram in poëtas omnes inuasit, qui ingratis, & iniuriâ primarum artium principes leui de causâ, immo de nullâ sæpe criminatur, qui auctoritate suâ, rerum istarum minùs callidos in errorem possit trahere, atque conicere.

Et ne longè abeam, in re ipsâ, de qua orta est disputatio, cùm monuisset vulgò iactari à Græcis, & Latinis, rem quæ scribitur, poëmatis appellari materiam; addidit: Cæterùm à veritate longè aberrant. Qui? Græci, & Latini. Et ne quem haberet eximium, ne præceptoribus quidem suis parcitum voluit : *Idcirco*, inquit, lib. II. cap. I. *non rectè materiam dedisse nobis aiebant præceptores propositis*



*rebus , quæ nobis essent poemate describenda.*  
 Quî tandem fidem faciet Græcos, ac Latinos omnes cæcutire ? Colligamus vim argumentationis eius. Ea est. In statuâ aureâ, aurum est materia, igitur poëseos materia erunt literæ, syllabæ, dictiones, pedes. Nam vt in aurum inducitur figura, putà Cæsaris; ita in literas, syllabas, dictiones inducitur poësis. En cur peccent Græci, Latini, omnes omnium ætatum doctores. Verùm qui pressius amat congregi Peripatericus; hæc negabit cohære-  
 re, & defendet hæc inter duo, nimiùm interesse. nam auro vt materiæ inducitur figura; literis verò, & syllabis non inducitur forma Epopœiæ, aut tragœdiæ. Est enim forma poë-  
 matis *συνθεσις τῆς περὶ τὰς λέξεις* ex sententiâ Philo-  
 sophi cap. VI. & VIII. Ordo scilicet quidam, & dispositio rerum; Hic inquam rerum ordo, hæc Episodiorum, Euentuum (quos *Περίπτεσας* appellant Græci) & agnitionum dispositio in Actionem inducitur; vt iam dictum est, & explicabitur magis quæstionibus consequentibus; in literulas autem, & apices minimè erit igitur Actio materia poëmatis, non verò literæ & syllabæ.

At ex literis syllabæ, ex syllabis verba, &

nomina; tum pedes ac versus, & tota denique poësis existit? Pulchrè id sanè quidem, ex iis tanquam partibus, quas integrantes appellat schola; non autem tanquam ex partibus *καὶ διὰ μιν, καὶ ἐντελέχεια*, de quibus lis excitata est. Ut enim nemo articulum, digitum, manum, brachium, humerum in materiam hominis acceperit, sed in partes illas integrantes; ita de syllabis, nominibus, atque pedibus in re poëticâ constitui decet, cùm ipsa sint partes Dictionis, de quâ alterâ huius dissertationis parte disputabitur.

Atque hæc, de materiâ Epopœiæ & poëseos perturbata constitutio scriptis tanti viri non parum officit? Nihil ille de actione, de unitate, de magnitudine, de cæteris illius virtutibus, hoc est de nobili, & *οὐσιώδῃ* atque substantiali, si fas est ita loqui; Epopœiæ parte fanciuit, neque lectorem suum ad contemplationem naturæ Epicæ adducit.

Sit itaque id ratum, & fixum, actionem qualem quæstione priori descripsimus, esse materiam Epopœiæ. Quamobrem nullo negotio intelligitur effatum illud Aristotelicum cap. VI. *αἰὲν μὲν παράξιος εἶναι αὖ ἥματα τραγῳδία*. Sine actione non esset Tragoedia, aut Epo-

poëia. Nullum enim compositum sine materiâ esse potest.

III. IOANNES VOSSIVS homo ingenij eruditi & mitis, eò fuit perspicacior Scalligero, quod Aristoteli se applicuit, quàm potuit, constantissimè. non tamen Philosophi mentem satis vidit. Dat ille nobis in materiam Epopœiæ res graues, ac personas. In hæc verba loquitur libro tertio Institut. poët. capite primo: *Materia (Epopœiæ) continet tum personas tum res. personæ potissimum sunt grandes, & illustres, ut heroës, Reges, Duces; quandoque etiam Dii quorum consilia admiscet. Res item sunt graues quales bellicæ. Interim nec aspernatur personas tenuiores, &c.* Minus, inquam, peccati hîc est, est tamen aliquid. Nam Aristoteles sanctè cauet, & docet disertissimè tragoëdiam, & Epopœiam non esse imitationes personarum, sed actionum; quâ de re paulò pòst quæretur. Hâc ratione nunc pugno, quæ profligari nequit. Materia Epopœiæ est id, cui forma Epopœiæ inducitur: Atqui Epopœiæ forma, quæ est constitutio, & ornatus aliquis per Episodia, Agnitiones, Peripetias, Nexus, Solutiones, & similia, non inducitur in personas, Reges,

ges, Heroës, Deos, neque in res quaslibet; sed duntaxat in actionem vnam, totam, illustrem, &c. Actio igitur vna, tota, illustris est materia Epopœiæ; non autem personæ, aut res aliæ ab actione distinctæ. Neque illi fauent Horatius, & Domitius Marsus. ab utroque enim oppugnatur. Horatij testimonium est in hæc verba:

*Res gesta Regumque, ducumque, & tristia  
bella,*

*Quo scribi possent numero monstravit Ho-  
merus.*

Marsi verò auctoritas his versibus continetur:

*Te quoque Virgilium comitem non equa  
Tibullo*

*Mors iuuenem campos misit ad Elysios:*

*Ne foret, aut elegis molles qui fleret amores,  
Aut caneret forti regia bella pede.*

Audio hîc Horatium, qui dicat res gestas, & bella ab Homero celebrari; Tum Marsum, qui amores, & bella, cani velit, non reges, vel duces. Vellem equidem eius sententiam tueri Virgilij & Homeri factò, quorum ille sic scribit:

*Arma virumque cano.*

Homerus verò à Musâ cani rogat Vlyssēm.

Ἀνδρα μοι ἔννεπε Μοῦσα.

At id parum iuualet. Non enim poëta Epicus præcepta scribit; quare personas pro rebus figuratâ vsurpat oratione. Longè sapientiùs tum Horatius & Marfus laudati, tum Philosophus, qui monet sæpe quidem, atque adeò capite VI. libri de poëtica poësim non esse imitationem personarum, sed actionum. vt sequenti quæstione ostendetur. Obtestor hîc etiam atque etiam lectorem, ne putet me in re minimi pretij disputare odiosius. Nam ex isto peccato, quod leue videri potest; grauis sæpe labes extitit, & vitium fecere, & facient multorum poëmata; vt vincent, quæ futuræ sunt subinde quæstiones.

---

## QVÆSTIO QVARTA.

De Actione quæ est Epopœiæ Materia.

- I. *De potestate huius vocis, Actio. II. Epopœia est imitatio non persona, aut morum, sed actionis. III. Beatitudo hominis in actione, non in habitu, sita est. IV. Georgica Virgilij, & similia opera non sunt Epicum carmen.*

V. *Qui versum tantum ad Epicum poema confert, non est poeta, neque qui fabulam sine versu instruxerit. Non est poema sine metro.*

VI. *Actionis & Fabula discrimen.* VII. *Actionis species dua.* VIII. *Quæ actio esse possit sine peripetiâ. Pacij versio incommoda.* IX.

*Actio complexa quid.* X. *Possitne ficta esse Actio, siue argumentum Epopœia.* XI. *Gravis difficultas: Possitne Actio siue argumentum Epopœia non esse verisimile licet sit verum.* XII. *Ex comparatione Actionis siue argumenti Odyssæ cum Samsonis Actione, ostenditur hanc non esse aptam ad Epopœia argumentum.*

I. **C**VM Epopœiæ subiecta materia sit Actio; quæ sit huius vocis potestas, vestigemus. Ea est sanè multiplex.

Actionis nomine appellant Rhetores officium oratoris illud, quod gestum, motumque corporis totius, & pronunciationem continet. Illam Tullius in Oratore sic definit. *Est, inquit, actio quasi corporis quedam eloquentia; cum constet motu, atque voce.* Ut sit ea non oratorum duntaxat, sed etiam tragædorum, & comicorum; ad Epicum tamen poetam ni-

hil attinet. Quare illi hîc non erit locus. Actio deinde à parum cautis, & Peripateticæ Philosophiæ minùs prudentibus, accipitur in eam partem; vt sit effectio quæcumque paulò dignior. Næ & hi errant splendide. Aliud quippe est Aristoteli *πραξις*, aliud *ποίησις*: Neque idem *ποιητὸν* cum *πρακτῶ*, aut *ποιητικὸν* cum *πρακτικῶ*. Nam ex VI. Eth. cap. IV. Ars est *ἐξίς μὲν τῷ λόγῳ ποιητική*. Id est, habitus cum ratione effectiuus. At prudentiam idem cap. V. eiusdem libri definit *ἐξίς ἂν ἀληθῆ μὲν λόγῳ πρακτικῶ*. Habitum cum ratione actiuum. *Πραξις* itaque siue actio ad prudentiam, & mores; *Ποίσις* ad artem pertinet.

Cùm igitur Philosophus asseruit materiam Epopœiæ esse *Πραξιν*, loquutus est propriè, & *κρείως*. Nempe voluit esse actionem moratam. Quid porro poësim moribus imbuat; aut quî tandem Epopœia, vel poësis esse possit absque moribus; indicabit pars huius disputationis altera.

II. NVNC verò id venit in controuersiam; cur Philosophus Epopœiam, & Tragœdiam velit esse imitationes actionum non morum. *ὁκοῦν*, inquit, ὅπως ἦν μίμνησεν *πραξίῳ*· ἀλλὰ τὴν *πρὸς λαμβάνουσι* ἀφ' αὐτῆς *πραξις*. Id est, Non ita-



que agunt, Poëtæ, ut imitentur mores, sed mores complectuntur propter actiones, lib. de Poëticâ cap. VI. Et in definitione cùm tragœdiæ cap. VI. tum Epopœiæ cap. XXIII. constanter ait eas esse imitationes non morum sed actionum, immo ne hominum quidem. Η γὰρ τραγωδία μίμησις ἐστὶν οὐκ ἀνθρώπων ἀλλὰ πράξεων.

III. RATIONEM quidem affert hîc Philosophus, sed concisè pro more, quæ paulò latius sic fundi potest. Poësis omnis, siue imitatio est felicitatis gratiâ. At felicitas neque in hominis οὐσία fita est, cùm non omnis homo sit beatus, esset autem. Neque etiam in moribus posita est. nam mores isti sunt habitus. In habitu autem non est felicitas. εἰπομεν δ' ὅτι οὐκ ἐστὶν ἔξις. Καὶ γὰρ τὰ καθύδουσι ἀφ' βίου ὑπαρχει αὐ. Cap. VI. lib. X. de moribus. Id est, *Decernimus beatitudinem non esse habitum. Nam si ita esset, is beatus haberi posset, qui statem suam integram dormiret, aut etiam similis esset, τῷ φυτῷ βίον ζῶντι, ei qui planta vitam viveret. Quæ si stare nequeunt, erit beatitudo in actione. Εἰ δὲ ταῦτα μὴ ἔρρεσκ, ἀλλὰ μάλλον εἰς ἐτέρας τινας τεύχων καθάπερ οἱ τοῖς ποθέουσιν εἴρηται.* Idem testatur sæpe, neque obscurè, & disertis quidem verbis lib. VII. de repub. ὅ ὃ μάλλον ἐπαίνεῖν ὁ ἀποδείξῃν οὐκ ἀληθές. Η γὰρ

διδασμονία περὶ τῆς. Non ij, inquit, potiori loco  
 habendi sunt, qui à republicâ abstinent, iis qui  
 magistratus in eâ gerunt. Felicitas quippe est  
 actio. Quamobrem poësis omnis actionem  
 potiùs imitatur, quàm mores; cùm actio ho-  
 minem beet, non mores, aut habitus. Atque  
 hanc esse Philosophi mentem contextus ca-  
 pitis sexti de Poëtica ostendit. Εἰσι δ' ἔτι μὲν τὰ ἡθῆ  
 ποιοί πινες· ἔτι δ' ὁ περὶ τῆς διδασμονίας. Εἰκομὲν ὅπως τὰ ἡθῆ  
 μιμήσονται, περὶ τοῖσιν, ἀλλὰ τὰ ἡθῆ περὶ σλαμβάτοις διὰ  
 τὰ περὶ τῆς. Id est, *Homines certo quodam modo*  
*affecti, & quales dicuntur à moribus, sed beati*  
*ab actionibus, quare non imitantur mores, qui*  
*agunt, sed mores complectuntur propter actio-*  
*nes.* Accedit & ratio altera ab eodem Aristo-  
 tele. Mores ( inquit ) sunt propter actiones,  
 nam mores sunt habitus; habitus verò sunt  
 actionis causâ. Actio itaque melior moribus.  
 Nam inquit ὁ τέλος μέγιστον ἀπορῶτων. Imitatio au-  
 tem est eius, quod est optimum; igitur &  
 actionis. Robortellus falsus est animi, dum  
 pagina LVIII. hac de re sic disputat: *Notan-*  
*dum verò, ut etiam antè diximus, imitationem*  
*duplici modo considerari, aut quatenus scenica*  
*est, & ab histrionibus agitur, aut quatenus à*  
*poëtâ sit scribente; si quatenus à scribente poëtâ*

intelligas, dicamus *primarium in tragœdiâ finem esse imitari habitum animi, & mores hominum per orationem scriptam, ex quâ descriptione homines cerni possint, an felices; an verò infelices sint.* Hæc ille. in quibus multa sunt quæ probari nequeunt; sed neque vacuus sum, ut singula persequar; neque si sim, satis velim. Nam & poëta etiam tragicus, & non histrio tantum, actiones imitatur. Fabula enim etiam tragœdiæ est actionis imitatio. ἔστι δὲ (inquit) τῆς αὐτῆς πράξεως ὁ μῦθος. At fabula, non est actoris, sed poëtæ; cum sit, ut eodem cap. VI. loquitur Philosophus, σκῆψις τῆς πράξεως. Id manifestum est ex Epopœiâ quæ certè scenica non est, & amen imitatur actionem. Occupatur enim, et imitetur μίαν πρᾶξιν ὑπὸ τελείῳ ex capite XXIII. et docuimus suprà. Deinde neque id rectè docet, homines esse felices, aut infelices ex moribus, secus, ac Philosophus constituerat. Quamobrem cum congruant inter se & Philosophi, & Theologi, beatitudinem in visione ut amore Dei positam esse, quæ sunt actiones, non habitus, aut mores: Epopœia verò, ut quartâ parte differemus, sit eadem disciplina tum politicâ, cuius finis est beatitudo civium & lib. Polit. Aristotelis; conficitur Epopœiam

non morum, aut habituum animi; sed actionum esse imitationem.

IV. HIC quæstionibus aliquot locus est, prima quidem in hæc verba concipitur. Sitne in poëtis Epicis numerandus, qui versum quidem dederit, sed illo versu neque Actionem celebrarit, neque constituerit, aut ornauerit fabulam. Negat Peripatetica schola. Neque verò id vincere difficile est. Est enim Epopœia, siue Epicum carmen imitatio actionis vnus, perfectæ, illustris &c. vt cōstitutum est. Quæ fiet igitur, vt epicum carmen sit aliquando, in quo actio desideretur? Ad hæc ex Aristotele fabula est  $\alpha\chi\chi\iota$  καὶ  $\psi\chi\chi\iota$  caput & anima poëmatis, quod ostendimus quæstione primâ partis secundæ huius dissertationis; at fabula est compositio, & ornatus quidam actionis, vt ibidem planum fiet. Non erit igitur poëma epicum sine fabulâ, neque fabula sine actione. Quamobrem ratum atque fixum sit, Epicum poëma nullum esse sine actione. Non igitur Georgica Virgilij; non Hesiodi  $\text{Ἡμέραι καὶ ἔργα}$ ; non aliorum  $\text{Γεωπονικά}$ ,  $\text{Αλιευτικά}$ , & cætera quæ sunt eiusmodi plurima, erunt in Epicis poëmatibus.

V. DIIV DICATA istâ lite instituitur alia,  
ab.

ab iis qui nomen Epici poëtæ sibi non arrogant quidem; poëtæ tamen dici volunt, licet Actionem non componant, atque locupletent. Duriter enim haberi, & minùs honestè queruntur à quibusdam, qui non modò illos primo gradu mouent; sed ne in poëtis quidem consistere patiuntur. Atenim in eo nihil ego disputo, cui vel abundè sit, in Epicis illos minimè cenferi. Litigent illi cum Luifino in artem Horatij, cum Achille Statio, cum Isidoro, cum Seruio, cum Platone, cum Aristotele, atque aliis in re poëtica principibus. Adest Luifinus qui pagina 4. sic loquatur. *Poëtæ sibi nomen asciscunt, non propter carmen; sed propter fabulam, & fictionem.* Atque iterum, ne parum constantem se præbeat, pagina 34. *Poëta enim est non propter metrum, sed propter fabulam.* Adest Statius, qui testimonium in hæc verba dicat. pagina 7. *Sunt enim quatenus fingunt, non autem quod versus faciant, poëtæ. Id ita esse grauißimus auctor Aristoteles in eo libro, quem de poëtica reliquit, dilucidè docuit.* Adest Robortellus, qui sub initium Comment. in poëticam Arist. inquit. *Vnde patet vulgi error, quia eos appellat poëtæ qui metris scribunt aliquid  $\iota\alpha\tau\epsilon\upsilon\omicron\nu$ , aut  $\mu\omicron\upsilon\sigma\iota\alpha\omicron\nu$ , aut  $\iota\sigma\omicron\epsilon\upsilon\omicron\nu$ ,*

*simplici utentes narratione, & explicatione rerum. Nam ij poëta non sunt appellandi, quia non imitantur. idem probat Aristoteles alio exemplo. Homerus imitatur, ergo Poeta. Empedocles non imitatur, quamvis versu scripserit res physicas, ergo non est poëta. Næ hîc ego nimius sim, si omnibus auctoribus, qui ab istâ sententiâ faciunt, locum dare velim: sine præuaricatione tamen præteriri non possunt tres Philosophi, non modò scientissimi rerum istarum, sed etiam omnium quotquot extiterunt facilè principes. Plato quippe in Phædone ita pronunciat. Ποιητὴς δὲ εἴ τις μέλλοι ποιητὴς εἶναι, ποιῆν μύθους, ἀλλ' οὐ λόγους. Necesse est poëtam, si tamen poëta vult esse, fingere fabulas, non verò verba tantum. Suffragatur Plutarchus lib. de audiendis poëtis, qui multis id disputat; aitque se poësim non cognoscere, quæ fabulâ careat. οὐκ ἴσμεν δὲ ἄμυστον, ὅσῳ ἀψευδῆ ποιοῖσιν. Aristotelem mox audiemus. Accipit etiam hæc sententia auctoritatem à nominis notatione. nam ποιῆν, vnde ποιητὴς, fingere significat. quare Tranquillo de poëtis nemo assentitur, qui ποιητὴς ἀπὸ τῆς ποιότητος deriuat. Hanc litem qui sequi velit, habet quibus diem dicat, & quos vadetur.*

Nonnihil etiam superest ratiunculae cum infimis eorum, qui poetae videri possunt. In veteribus exemplum facio. Titi Liuij historiam versu expressit Rufus Auienus auctore Seruio. Num Rufus poeta censebitur? Vidi ego, qui Achillis Statij *Ερωπικὰ* pedibus metricis instruere studeret, à quo studio deinde victus ratione abstinuit. Num inter poetas isti numerarentur? De sententiâ Philosophi non modò poetae non sunt, sed etiam sunt infra eos, qui nequidquam poetae videri ambibant. Aristoteles cap. IX. lib. de Poëticâ, Herodoti historiam versu illigatam negat esse poema, asseritque esse historiam, non igitur Herodotus fuerit poeta, licet suam illam historiam strictâ oratione comprehendisset. verba Philosophi sunt. *ὁ γὰρ ἱστορικὸς, καὶ ὁ ποιητὴς οὐ τὰς ἡμετέρας λέγει, ἢ ἄμετρα, ἀλλὰ φέρεται· εἴη δὲ τὰ Ἡεροδοτοῦ εἰς μέτρα πηγαῖα, καὶ οὐδὲν ἦτον δὲ εἴη ἱστορία πρὸς μέτρον, ἢ ἀνὰ μέτρων.* Non esset Herodotus poeta, etsi versu scripsisset historiam, qui tamen à se & res, & versus dedisset; quantò minùs poeta dicendus est, qui non composuerit actionem, quam describit; sed ab alio compositam versu illigarit.

Ad Auienum, & Liuium redeat oratio. Vter

historicus est dicendus? Si quid est in me iudicij, certè Liuius, non Auienus. ille enim opus illud digessit, composuit, ornauit; non Auienus. Quorsum, inquires, hæc interrogatio? eò scilicet, vt, si Auienus non sit historicus, qui historiam ab alio digestam pedibus instruxerit; is poëta non habeatur, qui fabulam ab aliquo auctore compositam versu ornauerit. Fac *Ερωτις* Achillis Statij esse fabulam epicam, in quo iam nihil disputo; aliquem verò opus illud versibus instruere. num iste postremus epicus poëta erit, an Achilles? At minùs prudenter fictitia, & commentitia exempla produco, cui vera suppetunt, nec longè petita. Iliadem Homeri Latino versu nobis dedit Helius Eobanus Hessius. Cùm Ilias vnũ sit poëma, cuium erit, Homeri, an Helij? Certè si quid est auctoritatis in Aristotele, Homerus & Achilles poëtæ dicendi sunt; non Eobanus, aut iste *αἰώνιος*, cùm Achilles, & Homerus fabulam digesserint. At quâ laude efferendi sunt Auienus & Eobanus? Morosi sanè videntur, qui illos non tantũ non laudant, sed etiam vituperant. Tardi, inquiunt, est ingenij, & infirmi marte suo nihil excogitare posse, aut pueri adhuc rudis qui ne quâ aberret,



doctoris voce, & nutu regatur. Tum, addunt, ab illis vñis in rem literariam peccari videtur. Nam qui Odas, qui Elegos qui Dithyrambos, qui Comoedias, qui Tragœdias, & carmen Epicum dant in lucem, claros viros laudant, obiurgant sceleratos, informant mores, rerum naturam, vires, & dotes explicant, aut aliquid quod sit in rempublicam moliuntur: at isti homines de se nihil adducunt præter verba & tropos, quibus mens auctorum vt plurimum corrumpitur. Cùm enim difficile sit in mentem auctorum venire, tum versu illam explicare, non tam difficile est, quàm ἀδύνατον. Hæc, inquam, oratio fortasse durior est. Cur enim tribuitur tarditati, & stupori, quod elegantix poterat concedi.

Nunc verò quo nomine Auienum compellabimus. Historicum? minimè. Nam Liuius historici nomine gaudere debet, qui res gestas composuit, & in lucem protulit. Poëtam? neq; id placet, cùm metra tantum attulerit. Παρεργαστήν? non licet. Παρεργαστής quippe est, qui angustam alicuius orationem laxat quodammodo, & copiosè explicat. Μεταφραστήν? verat ratio. est enim μεταφραστής, qui alio idiomate, quàm quo scripta est, lucubrationem

ediderit. Oratorem? neque ipse velit, neque æquum est. quo tandem nomine appellabimur, si neque poëta, neque historicus, neque paraphrastes, neque metaphrastes, neque orator? Esto μέτροποιος, hoc est versificator.

Sine actione Epopœiam esse non posse utcumque pro nostrâ tenuitate diiudicatum est. Nunc verò, possitne ea esse ἀμετρος, esto controuersia. Robortellus, & Victorius viri doctissimi ab Aristotele iubent Epopœiam esse posse, quæ solutâ oratione scripta sit. Aristoteles cap. I. Poët. illorum animum dubium fecit, qui docet partes omnes, seu species poësis opus suum imitatione conari. Aliæ inquit harmoniâ, & rhythmō, imitantur, vt αὐλητικὴ & κιθαραισική: aliæ rhythmō dumtaxat, vt quæ saltationi moderatur: Epopœia solūm oratione tenui, siue metro. Ἡ δὲ Ἐποποιία μόνον τοῖς λόγοις ψαλοῖς, ἢ μέτροις. Ex quibus illi confici putant Epopœiam liberâ oratione scribi posse, cū ψαλοῖς λόγοις, tum hoc loco, tum tertio Rhet. ab Aristotele μέτροις opponantur. Ad hæc Epopœiæ nomine comprehenduntur à Philosopho ibidem Sophronis, & Xenarchi Mimi, nec non & Socratici sermones, qui numeris expediti sunt, & soluti. De Sophronis Mimis

auctor est luculentus Suidas : de Socraticis sermonibus Aristoteles, vt loco laudato rectè ostendit Robortellus. Deinde ex Philosopho is potiùs in poëtis censendus est, qui ornauerit fabulam, quàm qui versus sine fabulâ fecerit. Hæc sunt fundamenta huius sententiæ, quæ suffodi, & euerti facilè queunt. Atenim Epopœia vna est quidem nomine; vi tamen, & potestate multiplex. Significationis est aliquando latioris quodammodo, & comprehendit generatim, quidquid oratione fingitur, veluti dialogos omnes, & insigniter Socraticos siue à Platone, siue ab Alaxamene editos; in quam partem, & potestatem hoc locò accepit Philosophus. Aliàs verò Epopœia accuratiùs, & speciatim magis significat carmen epicum, vt mox planum faciemus. Epopœia itaque illa vniuersè accepta, numeris soluta esse potest, & Mimos Sophronis, & dialogos omnes complectitur: hæc autem non potest. Ex eo verò, quòd fabulæ instructor potiùs poëta sit censendus, quàm μέγιστος, non fit, vt sit poëta, siquidem ne hic quidem in poëtis locum habet.

Pace itaque Robortelli censeo epicum poëma, siue Epopœiam *μεγίστην* acceptam non esse,

quæ non sit eadem versu instructa. Aristoteles cap. XXIV. ab Epopœiâ omne aliud genus versuum habet segregatum præter hexametrum, & huius quidem causâ, quòd solùm hexametrum, tantæ dignitati ferendæ suppare esse possit. Nam inquit διαμετρικὸν καὶ τετραμέτρων κινητικὰ, τὸ μὲν ὀρχηστικόν, τὸ δὲ τραγικόν. Siquidem iambicum & tetrametrum mobilia sunt & leuiora; hoc quidem saltationi, illud verò rebus agendis idoneum. Ecquidnam causæ erit, cur in familiari sermone satis sit dignitatis, & roboris; non sit verò in iambo, & tetrametro? Metrorum omnium σαμωτέρον καὶ ὀγκωδέστατον statarium maximè, & maximè tumidum ( grande malim ego dicere, quia tumor nostrâ hâc ætate calumniam patitur ) Epopœiæ quæritur ab Aristotele, & erit, qui putet ὁμιλίαν sermonem satis esse posse? Quî potuit Philosophus diligentius, & sanctè magis constituere non posse Epopœiam sine versu consistere, quàm si metrum in eius definitionem includeret? inclusit verò non semel, & quidem cap. XXIII. quàm disertissimè. Cùm in definitione altera pars dicatur genus, altera differentia, hæc intimior est, & οὐσιώδης magis censetur: differt autem Epopœia à Tragœdiâ, etiam versu.

Δια-

Διαφέρει ὅ κατὰ τε τῆς συστάσεως ὁ μῆκος ἢ ἐποποιία, καὶ ὁ μέ-  
 ῥος. Auctoritate etiam fidem sibi conciliat Phi-  
 losophus, ex eo quod ne vnus quidem om-  
 nium alio metri genere, quàm hexametro E-  
 popœiam scripserit.

VI. ACTIONEM inter, & fabulam id inter-  
 est. Actio est materia Epopœiæ; fabula verò  
 est actionis prima informatio, ac proinde for-  
 ma. ἔστι ὅ τῆς μὲν περὶ ἑξέως ὁ μῦθος μίμησις. Id est, *Est*  
*verò fabula imitatio actionis.* Subnectit deinde,  
 λέγω γὰρ μῦθον τῶτον τι καὶ συνέσειν τῶν περὶ γυμνάτων. Id est,  
*Definitio fabulam esse compositionem rerum.* Si  
 ad fabulam accesserint eius laudes omnes, ac  
 virtutes; tum efflorescit Epopœia omni suo  
 mundo pulcherrima. sit igitur actio, argu-  
 mentum rude, siue materia indigesta Epo-  
 pœiæ. Fabula verò prima eius delineatio siue  
 forma. Mores, dictio, sententia, erunt fabulæ  
 ornatus. Quidquid huius est, à similitudine  
 picturæ, quâ Aristoteles hoc in libro non se-  
 mel vsus est, clarebit. Picturæ materia est So-  
 crates, qui pingi debet; is actionem in Epo-  
 pœiâ repræsentat. Membrorum prima descri-  
 ptio cum aptâ dispositione est forma; atque  
 hæc fabulæ comparatur. Colorum varietas,  
 & temperamentum, quod est ornatus pictu-

ræ , cum fabulæ ornamentis conferêtur. Ea porro similitudo, quæ à picturâ ducitur, nemini non placuit; quâ post Simonidem vsus est Plutarchus lib. quomodo sint audiendi poëtæ. Docet enim ζωγραφίαν μὲν εἶναι φηγομένην τῶν ποίησιν, ποίησιν δὲ σιγῶσθαι τῶν ζωγραφίαν. Accedunt Plauto, Horatius, Cicero, & quotquot deinde scripsere viri docti.

VII. ACTIONIS porro duas esse species auctor est Philosophus capite X. alteram appellat ἀπλῶν simplicem , alteram περιπλεγμένην implexam. Illam his verbis definit eodem capite. Λέγω δὲ ἀπλῶν μὲν περὶ τῶν, ἧς γενόμενης, ὥστερ ὥεσαι, σιωχοῦν, καὶ μὴ αἰδῶ πεπετείας, ἢ ἀναγνωρισμοῦ ἢ μετὰ τοαίς γίνεται. Id est, *Appello simplicem actionem eam, ex quâ unâ, & continuâ existente, ut dictum est, absque peripetiâ, aut agnitione fit transitus.* Implexam verò ibidem describit. Περιπλεγμένην δὲ, εἴς τῃς μὲν ἀναγνωρισμοῦ, ἢ πεπετείας, ἢ ἀμφοῖν ἢ μετὰ τοαίς ἐστίν. Id est, *Implexam verò eam, ex quâ cum agnitione, & peripetiâ, aut utrâque simul fit transitus.*

VIII. AT hîc difficultas est non levis, quâ fieri possit; ut Epopœia, aut Tragoedia, aut Fabula quæcumque esse possit sine peripetiâ; cùm exitus fabulæ sit commutatio fortunæ :

commutatio verò fortunæ videatur esse peripetia. est enim peripetia ex cap. XI. εἰς τὸ ἐναντίον  
 ἢ περὶ αἰσθημένων μεταβολή. Pacius hîc occasionem  
 peccandi multis dedit, qui rem implicuit. In-  
 commodus enim est, qui vocem istam μεταβάσις,  
 quæ est in definitione vtriusque actionis, ver-  
 tat in istam, *mutationem*. Quare ex eius tra-  
 latione conficitur, in actione simplici esse mu-  
 tationem, siquidem est μεταβάσις. Erit igitur in  
 actione simplici peripetia, secùs ac docuerat  
 Philosophus. Hinc tenebræ, & labes, quæ sic  
 detergentur. Aliud est apud Aristotelem hoc  
 in libro μεταβάσις, aliud μεταβολή. Nam μεταβάσις  
 est inclinatio fortunæ in ipso fabulæ transitu:  
 Μεταβολή autem inclinatio fortunæ ante transi-  
 tum. est igitur in omni actione etiam simplici  
 μεταβάσις, siquidem in omni actione ad finem  
 fit transitus, & in illo transitu fortuna muta-  
 tur; non est tamen μεταβολή, quia ante transi-  
 tum non erat mutatio fortunæ. exemplum fa-  
 cio. In Iliade est μεταβάσις non μεταβολή. Nam in  
 totâ Iliade idem est tenor vsque ad finem, &  
 æquabilis personarum dignitas. Quare meri-  
 tò cap. XXIV. de Iliade pronunciauit Aristo-  
 teles. Ἡ μὲν Ἰλιάς ἀπ' αὐτῶν καὶ παθητικόν ἢ ὁ Ὀδυσσεὺς πε-  
 πλεγμένον. *Ilias est simplex quiddam, & patheti-*

*cum: Odyſſea verò implexum.* De peripetiâ verò, & Agnitione, & Fabulâ ſubinde diſputabitur accuratiùs. At hîc meritò quæri poteſt explicatio facilior mutationis & tranſitus. aio itaque tranſitum hîc ab Ariſtot. accipi pro commutatione fortunæ in alterum ſtatum, in quo fortuna ſtet & conſiſtat quodammodo. verbi gratiâ, quia in Odyſſeâ poſt necem procorum, & pacem inter Vlyſſem, & primarios Ithacenſes ſtat fortuna, commutatio talis dici debet tranſitus. At mutatio dicitur de priori commutatione, quæ eſt ante tranſitum. Vt cùm Vlyſſes ſe egenum finxit & emendicauit, eſt mutatio non tranſitus, quia in illo ſtatu manere non debuit.

IX. ACTIO porro implexa eſt ea; quæ per Agnitionem, & Peripetiam, vel vtramque, vel alterutram habet tranſitum; itavt ſit nexus quidam aut neceſſarius, aut veriſimilis, quo vnum ex altero aptum ſit, atque pendeat. atque hîc quoque indiligens fuit Pacius. Ca-uet enim Ariſtoteles cap. X. *Διφθέρεται ποτὲ γινεσθαι τὰδε διὰ τὰδε, ἢ μὴ τὰδε.* *Differt* (inquit) *multum hæc eſſe propter hæc, an poſt hæc.* Vertit Pacius. *Differt multum ſiant hæc per hæc, an ex his.* Nam *μὴ τὰδε* non ſignificat ex his, ſed



post hæc. Non autem id, quod est post aliud, est propterea ex alio, vt Logici docentur in libro de categoriis capite de priori. Castigat verò Aristoteles poëtas illos, qui Peripetias, & Agnitiones, tanquam aliena membra in fabulæ corpus inferunt. Vult itaque partes omnes inter se sic aptas esse, atque commissas; vti necessarium sit, aut saltem verisimile vnum cum altero, vt fert natura, congruere. Ως ἐκ τῆς περιπέτειας καὶ ἀγνοίας συντάσσεται ἡ ἀράτης, ἢ καὶ θεοῦ γίνεσθαι αὐτῶν cap. X. Quod etiam cauet Horatius initio de arte. At de nexu accommodatè magis in alterâ disputationis parte quaeretur.

X. DE veritate actionis, siue argumenti id in quaestionem vocari potest; possitne actio fingi in solidum. Parum peritè vulgus putat materiam omnis poëmatis fictam esse debere; atque adeò inscitè magis, quia fabulam accipit in eam partem, quasi sit vsquequaque commentitium quiddam, quo ineptum nihil est magis. Illud itaque Pelusiotæ lib. 2. Epist. 228. Η Ποιητικὴ ὕλη ἐστὶ τὸ ψεῦδος Id est, *Poëtica materia est mendacium*, qui de puro putoque mendacio interpretatus fuerit, is non cum Philosophis, sed cum imperitâ plebe senset.

rit. Deinde quæ ab istis epithetis , quibus Poëtica dicitur *μιμητική*, *εἰκαστική*, *εἰκονοποιός*, *εἰδωλοποιητική*, petitur ratio , levis est , & diluta. Quia etsi actio vera sit, quam ornat ; tamen nullum à se aspernatur ex istis nominibus. Imitatur enim actionem, quæ verè contigit, sed illam ita ornat, quasi pingat imaginem, & illius similitudinem exprimat. Philosophiæ nos reddamus. Quæstio est. An quæ fabulæ subiecta est actio , debeat esse usquequaque ficta. In comœdiâ censet Aristoteles posse ; & ut plurimum debere : In tragœdiâ minùs libenter concesserit ; finit tamen , & laudat Agathonis poëtæ fabulam , cui nomen *Αἴθος*, in quâ omnia ficta erant. *Εν αἰσῶς ὃ ὁδὸν ἴοιεν ἐκ πατρὸς Ἀγάθωνος Αἴθης. Ομοίως γὰρ ἐκ πούτῳ, πᾶσι τε παρὰ γράμματι, καὶ τὰ ὀνόματα πεποίηται, καὶ ὁδὸν ἥτιον ὠφραίνῃ.* Id est, *In quibusdam (tragœdiis) nihil retinetur, ut in Agathonis flore. nam in hac tragœdiâ pariter, & res, & nomina ficta sunt ; & nihilo tamen minùs placet.* cap. VII. Rationem adducit, cur id minùs liceat in tragœdiâ, quàm in comœdiâ ; quia res & personæ in comœdiâ obscuriores sunt, neque admodum sese parietibus domesticis efferunt. Quamobrem verisimiliùs ignorantur ; neque tamen carent proba-

bilitate, si peritè fabula fingatur. At cùm in tragoediâ personæ, & actiones sint illustres; probabiliter ignorari nequeunt. In Epico carmine me auctore nemo id audebit; cùm nullius ex antiquis exemplo se tutari queat.

XI. ID verò longè grauissimum. Quid? si actio vera quidem sit, sed non verisimilis. nihil diligentius, nihil accuratius monet Philosophus; quàm vt verisimili studeatur. Neutiquam (inquit cap. IX.) est in officio poëtæ; vt ea, quæ facta sunt, canat; neque ea, quæ fieri, aut etiam quæ fieri possunt, nisi cum verisimili congruant. Tum ab historico distinguit poëtam non metro tantùm, aut numeris, ἀλλὰ τὰς τὸν μέτρον τὰ ἡρόδια λέγειν τὸν δ' οἷα αὐτὸν οἶτο. *Sed propterea quod historicus ea narret, quæ facta sunt; poëta verò qualia fieri potuerunt* καὶ δ' εἰχός, vt qui verisimili studeat. Tum poësim historię prætulit, aitque esse φιλοσοφώτερον καὶ ἀποδοχότερον τι *sapientius atque melius aliquid*, quia historia hominis singularis veluti Alcibiadis facta prosequitur: poësis verò ea, quæ ab homine quopiam vniuersè καὶ καθόλου non facta, sed quæ secundùm verisimilitudinem potuere fieri. Constitui itaque primò iubet actionem fabulæ subiectam, sine nominibus;

quò, positâ omni perturbatione, siue odij siue amoris, verisimilitudini consulatur meliùs. Tum personis nomina induci iubet, quæ etiam τὰ βέβαια & probabili subseruiant. Enim uerò ridet eos, qui se purgant quasi fabula ornari non possit, nisi aliquid contra verisimile inseratur. Ως δὲ λέγειν ὅτι αἰνέσας αὐτὸν μῶτος, γελοῖον. Oportuit enim abstinere se, & studium suum ab iis actionibus; quæ legis, & formæ patientes non erant. ὅς τις φησὶ γὰρ οὐ δεῖται τιτάναι τοὺς τοιοῦτους. Atque hîc Pacij translatio deficit. Sic enim reddit verba illa. Ως δὲ λέγειν, ὅτι αἰνέσας αὐτὸν μῶτος, γελοῖον. *Quapropter loquutum fuisse dicere, fabula quidem ridicula esset.* Hæc verba sensu, & intelligentiâ cassâ sunt.

Hoc ipsum cum Aristotele monuerat Horatius in arte.

— *Nec desilies imitator in arcum,*

*Vnde pedem proferre pudor vetet, aut operis lex.*

Sed redeat oratio, vnde progressa est. Si Philosophus ab eâ actione temperandum putat, quæ per fabulam exornari nequit cum verisimili; quantum ab eâ abhorrebit, quæ ex sese cum verisimili pugnat? vix dici potest, quàm inepta sit ad Epopœiam. Siquid tamen in Epopœiâ sit parum verisimile, illud in Epifodiis,

fodiis, ferri vtcunque potest, & extra fabulæ constitutionem, quam *μῦθος*, non *μῦθον* vocat. *Εἰ δ' μὴ*, (inquit) *ἔξω τῶ μῦθούματος*.

Ad hæc, in quo plurimum esse momenti necesse est, id quod fieri non potest, & est in *ἀδυνάτοις*, si tamen sit verisimile, ipsi Verò anteponit Philosophus. *Προαίρεσθαι τὰ ἀδυνάτα καὶ εἰκότα μᾶλλον, ἢ δυνατὰ καὶ ἀπίθανα.* cap. XXIV. Quæ verba deficiunt & abundant; deficiunt quidem istâ particulâ *δεῖ*: abundant istâ, *καὶ*; vt rectè monuit Robortellus. Quare mirum non est Ricoboni versionem nitore caruisse. Græcè itaque sic ille legit ex manuscr. *προαίρεσθαι τὰ δεῖ ἀδυνάτα εἰκότα μᾶλλον, ἢ δυνατὰ ἀπίθανα.* Id est, *Oportet eligere potius ea quæ fieri nequeunt, si tamen verisimilia sunt, &c.* Auctor tamen est Philosophus, ea quæ ab antiquis excogitata sunt, licet minùs sint verisimilia, tolerari posse; vt de expositione Vlyssis à Phæacibus in litore Ithaco; quia fortasse priscae illius ætatis aut patientiâ, aut oscitantiâ, verisimilitudinis speciem merentur. Id tamen diligenter monet, si quid tale est apud antiquos, illud minime in actionem: sed in episodica, & fabulæ ornamenta cadere.

XII. LICET ea quæ disputata sunt, è Peripatetico

teticis nullus in dubium vocet; tamen ea fient magis illustria ex variis actionibus, quas poetarum Epicorum principes sibi delegere; quasque alterâ huius libri parte adducemus. Nunc fuerit satis, actionem Odysseæ ab Aristotele proferre, & cum illâ committere actionem Samsonis, de quâ Epopœia fingi potest; ut ex utriusque comparatione diiudicare possimus, quid cum verisimili pugnet, quid congruat.

Odysseæ itaque materia, siue actio ex Aristotele cap. XVII. sic se habet. *Quidam peregrè profectus, classe & sociis per varia naufragia exutus, multos annos aberat domo. Interim non tantum illi res domestica à procis, coniugis ipsius victis pulchritudine decoquebat: sed etiam eius filius petebatur insidiis. Ille autem post multiplicès iniquissimi maris tempestates, tandem patria redditus, procos ex insidiis occupat; & illis extinctis uxorem, filium, ac bona recipit. Addit porro Philosophus. Atque hæc fabula propria sunt, reliqua in Episodiis numerari debent. Quid hîc insolens? Quid non verisimile? Nunc experiamur Samsonicam actionem. Vir quidam à popularibus suis, non odio, sed metu hostium, quibus miseram servitutem servie-*

bant , vinculis constrictus inimicorum potestati permittitur. Is robore animi, & corporis præstantissimus nullo negotio rupit vincula; & Asininâ maxillâ, quæ fortè humi iacebat, arreptâ, solus ingentem cladem hostium edidit, seque & patriam in libertatem asseruit. Licet hæc Samsonis actio vera sit, non tamen est verisimilis: Vlyssis è contra actio non admodum fortasse vera, verisimilis tamen. Quare hæc Epopœiæ accommodata est, illa minimè. Neque huic medetur incommodo, quod diuinâ ope, & auxilio illæ Samsoni vires accreuerint. Nam id simile est machinæ, quam in Episodia non in actionem poëtæ debent coniicere. Neque faciet satis, qui dicat, eam rem Iudaico, & Christiano populo haberi pro verâ, & proinde illis esse verisimilem. Nam licet hæc sint; sublati tamen nominibus cûm personarum, tum regionum, quod Aristoteles fieri iubet, carent verisimilitudine. Tum si verisimilis non est actio, nisi appositis nominibus, non habebit illud *φιλοσοφία τε ἐστὶν καὶ ἀποδοτικότητα*, de quo supra diximus; Nam quæ affixa sunt quibusdam personis & locis, generatim, & vniuersè dici nequeunt. Quamobrem eam legem fixam, & sanctam

puto; nequid in actionem fabulæ capi possit, quod idem non sit verisimile.

## QVÆSTIO QVINTA.

### De vnitate Actionis.

- I. *Actio debet esse una.* II. *Vnitas non petitur ab uno Heroë.* III. *Neque ab uno tempore.* IV. *Neque ab uno Heroë, & uno tempore coniunctè.* V. *Ex Aristotele Actio Epica non debet esse πολυμερής, sed simplex.* VI. *Rationes Aristotelis cur debeat esse simplex.* VII. *An Heroës multi possint facere ab eadem parte.* VIII. *Torquati in parte οὐσιώδῃ siue essentiali Epopœia peccatum.* IX. *Ariosti, & Statij in Achilleide grauis lapsus.*

I. **P**RIMA laus Actionis est, ἐνότης; auctore Philosopho cap. XXIII. Tota enim quanta est Epopœia vni Actioni ornandæ studet: Περὶ τῆς διηγηματικῆς καὶ ἐν μέτρῳ μιμητικῆς, ὅτι δὲ τοῖς μύθοις καὶ ἀνὰ τὴν ἐν ταῖς τραγωδίαις σκωπτικαῖς δραματικοῖς, καὶ περὶ μίαν ποιεῖν, &c. De Vno, & Vnitate, neque vno in loco, neque paucis ambigit Philosophus, ex quibus hæc sunt in rem nostram. Primum est quædam haberi vnum καὶ συμβεβη-



κ'ς. cap. VI. lib. V. Metaphysic. Exemplum ponit in Corisco qui musicè sciret. Is quidem esset vnus homo, & vnus musicus, sed vnus tamen καὶ συμβεβηκός. Nam Coriscus esse potest, qui musicè nesciat. Alia verò censeretur vnum καὶ ἑαυτῷ, secundum se; quorum facit exemplum in fasce colligato, & lineâ. Nequit enim esse fascis sine colligatione earum rerum, quæ vinciuntur; aut linea, nisi sit συνεχής, id est, continua. Alterum, cuius vindex est Aristoteles, est; vt illud, quod vnum sit, idem multa esse nequeat. φανερόν ( inquit eodem cap. ) ὅτι καὶ τὰ πολλὰ ἀντικειμένως λεγόμενα τὰς εἰς. Hæc quidem, & alia longè plura in Metaphysicis subtilius disputata sunt, ista tamen nostro instituto sunt satis.

II. MEÆ nunc partes sunt vestigare, à quo Vnitas Epopœiæ petatur. Negat Philosophus illam ab vnitatem Herois duci. Μῦθος ἐστὶν εἰς, οὐχ ὥστερ πῦρ ἐς οἶόν τε, εἰ καὶ πρὸς ἓνα ἦ, cap. VIII. Id est, *Non eò fabula est vna, vt quibusdam temerè venit in mentem, quòd de vno Heroë sit.* Nam vt sunt res numero propemodum infinitæ, quæ in vnum corpus coire non possunt: ita vnius hominis actiones sunt bene multæ, ex quibus vna actio commodè nequit existere.

οὕτω δὲ καὶ περὶ τῆς ἐπὶ πολλὰς εἶσιν, ὅς ᾧ μία οὐδεμία γίνεσθαι περὶ τῆς. Quamobrem ( addit ) peccatum est maximè ab antiquis poëtis, qui Heracleidem, & Theseidem ita cecinêre; vt ab Hercule, vel Theseo res omnes præclarè gestas, vno poëmâ definiri posse putauerint. eâ quidem gratiâ, quia in heroïs vnius laude id positum esset. Διὸ πρῶτες εὐόκασιν ἀμύρταίνην, ὅσοι τῇ ποιητῇ Ηρακλῆίδα, καὶ Θησῆίδα, καὶ τὰ ποιεῖν τα ποιήματα πεποιήκασιν, οἶόντι γὰρ ἐπεὶ εἰς ἑὸν ὁ Ηρακλῆς, εἶα καὶ τὸν μῦθον εἶναι περὶ τῆς. Quantò ( pergit ) sapientiùs ab Homero factum est, cùm in aliis; tum in eo maximè, de quo lis est, & controuersia. Neque enim ille omnia, quæ Vlysses vel tulit fortiter, vel egit callidè, in Odyssæâ complexus est. Nam pressit silentio, quâ in Parnassò vulnus acceperit, & quâ in habito exercitus delectu, per simulatam insaniam Græcorum sagacitati illudere conatus sit; Siquidem ea non congruebant in reditum ipsius tanquam partes necessariae, in quem tamen vnum animi vires intenderat. Atque vt Odyssæam conclusit in actionem vnâ, ita & Iliadem. Vidi ego, qui in vnâ, & eandem tragœdiam dederit Neronem puerum pueris colludentem; tum adulescentem pium in Deos, & patriam; deni-

que virum omni scelere, atque flagitio perditissimum. Alios audio, qui epicos inter profiteri nomen suum gestiant, cū Maximilianos à cunis ad tumulum vsque perpetuâ oratione prosequantur. Quorum de imperitiâ dici, vt dignum est, non potest.

At enim Virgilius ( inquit ) ἀλώσιν Troiæ, & multiplices, atque varios herois sui euentus in Æneïde; tum Homerus in Odysseâ, & Iliade quàm multas actiones accumulans. Sane quidem; sed quidquid illud fuit variegati operis, & vt ita dicam tessellati, in primariam actionem illam, quæ est totius Epopœiæ argumentum, minimè cadit, sed in ornamentum fabulæ. Quâ verò arte id accuretur, docebit pars huius libri altera; cū de vnitate fabulæ disputabitur.

III. QVAM turpiter verò se dant illi, qui ab vnitate temporis vnitatem Epopœiæ trahunt. Id enim maximè Historiam inter, & Epopœiam interest, quòd Historia completi possit ea, quæ vnum in tempus incidunt facinora, à diuersis licet heroibus, & diuersâ in locorum regione fuerint edita; nullòque inter se nexu, quàm temporis, commissâ. Epopœia verò ab iis abhorreat quàm maximè.

Licebit cum laude Historico pugnam naualem, quâ ad Salaminam ab Atheniensibus contra Barbaros; & eam, quâ in Siciliâ à Gelone contra Carthaginienſes pugnatum eſt, eâdem historiâ proſequi; propterea quòd in idem tempus vtrumque incurriſſe dicitur. At idipſum Epico poëtæ dabitur vitio. Sic pronunciat Ariſtoteles cap. XXIII. *Δὴλον ὅτι μὴ ὁμοίας ἱστορίας σκευήσας εἶναι*, &c.

IV. HALLVCINATOS eſſe tum eos, qui ab vnitate Herois; tum illos, qui ab vnitate temporis, Epopoëiam vnâ eſſe volunt, ab Ariſtotele accepimus. Decepti quoque videntur, qui ab vtroque, & Heroë, & tempore vnitatem illam deriuari crediderunt. Nam etſi fortassis neceſſe ſit, actionem illam vnâ eſſe, quæ ſit ab vno Heroë, & vno in tempore; nihilominùs non omnis, quæ eſſet eiufmodi, ſatis digna foret, quæ fabulæ epicæ daret argumentum.

V. OPORTET enim fabulam talem eſſe *πολυμερῆ*, vt hîc loquitur Ariſtoteles, id eſt, ex multis membris coaleſcere; quorum vnumquodque vni tragœdiæ par eſſe poſſit. Si quæ ſit igitur actio, quæ neque partes eiufmodi habeat; neque eas poſſit poëtæ ſufficere, quibus

bus fabulam exornet, ea est ad Epopœiam inepta. Quî verò partes illæ connecti inter se possint, deinde exponemus. Hoc peccarunt, qui Cypriaca, & Iliadem parvam cecinerunt poëtæ. Non enim illi vnam aliquam singularem actionem celebrandam susceperant, quæ fabulæ πολυμερῆς daret locum; sed quæ ipsamet esset πολυμερής. Nam non tantum fabula, quod datur laudi; sed etiam Actio parvæ Iliadis decem partes continet, quod vituperatur. Partes illæ sunt Armorum iudicium, Philoctetes, Neoptolemus, Eurypylus, Emendicatio, Lacæna, Ilij excidium, Reditus, Sinon, Troiades. Verba Philosophi habentur cap. XXIII. οἱ δ' ἄλλοι πρὸς ἓνα ποιοῦσιν, καὶ πρὸς ἓνα χρόνοι, καὶ μίαν πρῶτον πολυμερῆ. οἷον ὁ πᾶς Κυπριακός. &c. Hic multa interpreti seges est, veluti quis poëta Cypriaca, quis Iliadem parvam cecinerit. Consulantur Athenæus lib. VIII. Pausanias in Laconicis, & ex nuperis hominibus, qui historiam rei poëticæ scripsere.

Occurret hic aliquis, & inquiet. At enim Iliadi, Odysseæ, & Æneidi actio subiecta πολυμερής est. Id enim uero nego. Nam actiones istorum poematum sunt simplices, & sine iis partibus, quæ multis tragœdiis argumenta

H

dare possint. Actiones illas eò sufficimus hâc dissertationis parte alterâ. quæst. I. quò huius præceptionis periculum fiat. Certè vt quis maximè velit , ex singulis multas tragœdias facere , operam ludet.

Litigant hîc inter se Aristotelis interpretes; cur vetet Philosophus actionem esse πολυμερῇ; cùm fabula multarum sit partium. Victorio commouit stomachum hæc præceptio; quare vocem illam πολυμερῇ expunxit , & eius loco reposuit πολύμυθον. Sic loquitur. *Eosdem labi dicit ( Aristoteles ) qui vnâ actionem multis partibus præditam argumentum faciunt sui poë-matis. Πεῖξιν πολυμερῇ ipse appellauit. Videtur autem πολυμερῇ dicens intelligere , quam supra iuncto itidem verbo vocauit πολύμυθον , &c.* Piccolomineus per πεῖξιν πολυμερῇ intelligit actionem , quæ multis aliis actionibus quodammodo sit grauida. Benius vtrique iniquior est & acrius in eos inuehitur. Contendit illo pronunciato cauisse Aristotelem tantùm de actione , quæ πολυμερῆς esset , id est , vt ipse iubet , quæ nimîâ partium multitudine laboraret : itavt Philosophus multitudinem partium in actione primariâ non reprehenderit , sed copiam , & abundantiam. Pace Benij di-

ctum sit. Non ea fuit mens Philosophi. Hic enim docet vnam ex virtutibus actionis esse vt sit ἀπλῆ, καὶ ἀμερὴς, & prohibet fieri πολυμερῆ, quod est multarum partium. Nam in actione primariâ partes non sunt multæ, quæ singulæ totidem tragœdiis seruiant, vt disputatum est. Deceptus est quoque Benius, qui existimauit actionem Epopœiæ minùs esse vnam, quàm Tragœdiæ, & opinionem illam Aristoteli affinxit. nam Philosophus cap. illo à nobis laudato, quo se tuetur Benius, non instituit comparisonem actionum inter se, sed fabularum. Committit siquidem fabulam totam, siue Epopœiam, cum tragœdiâ. liquet verò propter Episodia Epopœiâ minùs esse vnam, quàm sit Tragœdia. Verbis Aristotelis concepti hoc vincitur. *Επι ἡττων μία ὁποιοῦν μίμησις, ἢ τῆς ἐποποιῶν. σημεῖον δὲ. ὅτι γὰρ ὁποιοῦν μιμήτως πλείους τραγῳδίας γίνονται*, &c. Id est. *Ad hæc minùs est vna qualiscumque imitatio Epica; argumento est; quòd ex qualicumque imitatione plures tragœdiæ fiunt.* Surdus est, qui non audiat, Philosophum loqui de imitatione, quæ Epopœia sit, non de actione. Epopœia siquidem est imitatio actionis, non igitur actio.

VI. VNITATE actionis primariæ Epopœia gaudet. At quamobrem, & quâ de causâ? Silentio id pressisse Philosophus videri potuit; nisi acrius mens, & ingenium in eius verba intendantur. Hinc expostulatio quorundam de versatili, & tortuoso eius ingenio, quod difficultates vel lubrico lapsu subterfugiat, aut prætereat simulatione. Enimuerò merito non suo. Nam fidem suæ sententiæ facit primò à simili. Vt aliæ artes, quæ imitatione quippiam moliuntur, in actione vnâ duntaxat elaborant; ita & Epica poësis vnâ actionem ornat, & locupletat. *Χρὴ οὐκ, κατὰ τὸ ἐν ταῖς ἄλλαις μυμητικῆς ἢ μία μίμησις ἐνός. οὕτω γὰρ τὸν μῦθον εἶναι. ἐπεὶ πρὸς ἕως μίμησις ἑστῇ, μιᾶς τε εἶναι*, &c. cap. VIII. Aliæ porro artes imitatrices sunt, pingendi, fingendi, saltandi, quæque Histrionica dicitur, necnon Tragica, Comica, & Dithyrambica, quæ omnes actionem vnâ imitatione conantur.

Qui enim pictor Iphigeniam in Aulide coloribus adumbrare suscipiet, alienum nihil ab ea actione immiscebit. Aderit pater Agamemnon, & cultu corporis, & vultus, animique mœstitie insignis: tum Græcorum viri principes variâ corporis quidem gestione, tri-



sti tamen omnes ; deinde ara , & sacrificuli : non verò Thebarum expugnator Capaneus, aut Theseus Athenarum fundator. Deinde probat hoc ipsum , cùm ait vnam imitationem esse vnius actionis , & quidem totius, cum reliquis dotibus , quæ mox afferentur ex cap. VII I. Nam si imitatio potest esse duarum actionum , quâ satis Odyssæa ab Iliade secerni poterit ? Ad hæc , cap. XXXIII. docet opus esse ; vt ea omnia , quæ in fabulæ substructione continentur , vnum quiddam spectent : at id , quod spectant , & in quod nituntur , quid aliud est , quàm actio ? cui fabula , & Episodia omnia obsequuntur. Demum , eodem cap. VII I. fabulæ modum ponit , & insolentem granditatis molem circumcidit ; ne auditorum expectationem , & mentis aciem vnitas eluderet. Sic enim loquitur, οἷχετ' αὖ τῶς πλεονεξίας ὁ ὄν. Quantò magis si esset actio multiplex , eaque disparata ? nam dum in vnam partem intenderet , & conniteretur animus ; alia pars aliorsum elaboretur.

Atque hîc ambigi potest , & certè necesse est , quâ vnitas actionis in cognitionem , atque notitiam venire possit. Id nos latere minimè passus est Aristoteles ; qui sic pronunciet. Si

quid est in actione sine quo tota actio consistere queat, id unitati officit, non enim est actionis pars. ὁ γὰρ πρῶτος ἢ μὴ πρῶτος μὴδὲν ποιεῖ, ὅτι δὴ λανθάνει μόνον τὸ πο. At id nihil ad fabulam sed ad actionem: nam à fabulâ partes aliquæ abesse possunt, cùm ipsius unitas minimè violetur. Absit enim ab Æneide Episodum de Nisi, & Euryali amicitia, & nece: quidni fabula sit vna? In actione verò præcidi nihil potest; quin actio tota intereat. vt cuilibet experiri licet in actionibus quæ part. II. q. I. adducentur. Esto itaque actio fabulæ subiecta, vna. Hac tenus de unitate actionis primariæ quæsitum sit. De unitate fabulæ constituet pars disputationis secunda.

VII. NUMNAM vnus Heroïs debet esse Actio, quasi ab eâdem parte plures Heroës esse nequeant? Non desunt quibus ea iniecta sit religio; vt non modò virtute, & fortitudine suppare heroï suo non admittant; sed ne socios quidem, & ministros ferre possint. Alij non eos patiuntur tantùm, qui auxilio sint, & in secundis partibus; sed etiam rei gerendæ gloriâ pares, & velut æmulos obtrudunt. Næ vtrosque meo iudicio fallit animus. detur tamen vtriusque locus, vt pro se dicant.

Ac primi illi pugnant auctoritate summorum  
poëtarum, qui vnus, & singularis Heroïs  
vnam actionem laudare inceptent. Homerus  
in vtroque poëmate id præ se fert; In Iliade  
quidem:

Μῆνιν ἄλγε θεὰ Πηληϊάδεω Ἀχιλῆος  
Οὐλομένην, ἣ μυελ' Ἀχαιοῖς ἄλγε' ἔθηκε.

*Iram cane Dea Pelide Achillis*

*Perniciosam, qua infinitos Achivis dolores  
peperit.*

En vnus Achillis vnam iram, quæ ad alios ad-  
hæsit minimè, canere aggreditur: neque alio-  
rum meminit in hac propositione, quæ est to-  
tius poëmatis compendiosa quædam compre-  
hensio, & poëtæ ipsius mens, atque consi-  
lium. Achilles pugnaturus cum Hectore exer-  
citum ab armis iubet abstinere, vt solius sit  
actio illa. Iliade X.

Λαοῖσιν δ' αἰένθ' ἐκ κερήατι δῖος Ἀχιλλεύς,  
Οὐδ' εἰς ἔμμεναι ὅππ' ἔκτορα πικρὰ βέλεμενα.

*Populis innuebat capite diuinus Achilles,*

*Neque sinebat mittere in Hectorem grauia  
iacula.*

In Odyssæâ vnus Vlysses ornandus suscipitur,  
qui vnus procos interemit.

Ἀσδρα μοι ἔειπε Μοῦσα πολὺ ἔσπον, ὅς μ' ἄγε πολλὰ

Παρθένῃ, ἐπὶ Τροίης ἱερὸν πόλιν, δεῖν ἔπεισεν.

*Virum mihi celebra musa versutum , qui  
valde multum*

*Errauit , postquam Troia sacrum oppidum  
euerit.*

Tum ipse vnus procos extinxit. Pondus, & momentum ab Aristotele arcessunt , qui diligenter in argumento Odyssæ id obseruat, ac monet. nam disertè ait Vlysses solum extitisse ( μόνου ὄντος ) vt in Odyssæ argumento videre est, quod non ita pòst adducemus. Eadem fuit Virgilio mens, idem consilium, cùm cecinit:

*Arma virumque cano , Troia qui primus  
ab oris*

*Italiam fato profugus, &c.*

Vnius meminit viri, non multorum. Patrocinatur auctoritati ratio non vna. Nam cùm Epopœia admirabilitatis habere plurimum debeat, & ἀειλόγῃ π. vt loquitur Aristoteles cap. XXIV. Ecquid est ad admirationem magis, quàm ab vno homine effici rem magnam? aut quid admirationis habet ea res, quæ à multis, iisque præstantibus viris edatur? Goliathum à Dauide vno perimi, qui totius exercitui metus erat; aut ab Hercule Hy-

dram:

dram confici, toti quæ regioni vastitatem inferebat, id magnum, & admirationem habet. At ciuitatem ab exercitu florenti capi, & excindi, nihil est cur mireris. Huius sententiæ principes censentur Mutinensis interpres in suâ pœticâ, Speronus in dialogo de historiâ, Mazzonius in Aldigherij defensione, Riccobonus in paraphrasi suâ.

Non defunt, qui alteram in partem nimij sint, & in eo peccent, quòd non milites, aut socios, sed præstantes viros, & primarum artium principes arcessere ament, nimio quodam rerum magnarum studio illusi.

Id ego æquius censuerim, vnum aliquem Heroëm in Epopœiæ argumentum deligendum esse; cui milites, & socij, non tamen rerum gloriâ pares, nedum superiores adiungantur. Nam Æneas Troianis suis Arcades duce Pallante; & Hetruscos duce Tarchonte asciuit. Vlysses etiam confecto bello Troiano naues sociorum duodecim reducebat, & licèt solus in Ithacum littus eiectus sit; expugnat tamen procos inermes, neque adeò multos cum Telemacho, & seruitio; atque iterum turbam illam Ithacensium, cum eodem Telemacho, Philœtio, Eumæo, ipso etiam Laërte parente,

atque aliis numero duodecim sustinuit ; ne quid de Mineruâ dicam , quæ primo in ordine pugnabat. Nam ista deorum ministeria plebi lactandæ inuenta sunt ; quæ veritati , & verisimili apud cordatos viros parum sunt idonea. Quamobrem homini philosopho de naturâ rerum disputanti negligenda sunt. Achilles Myrmidonum vim ingentem habuit , Græcum exercitum instruxit , & præ ordinibus pugnaturum se recepit Iliados τ. Ως κέ τις αὐτ' Ἀχλῆα μὲν περὶ τοῖσιν ἰδδίτω.

Neque vis vlla est obiectioni , quòd is pugnaturus in Hectorem , capitis nutu sociis bello interdixerit. In duello quippe id nefas. Hoc ipsum XII. Æneidos Turnus factitavit.

*Significâtque manu , & magno simul incipit ore.*

*Parcite iam Rutidi , & vos tela inhibete Latini.*

Necnon apud Tassum cantu XIX. Tancredus cum Argante pugnaturus.

- *Cessate pur di molestarlo hor voi ,  
Ch' è proprio mio , più che comun nemico  
Questi , & à lui mi stringe obbligo antico.*

At & Turnus , & Tancredus milites , ac socios

in armis habuere. Hac de re decidi potest, & tota controuersia tolli istâ ratione. Non enim heros ille, cuius ex vitâ principes instituendi sunt, fortitudinis tantum; sed etiam consilij, atque prudentiæ exempla debet edere. Quî verò si solus extiterit, specimen istarum virtutum dabit?

VIII. QUID Torquato faciemus nostro, cuius causâ multum nos volumus, quem tota Italorum natio miris effert laudibus, cui hæc nostra ætas omnis studet? Quid? si cum Aristotele in re simili, simile aliquid sapimus. Amicus magni fieri debet; pluris etiam veritas. Dent arbitros, qui secus existimant, eorum iudicio rem credimus. Sic itaque rem mecum puto. Quidquid in Hierosolymâ Torquati arduum est, quidquid magnum, & illustre; id Reginaldo, id Tancredo indulgetur. Hostium Principes sunt Aladinus, Argantus, Solymanus, Clorinda, Adrastus, Thyssaphernus, Emyrenus. Argantem, & Clorindam Tancredus perimit; hanc quidem cantu XII. tanto apparatu, tantâ affectuum vi, atque varietate, ut illo in loco poëta se deamasse facile intelligi possit: Argantem verò interficit cantu XIX. cui primæ fortitudinis

partes toto illo poëmate conceduntur. Adra-  
stum inter fortissimos qui recensetur ; tum  
Thyssaphernum Armidæ defensorem , & So-  
lymannum illum partium inimicarum velut  
Hectorem cantu ultimo Reginaldus interficit  
choragio verborum, sententiarum, compara-  
tionum superbissimo; vti nemo sit, qui hæc  
legerit, idem qui non intelligat, victoriam in  
illorum nece consistere. Supererat Aladinus  
Hierosolymorum Rex, palmam illam invidit  
heroi suo Godofredo, & eam Ræmundo con-  
cessit. Tandem Torquatum haud dubiè pu-  
duit sui iudicij, atque illud contempsit. Nam  
sub finem libri vltimi, ne nihil egisse videretur  
Godofredus, Emyrenum illi mactandum ob-  
iicit frigidè, obscurè, & paucis omninò ver-  
sibus; vt vel inuitus, & ingratiis id concessisse  
videatur. Atque vt aliquid illâ ex gloriolâ de-  
rueret, illum ab hoste certo vulnus accepisse  
canit: &, quod turpius est, cantu XI. à Clorin-  
dâ vulnerari; quæ duo sunt præter morem  
summorum poëtarum. Scilicet dum nationi,  
& Mecænati suo plus æquo studet, non ani-  
maduertit poëmati suo se iniuriam facere.

Verumenimuerò illud mihi pluris est, quo  
vno causæ totius controuersia continetur.



Primùm spectatur in poëmate Epico , actio Heroïs , vt pote quæ sit argumentum Epopœiæ. Quid igitur inuenustum magis, aut ἀλόγως; quàm eius actionis , quæ tota Heroï consecrata est; laudes alterius cuiusdam virtutis odiosè adscribere? In Homero θεῶν πρὸς φιλῶν πρὸς φιλῶν suspectus Philosophus , & omnium temporum literati omnes præter paucos ἀφιλοσφους, qui è sordibus Grammaticæ caput non extulêre. At cum in aliis laude sit dignus tantus poëta ; tum in actione ornandâ, hoc est in fabulâ fuit eximius. Diuinæ illius Iliadis hic est nodus , & δέσις; atque ea λύσις, & solutio. Homero consilium fuit Achillis fortitudinem laude aliquâ singulari efferre. Quò itaque eum non Troianis tantum, quæ laus futura erat magna; sed etiam Græcis anteponeret ; quæ gloria erat cumulatissima : finxit illum præ irâ à bello ad tempus sibi temperasse; tum legitimâ causâ placatum iterum induisse arma. Quo is tempore à prælio manus continet, cæduntur Græci, triumphant Troiani, desoluendâ obsidione consilia habentur, afflictæ, & desperatæ iacent res Græcorum : vt iterum in certamen, atque prælium rediit , inclinata Græcorum fortuna erigitur, affligitur exultans illa Troia-

norum gloria. Ecquid dici potest Heroi or-  
 nando magis accommodatum, quàm si vtri-  
 que parti, non inimicæ tantùm, quod ab aliis  
 poëtis factitatum legimus; sed etiam amicæ,  
 quod à nemine tantâ cum gloriâ vsurpatum  
 est, is præferatur: vt in eo vno partis vtriuf-  
 que salus, atque cædes, gloria, atque dedecus  
 necnon victoria esse videatur. Hoc Alexan-  
 dro Macedoni lacrymas extorsit. Hoc Græ-  
 ci omnes, & Latinorum peritissimi admira-  
 tione prosequuti sunt. Nunc Tassi factum  
 cum Homérico committamus. Actio poëma-  
 tis Tassiani est Hierosolymæ receptio. At non  
 Godofredi, non totius exercitus viribus sine  
 Reginaldo recipi potuit. Reginaldo absente  
 de obsidione soluendâ, de reditu in Gallias  
 deliberatur, nedum ciuitas capi potest. vt re-  
 dit, instaurantur omnia; commeatus exerci-  
 tui, animus militi, victoria imperatori acces-  
 sit, vrbs ipsa capta est. Quid tam alienum ab  
 Homérico poëmate? Quid tam dispar? Quid  
 tam à ratione seiunctum? Gloriam summam,  
 solidam, atque vnicam Heroi suo præripere,  
 & ad alterum deferre ἀδικοῦται est. Torqua-  
 tum ipsum audiamus cantu. XIII. Silua fue-  
 rat ab insigni mago diris religionibus conse-

crata. In cā lignatio fieri nulla potuit, & debuit tamen. Nam eius opus erat ad machinas, quibus ciuitatis muri, & turres verberarentur. Multi nequidquam suæ virtutis periculum fecerant, qui cantatæ illius siluæ difficultates perrumperent, etiam Tancredus animi præsentissimus, exercitum habebat ea cura, Godofredus ipse id per sese discriminis subire meditabatur. En illum his verbis deterret propheta Petrus, homo diuini particeps consilij, atque adeò falsi minimè patiens.

*Lascia il pensiero audace, altri conuiene*

*Che de le piante sue la selua spoglie.*

*Già, già la fatal naue à l'erme arene*

*La prora accosta, & l'auree vele accoglie.*

*Già rotte l'indegnissime catene*

*L'aspettato guerrier dal lido scioglie.*

*Non è lontana homai l'ora prescritta*

*Che sia presa sion, l'hoste sconfitta.*

Audis rem esse arduam magis, quàm vt Godofredo conueniat, quasi sit aliquid supra vires Herois ipsius? Audis fata id Reginaldo concedere, & ipso reduce fore vt Sion capiatur, & debelletur hostis? Iterum in coelo (ne dubio sit locus) monet Vgo Godofredum ciuitatem capi non posse, immò exercitum de-

bellatum iri nisi adsit Reginaldus. Ita cantu XIV.

*Sol che richiami dal lontan esiglio'  
Il figliuol di Bertholdo, io ti consiglio.*

*Perche, se l'alta prouidenza elesse  
Te de l'impresa sommo capitano  
Destinò insieme, ch' egli esser douesse  
De' tuoi consigli esecutor soprano:  
A te le prime parti, à lui concesse  
Son le seconde; tu sei capo, ei mano  
Di questo campo, & sostener sua vece  
Altrui non puote, farlo à te non lece.*

*A lui sol di troncar non fia disdetto  
Il bosco, c' ha gli incanti in sua difesa.  
Et da luy il campo tuo, che per diffetto  
Di gente inhabil sembra à tanta impresa.  
Et par che sia di ritirarsi astretto,  
Prenderà maggior forza à noua impresa,  
Ei rinforzati muri, e d'Oriente  
Supererà l'essercito possente.*

*Quò spectant illa verba? A lui sol, &c. tum:  
Altrui non puote. Deinde, an id tolerari po-  
test? Et da luy il campo tuo che per diffetto de  
gente inhabil sembra à tanta impresa & par che  
sia di ritirarsi astretto. Quæ sequuntur etiam  
odiosa sunt magis. Nempe neque silua illa ex-  
scindi,*

scindi, neque languor pelli ab exercitu, neque muri ciuitatis dirui, neque vllæ ciuitates in Oriente capi possunt, nisi Reginaldi viribus. exercitus ipse *sia di ritirarsi astretto*. Id in suis cantibus inculcat, & obtrudit nobis identidem, ne nos sui Reginaldi capiat obliuio. Certè inglorij est imperatoris id expeditionis suscipere, quod nequeat ad exitum adduci sine vno aliquo singulari homine præsertim adolescentulo, qualem his versibus prædicat Reginaldum cantu tertio:

*Questi hà nel pregio de la spada eguali  
Pochi, ò nessuno, & e fanciullo ancora.*

Neque satis purgari potest Torquatus, quòd Godofredum dicat caput exercitus, quæ pars est nobilissima corporis, cùm manum alicubi pronunciet esse Reginaldū. Tum quia victum & effetum videtur nobis dare ducem, qui per se id perficere non possit ad quod aggreditur: tum quia & consilij, & armorum gloriâ pares, aut etiam superiores producit cantu tertio.

*Nè fra turba sì grande huom più guerriero  
O più saggio di luy potrei mostrarti:  
Sol Ramundo in consiglio, & in battaglia  
Sol Rinaldo, e Tancredi a luy s'aggualia.*

K

Accedit Episodia nobilissima, & pulcherrima tribui Reginaldo, & Tancredo, aut aliis Heroibus. Siquid triste, siquid ieiunum, id Godofredo in partem cedit. Pluuiam precibus impetrat, supplicationes indicit, fruitur diuinis somniis, & alloquio Angelorum. Pontificem putes, non Imperatorem. Si vacuus essem, & per tempus liceret, esset quàm facile ostendere in Episodiis istis, vbi nulla Godofredi mentio est, bene magnam partem poematis occupari. Nam cantus integros solidos, & non paucos suis illis Tancredo, & Reginaldo dicauit. His rationibus putatis. Næ potiori iure Reginaldus inscribi debuit illud poema, quàm Godofredus.

Parum commodè Torquatum excuset, qui exemplo Homeri illum tegi posse crediderit. Sic enim Iliadem cum Hierosolymâ quidam componunt: vt partes Agamemnonis Godofredus sustineat, Nestoris Ræmundus, Achilles Reginaldus, Aiakis Tancredus, Vlyssis Guelpho, Calchantis Petrus Eremita, Armidæ Circe. Parum inquam illum iuuant. Nam vt ista conueniant, quæ dissident plurimùm; tamen id vitij semper residet; quòd heros Homericus sit Achilles, cuius est actio tota, quæ

celebratur; non Agamemnonis, qui inglorius est apud Homerum. Nequitiâ, & inertiâ nobilitatur imperator, qui bello illi præficitur, cui gerendo prædicetur esse impar. Tum quid turpius, aut foedius esse potest? quàm expeditioni vnum aliquem è militibus non socium tantum, & æmulum, aut etiam supparem: sed superiorem asciscere, cuius animi magnitudine ea conficiatur feliciter, & quo sine illam turpiter necesse sit exire. Taceo Herois primariam laudem, & velut adorem in animi fortitudine, & virtute bellicâ sitam esse. Taceo in vnum Reginaldum vix puberem totam Francorum, & exercitus salutem, atque gloriam incumbere. hæc, quæ magna sunt, missa facio. Homerum, & eius factum appellant, sequor, & vnde illi me in iure manum confertum vocant, inde ibi eos reuoco. Agamemnon dux est exercitus Græci, & caput; itidem Godofredus dux est, & caput exercitus Galli. feliciter id sanè. Achilles ensis est, & scutum exercitus Græci: Reginaldus Franci. pulchrè. Achille absente capi nequit Ilium; Reginaldo absente nequit capi Hierosolyma: cautè. Achille reduce res Græcorum afflictæ eriguntur: Reginaldo reduce res Francorum.

perditæ instaurantur. mirificè. Achilles Trojanorum fortissimos cædit, & necat; Reginaldus robustissimum quemque Barbarorum perimit. nihil supra. Amo te, quidni pergis? nam bellè processisti. Achilles est Heros poë-matis Homerici; Reginaldus Tassiani. Inglorius est Agamemnon apud Homerum, inglorius est Godofredus apud Tassum. hæc certè ex illis confici debent, si quid sapit Philosophia.

At ( inquit non nemo ) actio eadem duorum Heroum esse potest, cùm duo in illam vnam connituntur, veluti Godofredus, & Reginaldus. Nunc miseret me Homeri, qui de præcepto isto nihil audiuit; pudet Maronis, qui tantò pòst nihil sapere didicit, quique Æneæ suo adolescentem non dedit, quo res suas tutaretur. Iam etiam tædet me Philosophi, qui Actionem Epici carminis vnam, & vnius herois esse iusserit. Quid ego hîc nuperos homines Italos, Batauos, atque Gallos compellem, qui priscis illis suffragantur.

Te, te (inquam) appello Torquate, te iudicem in hac causâ tuâ nihil reformido. Tuum esto arbitrium, tua potestas. Quæ mens tua fuit? quod consilium hoc in poëmate? quid tandem conaris? Audite quotquot ab anti-



quis moribus defecistis :

*Canto l'arme pietose e'l capitano,  
Che'l gran sepolcro liberò de Christo :*

*Molto egli oprò co'l senno, e con la mano, &c.*  
Quid ais te arma ducis canere? vide, quid dicas. cur vnus? cur non duorum? tum si vnus, cur Godofredi? Enimuerò (inquit) id tantum de me profiteor :

*Canto l'arme pietose e'l capitano, &c.*  
Ac meritò quidem id tantum audet. Nam Homeri, & Virgilij sequutus exemplum vnus Herois actionem vnā aggreditur. Bene itaque exorsus est Torquatus, sed studio partium à viâ deflexit.

IX. NVNC verò quis Arioſtum ferat? qui de se pollicetur,

*Le donne, i Cavalier, l'arme, gli amori  
Le Cortesie, l'audaci imprefi io canto, &c.*

Neque Statius vacat culpā in Achilleide, qui non vnā actionem Herois, sed vitam eius totam vno poemate complecti se putauit.

*Magnanimum Æacidam, formidatamque  
Tonantis*

*Progeniem, & patrio vetitam succedere cælo  
Diua refer. Quamquam acta viri multum  
inclita cantu*

*Mæonio, sed plura vacant. Nos ire per omnem*

*( Sic amor est ) Heroa velis , Scyróque latentem*

*Dulichia proferre tubâ, nec in Hectore tracto  
Sistere ; sed totâ iuvenem deducere Troiâ.*

Atque hîc præterire non licet , quorundam hominum præsertim eorum , qui Platonici audire volunt, ineptam planè sententiam, qui pœmata omnia Iliadem , Odysseam , Æneïdem , Hierosolymam ad intelligentiam vel facultatum animi, aut vitæ, quæ ascetica dicitur , trahere non verentur. Hoc habent à ludô suo , & præceptore ; vt inanibus quibusdam ludibriis mentes , atque animos oblectent.

Cætera, quæ de vnitate disputari possunt ; ad fabulam magis, quàm ad actionem pertinent. de quibus, alterâ huius libri parte quæstio ponetur.



## QVÆSTIO SEXTA.

Actiois ΟΛΟΤΗΣ & ΤΕΛΕΙΟΤΗΣ  
explicatur.

- I. *Totius definitio.* II. *Initij definitio.* III. *Finis definitio.* IV. *Medij definitio.* V. *Discrimen inter Totum & Perfectum.* VI. *Æneïdos Actio tota, & perfecta.* *Μαφhai hallucinatio.* VII. *Odyssæa & Iliadis Actio tota & perfecta.* *Tryphiodori, & Calabri conatus inanes.*

I. **P**HILOSOPHVS capite VII. Poët. quid sit Totum his verbis definit, ὅλον δὲ ἔστι ὃ ἔχει ἀρχὴν, καὶ μέσον, καὶ τέλος. Id est, Totum est illud, quod initio, medio, & fine constat. Nunc quid rei est? cur Riccobonus animum minimè aduertit ad illa verba, quæ Aristoteles præmiserat, ἔστι γὰρ ὅλον, καὶ μηδὲν ἔχει μέγεθος. vt illorum non meminerit. *Est enim aliquod totum, quod caret magnitudine.* Atqui cò illud Philosophi dictum pertinet; vt eximias ostenderet intelligentias ἀπὸ τῆς ὁλότητος illius, siue à definitione totius, quam mox erat adducturus. Nam in his neque initium, neque me-

dium, neque finis, aut est, aut fingi potest. Nequidquam etiam se animi cruciat. Benius, quî hæc definitio circulo, globóve, aut orbi congruere possit; huius enim rei, & difficultatis prudens Aristoteles illi rectè consuluit; cùm addidit in definitione initij  $\delta$   $\epsilon\iota$ ,  $\eta$   $\gamma\iota\nu\epsilon\alpha\theta\alpha\iota$ . Nam  $\delta$   $\epsilon\iota$  conueniet, si res quanta sit extra orbem;  $\gamma\iota\nu\epsilon\alpha\theta\alpha\iota$ , si cum orbe. Etsi enim in orbe nusquam principium, & finis sit, vbique tamen principium & finis à vi & potestate rationis fieri potest. quæ res in intelligentias non cadit. Cùm enim molis expertes sint, non est, cur in illis initium, medium, & finis esse fingatur.

II. INITIVM definit eodem capite.  $\text{Ἀρχὴ δὲ ἐστὶ ὃ αὐτὸ μὴ ἔξ ἀνάγκης μὴ μὲν ἄλλο ἐστὶ, μὲν δ' ἐκείνο ἐστὶν ἐκείνου πρῶτον ἐξ, ἢ γινεσθαι.}$  Id est, *Principium est res ipsa, quæ ex necessitate post aliud quippiam non est, at post ipsam aliud quippiam ex rei naturâ aut est, aut fit.* Pacij versio est. *Principium illud esse dicimus, quod non necessario post aliud est, contra posterius aliquod esse, vel fieri natum est.* Contaminat, & labefacit sententiam hæc tralatio. Nam ex Pácianâ versione conficitur, vt principium possit esse post aliud. At cùm ex verbis Aristotelis principium ita sit;

vt

ut necessariò non sit post aliud. Posteriores istam partem nihilo melius Riccobonus vertit. ait enim. Post illud autem aliud esse contingit. quasi hæc cum istis conueniant  $\mu\tau' \delta' \epsilon\kappa\ \sigma\upsilon\omicron\ \epsilon'\tau\epsilon\rho\omicron\ \pi\acute{\epsilon}\phi\upsilon\kappa\epsilon\upsilon\epsilon\iota$ ,  $\eta'\ \gamma\acute{\iota}\nu\epsilon\omega\tau\alpha\iota$ . Sed in istis interpretationibus diutius morari non licet. Ad rem redeo. Schola nostra bene, & ad mentem Aristotelis sic definit initium rei quantæ; est ipsa res quanta, quatenus non extenditur in anteriora. atque hæc definitio in utramque quantitatem continuam, & discretam quadrat.

III. FINEM sic definit Aristoteles.  $\tau\epsilon\lambda\upsilon\tau\eta\ \delta'\ \pi\omicron\iota\omega\alpha\sigma\tau\acute{\iota}\omicron\upsilon$ ,  $\delta'\ \alpha\upsilon\tau\omicron\ \mu\epsilon\tau' \acute{\alpha}\lambda\lambda\omicron\ \pi\acute{\epsilon}\phi\upsilon\kappa\epsilon\upsilon\epsilon\iota$ ,  $\eta'\ \delta\epsilon\ \alpha\iota\ \acute{\alpha}\gamma\chi\eta\varsigma$ ,  $\eta'\ \omega\varsigma\ \epsilon\pi\iota\pi\omicron\lambda\upsilon$ .  $\mu\tau' \delta'\ \tau\tilde{\iota}\tau\omicron$ ,  $\acute{\alpha}\lambda\lambda\omicron\ \sigma\acute{\alpha}\tau\epsilon\iota$ . Id est, *Finis contrariam sortitur definitionem, quippe est res ipsa, cui præest aliquid, aut ex necessitate, aut ut plurimum; & quam ponè sequitur nihil.* Rectè monet hîc Robortellus  $\delta'\ \epsilon\pi\iota\pi\omicron\lambda\upsilon$  additum esse, causæ finalis gratiâ, in iis, quæ agunt ex intelligentiâ.

IV. MEDII definitio hæc est.  $\mu\acute{\epsilon}\sigma\sigma\iota\ \delta'\ \epsilon\grave{\iota}\ \alpha\upsilon\tau\omicron\ \mu\tau' \acute{\alpha}\lambda\lambda\omicron$ ,  $\chi\alpha\iota\ \mu\epsilon\tau' \epsilon\kappa\ \sigma\upsilon\omicron\ \epsilon'\tau\epsilon\rho\omicron$ . Medium est, quod post aliud est; & post ipsum est alterum quiddam.

V. QVANTVM Toti præstet, id quod per-

L

fectum dicitur, Philosophus docet. Nam ea res, cui nulla pars deest, tota est; etsi eius partes malè inter se cohæreant & ἀσύσπαστοι fuerint. At perfectum id dicitur, vt vox Latina indicat, quod vltimam manum recepit, & rei est non rudis adumbratio aliqua, & conatus; sed perfectio ipsa, & absolutio. Quare sapienter, & egregiè Aristoteles hîc cauet. Δὲ ἄρα πῶς σκεψώμεθα οὐ μύθοις, μὴθ' ὁπόθεν ἔτυχεν ἀρχεσθαι, μὴθ' ὁπου ἔτυχε τελευτᾶν. ἀλλὰ κεχεῖσθαι τῆς εἰρημύχης ιδέας. Id est, *Necesse est igitur poetam, qui fabulam rectè constituere velit, neque temerè eam incipere, aut temerè finire: sed formis traditis insistere.*

Hîc meminisse oportet, à nobis de actione, non fabulâ disputari; & ideo de ordine, qui totus ad fabulam pertinet, & in quo pulchritudo sita est, nunc temporis verba nulla fieri. Id Aristoteles cap. isto VII. vt sensit rectè, ita & monuit. nam in Pulchro duo esse pronunciat, magnitudinem, & ordinem. ὅ γὰρ καλὸν ἐν μεγέθει, καὶ τάξει ὅσιν. Magnitudo iusta non est si tota non sit, & eò quidem de toto hîc disputat; de magnitudine, & pulchritudine subinde.

VI. QUÆ definitiones cùm ita se habeant,

edictum est à Philosopho tum alibi quidem, sed imprimis cap. XXIII. actionem Epicam debere esse totam & perfectam. Audio dubitari etiam à viris, qui istarum rerum periti habentur, vtrum Virgilij & Homeri poëmata ista laude floruerint. Nam & Maphæus Æneïdi, & Iliadi Tryphiodorus, aut Quintus Calaber supplementum instituerunt facere.

De Æneïde vt primùm dicam. Taceo id, quod nemini obscurum est, mortem inuidisse Æneïdi vltimum conatum. Multos versus tibicinum instar suppositos, qui adductis columnis marmoreis summouerentur, apud Donatum Virgilius præ se tulit.

Id quæro, sitne Æneïs poëma mancum, & aliquâ parte suâ captum; quam reciperet, si Virgilio æui longioris data fuisset copia.

Quid sibi cum Maphæo Vegio volunt quidam? Isti sibi videntur idonei, qui ad Æneïdem addant dolorem Rutulorum, Dauni fletum de morte filij, nuptias Lauiniæ, & Æneæ  
*Ἐπεὶ δὲ τὸν*

Quantum ad *Ἐπεὶ δὲ τὸν* illam pertinet; eam eruditè, magnificè, atque vt poëtam decuit, suo loco Virgilius cecinit. Iupiter enim Venerem his verbis alloquitur lib. I. *Parce metu*

L ij

*Cytherea*; & inter cætera, quæ pollicetur plurima:

— *sublimémque feres ad sidera cœli*

*Magnanimum Æneam.*

Et libro XII. Iunoni idem reuocat in mentem.

*Quæ iam finis erit coniux? quid denique restat?*

*Indigetem Æneam scis ipsa, & scire fateris*

*Deberi cœlo, fatisque ad sidera tolli.*

Dolor verò Rutulorum, lacrymæ Dauni usque adeò cum morte Turni coniuncta sunt, & nuptiæ Lauiniæ cum victoriâ; vt nemo homo sit tam parum intelligens, quem hoc prætereat; præsertim cùm monitorem habeat Virgilium, qui identidem id repetit. Turnus ipse XII. Æneidos:

— *nostro dirimatur sanguine bellum.*

*Illo queratur coniux Lauinia campo.*

Æneïdem integram, & perfectam existere hæc fidem faciunt. Epopœiam necesse est eam esse totam, & integram; quæ actionem totam, & integram explicat. Cùm enim fabula sit constitutio actionis vnius, integræ, atque perfectæ; ea certè fabula erit integra, quæ actionem integram complectetur. At Virgilius actionem Æneïdi subiectam euoluit totam usque ad finem. Est enim actio Æneïdis



eiusmodi. Quidam incensâ ab hostibus patriâ cum aliquot popularibus, eam in regionem cogitat, è quâ oriundi erant maiores eius. Post multos terrâ marique exhaustos labores, tandem eò peruenit. Accipitur amicè à Dynastâ loci, & in generum asciscitur. Ægrè id tulit vicini cuiusdam regis filius qui iamdudum nuptias illas ambibat. Graue inter riuales bellum oritur, pugnatum est sæpè, & atrociter. Victor tandem extorris ille virgine, & regno potitus est. Reliqua sunt in Episodiis.

Quæ pars Actionis huius in Æneide deficit? quæ desideratur?

De Odyssæâ nemo, quem quidem ego audiverim, dubium fecit. quare nihil est, cur operam hîc ponamus.

VII. ILIADEM Quintus Smyrnæus seu Calaber, & Tryphiodorus aut imperfectam putauerunt, aut occasionem dedere, cur id putasse crederentur.

Iliadis argumentum seu actio est hæc. Vir princeps fortitudine eximiâ ab Imperatore citra dignitatem habitus, bello & armis abstinit. quo absente, copiæ imperatoris ab hostibus accidebantur. At ille neque amicorum precibus; neque adeò ipsius Imperatoris præ-

miis molliri, aut flecti potuit. Illi erat summus quidam amicus, qui in prælio ab hostium duce cecidit. Amici nece is grauius commotus est, atque eâ causâ cum Imperatore in gratiam rediit, & hostes adortus illos grauius obtrivit, atque hostium ducem, quo vno nitebatur illorum salus, occidit.

En Iliados actionem. quam partem intactam reliquit Homerus? quam eleganter, & magnificè non tractarit?

Nunc Tryphiodoro ἀλωσι, aut Quinto ὁ ἀδελφὸς μῦθος nihil inuidemus; At partes esse, quæ in Iliade desiderari possint, hoc negamus. quid? Ilij excidium non cecinit Homerus. At id non est aggressus, non est conatus. En quid profitetur,

Μῦθον δ' ἔδδ' ἦεν Πηληϊάδεω Ἀχιλῆος, &c.

Totam illam propositionem expende, nihil hîc pollicetur de Ilij excidio, illud in se non recipit: quamquam ne id quidem omnino omisit. Nam cæso Hectore Troia stare non potuit.

De istâ controuersiâ vide quæ infrâ disputantur quæstione vltimâ. Occasione enim actionis illustris iterum quæremus οὗτ' ἐκ τῆς ὁλοκληρίας. Propterea quòd, quæ manca est actio, non satis illustris est ad Epopœiam.

## QVÆSTIO SEPTIMA.

## De Magnitudine Actionis.

- I. *Magnitudo Epopœiæ tripliciter potest considerari.* II. *Magnitudo versuum in Epopœiâ quanta, & quot tragœdias equare possit.* III. *Magnitudo Fabulæ tragica.* IV. *Magnitudo Fabulæ epica. Quæ uegrandia, aut parua sunt, pulchra esse nequeunt. Quid pulchritudo.* V. *Magnitudo fabula, neque ex auditorum libidine, neque contentione, sed inclinatione rerum naturali.* VI. *Magnitudo actionis primaria quanta esse possit.* VII. *Actio Odysseæ est dierum tantum LV.*

I. **T**VRBÆ hîc plurimum est, & tumultus; Neque ex iis nullo negotio se expedire licet. Enitendum tamen est, uti non modò nos, sed etiam alios liberemus.

Magnitudo Epopœiæ aut est τὸ μέγεθος, id est, secundum Actionem: vel τὸ πᾶν, id est, secundum quantitatem. Hæc ad magnitudinem, & numerum metri pertinet: Illa est Actionis vel nudæ; vel suis exaggeratæ, & auctæ Episodiis quædam granditas. De sin-

gulis instituenda erit quæstio.

II. A C primò quidem de magnitudine carminis Philosophus cap. XXIV. disertè docet, Epopœiam magnitudine supparem esse illis Tragœdiis, quæ in agonibus vnâ audientiâ exciperentur; breuiorem tamen esse debere, iis Epopœis, quæ ab antiquis celebratæ essent: quo præcepto id confici putauit; Epopœiæ vti finis, & medium, atque initium in vnum conspectum venirent, quæ est magnitudinis ratio legitima. verba Aristotelis sunt: Διαφέρει δὲ κατὰ τι τῆς συστάσεως ὁ μῆκος ἢ ἐποποιία, καὶ ὁ μέγεθος τῆς ἀπὸ οὐδὲ μῆκους ὅρος ἰσχυρὸς ὁ εἰρημνός, διώσασθαι γὰρ δεῖ σπυροῦσθαι πρὸς ἄρχην, καὶ ὁ τέλος. εἴη δ' αὖ τὸ τοιοῦτον εἰς τὴν μὲν ἀρχὴν ἐλθέτωσαν αἱ συστάσεις εἶεν, πρὸς τε τὸ πλῆθος τῆς παραδιδῶν, τῇ εἰς μίαν ἀκρόασιν πηγαδῶν προήκοιεν.

Edicto illi lux erit à more antiquorum. Priscis cùm apud Græcos, tum apud Romanos non licuit Rhetoribus nisi præfinitò loqui. Lege Pomp. Romæ Actori horæ duæ, Reo tres dabantur. In Ludis verò publicis, tragico Poëtæ, cùm fuît periculum faceret, & cum aliis certaret; tempus ad Clepsydram dari in more fuisse apud Græcos auctor est Philosophus cap. septimo πρὸς Κλεψύδρας ἡγωνίζοντο. Quot verò tragœdiæ vnâ auditione exci-

pi possent, certè mihi non liquet. Ait quidem Aristoteles cap. XIV. *περὶ δὲ πλῆθος τῶν τραγῳδιῶν* ad multitudinem tragoediarum accedere. Multitudo autem apud Græcos à numero ternario incipit, quibus duæ res multæ non sunt. Octo vel nouem tragoedias numero versuum æquare potest vna Epopœia; ab experienciâ suaderi potest. Hecuba verbi causâ apud Euripidem est versuum plûs, minúsve trecentorum supra mille. Odyssæa verò circiter supra duodecies mille, ex quo conficitur illam ab hâc octies, & eò ampliùs comprehendi.

Alia Aristotelis edicta de magnitudine sunt. Ne memoriæ vitium offerat. Tum vt conspectum vnum subire possit. At neutrum ad magnitudinem carminis facit. Quis enim in lectore tantùm memoriæ desideret, quantum ad omnes Epopœiæ versus memoriâ tenendos satis sit? Neque etiam vno prospectu omnes versus, sed res versibus inclusæ videndæ sunt. Reprehendit verò Philosophus *ῥητορίας* antiquos, vt quidem ego coniicio, qui Theſeidas & Heracleidas scripsissent. Hic Benius ferri non potest, qui Iliadem, & Odyssæam ab Aristotele hoc loco notari vult. Fidem facere sibi nititur, & à Prouerbio; quo, siquid

M.

odiosè longum fuerit, dicitur *μακρότερον τῆς ἱλιάδος*; & ab Aristotele, qui Odyssæam dixerit esse longum serm. nem. De Odyssæâ purgauimus locum illum; *μικρὸς* enim λόγος dictus est, non *μακρὸς*; de Prouerbio verò, neque illud est ab Aristotele, & de toto bello ad Ilium dicitur. At suauis est, qui dicat, Torquatum brevioribus coagmentasse poëma suum versibus, quàm sit Æneïs, Odyssæa, vel Ilias. En, Æneïs est versuum 9855. Odyssæa 12300. aut circiter; at Hierusalem liberata, est 13088. Hæc de metri magnitudine disputata sint.

De magnitudine Epopœiæ καὶ τῷ ποσῷ μα- cum Episodiis; hoc est de magnitudine fabulæ instructæ, & ornatae; quantum scilicet temporis fabula sibi postulet, nobis quærendum est.

III. DE Tragicis meritis est sanè quàm optimè Aristoteles, qui cap. v. concedit Tragœdiæ vnam solis conuersionem, aut eo ampliùs aliquantùm, minùsve. Η μὲν (τραγῳδία) ὅτι μάλιστα περιεῖται τὸ μίαν περίοδον ἡλίου ἔτι, ἢ μικρόν ὅζαλλα πᾶν. Vtinam esset, de Epopœiæ nostræ magnitudine vti nos ita certos reddidisset. Nunc rem impeditissimam nobis reliquit, cui priusquam animum applicem, scrupulus eximen-

dus est quibusdam de Tragœdiâ iniectus. Audio enim aliquos in eo maximè altercari, quæ sit verborum Aristotelis mens, quæ potestas vocum eiusmodi *ὑπὸ μίαν ᾠδὴν*. pugnant enim quidam significationem illis subiectam esse: vt diem *τεχνικὸν*, id est lucem ortu solis, & eius occasu definitam desideret Philosophus, non diem *φυσικὸν* siue spatium viginti quatuor horarum; quo, conuersione factâ, ad idem punctum sol redit. Cum iis facit Robortellus qui de se profitetur sic: *Putarim tamen ego (inquit) ab Aristotele intelligi artificialem, quia cùm Tragœdia sit imitatio vniûs actionis, quæ quàm primùm perducitur ad exitum. Neque poëta quidquam suæ narrationis intermisciat, quod in Epopœiâ longissimo poëmate sit, & ad spectatores tota eius referatur imitatio; maximè aquum est, vt actionis sit, quæ uno die videatur absoluta, noctu enim homines quiescunt, indulgētque somno, nec quidquam agunt.* Profert deinde in exemplum Oedipodem Sophoclis, & concludit tandem. *Quod verò de Tragœdiâ dicit, id etiam ad Comœdiam omnino referendum. Nam non longiore spatio suam imitationem conficit Comœdia quàm Tragœdia. Pace illius dixerim, mentem Philosophi non*

intrauit. Aristoteles ab istâ vocē *ἡμέρας* vulgo receptâ, & populari; quia ancipitis erat potestatis, & ad definitionem diei physici adiunxit animum. Quorsum hoc? certè quò vitaret diem *τεχνικόν*, & physicum assereret, & eò magis id suadetur, quòd homo verborum parcus, & in dictione religiosus, definitionem diei accurauerit, qui *μίας αἰτίας ἡλίου* dixerit. Tum Robortelli ratio est infirma. *quia homines noctu neque loquuntur inter se, neque quippiam agunt.* Apud quos tandem hæc loquitur? Multam etiam Robortellus deinde dat operam, quî in Sophoclis Oedipode diem *τεχνικόν* scrutetur, & demonstret. At, quid tum? non ij sumus, qui negemus intra lucem vnam, Tragœdiæ actionem contineri posse: sed nobis auctoribus potest illa ad viginti quatuor horas produci. veluti ab inclinante die vnâ incipere, & sequenti peragi. En in Heautontimoroumeno Terentij, duo primi actus sunt vnius diei; tres vltimi ad alterum diem pertinent, nox media intercedit.

IV. AD nostram Epopœiam reuocetur oratio. vt quid certi constitui queat, diligens cautio sit, de qua iam monuimus; atque tertio alterâ huius libri parte monebimus, actio-



nem à constitutione fabulæ distingui. Nam illa nobis appellata est materia Epopœiæ, cui inducitur fabula, siue ornatus totius poëmatis. Quare duplex erit magnitudo præter illam quæ metris conuenit : altera quidem quæ actioni illi, siue materiæ congruit; altera, quæ in fabulam constitutam cadit; illa minor, hæc longè maior. Ab exemplo lux erit.

Exemplum vtriusque magnitudinis, fabulæ scilicet constitutæ, & actionis. Fabulæ constitutæ partes in Odyssæâ sunt actiones istæ secundariæ; ab expugnato Ilio bellum cum Ciconibus; Polyphemi antrum; Æoli Regia, & beneficium; Læstrigonum sæuitia; Circes vis magica; descensus ad inferos; Sirenum cantus; Scylla, & Charybdis; naufragium quo socios amisit, & his affines, atque cognatæ actiones, quæ sunt, Episodia, fabulæ prima ornamenta.

Actio verò primaria, cui inducitur ille ornatus, est : Nauigatio à Calypso in Ithacam, Procorum nex, & pax cum Ithacensibus.

Si quæritur καὶ ὅλως & generatim magnitudo fabulæ coagmentatæ ex suis Episodiis id certum est, eam nullo certo tempore definiri posse. Difertè id docuit Aristoteles, nam cùm

diem vnum tribuisset tragœdiæ, de Epopœiâ dixit. Η δὲ ἐποποιία ἀόριστος τῷ χρόνῳ· πῶτ' Ἀλφειὸς ῥέει·  
*Epopœia verò nullo certo finitur tempore, atque eo discrepat à Tragœdiâ.* Hoc præceptum non cadit in magnitudinem versuum, sed fabulæ ornatae, quod res ipsa loquitur. Et quidem nullo comprehendi certo tempore ornatum fabulæ, poetarum omnium Epicorum demonstrant exempla. Odyssæa supra XIX. annorum res gestas; Ilias nouem, Æneis octo & eo amplius continet. Nam cùm in Africam Æneas venit, septem erant anni ab excidio Troiano, monet enim Dido in fine lib. primi.

— *Nam te septima portat*

*Omnibus errantem terris, & fluctibus astas.*  
 Quid? ille ornatus fabulæ præter eas, quæ antecedunt actiones; etiam eas quæ longè in futurum tempus retrocedunt, recipit. Quantum amabo temporis, & annorum fluxit ab Ænea ad Augustum? Quidquid interiectum est, id Æneis quâ VI. quâ VIII. libro completitur. Quantum Hector à Carolo IX. Francorum rege distat? id tempus Francias Ronfardi comprehendit. Quare bene pronunciat Aristoteles Epopœiam esse ἀόριστον τῷ χρόνῳ, si habetur ratio fabulæ ornatae.

Turgebit (inquis) & excrescet turpiter fabulæ constitutio, quales sunt, qui Amadisiorum Romanisci appellantur : minimè gentium. Cauet enim Aristoteles cap. VII. de Epopœiæ magnitudine ; & comparatione , cum animalifactâ, illam constituit. Animal, inquit, paruum, bellulum esse potest , pulchrum esse non potest ; quando pulchritudinis duæ sunt laudes , ordo partium , & magnitudo. Quæ exilia sunt, & exigua ; animum, & oculos suî paruitate differunt , & confundunt. Neque etiam animal florebit pulchritudine , quod erit *παμμέγεθες* vægrande, & immensum, quódque vt loquitur hîc Philosophus ad sexcenta stadia se protenderet. Spargeret enim visum, & ægrè possent colligi p̄rtes illius, atque inter se comparari. Careret itaque pulchritudine , quæ ex partium inter se comparatione oritur. Tum (inquit) in rem aliquam oculos, & animum qui intendit, *εἰς τὸ ἐν, καὶ ὅλον* conuertitur. Id igitur ratum esto ; vt neque illa fabulæ constitutio paruitate suâ confundat aciem animi, nèque vastitate fugiat intuitum, & memoriam obruat. verba Aristotelis sunt : *ἐπὶ δ' ἐπὶ τὸ καλὸν καὶ ζῶον, καὶ ἀπὸ τοῦ ὡραίου, ὃ σιωπῆσαι ἐκ πινῶν, οὐ μόνον ταῦτα τετραγμένα δεῖ ἔχειν, ἀλλὰ καὶ μέγε-*

τος ὡς ἀρχὴν μὴ δὲ τέλος, &c. Ista comparatio ab animante ducta non Aristotelis est vnus, sed etiam Platonis qui hæc in verba in Phædro loquitur: Ἀλλὰ τὸ δὲ γε εἶμυί σε φαίμαι αἶν, δεῖν πάντα λόγον ὡς ἀρχὴν ζῶον σωεσθῆναι, &c. Tum & illud dictum de pulchritudine, nam in Symposio definit pulchritudinem esse συμμετρίαν. Symmetria verò, & proportio μεγέθους, & τάξεως opus est.

Ex eâ comparatione duo confici videntur: alterum, quòd neque breuior, aut contracta plus æquo sit fabula, neque grandior, & longior sit iusto. At quanta sit accuratè non docetur. Quod si quis odiosè id quærat, meminerit verbi Aristotelici, qui Moralium initio pronunciat eum esse ἀπαίδευτον, qui requirat in re morali, & politicâ exquisitam illam disputandi rationem, quæ rem ἀποδείξει conficit. Alterum, quod ex comparatione illâ conficitur, est; quòd quemadmodum in animali, singulæ partes alicuius sunt magnitudinis, quæ cum aliis comparatæ vnum animal oculis subiiciunt; ita in Epopœiâ partes eâ sint magnitudine, quæ spectaculum pulchrum sine memoriæ incommodo proponant.

V. QV ANQVAM Philosophus monet, iustam illam magnitudinem, neque petendam esse

esse ex libidine vulgi; quod sensu, & voluptate metitur omnia; neque etiam ex longitudine temporis, quæ in ludis, & agonibus, ad clepsydram poëtis dabatur. Non (inquit) petenda est ex libidine eorum, qui voluptati omnia indulgent, voluptate quippe corrumpitur iudicium; neque ex imperio eorum, qui præfunt ludis; nam omnibus fabulis idem tempus dare iniquum est; cum aliis aliæ plus temporis sibi postulent, τὸ δὲ μῆκος ὅρος πρὸς ἑκάστους. &c. eodem capite.

Definit itaque iustam illam magnitudinem peti debere ex commodo, & naturali transitu vnius fortunæ in alteram, ἢ καὶ τὸ εἶδος, ἢ αἰαγ-χέως. verba sunt: Ως δὲ τὸ ἀπλῶς, &c.

Postremò monet eam fabulam esse perfectissimam, quæ intra naturæ modum sit maxima. Hæc de tragoediâ præcepta sunt; quæ tamen ad Epopœiam traducit capite XXIV.

VI. NVNC quidem de magnitudine actionis hæc eadem propemodum constitui videntur, secùs tamen est. Nam neque memoriæ sublatis Episodiis vllum fit periculum, in actione verò Episodia nulla sunt. Neque in illâ peripetiae & agnitiones continentur,

N

quamobrem eius magnitudini nihil officiunt.

Et si tempus actionis accuratè definiri non possit, tamen quemadmodum vnius diei spatium debetur Tragoediae: ita Epopoeiae annus, & non admodum ampliùs tribui potest. Iliadi annum concessit poëta Græcus; Æneidi menses IV. supra annum, aut circiter Virgilius, quanquam difficile est in Æneide id decidere.

VII. IN Odyssëam placuit inquirere. Illi dies duntaxat quinquaginta quinque additi sunt, qui sic putantur.

Viginti positi sunt in naue compingendâ post legationem Mercurij, ita Homerus canit lib. v.

Εἴκοσι δ' ἔκβαλε πύργα, πελέκῃσιν δ' ἄρ' αἶψα χαλκῶ.

Id est, *viginti (diebus) omnia ligna deiecit, atque dolauit ferro, & cætera, quæ fusiùs prosequitur.*

Quatuor dati sunt dies velis aptandis. eodem libro.

Τέτρατον ἡμῶν ἔειπ', καὶ τῶν τετέλεστο ἅπαντα.

Τῷ δ' ἄρ' αἶψα πέμψα πέμπ' ἀπὸ νήσου διακαλύψα.

Id est, *Quartus dies aderat, & ei perfecta sunt omnia.*

*Quinto verò dimisit eum ab insulâ diuina Calypso.*

Octodecim dies nauigat prosperè Vlysses vsque ad Scheriam Phæacum regionem; ita ipse proficitur lib. VII. oratione ad Aretem.

Επιλαχιδεκέτη μὲν πλέον ἡμεῖς ποντοπορεύων

Οκτωλαχιδεκέτη δ' ἐφαίνε ὄρεα σκίοεντα

Γαίης ὑμετέρης.

Id est, *Septemdecim nauigabam dies per mare, decimâ verò octauâ die apparuere montes umbrosi terra vestra.*

Neque tamen octauâ illâ supra decimam die terræ appulit, nam duos dies malâ vsus tempestate tandem naufragium fecit. Quod liquet, quia duos illos versus iam laudatos iterum repetit, quibus addit descriptionem tempestatis à Neptuno immissæ; duos itaque dies vexatus est aduersâ tempestate, quibus fractâ nauiculâ in tabulâ enatauit. Sic poëta lib. V.

Εἴθα δύο νύκτας, δύο δ' ἡμέρας κύματι πηχῶ

Πλάζετο, πολλὰ δέ οἱ κερδὶν παροίωσεν ὅλεθρον.

*Hinc duas noctes, & duos dies in fluctu nigro*

*Errabat, sæpè ei cor proponebat mortem.*

Atque ita surgunt XX. dies, quibus Iupiter initio libri quinti edixerat, vt Scheriæ applicaret.

Αλλ' ὃ γ' ἐπὶ σχεδὸν πολυδίσμου πῆματ' ἀχών  
 Ηματι δ' εἰκοστῇ Σχεδίῳ εἰβῶλον ἴκοιτο.

*Id est, Sed ipse in rate colligat â dolores patiens.  
 Die vigesimâ in Scheriam glebosam perueniat.  
 Mansit autem apud Alcinoum dies IV. Primus  
 dies constat libro sexto in fine.*

Δύατο δ' ἥελιος, καὶ τοὶ κλυτὸν ἄλσος ἴκοιτο

Iegen Aθηνᾶης.

*Occidit autem sol, & illi inclitum nemus  
 peruenerunt*

*Sacrum Minerva.*

Alter dies incipit cum lib. VIII.

Ημὸς δ' ἡελίῳ φαῖη ῥοδοδάκτυλος ἠώς.

*Quando verò mane genita apparuit roseis digitis  
 aurora.*

Tertius dies lib. VIII.

Δύατο δ' ἥελιος, καὶ τὰς κλυτὰ δῶρα πῆεν.

*Occubuit verò sol, & illi inclyta dona ad-  
 erant.*

Atque nocte illâ Vlysses super mensam narrat  
 varias peregrinationes, & casus quibus iacta-  
 tus est. incipit narratio lib. VIII. ad initium  
 XIII.

Ὡς ἔφατ' Ἀλκίνοος, τοῖσιν δ' ἐπιλώδηνε μῦθος,

Οἱ μὲν κακείοντες ἔβαν οἴκονδε ἕκαστος.

Ημὸς δ' ἡελίῳ φαῖη ῥοδοδάκτυλος ἠώς.



*Sic loquutus est Alcinous , & illis placuit sermo,*

*Ipsi quidem dormituri abiere domum unusquisque.*

*Quando autem manegenita apparuit roseis digitis aurora.*

Sequenti nocte nauigauit, & in Ithacam summo mane appulit lib. decimo tertio. ad Eumæum diuertit eodem die, initio libri decimi quarti.

Apud Eumæum tres posuit dies : vt Eumæus ipse testatur lib. XVII. his verbis,

Τρεῖς γὰρ δὴ μιν νύκτας ἔχων , τρία δ' ἡμέρας ἔσχεα  
Εν κλισίῃ , &c.

*Tres enim illum noctes habens , & tres dies detinui in stabulo.*

Tres dies domi suæ fuit personatus. Primo die habitu mendici procos obseruat , & ille dies continet libros XVII. XVIII. & XIX. Secundus dies incipit sub initium libri XX. quo procis insidias facit , & quis ipse sit , Penelopem edocet. Incipit autem dies iste secundus, his verbis:

Ὡς ἔφατ' , αὐτίκα δ' ἤρυστο θεῖος ἥλυθεν ἠώς.

*Vt loquuta est , statim aurea sella insidens venit aurora.*

Tertio die interficit procos in conuiuio.

Quarto die qui incipit sub finem libri XXIII.

*Exierunt* (inquit) *armati ex urbe in agrum ad Laërtem.* ἤδη ῥῶς φάος ἦεν ἐπὶ γῆνα. Et iam lux erat super terram. Ultimo illo die, & libro continetur tumultus Ithacensium, & quâ Pallas pacem constituerit.

### S V M M A.

In naue compingendâ dies	XX
In velis aptandis dies	IV
In Nauigatione prosperâ à Calypso.	XVIII
In naufragio.	II
Apud Alcinoum.	IV
Apud Eumæum.	III
Domi.	III
Apud Laërtem patrem.	I.
Omnes	LV.

Id temporis per transfennam à me notatum est; cui plus otij suppetet accurabit, & subducet diligentius temporis illius rationes.



## QVÆSTIO VLTIMA

## Partis primæ.

- I. *Actio carmini Epico subiecta debet esse illustris.*
- II. *Heros epici carminis præstantior debet esse iis hominibus, qui poëta coæui sunt.*
- III. *Femina actio potest esse materia Trægædia.*
- IV. *Vtrum femina actio possit esse materia Epopœia.*
- V. *Vtrum femina virtutibus heroicis prædita possint esse.*
- VI. *Vtrum conatus licet fortis, si exeat infelicitè, sit satis illustris, ut Epopœia seruiat.*

I. **O**PORTERE illustrem esse actionem, cui ornandæ seruiat Epopœia, is vnus minimè omnium ignorat, quicum Aristoteli sit familiaritas aliqua. Illo monitore, & poësis imitatione continetur, & imitatio omnis est eorum hominum, qui nobis de morum dignitate vel concedunt, vel præstant, vel etiam sunt pares. A picturæ exemplo ipse sibi fidem, & sententiæ suæ lucem conciliat. nam vt Polygnotus præstantiores, Pauso deteriores, & Dionysius æquales suis coloribus pingebant; ita ab Homero meliores, ab He-

gemone peiores , à Cleophonte similes ver-  
sibus adumbrati sunt. Οἷον Ομηρος μὲν βελτίους,  
Κλεοφῶν ὃ ὁμοίους , Ηγήμων ὁ θάλαρος , ὁ τὰς παραχρῆδας  
ποίησας πορφύρας , καὶ Νικόκλεις ὁ πλὴν Δηλιάδα , χίερος,  
&c. cap. altero.

Deinde capite I V. vbi disputauit vberius ,  
quibus initiis orta sit poësis , & quæ subinde  
ceperit incrementa ; tum illam pro vario poë-  
tarum ingenio multiplicem facit ; nam ( in-  
quit ) cū nobis à naturâ insita sit ea vis , quæ  
in imitatione posita est ; initio , qui plurimum  
illâ valebant , paulatim per difficiles , atque  
adeò rudes conatus poësim enitebantur ;  
quam demum politissimâ emendatam arte ,  
in lucem edidere. Οἱ μὲν σεμνότεροι τὰς καλὰς ἐμι-  
μουῦντο πορφύρας , καὶ τὰς ἱουόντων τύχας. οἱ ὃ ἀτελέστεροι τὰς  
τῶν φάτων. Id est , Ex poëtis , qui augustæ , &  
erectæ erant indolis , generosas clarorum vi-  
rorum actiones , & fortunas imitatione cona-  
bantur : qui verò ingenio erant humili , humi-  
lium hominum actionibus animum intende-  
bant. Post illa docet cap. V. Epopœiæ cum  
Tragœdiâ præclarè conuenire , quòd vtraque  
sit imitatio illustrium , aut actionum , aut vi-  
rorum.

Sitne Epopœia in imitatione hominum ,  
aut

aut actionum posita, disputatum est quæst. IV.

Nunc vocetur in controuersiam, quæ sit vis, & potestas huic voci *αυταίτης* subiecta. Aristoteles actionem nunc *καλῶ*, nunc *αυταίτης* celebrat; homines itidem, quorum actiones illæ sunt, appellat aliquando *αυταίτης*, aliquando *βελτίους*. Vertunt interpretum alij actiones, siue homines bonos, alij honestos, ferios quidam, graues nonnulli; malim ego cum Pacio illustres; neque Heinsius admodum negauerit, qui præclaras actiones appellat.

II. A T Q V I dicuntur illustres comparatione in itâ, tum cum coæuis suis, tum etiam cum iis, quorum ætate scribit poëta, auctore & principe huius sententiæ Philosopho. *ἢ μὲν γὰρ* (inquit capite altero) *χαίρει, ἢ δὲ βελτίους μιμῆσθαι βούλεται τῷ κω.* Id est, *Comœdia deteriores, tragœdia verò meliores imitari conatur, quàm nunc sint.* Eâ gratiâ Virgilius vbique heroës suos hominibus sui temporis, & fortitudine animi, & corporis robore præcellentes canit. Turnus inquit XII. Æneidos.

— *Saxum circumspicit ingens,  
Saxum antiquum ingens, campo qui forte  
iacebat*

*Limes agro positus, litem ut discerneret aruis:  
Vix illud lecti bis sex ceruice subirent ;  
Qualia nunc hominum producit corpora tellus.*  
Quos versus ab Hom. Iliad. ε. nobis rescripsit.

— ὁ γὰρ χερμαδίον ἄλγε χεῖ

Τυδείδης, μέγα ἔργον, ὃ οὐ δύ' ο γ' ἄνδρε φέρεται

Οἷοι νῦν βροτοί εἶσι; ὃ δέ μιν ῥέα πάλλε, καὶ οἶος.

Hyperbole Virgilij grandior videri poterat, sed granditati illi modum quemdam ponere visus est, qui addidit ægrè saxum illud à Turno torqueri. Nam,

*Ille manu raptum trepidâ torquebat in hostem,*

*Tum lapis ipse viri vacuum per inane volutus*

*Nec spatium euasit totum, nec pertulit ictum.*

E contra Homericus Ajax.

— ὃ δέ μιν ῥέα πάλλε, καὶ οἶος.

Diudicatum itaque sit actionem, cui seruiat Epopœia illustrem esse oportere.

Grauis nunc nec vna quæstio poni potest.

Prima esto. Possitne actio feminae ad eò esse magnifica, ut digna sit, quæ carmine Epico celebretur.

III. Næ femina siue marita, siue virgo fuerit, tragœdiæ dare potest argumentum. Testis est omnium ætatum, atque populorum poësis. Hoc Iphigenia, hoc Medæa, hoc

Rhodogune, hoc pugnant, & vincunt innumeræ viragines; quæ materiam, & nomen tragœdiis fecêre. Vt tamen id poëtis liceat in tragœdiæ causâ; intercedi certè potest de Epopœiâ. Nam inter Tragœdiam, & feminæ indolem, atque ingenium congruit quàm aptissimè. Tragœdia siquidem ex edicto Philosophi cap. VI. de poëticâ teneritudini mulierum; quas misericordia, & metus vehementiùs percellunt, & vexant impotentiùs; per ipsummet metum, & misericordiam medetur.

IV. AT in epico carmine certi aliquid constituere; paulò difficilius est. Licet enim illis quoque vitiis medicinam faciat Epopœia, quibus Tragœdiam mederi diximus; primæ tamen eius partes sunt ad magna quæque, & ardua facinora informare viros principes: quibus instituendis cùm femina impar videri possit; necesse est quoque Epopœiam illam videri suo fine cassam esse, atque adeò, quod consequens est, esse vitiosam. Enimuero quo fine Epopœia illis morata moribus scribi potest? eo scilicet, ut principes siue viros, siue feminas heroïcis imbuat virtutibus. De feminis ut primùm quæram. Quî tandem illas instituet?

quibus extra pomœrium armis interdicitur. Docebuntur nempe promiscuè, & ἀσχεπτῶς virgines, quî expeditiones suscipi, quî prælia committi, quî insidiæ fieri & queant, & debeant; quæ partes sunt Heroûm præcipuæ. Facilè mores, vti puto, tutabuntur, quæ ab Indis ad nos cum Angelicâ Ariosti medias inter acies puellæ penetrauerint. Sed ne Ariosto quidem arbitro id monstri cuiquam bene cordato viro suadebitur. Angelicam is de se hæc profitentem inducit cantu primo.

*Et come Orlando la guardo souuente*

*Da morte, da disnor, da casi rei:*

*Et che'l fior virginal così hauea saluo,*

*Come se lo porto dal materno aluo.*

Quam eius orationem ita corrigit poëta.

*Forse era ver, ma non però credibile*

*A chi del senso suo fosse Signore.*

Atqui, si credibile id non est homini bene sanæ mentis, certum esse debet illi feminæ fucum factum fuisse. Infeliciter huic causæ patrocina bitur Plato, qui lib. VII. de legibus ait fuisse præter æquum, & rationem, atque in ἀνοητοτάταις, quòd mulieres apud Græcos non militarent; cùm apud Sauromatas in Ponto præliarentur gnauiter. Sic enim ( inquit ) rei-



publicæ fit iniuria, cuius vires infringuntur, & mediâ sui parte mulctantur. Demum eodem libro sanxit puellas exerceri arcu, sagittâ, palæstrâ omni, mulieres etiam dimicare, mouere castra, exercitum ducere, & alia eiusmodi non pauca facere, & pati, quæ pudor est in medium adducere. Quamobrem in re muliebri ineptire Plato sapientibus semper visus est. Quantò æquius Aristoteles mulieri curam rei domesticæ attribuit; arma, & ea, quæ non extra ciuitatem modò, sed etiam extra priuatos parietes fieri necesse est, viris concedit; adeoque religiosè sancit, vt ne virum quidem velit à muliere domum admitti sine mariti imperio. Molliùs tamen reprehendi debet Plato, qui velit mulieres pro muris armari, infrequentiùs verò extra ciuitatem: quàm ij poëte, qui feminas in armis orbem peragrarè docent, atque in exemplum disciplinæ militaris vagam, & erronem puellam proponunt. At Chlo-  
rindam, & Erminiam Torquatus; Camillam Virgilius; Penthesilæam Quintus, siue Calaber celebrarunt suis Epopœiis. De Erminiâ (quàm amore perditam ille nobis dedit) quanto periculo id factitatum sit; & res ipsa indicio est, & poëta nimium monet. Chlo-

rindæ & Camillæ cùm sit vna causa , idem quoque erit arbitrium. In Episodiis versantur illæ , non in Actione. Enimuero feminæ patiens est quodammodo Episodium , non Actio. Ad hæc qui poëtæ summi sunt Virgilius , & Tassus (de Homero mox dicetur) tam parum mores illos mulierum , vel in Episodiis , spectatos voluêre ; vt si quas feminas adhibuerint ; illas velut in pœnam temeritatis , morte , & quidem obscurâ mulctarint ; ne imbelli , & indigno cruore Heroïum aliquem contaminarent. Chlorindam de nocte , & ab imprudenti Tancredo Tassus perimit ; Camillam ab ignobili Virgilius. Puduit siquidem illos Calabri , apud quem Penthesilæam Achilles necat. Nam auctore Philosopho sectione XXIX. probl. XI. vecordis est , & ignaui hominis mulieri mortem inferre. Latino poëtæ datur laudi , quòd ab eo piaculo se abstinerit. Pomeritam enim Helenam , quæ moreretur , Æneas vel in æstu iræ , & mediâ in cæde Troianorum , atque vrbs incendio non interficit. Est etiam quod sine præuaricatione præteriri nequit. Fictitiæ illæ Heroïnæ nusquam faciunt ab Heroë cuius laudi obsequitur Epopœia , sed semper stant à partibus hostium. Chlorinda &

Erminia Mahometanis , Camilla Turno , Penthesilæa Troianis aduersariis Heroï ad-  
sunt; Christianis, Æneadis, Græcis Heroibus  
nulla. Ad hæc vnam Camillam vno in libro  
militantem adducit Virgilius ; quæ venato-  
rem, & Sacerdotem interimat, Heroëm nul-  
lum. Neque enim illam cum Heroë commi-  
sit; quem vinci à virgine turpe esset, vincere  
parum honestum.

Nunc quibus laudibus Homerum effere-  
mus, qui virginem nullam, nullam mulierem  
in castris siue Græcorum, siue Barbarorum  
versari voluerit. Obseruatum est à viris doctis  
verba quædam trita licèt, & in ore omnium  
posita, ab Homero tamen nusquam fuisse  
vsurpata, vt Τύχλω, Ορχλώ, Πλαϊόν, Τύρανον, Νόμον,  
Δακτύλιον, Αλεκπύωνα. Quanquam Τύχλω in hym-  
no, quem cecinit Cereri, legi doceat Pausanias  
in Arcad. Animaduenterunt alij à rebus qui-  
busdam eum sibi temperasse, quarum vsus es-  
set familiaris; Heroibus veluti neque carnes  
elixas, neque pisces, neque condimenta vs-  
quam apposuisse. Annulorum certè, aut fon-  
tium calidorum, aut sellæ curulis, aut testa-  
mentorum, aut elephantum nullibi meminit.  
Illa iampridem alij notauerint: Hæc sit nota-

tio mea, & obseruatio. Homerus licet non ignoraret Amazones esse, earumque meminisset in Iliade, nullam tamen feminam voluit militare, aut etiam in exercitu versari.

Sapienter enim uerò illi poëtarum antistites quò feminas à re bellicâ deterrerent nulli victoriam, nulli palmam detulêre. Neque enim minus indecorum est à feminâ vibrari hastam; quàm à viro fusum torqueri. Quamobrem videant etiam atque etiam quantam nequitiae fenestram patefaciant, qui iubent mulieres promiscuè militare. Id quidem neque Athenæ decori magistræ, neque Gallia elegantiae parens, nedum Roma maiestatis retinens aliquando concesserit. Fuerit illud sanè quidem Amadisiorum, fuerit Ariosti inepti, & inuerecundi poëtæ, & eorum omnium, qui virtuti perniciem meditati sunt, ut adolescentum animos obiectâ specie virginum frangerent.

Esto (inquies) femina non sit exemplo feminis, quando illis militare minùs honestum est, erit viris. Nam quò fortiùs femina in bello fecerit, eò turpius erit viro languere otio, & inertia corrumpi. Atque hæc est altera ratiocinationis pars, quæ iam suprà in medium adducta fuit. Erit igitur imperator aliquis vir  
fortis

fortis & animi præstans qui præclarè secum actum putet, cùm mulieris fortitudinem imitatione assequutus fuerit? Cæsari lacrymas virtus Alexandri, & Alexandro Achillis gloria expressisse dicitur; isti verò heroï fortissimo femina lacrymas imperabit. Miltiadi victoriæ Themistoclis somnum ademere: à Xenophonte Cyrus expressus est, in quem omnes principes, tanquam in speculum intenti essent: duces exercituum bene multos, virorum fortium siue inuidiâ vstos, siue æmulatione excitatos legimus: vnā verò aliquam ex omnibus feminā, aut extitisse, aut etiam à poëtis esse fictā, cuius gloriā principes viri ad omnes imperatoris partes obeundas incenderentur, certè non legimus. Næ hæc miserè hallucinarentur, qui sic colligerent. Feminæ actio increpandæ in viro inertia accōmoda est; igitur & principi instituendo apta. Res longè alia est ad singulare aliquod facinus cohortari hominem vnum aliquem otio corruptum: Alia, exemplum omnium virtutum principibus viris proponere, in quod defixi animo, omnia imperatoris ornamenta notent, atque in se transferant. Habita est certè vehemens, & ad excitandam virtutem accommoda Tar-

chontis oratio apud Virgil. *Æneïd.* XI. quâ militem ignaum, quique virgini Camillæ cederet, obiurgat. Est hoc quidem argumentum, quod à comparatione minorum appellant rhetores, cuique suam fidem, robur, atque dignitatem nolim detrahare: at feminam certo consilio, in specimen virtutis cùm militaris, tum ciuilis Heroibus ante oculos constitutare, adeò videtur à ratione abhorrens, vt cùm penes poëtas magna semper fuerit audendi potestas, nemo tamen in tantâ poëtarum antiquorum multitudine repertus sit, qui feminam Epopœiâ laudandam suscepit. Nam quod de Marfi Amazonide suspicantur aliqui, non adeò liquet: fueritne Epopœia, an secus; & adhuc sub iudice lis est. Tum vt fuerit, à leuissimo opere grauis auctoritas peti non potest. Nihil verò nos è nouis hominibus, viri Opt. Valerandi Varanij factum commouere debet; qui in ornandâ Virgine Aurelianensi, suæ potiùs pietati velificari suauiter, quàm iusti poëmatis numeros & partes implere voluerit. Quamobrem eius pietati pretium ita ponimus, vt nolimus tamen illum Epico poëtæ in exemplum extare.

Neque huic causæ Regina Semiramis

præsidio videtur esse; tum quia ut militaret, sexum mentita est, rata id quod erat, non esse se imperio parem, nisi à viri specie, sibi conciliaret dignitatem; tum quia turpissimo exitu, vitæ flagitiosos fuisse mores ostendit; & vnà docuit quanti sit periculi, virili veste tegere mulierem. Denique historiæ non fabulæ argumentum est Semiramis. Congruenter magis finem huic quæstioni ponere non licet, quàm verbis Aristotelis capite XV. poëticæ, vbi de moribus disputat. Verba sunt aurea, & rem conficiunt. Δὲ τερον δὲ, τὰ ἀρμόττοντα. Ἐστὶ γὰρ ἀνδρῶν μὲν τὸ ἥθος, ἀλλ' οὐχ ἀρμόττον γυναικί, τὸ ἀνδρείον ἢ δειλὸν ἔστι. Id est, Secunda proprietas morum est, ut sint congruentes, ut esse fortem, mos est aliquis: at non congruit mulieri fortem esse, aut terribilem, ut vertit Riccobonus, vel prudentem ut Pacius. Quàm constans sit in sententiâ Aristoteles, & quàm longè abhorre reputet Epopœiam à feminâ, ex eodem capite XV. intelligitur; in quo prius dixerat mores feminæ malos esse, licet non ἀπλῶς & vique quaque, cùm ea καλὰ & bona sit quodammodo. Bona enim est, si pudica, si casta, si viri amans, si rei domesticæ attenta, & pia: at est planè mala, quæ viris fortibus & imperatori-

bus ἀνδρείας & δεινότητος exempla præbeat.

v. HIS de Epopoëiâ constitutis, de Heroï-nâ ipsâ quæramus: possitne aliqua mulier heroïcis virtutibus esse instructa: atque vt viri sunt, qui Heroës dicuntur, ita possint esse feminæ, quæ Heroïnæ appellentur. At ne fatis quidem ista quæstio videtur posse decidi, nisi priùs certiores simus, quid tandem sit illud, quo heroës fiant. Non desunt qui putent vnicâ actione heroës fieri. Nescio quis præclarum aliquod facinus edidit, en subitò Heroëm. Errat sanè, hæc qui putauerit. De Heroïbus aliter prisca illa ætas statuebat. Adest Eustathius qui in Homerum Iliad. α. sic loquitur. Ἡρώας ὃ παλαιὰ σοφία ἄνθρωπος πὶ θεῶν ἐστὶ δόξα ἔχει, μέσσην θεῶν, καὶ ἀνθρώπων, &c. quæ fusè prosequitur. Quorum vis, & significatio hæc est. Prisci illi Philosophi heroas suos putauerunt esse genus quoddam inter Deos, & homines interiectum. Natos enim perhibebant aut ex Deâ, & viro mortali; quales fuêre Achilles, & Æneas; aut ex Deo, & muliere, qualem extitisse Hectorem docet Lycophron. Hactenus Eustathius. Disertè etiam magis Plutarchus in libello, cur oracula cessauerint, id ipsum edisserit. Apud quem Xenocrates Platonis co-



ævus, homines, heroas, & Deos tribus triangulorum naturis ingeniosè comparat, Deum quidem triangulo *ισοπλευρῶ* siue æquilatero, qui nusquam deficiat, ac proinde adumbratio sit immortalitatis, qua Dij frui credebantur: hominem Scaleno, cuius latera *ἀίστα* sint omnia, & proinde simulachrum humanæ vitæ, quæ sibi constet nusquam eadem, & tandem aliquando concidat. Heroëm Isosceli, cuius latera duo *ἴσα*, æqualia, & tertium *ἀίσον*, indicio sint Heroëm aliquâ sui parte, quâ Deos attingit, immortalē esse, & aliâ, quâ homines attinet, morti esse obnoxium. Non itaque Heroës vno, aut altero siue impetu, siue conatu fieri putavit prisca illa ætas, sed æquabili quodam tenore virtutis, quæ in omnes vitæ partes fusa illos à Diis genitos esse testaretur. Etiam in cunis heroës fuerunt Hercules, & Achilles, cæterique à puero. Verùm hæc prisca illius, & inanis Theologiæ missa facimus; quæ à nobis cōallata sunt; quo opinionem illam conuelleremus, quæ Heroïcā illam naturam furori, & impetui vel singulari concedit. Multò verò magis à grammaticis reculis temperandum putarem; nisi essent, qui ab illis Philosophiæ

pondus, & momenta quærerent. Heroïs nomine cohonestandum quidam opinantur illum, qui amoris, & iræ impetu cieatur impotentius, eâ gratiâ; quòd in heroë bilis flaua, diluta sanguine dominetur; atque hæc humorum crasis amorem, & iram concipiat quàm citissimè. Fidem verò facere nituntur à Grammaticis, quibus *Ἡρώς* nomen habet ab amore, qui vocitatur *Ἐρως*. Et quoniam illud temperamentum feminis maximè congruit, imprimis illas idoneas esse putant, quæ virtutibus heroïcis imbuantur. Nam quid aitis? Flauam bilem sanguine attemperatam magnis rebus gerendis, & quæ Deum deceant, aptam prædicatis? qua fide? quo auctore? Id negant Medici, id Philosophi pernegant. Aristoteles probl. sect. XXX. edidit *πρὸς τοὺς ἀποφαινομένους ἀνδρες*, &c. Id est, quotquot præstantes siue in re philosophicâ, siue politicâ, siue poëticâ, aut etiam virtute heroicâ fuerunt, atrâ bile abundasse; & ne locum ambigendi de mente suâ relinqueret, in illis Platonem, Socratem, Empedoclem recenset, atque vnâ Heroum præstantissimos Bellerophontem, Aiacem, Herculem. Atram verò bilem cùm laudat Philosophus, nemo inertem illam, &

frigidam putet. Eam quippe intelligit , quæ concepto calore ignescat , & flammâ micet purissimâ. Hæc bonitatem ingenij , hæc animi magnitudinem , hæc consortium illud cum superis facit. Cùm enim è duobus conflatur bilis hæc ; igneâ quâdam luce , & mole corporeâ densiore ; à luce , intelligentiam ; à densitate molis , constantiam trahit. Hactenus conati sumus potiùs dicere quid Heroëm non faciat ; quàm constituere , quid sit illud , quo Heroës fieri dicantur.

Quæ Heroëm faciant , tria putantur esse maximè : corporis habitudo quædam firma , ac laborum patiens , quæ atrâ bile sparsa sit : tum animus præsens , erectus , & robustus quodammodo ; cui accedat magnitudo ex illâ corporis temperie , quam statuimus : demum diuina quædam vis , & efficientia ; quâ qui afflatur , supra hominem & sapere , & posse videatur.

Quæ cùm ita se habeant , qui pro feminis dicere instituerit , sic contendet. Qui feminis insunt animi , non alterius sunt cuiusdam formæ , & speciei ; ac ij , qui dominantur in viris. Ridiculè enim sexum animis adscribas. quid igitur est , cur virilis animus capiatur rerum

dignitate, non femineus? non itaque feminæ officit animus, qui virili consimilis est, & congenitus, atque eiusdem naturæ. De corpore verò, etsi mulierum vulgus viris concedit: esse tamen aliquas habitiores viris, ac membrorum compositione solidâ magis, atque vegetâ nec ratio prohibet, & experienciâ constat. Præterea etsi feminæ mollioris aliquantò, & humidioris sint naturæ; tamen si exercitatio corporis, & armorum usus accesserit, durabuntur illæ quodammodo, & virilem succum, atque soliditatem contrahent. Demùm impressionis illius mirificæ, atque diuinæ, quâ heroës fiunt, patientes imprimis sunt mulieres. Quot enim Sibyllæ, ac Prophetæ; quot Entheæ mulieres, ac virgines extitêre? Huic orationi responderi potest. Animorum sexus nullus est? ita sit sanè. Sed corporis communi-  
one, & quasi contagio animus, aut languet, aut viget. Nunc de corporis habitu quid dicam, si corpore sint igneo, si firmo, si consimili, & congenito, & eiusdem cum virili naturæ, vt prædicat hæc oratio; cur non viri nascuntur? Nam ab animis discrimen nullum est, à corpore nullum esse iubetur, cur igitur viri non sunt, quæ sunt feminæ? De impressio-  
ne

ne & efficientiâ illâ diuinâ nihil iam queror à Philosopho Deum de machinâ excitari. Quanquam ne illud quidem omnino præteriri debet. Nam vt infrâ disputabimus, cùm de machinâ ponemus quæstionem, illa actio habetur ad Epopœiam inepta, quæ fit ministerio Deorum. Sed ad impressionem illam diuinam redeat oratio. Accepimus à viris sanctis, afflatum illum diuinum cum flatu, quo, quæ organa dicuntur, in templis nostris musicè canunt, componi. Vt enim ab eâdem aurâ follibus conceptâ, & remissâ tubi omnes fiunt vocales, qui tamen variè modulantur pro variâ sui conformatione, & figurâ: ita eâdem efficientiâ, & afflatu diuino viri magni, & heroës incitantur; attemperatè tamen ad eorum naturam. Isaïæ oratio culta est, & magnifica; Amosij verò incompta, & agrestis. quid ita? quia etiam auctore scholâ Peripateticâ, quæcumque res inducitur alteri, ad ingenium illius se fingit, & accommodat. Neque immeritò; alias enim illam corrumperet, atque labefactaret. Ex eâ igitur efficientiâ nihil constitui potest, quæ se naturæ attemperat quodammodo.

Non tamen à me, aut hæc, aut ea, quæ suprà de muliebri illâ Epopœiâ disputata sunt, eò pertinent, quò rebus bellicis, & imperio militari velim vsquequaque interdictum omnibus mulieribus; sed eò dumtaxat, ne quis sibi cum Ariosto, & Amadisiorum auctoribus licere putet virginibus castra implere, & poëticæ licentiæ lenociniis sanctitatem morum illudere. Multitudo virginum & mulierum poëmatibus grauitati atque sanctitati planè officit, & cum profanos poëtas ea dedeceat, tum Christianis esse debet pudori. Vtrum autem vna aliqua, quam elegerit, & cui pro summo imperio Deus Opt. Max. belli summam crediderit, Epopœiæ dignitatem violet, necne; vna dumtaxat aliquando me dubium fecit Varanij, & aliquorum, qui ei consentiunt, virorum doctorum auctoritas. Nunc verò animum mihi certum fecêre, & rationes paulò antè allatæ, quæ feminam amoluntur, & suspicionis, quæ à Religione petitur, futilitas. Etenim vt nihil aliud vitij resideret in eâ Epopœiâ, id tamen peccati esset, quod in Actione Machinam admitteret, secus ac ex Aristot. pars huius Dissert. altera qu. VII. demonstrat.

VI. ALTERA quæstio, quæ quidem in

rem, & disputationem nostram sit, ponatur. Vtrum conatus etiam laude dignus, qui tamen exeat infeliciter, satis dignus, & illustris fit, qui Epopœiæ det argumentum. ab exemplis lux accedet. Æneas cum Troianis illis suis per tot maria oræ Italicæ applicuerit, sed ante exscensum subortâ foedâ tempestate ipse naufragio pereat, & focij eius dissipentur. Itidem. Fac Vlysses post diuturnam peregrinationem enitinauiter, vt procos domo exturbet, atque coniugem, filium, & bona recipiat, verum eo in pugnâ cæso, Penelopen Antinoo nupsisse. Nî mea me fallit opinio, nemo homo erit tam parum prudens istarum rerum, idem qui non censeat eam actionem parum aptam esse materiam poëmati Epico. In Iliade præceptio fiet illustrior. Græci exercitum ingentem conflant, & duce Agamemnone Asiam petunt eo consilio, vt Troiam diruant. Facinora virtute bellicâ & consilio præclara eduntur multa, ciuitas obsidetur, deditio- nem iam cogitat, cùm eruptione Hectoris Agamemnon interficitur; miles subinde quâ necatur, quâ in potestatem Troianorum venit, quâ in Græciam inglorius redit. In quæstione est; fueritne Græcorum iste conatus licet for-

Q ij

titudinis & consilij plenissimus, materia Epopœiæ digna. minimè sanè quidem duplici de causâ. Alterâ, quia primaria actio ex præceptis Aristotelicis debet esse tota; alterâ, quia ex eiusdem edicto debet esse illustris. Hæc verò utrâque laude caret. non enim tota est, quæ præcipuâ suâ parte mutila est; neque illustris, quæ exitu felici caret. At conatus fortis fuit, at consilij abundans. Nul-  
lus inficior, ad Epicum tamen carmen ineptam pronuncio actionem illam: tum quia ut iam monui ex Aristotele actio epica tota esse debet, atque illustris; tum quia Epopœia scribitur, & celebratur, ut viri principes ad facinus aliquod simile inflammentur: Non inflammat verò conatus iste, sed retardat. Torquatum ipsum appello, apud quem his verbis loquitur Godofredus cantu primo.

## X X I I.

*Già non lasciammo i dolci pegni, e'l nido  
Natio noi, (se'l creder mio non erra)  
Nè la vita esponemmo al mare infido,  
Et à i perigli di lontana guerra,  
Per acquistar di breue suono un grido  
Volgare, e posseder barbara terra,  
Che proposto ci hauremmo angusto, e scarso*



*Premio, e in danno de l'alme il sangue sparso.*

XXIII.

*Ma fù de' pensier nostri ultimo segno  
Espugnar di sion le nobil mura:  
Et sottrarre i Christiani al giogo indegno  
Di seruitù così spiacente, e dura;  
Fondando in Palestina un nouo regno,  
Ou' habbia la pietà sede sicura:  
Nè sia chi neghi à peregrin deuoto  
D'adorar la gran tomba, e sciorre il voto.*

XXIV.

*Dunque il fatto sin' hora al rischio è molto;  
Più che molto al tranaglio, à l'honor poco,  
Nulla al disegno, oue ò si fermi, ò volto  
Sia l'impeto de l'armi in altro loco, &c.*

Audio hîc ego: periculorum ( inquit ) abundè est, laborum etiam superest: quod verò sit ad gloriam, actum esse admodum nihil. quid ita? eximia enim quædam facinora ediderant. Persas, & ( vt loquitur Torquatus ) Turcas contuderant, Antiochiam vi ceperant, cui Boëmundus præerat; hæc quæ per se magna sunt, fiunt nihili à Godofredo. quamobrem? quia quæ edita fuerant, illa erant *nulla al disegno*, ad propositum finem nihil attinebant. At quis Tassî sensus foret, aut quid tandem

Q iij

diceret; si aut in seruitutem redactus, aut dissipatus, aut enectus fuisset miles? iam non diceret, eâ in actione, gloriæ esse parum, sed quereretur ignominia esse plurimum.

Hic etiam lis moueri potest altera, nihilo facilior: Cum in expeditione illâ Græcorum, Tenedos vrbs, &

*Insula diues opum Priami dum regna manebat,*  
capta fuerit, possitne Tenedi *ἄλωσις* Epopœiæ materiam, siue argumentum sufficere, etiamsi deinde Græci à Troia repulsi, & à Troianis victi, atque exuti illâ insulâ in Græciam inglorij redire compulsi fuissent. Certè abhorret natura Epopœiæ, & repugnant exempla omnium poëtarum. Nam & Regnum Italiæ Æneæ asseritur; & Ithaca suo restituitur Vlyssi: & Troia capitur ex victoriâ Achillis; & Regnum Hierosolymitanum in potestatem Godofredi venit. Vetat etiam Tassus. nam Godofredus exercitum, qui profligatis Turcis, & Persis, atque captâ Antiochiâ gloriæ putabat satisfecisse suæ, his verbis increpat cantu I. XXVI.

*Turchi, Persi, Antiochia, ( illustri sono ,  
Et di nome magnifico , & di cose )  
Opre nostra non già , ma del ciel dona*

*Furo, e vittorie in ver merauigliose.  
 Hor, se da noi riuolte, & torte sono  
 Contra quel fin, che'l donator dispose  
 Temo ce n' priui; & fauola à le genti  
 Quel sì chiaro rimbombo al fin diuenti.*

## X X V I I.

*Ah, non sia alcun, per Dio, che sì graditi  
 Doni in uso sì reo perda, e diffonda.  
 Aquei, che sono alti principj orditi  
 Di tutta l'opra il filo e'l fin risponda.*

En neque Persarum, aut Turcarum clade,  
 aut Antiochiâ captâ conquiescit; En quoties  
 finis expeditionis meminit; metuit etiam fa-  
 bula fieri, quid ita? quia non eo fine suscepta  
 expeditio erat; & quia necesse est, vt

*Di tutta l'opra il filo e'l fin risponda.*

Ratio etiam grauis prohibet. nam in animis le-  
 gentium id semper hæreret, à fine proposito  
 abesse imperatorem, ac proinde gloriâ legiti-  
 mâ carere, quæ à fine petitur. Deinde vsque  
 recurreret in memoriam clades, quæ sequuta  
 est. Propter enim rei magnitudinem nexu  
 quodam, & illigatione tam arctâ hæc duo  
 committuntur; vt alterum, sine altero in men-  
 tem non veniat. Essétne aliquis ingenio  
 tam hebes, qui Tenedi captæ meminisset, &

idem non recordaretur cladis Græcorum, quâ à Troianis victi, in Græciam rediissent inhonestè? Essétne aliquis qui expeditionem eiusmodi viro principi in exemplum gloriæ proponeret, cuius exitus, & finis cùm dedecori, tum damno fuerit? Enimuerò si quis imperatorem fortissimum ab expeditione Asiaticâ deterre cuperet, nihil certè potius deberet habere, aut etiam appositè magis posset adducere; quàm exitus eorum, qui cùm virtute bellicâ præstarent, & ab exercitu essent paratissimi, tamen amissis copiis cum dedecore fuissent repulsi. Neque est quidquam rei, cur Achilles nobis opponatur, quem Paris ante excidium Troiæ interfecerit, ac proinde cuius exitus infelix fuerit. Eam enim rem si quis istarum rerum peritus rectâ putarit viâ, statuet Epopœiam non viri esse imitationem, sed actionis, quod apertè & *αἰαποδράςως* quæst. quartâ ostendimus. Ac proinde, si actio integra, si perfecta fuerit, laudis illa nullius indigebit. At in heroë felicitatem vsquequaque etiam post actionem poëmatici primariam nemo desideret, cùm Heroûm nulli aut certè perpauci felices exitus nacti fuerint. Vt reliquos taceam, & eos tantùm appellem qui ab Epicis poëtis

poëtis celebrati sunt. Godofredus aliquot post Hierosolymam captam annis in prælio ita cuanuit; vt præter nomen, & memoriam nihil è tanto viro reliquum fuerit. Quàm infeliciter Pompeius, & Cæsar vitam clauferint, & Achilles ille Homericus, nemo ignorat: quid? Erunt nobis Homerus, Lucanus, Tassus eâ causâ obiurgandi. Nequaquam. Actionem enim totam & illustrem ornarunt mirificè. At, si actio quæ à poëtâ suscipitur ornanda, aut ipsa *τελειότητος* expers sit, & totalitate non gaudeat, aut fuerit ea pars necessariò coniuncta cum maiori actione, quæ sædè exierit, qualem in exemplum huc attulimus, ea certè digna non est, quæ Epopœiæ seruiat. Capillos hominis laudas & coloris, & nitoris gratiâ; at is totâ vrbe famosus est oculorum prauitate: si quid video, illum non laudas, sed nobilitas turpitudine.

Næ isthic Venusinus poëta *callidus excusso populum suspendere naso*, dicat appositè:

— *Hunc ego me, si quid componere curem,  
Non magis esse velim, quàm prauo viuere  
naso.*

Hæc à me quidem certò constituta sunt de actione profanâ; de actione verò Christianâ

R

130 DISSERT. PARS I. DE MAT. EPOP.

meritò potest ambigi. Etenim externi illi homines, & à verâ religione alieni, finem non habent alium ab eâ gloriâ, quæ ex hominum opinionione colligitur, quâ cum excidunt, omni gloriâ careant, necesse est, quæ tota à fine suam ducit dignitatem. At Christiani cum popularem illam auram, & inanis gloriolæ rumusculos contemnunt; tum in vnam virtutis honestatem, & Dei O. M. cultum intenti, præclarâ cum laude munus defunguntur suum, quando certo animi consilio, pietate, atque constantiâ ad eximium aliquod facinus aggrediuntur, licet ad exitum absque vllâ culpâ suâ illud non perducant.





# DISSERTATIONIS

## PARS SECVNDA.

### DE FORMA EPOPOEIAE.

EPOPOEIAE subiecinus actionem tanquam materiam : nunc vt ratio doctrinae sibi cohæreat, de formâ inceptemus disputare.

---

#### QVÆSTIO PRIMA.

##### De Fabula.

- I. Ordo huius secunda partis.
- II. Varia potestates huius vocis, fabula.
- III. Definitio fabulae epicae explicatur.
- IV. Fabula est anima poematis. Sex rationes, cur id sit. Lucanus non est poeta epicus.
- V. Fabulam constituere qui velit, eius primae partes sunt; vt actionem Episodiis, & nominibus propriis spoliet.
- VI. Odyssæ argumentum ex Placitis Aristotelis absque nominibus; deinde cum nominibus; Postremo cum Episodiis.
- VII. Iliadis argumentum ad imitationem Odyssæ.
- VIII.

R ij

*Æneïdos argumentum simili arte compositum. IX. Godofredi, siue Hierosolyma liberata argumentum ex iisdem praeceptis. X. Religionis, siue Constantiniados argumentum ex iisdem regulis. XI. Rationes quamobrem actio suo ornatu spoliari debeat.*

I.



IC erit ordo partis huius secundæ. Cùm Epopœiæ subiecta materia sit actio, & Epopœiæ eiusdem forma sit ornatus actionis, eò adducimur, ut explicatâ actione, de ornatu disputemus. Ornatus verò omnis à formâ petitur, ut docent Physici. Nam materia de se informis est, & inops. Formam cum materiâ ita comparauit Aristoteles I. Phys. cap. vlt. ὡς περ αὖ εἰ ἡ λυτὴ ἄρρενος, καὶ αἰχρὸν χαλκοῦ. At ornatus ille Epopœiæ ex quatuor veluti partibus coalescit: fabulâ, quæ est substructio, & compositio actionis; tum moribus; deinde sententiâ; postremò dictione; ex quibus quatuor forma Epopœiæ componitur. De iis itaque sigillatim hac parte alterâ nobis disputandum est.

Aristoteles partes Tragœdiæ formales, & ut ipse loquitur, secundùm quæ ποιά λέγε-



Ἡ τραγωδία, sex enumerat: fabulam, mores, dictionem, sententiam, apparatus, & melopœiam. Ἀνάγκη οὖν πάσης τραγωδίας μέρη εἶναι ἕξ, καθ' ἃ ποιεῖ τις ἑστὴν τὴν τραγωδίαν. Ταῦτα δὲ ἑστὶ μῦθος, καὶ ἦθος, καὶ λέξις, καὶ ὁμοιοκαταληξία, καὶ μελοποιία. Ex quibus, quæ primæ sunt quatuor, etiam Epopœiæ congruunt; duæ verò ultimæ minimè. Præterea, inquit capite XXIV. Epopœia iisdem partibus εἰδικαίς gaudet cum Tragoediâ. & continuò excipit melopœiam, & apparatus. Ἐπὶ τῷ εἶδει ταῦτα δὲ εἶναι πλὴν ἐποποιίαν τῇ τραγωδίᾳ, &c. Partes itaque Epopœiæ εἰδικαί sunt illæ quatuor, quæ iam recensitæ sunt.

De primâ disputemus. Fabulæ nomen multiplicis est significationis.

Prima esto. Vt fabula sit sermo fictitiis, qui rem alteram apertè, alteram dissimulante significet. In fabulis Æsopicis est id illustre; quippe quæ à brutorum animantium ingeniiis, & consuetudine hominum mores, & instituta notent. In eam partem nomen fabulæ accepit Aristoteles sect. XIX. probl. III. ὅτι τὸ παραδειγμα, καὶ οἱ μῦθοι ὅμοιον δεικνύουσιν.

Tum fabula ab Aristotele nonnumquam κατὰ χριστικῶς usurpatur pro actione ipsâ, quam statuimus esse Epopœiæ materiam.

Deinde fabulæ notio est pro toto poëmate epico, siue scenico. Fabularum siquidem aliæ dicuntur palliatæ, aliæ togatæ. Græcæ illæ, quia Græci pallio amiciebantur: hæ Romanæ, quòd Romani togati essent.

Denique fabulæ nomen datum est constitutioni, & substructioni actionis primariæ: nam cùm actio ipsa vtplurimum rudis sit, & indigesta, componi debet; quæ compositio, fabula dicitur Aristoteli, vt mox dicemus; atque hæc est fabulæ significatio, de quâ hîc *κωικός* & *ιδίως* ambigitur.

II. AC primò quidem Philosophus pronunciat cap. VI. fabulam esse imitationem actionis, tamen quia id perplexè dictum fuerat, addidit illico. Dico autem fabulam esse compositionem rerum. *Εστὶ γὰρ τῆς τραγῳδίας ὁ μῦθος μίμνησις. Λέγω γὰρ τὸν μῦθον τὸ τοῦ πλοῦ συνέθεσιν τῶν τραγικῶν.*

Et capite VII. vbi monuit iterum fabulam esse compositionem rerum, attexuit statim: *Ἐπεὶ δὲ καὶ τὸ τοῦ ποιῆσαι, καὶ μέγιστος τῆς τραγικῆς ἐστίν.* *Quandoquidem fabula, primas in tragœdia* (idem censeretur de Epopœiâ, vt iam sæpè ex eodem Philosopho docuimus) *tenet.*

III. DEM VM fabula tanti est apud Aristotelem, vt illam tragœdiæ caput, & animam

dixerit. Ἀρχὴ μὲν οὖν ἐστὶν ψυχὴ ὁ μῦθος τῆς τραγωδίας.

ca. VI. Quemadmodum enim corpus, à quo segregatus est animus, cadauer est informe, iners, & caducum; atque hoc ipsum, si animum reddideris, erit formosum, atque vegetum: Ita actio sine fabulâ informis est, & emortua quodâmodo; vt accesserit fabula, pulchritudinem induit. Actio igitur est Heroïs; fabula verò est poëtæ. Id vide in exemplo. Vlysses deletis procis, coniugem, & bona recipit, ea est actio. Homerus, id quod ab Vlysse gestum est, certo ordine distinctum comprehendit, hæc est fabula. Sine fabulâ itaque non erit poëma epicum: Eâ de re Lucanus in poëtis non est, cui, vt cum Philosopho loquar, ἐπιλέχεται, & ψυχὴ desit. Seruio auctore in primum Æneïdos id audeo. *Lucanus (inquit) ideo in numero poëtarum esse non meruit, quia videtur historiam composuisse, non poëma.* Seruio suffragatur totidem verbis Isidorus lib. VIII. origin. cap. VII. nec non & alij non pauci. At eâ de re iam disputatum est priori parte quæst. VI. Nunc, quod est in Philosophi officio maximè, vestigemus, quid causæ fuit, cur fabulam reliquis omnibus partibus anteposuerit Aristoteles, illâmq; appellauerit ψυχή, id

est , animam poëmatis.

IV. RATIONES à Philosopho sunt multæ.

Prima. Quia fabula est ipsa actio culta & ornata , ac proinde nudâ actione præstantius aliquid , atque melius. In actione verò est felicitas , & beatitudo , nihil autem melius beatitudine , quæ finis est. nihil itaque præstantius erit fabulâ , non mores , non sententia , non elocutio. Atque hæc ratio à nobis suprâ explicata est. Alterius rationis , quæ est prioris appendix , vis est. Actio non est morum gratiâ , sed mores actionis causâ ; igitur actio præstat moribus : οὐκ ἔστιν (inquit) ὅπως τὰ ἥθη μιμησθῆται, ἀρετῆουσι. Ἀλλὰ τὰ ἥθη ἀρετῶν ἀμειβόμενοι ἀφ' ἑαυτῶν. Tertia ratio. Tragicædia absque actione nequit consistere , potest autem sine moribus.

*Nupera enim tragicædia morata non sunt , & uniuersè poëta non pauci mores nullos expriment.* αἱ γὰρ τῶν νέων τῶν πλείων ἀήθης τραγωδίαί εἰσι, καὶ ὅλους ποιῶσι πολλοὶ ποιῶντες. Actio igitur est magis οὐσιώδης quàm mores. Quî autem fieri possit tragicædia , vel poëma sine moribus , quæretur postea. Quarta ab eodem Philosopho ratio est. Siquis benemoratam orationem , sententiis grauem , & elegantem dictione scripserit , is quod primum est in poëmate non attigit.

Nam

Nam imprimis (inquit) requiritur *μῦθος, καὶ σύστασις τῆς παραμύθου*, id est, *fabula, & constitutio rerum*; in secundis verò mores, sententiæ, dictio. Quinta ratio. Maximè capiuntur animi Peripetiis, & Agnitionibus; at Peripetiæ, & Agnitiones sunt partes fabulæ. Fabula itaque potior. Πρὸς δὲ τοῦτοις, inquit, *καὶ μέγιστα οἷς ψυχαγωγῆν ἡ παραμύθια τῷ μῦθου μέρει ἔστιν, αἱ τε ἀειπέτεια, καὶ ἀναγνωρίσις*. Sexta ratio petitur ab experienciâ; quia è veteribus poëtis, qui sunt alicuius nominis, primò fabulam constituerunt, tum mores, & sententias, atque elocutionem. οἷον καὶ οἱ τραγῳδοὶ ποιηταὶ σχεδὸν ἀπασιν, &c. Denique comparatione id suadet. Nam vt colores etiam exquisiti, si temerè sparsi sint, atque fusi, minùs placent; quàm vnus solus, qui figuram aliquam, & imaginem expresserit: ita sine moribus illis, & sententiis placebit magis fabula, quæ actionem rectè constituat. Quamobrem ex iis rationibus concludit. Ἀρχὴ γὰρ οὐκ οὐκ, καὶ οἷον ψυχὴ ὁ μῦθος τῆς παραμύθου. Est igitur præcipua pars, & velut anima Tragoediæ ( ac proinde & Epopœiæ ) fabula. Quid verò sint Mores, quid Sententia, quid Dictio, quid Peripetia, & Agnitio subinde quæremus.

V. Quid ad fabulam fingendam, & ornan-

S

dam poëta debeat accedere , instituit docere Aristoteles cap. XVII. Primò iubet , vt actionem habeat animo probè , & distinctè comprehensam ; erit verò illud , si eam Episodiis , & nominibus propriis spoliata spectauerit ; tum vt addat nomina , quæ personarum & moribus , & officiis congruant ; deinde vt Episodiis , & reliquis ornamentis , & apparatu poëtico actionem cohonestet. Postremæ curæ erunt in eloquutione , & dictione. Ait igitur.

ποις τε λόγους ποίς ποιημένοις δεῖ καὶ αὐτὸν ποιῶντα ἐκλήθεαι καὶ ὅλου, εἴθ' οὕτως ἐπισσοδιῶν. Id est , *Actiones ipsas oportet, & poëtam exponere in vniuersum, & deinde per episodia illas exornare.* Vis est , &

cautio in hac voce καὶ ὅλου vniuersè. Sunt enim tales , si abstrahunt à singularibus ( vt docetur ab eodem ἐν τοῖς ὑτέρων. Eandem præceptionem tradit explicatiùs subinde. Μετὰ δ' ἑσθ' ἡδὲ ἕπονται τὰ οἰόματα ἐπισσοδιῶν ὅπως δ' ἔσται οἰκεία τὰ ἐπισσόδια σοπεῖν. Meritus est quàm optimè de nobis hîc Aristoteles , qui non tantùm præcepto id edixit ; sed etiam exemplo illustrarit luculento.

Actionem enim Odyssææ puram , & omni illâ pompâ nudam nobis spectandam obiecit : eam nos deinde altero exemplo ex eius præceptis instruemus nominibus ; & tertio adhibitis Epi-

sodiis ornabimus; ne quid lucis in re hæcenus perobscurâ desiderari queat. Atque in gratiam poëtarum Epicorum, Iliadis, Æneïdis, Hierosolymæ Torquati, & eius poëmatis quod nos meditamur, argumenta simili arte producemus.

VI. Vestigium Odyssæ ab Aristotele sine Episodiis, & nominibus, ex capite XVII.  
de re poëtica.

*QVIDAM peregrè profectus, & classe, ac sociis per varia naufragia exutus, multos annos aberat domo. Interim non tantùm illi res domestica à procis, qui coniugis ipsius nuptias ambibant, decoquebat; sed etiam eius filius petebatur insidiis. Is autem post victas multiplices iniquissimi maris tempestates, tandem patriæ redditus procos ex insidiis occupat, & interficit. Addit Aristoteles ὅ μὴ οὐδ' ἴδιον ἔχει, τὰ δ' ἄλλα ἐπεισόδια. Id est, hæc propria sunt Odyssæ; reliqua in Episodiis numerari debent.*

*Alterum argumentum Odyssæ cum nominibus & sine Episodiis ex eiusdem Aristotelis præceptis.*

REX Ithacæ Vlysses cum reliquis Græciæ  
S ij

principibus viris in expeditionem Iliacam exierat. In reditu per varia naufragia classe, & sociis exutus præter decem illos annos, quibus ad Troiam pugnatum est, decem alios errabat miserè. Interim non tantùm illi res domestica à procis, qui Penelopes eius coniugis nuptias ambibant, decoquebat; sed etiam Telemachus eius filius petebatur insidiis. Is autem post victas multiplices iniquissimi maris tempestates, tandem Ithacæ redditus, procos ex insidiis occupat, & interficit.

*Tertium argumentum Odysseæ cum nominibus  
& Episodiis ex Homero.*

VLYSSES impatienter desiderium ferebat, quo Ithacæ patriæ, coniugis Penelopes, & filij Telemachi flagrabat; à Calypso tamen Nymphâ Marinâ, vi, & necessitate, quando gratiâ, & blanditiis non poterat, multos annos retinebatur. Habetur interim apud superiores deorum concilium. Minerua sapientissimi hominis ærumnas in auribus omnium ponit. Illius reuocandi prouinciam Iupiter summâ omnium consensione, præterquam Neptuni, qui Æthiopum causâ aberat, eidem Palladi detulit. Mox illa in Ithacam deuolat,



& personâ Taphij Regis indutâ , auctor est Telemacho , vt à Nestore & Menelao de patre percontetur. Telemachus deæ præsentia erectior procos domo paternâ exturbare nequidquam conatus, naue conscensâ Pylum ad Nestorem contendit. Amanter ab illo exceptus de Græcorum reditu audit bene multa, de patre admodum nihil. Illinc pergit ad Menelaum cum Pisistrato Nestoris filio. Hic cum multa tristitia sanè quidem docetur, tum imprimis Vlysses desiderio patriæ, coniugis, & filij tabescentem à Calypso eius amore perditè captâ, prohiberi reditu. Iterum apud frequentem deorum senatum Vlyssis misérias, Telemachi labores, & impotentem procorum libidinem defert Minerua. Mercurius ad Calypso legatur, quæ auctoritatem non ausa defugere, tandem ægrè dimittit. Nauigabat Vlysses feliciter, cum tempestate foedâ à Neptuno immissâ euertitur naue. Nando ad Phæacum littus appellit. Naufragum excipit Alcinous Phæaciæ rex, domo, hortis illis celeberrimis, conuiuio, & ludis. Inter epulas Vlysses exoratus, quis ipse sit docet: tum vt expugnato Ilio, cum Ciconibus bellum gesserit; vt in Polyphemi antrum, & potestatem

venerit; vt ab Æolo ventos in vtrem ifcuslon multâ prece extulerit. Narrat etiam Læstri-  
gonum sæuitiem, & suum ad Æxam insulam  
appulsum; tum vt socios à Circe in fues vi  
magicâ mutatos ope Mercurij receperit; De-  
inde suum ad inferos descensum ex imperio  
Circes; nec non quibus illic occurrerit, Tire-  
fiæ imprimis, tum Heroïbus, & Heroïnis,  
exponit. Addit de suo ad Circem reditu, post-  
ea quâ arte Sirenum cantus eluserit; quî præ-  
ternauigauerit Scyllam, & Charybdim; & vt  
fociis propter cæsa solis armenta naufragio  
amissis, solus ad Calypso in Ogygiam insulam  
appulerit. Hîc finem narrandi facit Vlysses,  
quem multis auctum donis in patriam dimit-  
tit Alcinous. Cautè Vlysses ad Eumæum ser-  
uum iam inde à puero sibi addictissimum ruri  
commorantem diuertit, à quo multa de re do-  
mesticâ, de coniuge, de filio, & procis doce-  
tur. Interea Telemachus Spartâ in Ithacam  
insulam reuenit; neque ipse primò in urbem  
cogitat; sed ad eundem Eumæum, quem de  
matre, deque procis percontatus in urbem  
præmittit. Occasione captâ Vlysses se filio ma-  
nifestat, quicum de procorum cæde hoc con-  
siliij capit. Telemachus prior venit in urbem.

Mox sequitur Vlysses, & mendici habitu procos recognoscit, altero deinde die illos sub noctem inter epulas intercipit, & necat. Antelucanâ fugâ sequenti die, cum filio ad patrem Laërtem, qui tum in agro habitabat, se recipit. Procorum affines tantâ acceptâ clade in Vlysses, & Telemachum armati irruunt; quorum impetum illi cum operis, & seruitio sustinere parant. Prælium dirimit Minerua, & ab alienatas voluntates ad concordiam traducit.

VII. *Iliadis argumentum sine nominibus,  
& Episodiis.*

VIR in exercitu princeps, & animi atque corporis robore præstantissimus, insigni contumeliâ ab imperatore acceptâ, præ irâ bello abstinet. Mox retro fluere res imperatoris, & fortissimus quisque ab hostibus, aut perimi, aut vulnerari; discessio ipsa, & fuga parari. Precibus ille, aut etiam muneribus nihil commouetur. Forte qui summus erat illi, ab hostibus in prælio concidit. Amici itaque morte atque commiseratione commotus iterum arma induit, inclinatam rem, ac tantum non perditam restituit; atque hostes vlciscitur grauissimè. Cætera sunt in Episodiis.

*Iliadis aliud argumentum cum nominibus , & sine Episodiis.*

ACHILLI viro principi , atque fortissimo Agamemnon Græci exercitus imperator puellam Briseïdem per summam contumeliam abstraxerat. Ille præ irâ bello abstinet. extemplò res Agamemnonis retro , & pessum ire , fortissimus quisque Græcorum , aut perimi , aut vulnerari. Precibus Achilles nihilominus aut muneribus nihil commouetur. Inter ea qui Achilli summus erat Patroclus in prælio ab Hectore duce Troianorum occiditur. huius misericordiâ Achilles iterum arma induit , inclinatam Græcorum rem restituit , Troianos interfecto Hectore vlciscitur sanè quàm grauitè.

VIII. *Æneidos argumentum absque nominibus & Episodiis.*

QVIDAM incensâ ab hostibus patriâ cum aliquot popularibus eam in regionem cogitat, è quâ oriundi essent maiores eius. post multos terrâ , marique exhaustos labores tandem illuc peruenit. Accipitur amicè à Dynastâ loci , & in generum asciscitur. ægrè id tulit

tulit, vicini cuiusdam regis filius, qui iamdudum nuptias illas ambibat. Graue inter riuales bellum oritur. Pugnatum est sæpe, & atrociter. Victor tandem extorris ille virgine, & regno potitus est. Reliqua sunt in episodiis.

*Æneïdos argumentum cum nominibus, sed sine Episodiis.*

ÆNEAS incensâ à Græcis Troiâ cum reliquiis tanti populi mare conscendit: Italiam, è quâ maiores eius oriundi essent, cogitat. Post varios terrâ, marique exhaustos labores ad oram Italicam appellit. Accipitur humaniter à Latino, qui tum Latio imperabat, & in generum asciscitur. Ægrè imprimis id tulit Turnus Dauni Rutulorum regis filius, qui iam pridem nuptias illas ambibat. Graue inter riuales bellum oritur. Pugnatum est sæpe, & atrociter. Victor tandem Æneas virgine, & regno potitus est.

IX. *Gothofredi siue Hierosolyma liberata argumentum, sine nominibus, & Episodiis.*

ALIQVOT viri principes societatem belli pro religione, ac pietate inierant; rem gesserant vtcunque, eorum tamen conatibus

T

obstabat maximè *ἀνὰρχία*. Vnusquisque enim dum sibi studet, rei officit publicæ. Supererat belli totius caput, vrbs primaria, & hostium arx quodammodo. Communibus itaque illi sententiis, rei gerendæ vnum ex omnibus aliquem præficiunt. Is sapientiâ, & fortitudine præstantissimus, urbem obsidet, capit, & deletâ impietate, sanctitatem religionis, atque morum instaurat. Cætera sunt in Epifodiis.

*Gothofredi siue Hierosolyma liberata aliud argumentum, cum nominibus, & sine Epifodiis.*

PRINCIPES Christiani, atque imprimis Galli societatem belli pro religione, ac pietate Christianâ contra Mahometanos inierant. Rem in Græciâ & Asiâ gesserant utcunque; eorum conatibus vna obstabat maximè *ἀνὰρχία*. Vnusquisque enim dum sibi studet, rei officit publicæ. Adhuc Hierosolyma, cuius maximè causâ expeditio suscepta erat, à barbaris tenebatur: neque illius capiendæ in tantâ animorum dissensione spes erat. Communibus itaque sententiis Gothofredo Bullonio duci summa rei bellicę defertur. Is prouinciam accipit, urbem obsidet, ac capit; deletâque

Mahometanâ impietate, Christi cultum instaurat.

X. *Religionis sue Constantiniados argumentum sine nominibus, & Episodiis.*

VIR quidam princeps, pius in paucis, & rei bellicæ sciens, impotentissimo tyranno, qui nullâ habitâ sexus, aut ætatis ratione, in omnes, qui pietati studerent, sæuebat, bellum indicit. Illum terrâ marique profligatum necat: & impietate extinctâ Religionem, ac pietatem coli iubet sanctissimè. Cætera sunt in Episodiis.

*Religionis sue Constantiniados argumentum, cum nominibus & sine Episodiis.*

CONSTANTINVS Imperator pius in paucis, & rei bellicæ sciens Licinio Tyranno impotentissimo, qui nullâ habitâ sexus, aut ætatis ratione in Christianos omnes sæuebat, bellum indicit. Illum terrâ, marique profligatum necat. Et impietate extinctâ sanctitatem Christianam vbique gentium coli iubet sanctissimè.

Et si Aristoteles rationem non attulerit, cur actionem suo omni mundo, atque or-

natu spoliauerit; ea tamen ipsa satis se pro-  
dit. Nam Poëta vacuus à perturbationibus  
cùm amoris, tum odij æquiùs partes personis  
distribuet, deque Episodiis constituet sapien-  
tiùs. Id peccauit de se Tassus, dum enim stu-  
det popularibus suis Reginaldo, & Tancredo:  
iniquior fuit Gothofredo, qui summus illi esse  
debuerat, vt suprà disputauimus.

Huic quæstioni finem ponere religio est,  
antequam de significatione ambiguâ præce-  
ptionis Aristotelicæ constituero. Vbi pronun-  
tiauit Philosophus cap. X V I I. Episodia in dra-  
matibus breuia, atque concisa esse debere, ad-  
iecit. Η ὁ ἐποποιία πύττοις μικρόν ἐστι. τῆς γὰρ Οδυσσεύς μα-  
κρὸς λόγος ἐστίν. Id est. *At Epopœia per Episodia  
excurrit longè latèque. Nam Odyssæa longus est  
sermo.* Retinentes sunt quidam huius vocis  
μακρὸς, & imprimis Pacius, Riccobonus, ali-  
que non pauci. Quam opinionem suam con-  
firmant, ex priori textu: quî (inquiunt)  
Epopœia ostenderetur esse longa ab Aristote-  
le ex Odyssæa, si eius λόγος μικρὸς *sermo brevis*  
foret. Ego verò, quod pace istorum fiat, assen-  
tior aliis, quibus legitur μικρὸς λόγος, vt præce-  
ptioni Aristotelicæ hæc vis fuerit. In dramati-  
bus episodia breuia sunt, in Epopœiâ longior.



ra. quod manifestum est in Odyssæâ quæ longa est, cùm tamen eius actio siue λόγος brevis sit admodum. quare magnitudo illi accreuit per episodica illa longiora. Huic sententiæ conciliatus sum hac ratione. Hoc ipso capite actiones appellauit λόγους, vt iam asseruimus; quamobrem & hîc actio appellata est λόγος. quî autem actionem longam diceret, & in exemplum afferret actionem Odyssææ, quam breuissimam esse ostendit, vt pote quam quinque, vel sex lineis comprehendit. Confirmatur hæc sententia ex textu Aristotelico, qui alius esse non potest sine vi. Verba sunt. Η γ' ἐποποιία πύτοις μινύνεται. τῆς γ' Ὀδυσσεύς μικρὸς λόγος ἔστι. Cùm antè dixisset Tragœdiam breuiorem esse, & Epopœiam longiorem; rationem affert, quia Epopœia πύτοις, Episodiis scilicet extenditur, nam Odyssæa λόγος (id est actio) brevis est.

---

## Q V Æ S T I O     A L T E R A.

De fabulæ Compositione.

- I. Status questionis. II. Aristotelis eâ de re præceptum. III. Horatius, Macrobius, Vida, Scaliger, & alij pro ordine perturbato. IV. Rationes eorum. V. Aristoteles & eius in-

T iij

*terpretes pro recto & naturali ordine. VI. Rationes istorum. VII. Rationes à nobis pro eadem sententiâ. VIII. Homerus, & Virgilius sequuti sunt ordinem naturalem. IX. Respondetur rationibus aduersariorum. X. Quid inter Historicum, & Poëtam intersit.*

I. **Q**VANDO eius, qui ad fabulam instruendam animum applicat, primus conatus esse debet; ut actionem ab omnibus episodis, & nominibus spoliet, ac diligenter inspiciat: æquum est à nobis nunc quæri, unde is initium ducere, ubi finem ponere consultò possit. Hæc quæstio à primis usque temporibus ad hanc ætatem nostram, magno tum strepitu; tum ambitu deducta, merito sanè suo, sapientes omnes mirificè habuit sollicitos. Mentis enim opus, ordo; amentix, perturbatio.

Status quæstionis est. Quoniam Actio magnitudine suâ pollere debet, ac proinde initio, tum medio, ac demùm fine constare; sitne necessarium ut fabulam, siue Epopœiam poëta ordiatur ab ineunte Actione, & cum exeunte finem faciat: Veluti si reditus Ulyssis celebrandus sit; num poëta lege teneatur

aliquâ , ab excidio Troiano initium ducere ; & Vlyſſem variis illis erroribus , quo ordine contigêre , perfunctum , Ithacam deducere ; an illi ſit integrum pro arbitratu ſuo à mediis , aut poſtremis auſpicari ; & prima illa attemperatè , & in tempore , atque loco producere . Aliis itidem verbis ſtatus quæſtionis concipi ſolet . Vtrum in poëmate ordo naturalis , an artificialis ſervari debeat .

II. Hîc ſub initia , quod nobis ſolemne eſt , Ariſtotelis doctrina exponi debet . Is edicit quàm feuerè , illum , qui fabulam eleganter inſtituere velit , temerè ordiri non oportere , *Δὲ ἄρα πρὸς συνεστῶτας ὅτι μύθοις, μὴδ' ὁπότεν' ἐτυχετ' ἀρχεσθαι, μὴδ' ὅπου ἐτυχε τελειῶναι.* quid igitur ? iis ( inquit ) præceptis quæ tradita ſunt , accuratè inhærendum eſt , *ἀλλὰ κεχρησθαι ταῖς εἰρημύταις ἰδέαις.* Præcepta verò illa , & placita , eodem capite hæc traduntur . Primùm quidem Actionem , & magnam debere eſſe , & totam . Deinde , Totum , quod itidem magnum eſt , ( nam totum eſt aliquod , cui magnitudo deſit ) conſtare principio , medio , & fine . Principium ( inquit ) eſt id , præ quo nihil eſt , & ſecundùm quod eſt , aut fit aliquid . Finem verò contrà eſſe id , quod ex naturâ ſuâ aut eſt , aut fit ſe-

cundùm aliud , cùm secundùm ipsum nihil sit , aut fiat. Medium autem est id quod est secundùm aliud , & præ aliquo , vt à nobis priori quæstione disputatum est. Partes itaque Actionis esse principium , medium & finem iubet Philosophus , demùm profert id edicti, quod initio adduximus, Δὲ ἀπὸ τοῦ συν-  
 τῶτος &c. nempe illum ordinem ab Epico poë-  
 tâ in fabulâ retinendum esse , vt fabula siue poëma ab ineunte Actione incipiat , conti-  
 nuetur, & desinat cum eâdem. Hæc expli-  
 catio nostra est eiusmodi ; vt ab illâ interpre-  
 rum Aristotelis nullus discedat. Atque adeò,  
 quibus placet Æneïdis, & Odyssæ actionem  
 perturbatè narratam esse , volunt iidem illis  
 malè cum edicto Aristotelico congruere.

Audientiam , quam sibi fieri vtraque pars  
 flagitat, dari æquum est.

III. AC primò quidem conceptis verbis Ho-  
 ratius vetat poëtam initium sumere à princi-  
 pio Actionis. Nam & Antimacho id vertit  
 vitio, & Homerum laudat, qui secùs fecisset.  
 Ait itaque :

*Nec reditum Diomedis ab interitu Meleagri,  
 Nec gemino bellum Troianum orditur ab ovo,  
 Semper ad euentum festinat, & in medias res  
 Non*

*Non secus, ac notas auditorem rapit.*

Horatio suffragatur Macrobius VIII. Saturnal. qui auctoritatem suam tuetur Homeri, & Virgilij facto. Conceptis verbis sic loquitur. *Nec illud cum magnâ curâ relaturus sum, licet (ut existimo non omnibus observatum) quod cum primo versu promississet producturum se de Troia littoribus Æneam.*

*Troia qui primus ab oris*

*Italiam fato profugus, Lauinâque venit*

*Littora.*

*Ubi ad ianuam narrandi venit, Ænea classem non de Troiâ, sed de Sicilia producit.*

*Vix è conspectu Sicula telluris in altum*

*Vela dabant lati &c.*

*quod totum Homericis filis intexuit. Ipse enim vitans in poemate Historicorum similitudinem, quibus lex est incipere ab initio rerum, & continuatam narrationem ad finem usque perducere, ipse poeticâ disciplinâ à rerum medio cœpit, & ad initium reuersus est, &c.*

Accedit & Cicero in Epist. ad Atticum qui ὁμοιωμένην Homericum usurpat. In eam sententiam concessit Vida eleganter his verbis in poeticâ.

*Haud sapiens quisquam annales ceu congerat Ili,*

V

*Inchoat excidium veteris pastoris ab usque  
 Iudicio, memorans ex ordine singula, quidquid  
 Ad Troiam Argolicis cessatum est Hectore duro.  
 Conueniet potius prope finem praelia tanta  
 Ordiri, atque graues iras de virgine raptâ  
 Auerſi Acacida præcidere.*

Et cætera, quæ longè & eleganter proſequitur. Neque is tantum verbo præcipit, sed etiam præit exemplo. Christiadem enim suam hoc ordine digessit. Tum Scaliger pater, & plerique omnes nuperi prioribus quasi succenturiati veniunt. Ab exemplo fidem facere nituntur. nam Homerus cum bellum Troianum caneret, aut errores Vlyſſis: à iudicio Paridis prius illud poëma non est exorsus; neque postremum ab excidio Troiano, sed à mediis. Virgilius autem Homeri affectator, & eius virtutis studiosus id ipsum factitauit, qui à septimo anno peregrinationis Æneæ, poëmatis initium duxerit.

IV. RATIO, quâ freti id sentiunt, prima est eiusmodi: hoc differunt Historicus maxime & Poëta; quod ille actionem ab exordiis per, intermedia ad finem usque prosequatur oratione: Poëta verò minime; sed, quod attentum teneat, atque ducet lectorem, in re

quâpiam eximiâ ponit initium, & leuiora premit silentio, digniora intexit appositè.

Altera ratio est à consequentium naturâ. Atenim (inquiunt) sanè quàm exigua foret Odyssæ Actio subiecta. Ægrè enim vnus aut alterius mensis erit; circumcisis iis, quæ apud Alcinoûm narrantur. Carebit igitur illâ magnitudine, in quâ pulchritudinem, & dignitatem sitam esse voluit Philosophus.

V. AB alterâ verò parte stat Aristoteles, & cum Aristotele faciunt omnes ad vnum eius interpretes: Robortellus qui Auerroëm eâ gratiâ laudat, Victorius qui ex potestate & vi huius vocis Aristotelicæ  $\Delta\epsilon\acute{\iota}\alpha\ \mu\epsilon\tau\epsilon\tau\epsilon\phi\epsilon\acute{\rho}\omega$  &c. necessitatem aliquam adducit. Minturnus in suo poëta. Madius, Lombardus, Benius &c.

VI. RATIONES quibus pugnant sunt admodum quinque.

Prima, Natura suo quæque loco disponit; radices arborum tegit, oculis obiicit minimè; ramos, folia, flores, fructus ad ostentationem insigniter explicat, terræ non infodit: igitur & ars imitatrix naturæ ordinem sequetur.

Secunda ratio à Plutarcho, libro quî poëtæ legi debeant, est eiusmodi. Poësis est vocalis pictura, quæ etiam comparatio Aristo-

teli familiaris fuit. At pingendi ars confusio-  
nem & ἀναξίαν aspernatur à se quàm maximè.

Tertia, perturbatio est nox foeda, quæ lu-  
cem eripiat, & poësim tenebris oppleat.

Quarta. Ex Aristotele poëma instar est ani-  
mantis perfectæ, & integræ: at, si caput pe-  
ctoris, aut pedum locum inuaserit; mon-  
strum fiet.

Quinta. cùm lector fabulæ constitutionem  
sequatur, quo ordinē à poëta elucubrata est:  
si ordo perturbatus sit; perturbari illum, at-  
que confundi necesse est.

VII. HIS aliorum rationibus istas ego addi-  
derim: Argumentum Epopœiæ breue esse de-  
bet, vt iam vicimus ex Aristotele quæstione  
superiori, quî verò breue erit quod decem  
annorum res gestas complectatur. In Odyf-  
seâ, quot, quantæ, quàm implexæ sint actio-  
nes, & errores, de quibus omnibus qui scribe-  
re se profiteatur, lectori etiam otioso odiosus  
sit. At cùm Actionem breuem, & simplicem  
quodammodo pollicetur, Vlyssē veluti pro-  
cis enectis, Penelopem coniugem recipe-  
re: animum auditoris vel breuitate inuitat,  
quem subinde lactat variis episodis, & or-  
namentis: atque adeò properantem retinet;



tum quasi auctum viribus ad constitutum, & propositum finem producit gratissimè.

Ad hæc Episodiis locus nullus erit, si omnia per se ad fabulæ constitutionem pertinent. Catalogus in Iliade Episodum est ex Aristotele. At si bellum Troianum ab raptu Helenæ ordinatim per singulas partes instituat Homerus, Catalogus ille pars est οὐσιωδης, non igitur Episodum.

VIII. Τὸ Μ ποῖματα, quæ primæ notæ sunt, naturali florent pulchritudine. De Iliade fidem facit poëta ipse. Iram Achillis, in argumentum delegit haud dubiè qui sic statuatur. Μῶϊν ἄψδε θεὰ πηληϊάδεω &c. Nunc ad poëma illud qui animum conuerterit, partes eius omnes aptas inter se, & naturali situ ita commissas, tam facilè, & dilucidè perspiciet; vtì dubij copia non sit. Quî enim excitata sit Achillis ira; quas deinde in flammæ eruperit; demum, quî fuerit extincta, ex ordine poëta cecinit. Errare, longèque falli eos, qui bellum Troianum totum ab Homero in Iliade susceptum putant, ipso Homero teste constat. Accedit auctoritas Philosophi qui disertissimis istis verbis loquitur cap. XXIII. διὸ ὡς περ εἴπομεν ἤδη καὶ ταύτῃ γεωμετρίας ἀνὰ φανερῇ Ομηροῦ τῷδε τοῖς ἄλλοις

ταῖς μηδὲ τὸν πόλεμον χαίρει ἔχοντα ὅχλῳ, καὶ τέλος, ἔπιχρησσαι ποιεῖν ὀλον. λίαν γὰρ αὐτὸ μέγας, καὶ οὐκ ἀσυνόπτος ἔμελλεν εἶσθαι. id est. *Quamobrem ut superius monui, vel eo nomine diuinus haberi debet Homerus præ cæteris, quia bellum Troianum alioqui principio, medio, & fine constans, totum scribere minimè aggressus est. Eius enim poema nimium excreuisset, & in unum prospectum nequiuisset commodè venire. Et subinde. Ἐν μέγας ἀπολαβὼν, ἐπεισοδίοις κέχρηται πολλοῖς. At unam partem seligens illam Epifodiis ornauit.* De Odyssæâ lis grauior esse potest. Nam præter eos, qui se primæ illi sententiæ totos manciparunt, non desunt quibus naturalis ordo cùm placeat, iubeant tamen iidem Æneidem, & Odyssæam ordinis esse perturbati, & poëtam vtrumque ab Aristotelis disciplinâ alienum esse. Eò accuratiùs atque diligentius nos id studere æquum est; quò in vtriusque poëmatis auctoritate vires suas aduersarij collocarunt.

Aio itaque id oneris duntaxat ab Homero in Odyssæâ susceptum esse, vt ab Ogygiâ Itacham Vlysses reduceret; cætera omnia in Epifodiis esse. Auctorem habeo Aristotelem, qui λόγον siue actionem Odyssææ breuem pronunciauit. vt disputatum est suprà quæst. 1.

huius II. partis. Deinde, Episodiis illis decisis, consilium Homeri, & mens est integra. nam etsi Homerus velit à musâ celebrari hominem variis peregrinationibus, & laboribus nobilitatum, non tamen ea omnia sibi cani iubet, sed partem duntaxat τῷ ἀμύθῳ γε θεὰ θύγατερ Διὸς εἰπέ καὶ ἡμῖν. Homerus verò in aditu quidem meminit peregrinationum illarum, & laborum; sed quò Vlyssi suo dignitatem apud lectorem conciliet. Eodem studio Sallustius de bello Catilinario historiam scripturus, meminit nascentis, adolescentis, & senescentis Romæ: tum quî pueritiam & adolescentiam instituisset Catilina, non quò hæc omnia narrare conaretur; sed vt notitiam indolis Catilinæ daret, & quo loco esset Respublica tum, cùm bellum illud excitatum est.

Haud abs re nostra erit propositionem Odyssææ huc adducere, quî mens Homeri cognosci, & controuersia decidi queat.

Ἀνδρά μοι ἔννεπε Μῦσα πολὺ Ξεγον, ὃς μάλα πολλὰ

Πράγῃσιν, ἐπεὶ Τρώϊς ἱερὸν πᾶσι λείδρον ἔπερσε.

Πολλῶν δ' αἰ θεόπων ἰδὲν ἄετα, καὶ νόον ἔγνα.

Πολλὰ δ' ὅγ' ἐν πότινι πάντων ἄλγεα ὄντι θυμὸν,

Ἀρνύμενος ἥν τε ψυχῷ, καὶ νόστον ἐταίρων.

*Virum mihi cane, Musa, versutum, qui valde multum*

*Errauit, postquam Troia sacrum oppidum euertit;  
Multorum hominum vidit urbes, & mores nouit.  
Multos verò idem in mari passus est dolores suo  
in animo,*

*Intentus seruare & suam animam, & reditum  
sociorum.*

Hem ( obtrudunt aduersarij ) totum illius reditum, & quidquid in eo contigit aggreditur poëta, vt ipse profitetur; & id Horatius docet quàm accuratè. Nam Epistol. lib. I. Epistol. II. his versibus argumentum Odyss. complexus est.

*Vtile proposuit nobis exemplar Vlysem:  
Qui domitor Troia multorum prouidus urbes,  
Et mores hominum inspexit; latumque per aquor  
Dum sibi, dum sociis reditum parat, aspera multa  
Pertulit, aduersis rerum immersabilis undis.  
Sirenium voces, & Circes pocula nosti;  
Quæ si cum sociis stultus, cupidusque bibisset  
Sub dominâ meretrice fuisset turpis, & excors,  
Vixisset canis immundus, vel amica luto sus.*

IX. ARISTOTELI itaque opponitur poëta vterq; & potior à quibusdam habetur. At præposterè & iniuriâ. quando enim eò prouocant, Homeri iudicio lis decidatur. Homerus vbi tot, & tanta proposuit, non illa omnia vir diuinus sibi

sibi proponit, sed tantum partem, quod rectè monuit Philosophus, cum ait ἀπλαβὼν ἐν μέγας. Quam fidem facimus? Homeri auctoritate. loquatur ille per sese. ἦ δ' αἰνέειν γε καὶ θύγατρ' Διὸς ἔπειτ' ἔχ' ἡμῖν. *Horum partem aliquam Dea filia Jovis dic nobis.* Partem aliquam ( inquit ) non omnia. Deinde incipit poeta, ut Calypso illum in Ogygiâ retinuerit, & ab eâ illum Ithacam deducit, atque in Episodiis & Circen, & Polyphemum, & reliqua cecinit. Fateantur itaque aduersarij se indiligentes hâc in re fuisse, & Aristotelem in rerum naturâ vestigandâ accuratorem extitisse.

Nunc Horatius Vlyssis labores varios nobis minimè proponit in argumentum Epopœiæ, & Odysseæ; sed in exemplum vitæ, & morum; & ut ostenderet quid virtus ( ut ipse loquitur ) *& quid sapientia prosit.*

*Nos numerus sumus & fruges consumere nati  
Sponsi Penelopes, nebulones, Alcinoïque &c.*  
Neque id docet in Arte poëtica Horatius; sed in Epist. ubi rectè viuendi præceptis, non scribendi poëmatis informat Lollium.

Haud aliter de Æneïde atque de Odysseâ est sentiendum. Omnium enim auctorum de utrâque idem est iudicium, atque censura; ne-

que fraudi esse potest Propositio aut Inuocatio  
Æneïdis, quæ sic se habet:

*Arma, virumque cano, Troia qui primus ab oris  
Italiam fato profugus, Lauinaque venit  
Littora; multum ille & terris iactatus, & alto  
Vi superum, seua memorem Junonis ob iram.*

Recipit enim in se, & pollicetur virum cantare, qui hæc fecerit, tuleritve; non tamen omnia, sed partem aliquam, vt de Homero iudicatum est. quare eius initium est:

*Vix è conspectu Sicula telluris in altum  
Vela dabant &c.*

X. I A M verò vis nulla est petitionibus illis, quibus oppugnamur, nam Historicus à Poëta differt, quia verum quàm verum est: Poëta verisimile, aut verum quàm verisimile sectatur: Historicus actiones etiam plures complecti potest, Poëta vnam: Historicus ab Episodiis sibi temperat; Poëta indulget largiter: Historicus voluptati, & admirationi minimè necessariò studet; Poëta vtramque venatur: Historicus sine flagitio nequit fingere; Poëta cum laude potest, & debet. Deinde quod vitio vertunt perbreue fore argumentum Odyssææ. & vehemens putant ad obiurgandum; laudi ducimus: id totum ex Aristotelæâ disciplinâ con-

stitutum est suprâ, quæst. I. huius II. partis.

Maneat igitur easdem esse partes Fabulæ sine Episodiis, & Actionis. Quamobrem ab iisdem exorditur Poëta, à quibus Actio incipit, & hanc per incrementa prosequutus, in iisdem cum illâ definit, atque conquiescit.

### QVÆSTIO TERTIA.

#### De vnitate Fabulæ.

I. *Vnitatem in fabulâ desiderat Philosophus. II.*

*Quî fabula vna possit esse, quæ sit πολυμερής,*

*& πολύμωδος, III. Fabulas Homeri florere laude vnitatis, ac primò quidem Iliadis fabulam.*

IV. *Fabula Odysseæ vna. V. Fabula Æneidos*

*vna. Fabula Gothofredi non est satis vna, quare nonnihil peccat in artem.*

I. **D**E fabulæ vnitate disertè monet, & cauet quàm sanctè Philosophus cap.

VI, Μὴδὲς ἕστιν εἷς. Id est, *Fabula est vna*. quod eodem capite iterum, atque alibi sæpè repetit.

Præterea multus est in vnitate illâ explicandâ, ita vt liquidò de mente eius, & sententiâ constet.

Disputat ibidem, quî Fabula queat esse vna, & ex quibus rebus eam laudem in se de-

riuet. Non (inquit) ab vno homine, neque ab vno tempore; sed ab vnitate Actionis. *ἡ καὶ τὸ ἐν ταῖς ἄλλαις μυμητικαῖς ἢ μία μίμησις ἐνός ἐστίν. ὅτω καὶ τὸν μῦθον ἐπὶ τῷ φάξεως μίμησις ἐστίν, μᾶλλον τι εἶναι*. id est. quemadmodum in aliis facultatibus, quæ in imitatione positæ sunt, vna vnus est: ita fabula, cùm actionis sit imitatio, vnus est. Id autem conficit iisdem rationibus, quæ priori parte huius dissertationis à nobis pro vnitae actionis disputata sunt.

II. At hic nodus est; quæ fabula Epopœiæ sit vna, quæ re ipsa sit *πολυμερής multarum partium*, & specie tenus *πλούμυθος multarum fabularum*, quæque Episodiis bene multis augeatur. Quæ (inquam) vna sit, quæ tot ex partibus, tot actionibus, & fabulis sit compacta. Aristoteles edicit fabulam fore vnam, si partium inter sese illigatio, & nexus fuerit vel *ἀναγκαίως*, vel *κατὰ εἶκος*. Necessariò, vel congruenter, & aptè. Sapienter (inquit) & eximiè Homerus siue duce naturâ, siue arte, in Odysseam non conclusit omnia, quæ ab Vlyssæ gesta sunt; non vulnus in Parnasso acceptum; non insaniam in delectu simulatam, &c. Quia vnum ex alio aptum, & suspensum non est. *Ὡς δὲ δὲ δαπέδον γινόμενα ἀναγκαῖον ἢ κατὰ εἶκος δαπέδον γίνεσθαι*. Tum



eodem capite pronunciat partes illas , ex quibus affurgit Fabula , debere esse eiusmodi ; vt, si quæ illarum vel moueatur loco , vel putetur, aut circumcidatur , fabula non sit eadem , neque constet sibi. Quod enim rei non officit absentiâ , & præsentîâ sui non prodest , ne quidem pars est rei. Quid porro vult Philosophus , cùm capite XVIII. ait constitutionem Epopœiæ esse πολὺμυθον multarum fabularum , & in exemplum adducit Iliadem , vetâtque Tragoediam esse eiusmodi. Nempe docet Iliadem , & Epopœiam quamlibet esse vnam , atque πολὺμυθον ; neque hanc virtutem priori officere. Nam vna erit , si partes illius ex sese aptæ sint , atque pendeant ; πολὺμυθος verò non ἐνέργεια , & actu ; sed δυνάμει , atque potestate ; quatenus ex singulis , si diuellantur , tragoediæ totidem queant componi : Sed id disputatum est priori parte dissertationis , nec non & cætera quæ de vnitatem quæri possunt. Fabula itaque vnitatem gaudet , cuius partes , & Episodia aptè , decenter , & quâdam necessitate coalescunt.

III. QVANDO vel eo nomine Philosophus celebrat Homerum , qui vnitati studuerit imprimis , faciamus eius laudis periculum in Iliade , & Odyssæâ , deinde etiam in Æneide , & Hierosolymâ liberatâ.

Ac primùm Benius controuerſia XLVII. vnitatem Iliadi abiudicat. *Vt proinde (inquit) quocunque te veritas, Ilias abſit ab unitate. Id quod ne Ariſtoteles quidem non fatetur, cum non ſolum neget in Iliade perfectam eſſe unitatem, verùm etiam vetet, ne Tragica pœſis, Iliadis inſtar ſit πολύμυθος.* At pace Benij, non ait Ariſtoteles Epopœiæ fabulam non eſſe vnam, ſed minùs vnam, quàm ſit tragica. Eſt autem minùs vna quia eſt πολύμυθος, vt explicatum eſt cap. XXVI. Rem propiùs agnoſcamus. Iliadis fabula tribus maximè conſtat. Iurgio, & ſimultatibus inter Achillem & Agamemnonem: tum præliis, & dimicationibus, quibus Troiani & Græci vexati ſunt: demum nece Hectoris: At partes iſtæ inter ſeſe arctiſſimâ neceſſitudine committuntur. Etenim propter iurgium illud Achilles à bello abſtinet, Græcorum vires acciduntur, Patroclus necatur, necem Patrocli ſequitur mors Hectoris. Ita vt vnâ ex iſtis partibus diuulſâ, non conſtet ſibi fabula. Inane eſt quod obiicit Benius, Argumentum Iliadis, eſſe excidium Ilij, quod à nomine ſtudet oſtendere. At ſecùs ſentit Homerus qui de ſe proſitetur,

*Μῦθον ἀΐδεις θεά, &c.*

*Iram canit Dea, &c.*

vnam scilicet Achillis iram canit, & partes illi adiunctas vel ex necessitate, vel ἔκ τινος. De nomine, & appellatione ἐνστασις, & intercessio futilis est. Nam à loco etiam Tragœdiis, & Comœdiis nomen quæsitum est.

IV. ODYSSEÆ vnitatem hæc oppugnant.

I. tacitâ Telemachi peregrinatione; integra, & incolumis est Actio, & fabula Odysseæ. II. Telemachi peregrinatio cùm non sit pars re-ditus Vlyssis, si quid ad fabulam attineret, esset in Episodiis: id autem esse nequit, nam Episodia intexuntur, & in medium poëma inseruntur, vti fidem facit notatio nominis. III. Accedit auctoritas Virgilij, qui prudenter scopulum illum vitauit. A Sicilia enim Æneam deducere aggreditur; præmisit nihil. Petitiones istæ facile confutantur: prima quidem, quia vt illa peregrinatio non esset pars Actionis primariæ, est tamen pars Fabulæ, neque sine illâ satis integra esse potest Epopœia. prodest enim, & nexa est non tantum ἔκ τινος, quod esset satis; sed etiam αἰαγρίως. Et enim auditor doceri debuit, quo loco esset res domestica Vlyssis. Tum Telemachi virtus enitere debuit, eâ enim ille erat ætate, vt in

eo fortitudo, & in parentem charitas desideraretur. Deinde, afflicta regiae domus fortuna Deos commouit. Est itaque peregrinatio Telemachi cum rebus circumstantibus pars fabulae legitima, cum & utilis sit, & necessario apta cum aliis: Altera exceptio eluditur, quia illa peregrinatio non est in Episodiis; sed pars Epopœiæ. Tertiæ vis est nulla. non enim Æneas in Italiâ familiam habuit. unde illum deduceret Virgilius.

Multos ludificata est vnitas illa duplex, quarum altera est Actionis; altera Fabulae: vnitate vtrâque gaudent Odysea & Ilias. neutra enim actio est *πολυμερής*, fabula autem est *πολυμερής* & *πολύμυθος* quodammodo.

V. DE Æneide dubio non est locus, quin sit vna, cuius vnitati si quid officere videri posset, maximè amores Didus. At non officiunt, hæc enim rectè committuntur; nauigatio, tempestas, appulsus in Africam, humanitas Didus. Ad hæc vtriusque conditio, & fortuna par fuit, vterque viduus, exul, & rex: quid conuenientius, & aptius nuptiis inter eos coniuges?

VI. HIEROSOLYMA Torquati dubij copiam facit. quî enim amores Reginaldi & Armidæ cum actione Gothofredi connectuntur?

tur ? totos tres, & plures libros solidos complent, vbi nulla Gothofredi mentio habetur. quid ego de Tancredi, Herminiae, Chlorindæ & aliorum variis episodiiis querar, quæ longè maximam atque nobilissimam partem poëmatis efficiunt, sine quibus non actio tantum, sed etiam fabula poëmatis esse poterat tota. Deleantur enim episodiorum Reginaldi, Tancredi, &c. integra erit Epopœia. neque se Virgilij auctoritate purgauerit, aut Homeri. Quia Didus amores sunt  $\chi\tau'$   $\delta$  εἰκός, & cum verisimilitudine, necnon narrationes Vlyssis apud Alcinoûm; deinde Heroi conueniunt, non alteri. Hospitem rogat hospes. quis sit, & vnde eiectus in littus. quid æquius? quàm ab eo illa narrari, quæ postulantur à bene meritis. vnde varij affectus excitantur. At Episodia illa longissima, quæ nihil ad Heroem pertineant, peccata sunt in artem poëticam grauissima. Περὶ τῆς πελοπόποιας fabulæ, scilicet quòd sit tota, quod moneam, vnum est, Fabulam totam esse, & integram, quæ Actionem totam complectatur; Quamobrem Ilias, Odyssæa, Æneis & Hierosolyma, illâ laude florent.

## QVÆSTIO QVARTA.

De Fabulæ alterâ virtute : Quòd sit  
simplicex.

- I. *Ambigua potestas huius vocis, τὸ ἀπλουῶ, detergitur; unde existerat difficultas in Aristotele maxima.* II. *Quid fabula simplex, quid implicata.* III. *Quid peripetia.* IV. *Quid agnitio.* V. *Quid fabula duplicis, & simplicis constitutionis.* VI. *Solvitur difficultas textus Aristotelici initio proposita.* VII. *Quæ fabula possit esse sine peripetiâ.* VIII. *Cur fabula implexa sit melior simplici.* IX. *Quid πάθος in fabulâ.*

I. **T**VRBÆ hîc occasionem dedit Philosophus. nam cap. XIII. fabulam simplicem reiicit. *Επειδὴ οὐδὲν δεινὸν σωφρονιστὴν εἶναι τῆς καλῆς τραγῳδίας μὴ ἀπλουῶ, ἀλλὰ πεπλεγμένῳ.* id est, *quandoquidem necesse est tragœdia pulcherrima constitutionem non esse simplicem, sed implicatam.* En repudiat. At capite eodem fabulam simplicem pulcherrimam esse iubet. *Ἀνάγκη ἄρα τὸν καλῶς μῦθον ἀπλῶς εἶναι μᾶλλον, ἢ διπλουῶ.* Id est, *necesse est fabulam simplicem præstare duplici.* Ec-

ce approbat. mira itaque Philosophi *ἐναρτήτως* nonnullis videri poterit. Nodus sic soluitur explicatâ vocis huius ἀπλουῶ ambiguitate. nam ὁ ἀπλουῶ, id est, *simplex* ab Aristotele opponitur τῷ πεπλεγμένῳ. id est, *ei quod est implicatum*, aliàs verò τῷ διπλῷ, id est *duplici*. Simplex itaque potestatis est anceps. alterius quidem, quâ significat, id quod non est implicatum: alterius, quâ significat id, quod non est duplum. Id discriminis in lucem veniet ex iis, quæ subiicientur, definitionibus.

II. ARISTOTELES cap. X. edicit fabularum alias esse implicatas, alias simplices, tum earum rationes peti ab actionibus: & iure quidem ac meritò, cùm fabula sit actio ipsa, sed culta & ornata. εἰσὶ γὰρ τῶν μύθων οἱ μὲν ἀπλοῖ, οἱ δὲ πεπλεγμένοι. Καὶ γὰρ αἱ περὶ τῆς ὥρας, ὧν μιμήσεως οἱ μῦθοι εἰσιν, ὑπεάρχουσιν δι' οὗς οὕτως τοιαῦται. Deinde utramque actionem definit, ac primò quidem simplicem in hæc verba. λέγω γὰρ ἀπλῶν μὲν περὶ τῆς ὥρας, ἥ ἐστι γνησίως ὅσπερ ὡρεται συνεχεῖς, καὶ μιᾶς αἰῶνος περὶ τῆς ὥρας, ἥ ἀναγνωρίσμοις ἢ μεταβάσεως γίνεσθαι. Id est. *Actionem simplicem definio, cuius transitus fit sine peripetiâ, & agnitione; cùm ipsa sit, ut dictum est, continua, & una.* Hîc caueri debet Pacij versionem vitiosam esse, qui μεταβάσιν dixit mutatio-

nem , quæ sit transitus. Aliud enim μεταβολή apud Philosophum , aliud μεταβάσις vt quæst. IV. primæ partis docuimus. Tum & Heinsij manca est versio , cui deest peripetia. Continuò definit Aristoteles implicatam Actionem his verbis. Πεπλεγμένῃ δὲ ἢς μὴ αἰαγωεῖσθαι, ἢ ἀειπετίας, ἢ ἀμφοῖν ἡ μεταβάσις ὅσῃν. Id est, *implexam dico illam, ex quâ cum agnitione, vel peripetiâ, aut vtrâque fit transitus.* Tum addit hæc omnia, peripetias scilicet, agnitiones, & transitum tam aptè inter se nexa esse debere; vt à se mutuò pendeant, ἢ δὲ ἀνάγκης, ἢ καὶ τὸ εἰχρὲς, aut ex necessitate, aut ex verisimilitudine. Fabula itaque simplex est illa quæ caret agnitione & peripetiâ: composita verò, quæ alterutrâ vel vtrâque gaudet; si quidem eadem est ratio fabulæ, & Actionis.

III. AT quid est agnitio? Quid peripetia? Ἐστὶ δὲ ἀειπέτεια μὴ (inquit) ἢ εἰς τὸ ἐναντίον τῷ ὡρατοπομῶν μεταβολή, καὶ ὅθεν εἰρησά. Καὶ τὸ τοῦ ὡρατο λέγειν, καὶ τὸ εἰχρὲς, ἢ ἀνάγκη cap. XI. *Est autem peripetia eorum quia aguntur mutatio in contrarium, quemadmodum diximus, vel verisimiliter, vel necessario.* multis exemplis præter morem definitionem suam Philosophus illustrat. Nuntius Oedipodi apud Sophoclem exponit, quo is esset genere; eò quidem; vt illum suspicio-



ne, ac metu, de matre liberaret; at contrarium efficit: cæteris exemplis parcimus, hoc vnum sit satis.

Hic locus disputandi de peripetiâ se dat opportunè, à quâ tamen abstinere me; cùm de illa à multis, iisque luculentis auctoribus, in causâ Tragoediæ disputatum sit vberimè. Aristotelicum illud tamen καὶ εἰς τοῦτο, ἢ καὶ διὰ τὸ καὶ præterire homini Philosopho non licet, quo imprimis, qui Romanesci vocantur auctores, ab Epicis poëtis seiunguntur. Nam cùm illi vni voluptati seruiant, vndecunque nullâ habitâ verisimilitudinis, nedum necessitatis ratione, rerum delicias captant: hi verò, cùm ciuium vtilitati studeant, verisimilitudinem actionum sectantur, quò fidem faciant; & quò animum lectoris teneant, suauitatis non nihil aspergunt, seruata tamen verisimilitudine; vt coquus, qui languenti stomacho cibum condit, non verò corrumpit funditus.

Placent itaque Amadisiorum libri adolescentum animis & rerum imprudentibus, propter suas illas admirabiles peripetias, quarum multitudine, & frequentia redundant: sunt tamen iidem moribus inimici, quia illos corrumpunt; & vt non fuerint noxii, sunt

tamen inutiles, qui virtutem suadeant, quia verisimilitudine carent, ac proinde consequenter illâ vi, & efficientiâ, quâ potest animus ad imitationem impelli.

Quæcunque igitur peripetia, quæ non sint verisimiles, aut nexu verisimili non sint coniunctæ cum reliquis partibus Epopœiæ, ex edicto Philosophi non sunt idoneæ poëmati ornando.

Exemplo hæc præceptio erit illustris. Memini me propè puerum legere in libello, qui Francus Sagittarius dicebatur, Zerbinum amore Florizellæ virginis captum, cùm eius potiundæ spem amisisset, in mare se præcipitem dedisse. Nereides adolescentis pulchritudine captæ illum amanter excipiunt; intra mare (quid enim illæ non possint?) palatium illi ædificant, sæpe inuisunt, & miris blandimentis nequidquam consolantur. Ille enim Florizellæ suæ amantissimus Dearum officia nihili ducit. Quare Nereides tot repulsis infensæ tandem aliquando hominem medios in fluctus eiiciunt. Eo ipso tempore regia Florizella in littore spatiabatur. Contigit autem piscatores euerriculo Zerbinum intercipere, & ad littus propisce exponere. Mira hîc peri-

petia oritur. Nam Zerbinum Florizella agnoscit: is verò vbi aquam euomuit, nondum tamen suū compos, incertus viuerétne, an extinctus foret, versaretúrne in fluctibus, an in palatio Nereïdum, multa coram suâ Florizellâ de Florizellâ amanter dicit, & queritur. Qui motus animorum? quàm bella peripetia? sed quæ minimè congruat dignitati poëmatis epici, cùm careat verisimilitudine.

Cùm hoc de verisimili præceptum magni sit momenti, operæ pretium erit alterum exemplum adducere.

Herminiam Telemachi amantem pater Thoas in turrin quæ medio in mari sita erat, inclusit, iubétque illam intra mensem ita amoribus suis moderari, vt illo elapso Anchisæ nubat. Telemachus longiùs aberat, & à Thoante de industriâ fuerat missus cum exercitu contra hostes. Is turbæ istius ignarus redibat. postremâ nocte mensis concessi prope turrin iacit anchoras, ne si nauigetur propiùs ad litus, naus illidatur. Ecce mediâ nocte eâque obscurissimâ, cùm silent omnia, Herminia imprudens, & nescia ibi nauem esse, supremam turrin conscendit, & moritura se præcipitat. Commodè sanè media in vela incidit, quibus

excepta est. Strepitu excitatur Telemachus, iubet inspicere quid rerum sit. Affertur semimortua tum casu, tum dolore Herminia. En peripetiam.

Hæ inquam peripetiæ & similes, fabulis anilibus aptæ sunt, poëmatibus verò minimè.

IV. AGNITIONIS verò definitionem his verbis comprehendit. Eodem cap. XI. Αναγνώ-  
σεις ἔστιν ὥσπερ καὶ ποιῶμεν σημαίνε, ὅς ἀγνοίας εἰς γνῶσιν μεταβολή, ἢ εἰς Φιλίαν, ἢ ἐχθρὰν τῇ πρὸς θυγατέρα, ἢ δυσ-  
χίαν ὠλισμένων. *Agnitio est, ut etiam ex nomine liquet, ex ignorantia in cognitionem mutatio. ex quâ amicitia, vel inimicitia oritur inter eos, qui felices, vel infelices fieri debent.*

Ad hæc monet pulcherrimam esse Agnitionem, quicum annexa sit peripetia. exemplum ponit Aristoteles in Oedipode. Nam ubi agnouit, quis esset, in infelicitatem incidit. Aliud à nobis esto in Odyssæâ. Penelope Ulysssem ubi agnouit, felix euasit. Illa peripetia Tragœdiæ aptior, hæc Epopœiæ. Illa enim mœroris, & terroris plena, hæc felicitatis & dignitatis. Sit & tertium exēplum à Torquato. Chlorindam ubi nouit Tancredus, in miseriam incidit. Hoc deterius est aliis duobus, quia non est in μετα-  
βολῇ

ἑαυτὴν fabulæ, id est, non est in transitu ad statum, quemadmodum alia duo.

Cùm itaque fabula simplex sit, quæ Peripetiis & Agnitionibus vacua est; implicata verò, quæ vtriusque est læta; ait Philosophus implicatam potiore esse simplici: atque sic simplex componitur cum implicatâ.

Nunc de simplici vt committitur cum duplici quæramus.

V. FABVLA M duplicis constitutionis, quam Aristoteles cap. XIII. postponit simplici, sic definit. Ἀλλήτερον δὲ, ἢ πρώτη λεγόμενη ἀπὸ τῶν, ἐστὶ σύστασις, ἢ διπλὴ πλὴν σύστασιν ἔχουσα. id est, *Altera constitutio, quæ à quibusdam prima dicitur, est ea, quæ duplicem habet constitutionem.* Est autem talis quando oritur status duplex personarum. vt in exemplo allato ab Aristotele ex Odyssæâ. nam proci, qui sibi beati videbantur; euadunt miseri: contrâ Vlysses, Telemachus, Penelope qui vtebantur aduersâ fortunâ, euadunt beati.

VI. SIMPLICIS verò constitutionis fabula est, in quâ oritur vnus status: quando scilicet qui felices erant fiunt miseri, aut qui infelices, euadunt beati. sed & omnes, & de quibus est fabula. Ait itaque Aristoteles fabulam sim-

plicis constitutionis meliorem , & potiore  
esse eâ quæ sit duplicis ; ac proinde secum mi-  
nimè pugnat. Nam cùm implicatam præfert  
simplici, id edicit de fabulâ, in qua sunt Peripe-  
tiæ & Agnitiones, quæ præstantior est eâ, quæ  
illis caret , quæque simplex appellatur : At  
cùm simplicem præfert duplici, simplicis no-  
mine intelligit eam, quæ vnius est constitutio-  
nis, duplicis verò, quæ geminam habet con-  
stitutionem.

Quando autem simplex ista constitutio in  
Epopœiam non cadit, idcirco de eâ litem non  
mouebo , & quæstionem illam aliis relinquo  
integram, nam & in Iliade & Odyssæâ , vt hîc  
monet Aristoteles, & in Æneide , & in Hie-  
rosolyma, vt res ipsa loquitur, duplex est con-  
stitutio. In primâ victores Græci, victi Troia-  
ni, & ita de cæteris.

VII. DVO hîc quæri meritò possunt. Alte-  
rum, quî fabula, quæ simplex dicta est, esse  
possit sine peripetiâ & agnitione. alterum, cur  
fabula implicata simplici sit potior. Priori  
quæstioni factum est satis priori parte huius  
dissertationis.

VIII. DE alterâ quæstione , cur impli-  
cata fabula simplici sit potior , liquet , quia

peripetias continet, atque agnitiones ; in quibus est varietas atque pugna rerum : tum quia etiam ingenij quandam mutationem facit : quæ duæ causæ sunt, cur placeant ea, in quibus nobis placemus ; vt disputabit quæstio de sententiâ, & acutè dictis.

IX. ATTEXIT Philosophus Peripetiæ, & Agnitioni ὁ πάθος, id est, affectionem grauem siue corporis siue animi, cuius definitionem hanc affert ibidem. Πάθος ἐστὶ πάθος οὗτος φθαρτική, ἢ ὀδυνηρή, *affectio est actio, quæ conficiat, aut inurat dolorem.* Exempla ponit in nece, cruciatu, vulneribus & similibus. nempe est ea pars actionis, quæ ciendis in auditorum animis motibus atque perturbationibus sit accommodata, vt nex Hippolyti apud Senecam. Quæ verò perturbationes excitari, aut mitigari queant, Rhetoricæ est prouinciæ.



## QVÆSTIO QVINTA.

De partibus fabulæ Epicæ ΚΑΤΑ ΤΟ ΠΟ-  
ΣΟΝ, id est secundum quantitatem, de  
Nexu, Solutione, Inuocatione & Pro-  
positione.

- I. *Partes fabulae & τὸ πᾶν.* II. *Definitiones ne-  
xus & solutionis in fabulâ.* III. *Episodia  
sunt in nexu, non in solutione.* IV. *Solutio  
debet esse sine machinâ.* V. *Benius tertiam  
partem nequidquam adducit.* VI. *Inuocatio,  
& propositio in poemate quanam esse de-  
beant.*

**D**E virtutibus fabulæ disputatum est, nunc  
de partibus illius & τὸ πᾶν, vt loquitur  
Philosophus, & vt scholis placet loqui, de par-  
tibus integrantibus quærimus.

- I. AC primùm quidem cap. XII. Tragœ-  
diam in quatuor partes distribuit, Prologum,  
Episodium, Exodum, & Choricum. Verùm  
de istis partibus litem non sequimur, cùm tra-  
gicæ sint ditionis. Idem Philosophus c. XV III.  
aliam partium initerationem; ἢ τὸ πᾶσι παραχρῆστας  
τὸ μὲν δῖσι, τὸ δὲ λυσις. id est, Tragœdiæ omnis pars



altera est nexus, altera est solutio. Quæ duæ partes sunt communes Tragœdiæ & Epopœiæ. Nexum ita definit cap. XVIII. λέγω δὲ εἶναι τὸ ἐκ τῆς ἀρχῆς μέχρι τοῦ τοῦ τῷ μέγους, ὃ ἔχατο ἔστιν, ὃς οὐ μεταβαίνει εἰς τὸ τυχεῖον. Non dubium quin suppleri debeat ἢ ἀτυχίας. id est, *Appello Nexum partem illam fabulae, quæ est ab initio usque ad eam partem, unde fit transitus ad felicitatem, vel infelicitatem.*

II. SOLUTIONIS definitio est hæc. λέγουσιν δὲ (λέγω) πᾶσι ἀπὸ τῆς ἀρχῆς τῆς μεταβάσεως μέχρι τέλους. id est, *Solutionem (appello) partem eam fabulae, quæ est à principio transitus, ad finem usque.*

Ab exemplo lucem dedit Philosophus, in Lynceo Theodectæ. Quæ præcedunt accusationem omnia pertinent ad nexum. Accusatio verò cum reliquis ad solutionem. At cum non extet tragœdia Theodectæ, nihil hîc satis perspicimus. In Odysseâ res clarebit. Quidquid antecedit iurgium inter procos & Vlysssem, id ego in nexu colloco; quod à iurgio ad finem est, id in solutione pono. In Iliade quidquid præit singulari certamini, quo Achilles & Hector decertarunt, est in nexu; quidquid sequitur, in solutione numeratur.

III. ID porro magni est momenti, quod monet Aristoteles. In fabulâ quæ sunt ἑξωθεν externa scilicet pleraque omnia contineri in solutione : quæ ἑσωθεν nempe interna partim in solutione, partim in nexu. τὰ μὲν ἑξωθεν, καὶ ἔνθα τῶν ἑσωθεν πολλάκις ἢ δέσις. τὸν δὲ λοιπὸν ἢ λύσις. Huic præceptioni hæc vis, & potestas subiicitur: Episodia, quæ ornandæ fabulæ seruiunt, & petuntur ab extrinseco, & non à visceribus, ut ita dicam, actionis, in nexum cadunt, non in solutionem. Rationem nullam affert Philosophus, à nobis hæc esto. In solutione anhelat auditor ad finem, odiosum itaque esset illum morari variis Episodiis, tum ægrè feret affectus excitatos longo sermone frigere. Vide Episodia esse bene multa in Odyssæâ, at omnia ante mortem procorum: tum in Iliade quæ sunt Episodia, duelum Hectoris antecedunt. Innuit tamen Aristoteles non omnia Episodia nexu contineri, cùm ait πολλάκις *sæpe*, nam breuia aliqua esse possunt, ut inter Penelopem & Ulyssem post necem procorum; sed quæ pertineant ad agnitionem, & motus varios excitandos, quæque sint brevia.

IV. EDICTVM hîc est Aristotelis graec. cap. enim XV. quo vetat solutionem fieri per ma-

chinam, & iubet fieri ex verisimili, id est, ratione naturali, quâ res exire solent. *Φαερόν ουδ' ὅτι ἐξ ἁλύσεως τῶν μύθων ἐξ αὐτῶ διὰ τῶ μύθου συμβαίνει, ἐκ μὴ ὡς περ ἐν τῇ Μήδειᾳ ἀπὸ τῆς μηχανῆς.* id est, *Manifestum est solutiones fabularum ex ipsâ fabulâ existere debere, & non ut in Medea per machinam.* Ratio præceptionis Aristotelicæ est, quia turpe est heroëm actionem illam inceptare, cui par non sit, & quam non possit ad exitum perducere sine machinâ: tum actio fini Epopœiæ non congrueret. Nemo enim ad id facinoris excitabitur quod per sese exequi posse diffidet. Reliqua quæ ad machinam pertinent, disputata sunt abundè.

V. PARTE S' itaque Epopœiæ sunt duæ, Nexus & Solutio; neque locus erit tertiæ parti Benianæ, quæ præcedat nexum, ut ille iubet partic. XC I. quasi verò prima pars Epopœiæ non pertineat ad nexum. Sed neque transitus est aliqua tertia pars distincta à nexu & solutione, cum ἀμείσως, & protinùs ex Aristotele nexum excipiat solutio. Hac de re qui dubitant doctrinæ Peripateticæ non sunt assueti, in quâ præsens tempus quod committit præteritum & futurum, non est tertia quædam pars motus ab illis distincta, ut in Physicis disputatur: ita &

transitus ille fabulæ, quem hîc appellat μεταβασις, non est quædam tertia pars distincta à nexu, & solutione.

VI. PROPOSITIO, & inuocatio poëmatis Epici quidem partes non sunt οὐσιωδεις essentielles, vel etiam ἔσ ποσὶ: sed sunt veluti quædam antecessiones, quibus vsi sint Poëtæ Epici omnes. Propositio quidem adhibetur, quæ auditorem docilem faciat: Inuocatio verò, quæ actionis magnitudinem, & poëtæ in Deos pietatem, tum etiam animi moderationem significet. De propositione nihil melius, vel elegantius adduci potest Horatij præcepto.

*Non sic incipies, ut scriptor cyclicus olim.*

*Fortunam Priami cantabo, & nobile fatum.*

*Quid dignum tanto feret hic promissor hiatu?*

*Parturient montes, nascetur ridiculus mus.*

*Quantò rectius hic, qui nil molitur ineptè.*

*Dic mihi Musa virum, capta post tempora  
Troia*

*Qui mores hominum multorum vidit, & urbes.*

*Non fumum ex fulgore, sed ex fumo dare lucem*

*Cogitat, ut speciosa dehinc miracula promat*

*Antiphatem, Scyllámque, & cum Cyclope  
Charybdim.*

Hæc

Hæc initia, si Horatio stomachum commouere, quid fiet Ariosto, hinc qui ordiatur.

*Le donne i Cavalier, l'arme, gli amori  
Le Cortesie, l'audaci imprese, io canto  
Che furo al tempo, che passaro i mori  
D'africa il mare, &c.*

Hoc non turgidum tantum, sed insanum est. Illud etiam Claudiani & verbis & sensu tumidum est.

*Inferni raptoris equos, afflatæque curru  
Sidera Tenario; caligantésque profunda  
Iunonis thalamos audaci promere cantu  
Mens congesta iubet.*

Vægrande est initium Papinij.

*Magnanimum Æacidam, formidatamque  
Tonantis  
Progeniem.*

Quantò sapientiùs poëtæ Latinus, Græcus, & Italus. quorum initia sunt in ore omnium.

De Inuocatione id tantum moneo; Poëtæ Christiano indecorum esse musas profanas, & Apollinem inuocare. Parnassi certè & Hypocrenes meminisse in inuocatione noli; eò quòd in appellatione diuinitatis præsertim initio poëmatis veros animi sensus Poëta testetur, qui ipse de se loquatur.

## QVÆSTIO SEXTA.

## De Episodio.

- I. *Ambiguitas vocis exponitur.* II. *Episodij definitio traditur.* III. *Quid sit fabula Episodica, & quid in illâ vitij.*

I. **E**PISODIVM definire haud levis est operæ. Aristoteles quidem exemplo illud indicavit; definiuit verò minimè. Qui sequuti sunt Aristotelem auctores, ab eâ definitione se abstinerunt. Non eò velim ad id aggredi, quò plus me videre putem, sed quia Philosophica disputandi ratio id à me suo iure postulat.

Episodium Aristoteli significationis est non vnus. Nam aliquando eam in partem accipitur vt sit pars  $\chi\tau'$  τὸ πρῶτον. His verbis loquitur Philosophus cap. VII.  $\chi\tau'$  τὸ πρῶτον  $\chi$  εἰς α' διαίρεται κεχωρισμένα· τὰ δὲ ἑστὶ, Πρόλογος, ἐπεισόδιον, ἔξοδος, χορίκον. Id est, *Partes Tragædiæ secundum quantitatem, & in qua diuiditur separata. Prologus, Episodium, Exodus, Choricon.* Eodem cap. attexit. *Ἐπεισόδιον δὲ μέγας ὅλον τραγῳδίαν, τὸ μεταξὺ ὅλων χορίκων.* Id est, *Episodium est tota illa pars Tragædiæ, qua*

*Choros interiacet.* nullus hîc ego disputo, quæ pars Tragœdiæ sit hoc Epîsodîum; non enim id est in Epîci poëtæ ditione.

At Epîsodîo alia quoque vis est, & significatio, de quâ lis & controuersia esse potest.

Ac primùm de verbo altercari non placet. Etymon si spectes, Epîsodîum est insertum quiddam in carminis fabulam.

Suidas Epîsodîum esse asserit πρὸ ἑξαγώνιον ᾠῆς, *rem omnem, quæ sit extra causam.* At hæc definitio laxior est, conuenit enim descriptionibus, comparisonibus, & ornatui externo.

II. DEFINITIO Epîsodij hæc esto. Actio adiectitia, aptâ, & necessariâ quâdam connectione cum Actione primariâ coniuncta. Quatuor sunt eius laudes: prima, vt sit Actio; altera, vt sit adiectitia; tertia, vt aptè committatur cum Actione primariâ; quarta, vt necessitate non ἀπλῆ, sed aliquâ tamen componatur.

Prima est, vt sit Actio. nam descriptiones, comparisones, narrationum bene multæ non sunt in Epîsodiis, quia non sunt Actiones. Ecquis enim tempestatis descriptionem, quâ Æneas in mari Siculo, aut quâ Vlysses nauigans à Calypso vexati sunt, in Epîsodiis

A a ij

numeret? Neque comparatio, quâ Æneas, & Turnus XII. Æneïdos cum duobus tauris conferuntur, inter Episodia censebitur. At excidium Troiæ, peregrinatio Æneæ, quæ duobus libris continentur. Tum in Odyssæâ bellum cum Ciconibus, antrum Cyclopi, & quæ lib. IX. X. & sequentibus narrat super mensam Vlysses, omnium consensu & plausu Episodia dicuntur, cùm sint actiones.

Altera laus, ut sit adiectitia, id est ut ab actione primariâ distinguatur, neque eius sit pars. Quamobrem actio primariâ tota, & perfecta esse potest sine Episodio. Id auctoritate, & exemplo clarebit: Exemplo quidem: nam quid rei est, cur Ithacæ Vlysses applicare non possit, nisi errorum suorum historiam texat? Auctoritate verò; Aristoteles cap. XVII. ubi loci præscribit, quâ Epicum poemâ concinnari queat. Primò actionem nudam nominibus personarum, & Episodiis construi iubet, tum vestiri nominibus ac demùm ornari Episodiis, uti hâc dissertationis parte explicatum est. Ex quo conficitur cum Actione non implicari Episodia, siquidem illi constitutæ accedunt.

Tertia laus est, ut apta sit, hoc est, neque



longè petita , neque ingratiis adducta , aut vi contorta. Ab Aristotele id rescribo. qui cap. IX. pessimam esse fabulam docet, in quâ Episodia apta non sint, vti mox exponemus cum de fabulâ Episodicâ disputabimus. insignis porro est eâ de re præceptio Horatij.

*Humano capiti cervicem pictor equinam  
Fungere si velit , & varias inducere formas;  
Undique collatis membris vt turpiter atrum  
Desinat in piscem mulier formosa supernè.*

Et cætera quidem luculenter, sed omnibus nota. Tum illud imprimis ,

*Inceptis grauibz plerumque, & magna professis  
Purpureus latè qui splendeat vnus , & alter  
Assuitur pannus.*

Pulchrè. Sed non erat his locus.

Quarta laus est , vt necessitudine quâdam cum primariâ actione committatur. atque hæc conditio docetur ab Arist. cap. IX. Quæ verò necessaria connexio hîc dicitur , non est ἀπλῆ , sed aliquatenus. Nempe actio illa quæ Episodium est, præteriri poterat; at in fabulæ textum ita coniecta est , vt citra culpam , & cum officio præteriri nequeat. Vt Didoni de se quàm optimè meritæ, petenti negare non potuit Æneas narrationem excidij Troiani , ne-

Aa iij

que Alcinoο Vlyſſes officium, quo poſtulabatur vt errores ſuos narraret.

De loco Epifodij iam conſtituimus, cū de nexu & ſolutione fabulæ diſputatū eſt.

Epifodia & longa, & frequentia in Epopeiâ eſſe poſſunt; in Tragoediâ & breuius & rariuſ frequentari debent. Ariſtoteles c. XXIV. ὥτε τὸ πρῶτον ἀρχὴν εἰς μεγαλοπρέπειαν, καὶ τὸ μεταβάλλειν τὸν ἀκούοντα, ἐπιποιοῦν ἀνομίῃς ἐπιποιοῖς. Ad verbum. *In Epopeiâ, hoc eſt in primis ad magnificentiam & mutationem auditoris, vt Epifodiis diſſimilibus utatur poëta.*

Quàm longa eſſe queant, liber alter & tertius Æneidos docent; quàm frequentia, Ilias & Odyſſea.

Peccant in naturam Epifodiorum, qui Νίητος, Σποπλιω, ἔκτεσι in Epifodiis Odyſſeæ numerant. nam ſi hæc ſunt Epifodia nullæ erunt partes eſſentiales actionis. non enim potuit à Calypſus inſulâ Ithacam appellere Vlyſſes niſi nauiget. cur itaque in Epifodiis ea erit nauigatio, ſine quâ actio conſtitui non poteſt? atque eadem eſt de cæteris cenſura.

At in nauigatione tempeſtas; & in excenſu illo expoſitio, quæ eſt ἔκτεσις, erunt in Epifodiis, cū abſque illis Ithacam Vlyſſes venire

potuit? Esto sanè, non tamen tempestas illa, & expositio erunt Episodia, cùm non sint actiones, sed actionum modi quidam atque rationes.

III. DE fabulâ Episodicâ nequicquam à multis turbatur. Aristoteles cap. IX. in hæc verba loquitur. Ἡ δὲ ἀπλῶν μῦθων καὶ περιέξεων ἀνέπει-  
σσιδιώδεις εἰσὶ χεῖρας. Λέγω δὲ ἐπεισοδιώδη μῦθον εἶναι ὃν τὰ  
ἐπεισόδια μετ' ἀλλήλα οὐτε εἰκός, οὐτε ἀναγκη εἶναι. &c. id  
est, *Simplicium fabularum & actionum pessi-  
ma sunt Episodica. Appello autem fabulam  
Episodicam, in qua Episodia neque verifimi-  
liter, neque necessario connexa sunt.* quæ cùm  
multâ luce niteant, nescio quibus tenebris ea  
inobscurant interpretes. Nempe docet Philo-  
sophus fabulam Episodicam esse, id est, Episo-  
diis malè instructam, in quâ Episodia non co-  
hærent, aut ἢ εἰκός aut ἀναγκηώς, hoc est aptè  
aut necessario: quæ duæ conditiones à no-  
bis explicatæ sunt suprâ. Enimverò (dices)  
omnis fabula Epica Episodiis abundat: est  
igitur Episodica, quare & reicula. At im-  
bellis est ista petitio. Siquidem omnis fabu-  
la Epica est quidem Episodica, at non prauè  
Episodica.

que Alcinoο Vlyſſes officium, quo poſtulabatur vt errores ſuos narraret.

De loco Epiſodij iam conſtituimus, cū de nexu & ſolutione fabulæ diſputatū eſt.

Epiſodia & longa, & frequentia in Epopœiâ eſſe poſſunt; in Tragoediâ & breuius & rariuſ frequentari debent. Ariſtoteles c. XXIV. ὥτε τὸ πρῶτον ἐπὶ τὸ ἀγαθὸν εἰς μεγαλοπρέπειαν, καὶ τὸ μεταβάλλειν τὸν ἀκούοντα, ἐπιποδίου ἀνομίῃς ὅτι ποδίοις. Ad verbum. *In Epopœiâ, hoc eſt in primis ad magnificentiam & mutationem auditoris, vt Epiſodiis diſſimilibus utatur poëta.*

Quàm longa eſſe queant, liber alter & tertius Æneidos docent; quàm frequentia, Ilias & Odyſſea.

Peccant in naturam Epiſodiorum, qui Νίπτος, Ἀποπρωῶν, ἐκτεσι in Epiſodiis Odyſſeæ numerant. nam ſi hæc ſunt Epiſodia nullæ erunt partes eſſentiales actionis. non enim potuit à Calypſus in ſulâ Ithacam appellere Vlyſſes niſi nauiget. cur itaque in Epiſodiis ea erit nauigatio, ſine quâ actio conſtitui non poteſt? atque eadem eſt de cæteris cenſura.

At in nauigatione tempeſtas; & in excenſu illo expoſitio, quæ eſt ἐκτεσις, erunt in Epiſodiis, cū abſque illis Ithacam Vlyſſes venire

potuit? Esto sanè, non tamen tempestas illa, & expositio erunt Episodia, cùm non sint actiones, sed actionum modi quidam atque rationes.

III. DE fabulâ Episodicâ nequicquam à multis turbatur. Aristoteles cap. IX. in hæc verbaloquitur. ἢ ἡ ἀπλῶν μῦθων καὶ παρὰ ξέων αἱ ἐπεισοδιώδεις εἰσὶ χείεστες. Λέγω ὅ ἐπεισοδιώδη μῦθον ἐν ᾧ τὰ ἐπεισόδια μετ' ἀλλήλων οὔτε εἰκός, οὔτε ἀναγκὴ ἐστίν. &c. id est, *Simplicium fabularum & actionum pessima sunt Episodica. Appello autem fabulam Episodicam, in qua Episodia neque verisimiliter, neque necessario connexa sunt.* quæ cùm multâ luce niteant; nescio quibus tenebris ea inobscurant interpretes. Nempe docet Philosophus fabulam Episodicam esse, id est, Episodiis malè instructam, in quâ Episodia non cohærent, aut ἢ εἰκός aut ἀναγκάως, hoc est aptè aut necessario: quæ duæ conditiones à nobis explicatæ sunt suprâ. Enimverò (dices) omnis fabula Epica Episodiis abundat: est igitur Episodica, quare & reiicula. At imbellis est ista petitio. Siquidem omnis fabula Epica est quidem Episodica, at non prauè Episodica.

## QVÆSTIO SEPTIMA.

## DE MACHINA.

**M**ACHINÆ definitionem ab Aristotele, aut auctore alio, qui meas quidem in manus venerit, quando non habeo, eam sic institutam.

Machina est actio, aut actionis modus quidam, extra actionem primariam viribus humanis maior, quæ nodo alioqui difficili soluendo seruiat, & obsequatur.

Machina est actio, in exemplo isto Homeri. Achille irato miles in patriam cogitabat, retinendus tamen fuit. En Minerua Iunonis consilio in terras deuecta reditum dissuadet. Hæc Mineruæ actio est Machina. Aliquando est actionis tantum modus, cum scilicet Deus latet, & occultâ aliquâ efficientiâ hominis actionem iuuat. Exemplum esto in Turno vacillante Lauinium, cui vires addebat Iuno. IX. Æneïd.

Machina est extra actionem primariam, auctore Philosopho cap. XV. Ἀλλὰ μηχανὴ χρησιμὸν ὅτι τὰ ἔξω τῆς ἀρχῆς, id est, *sed machinâ utendum est*

*est in iis, quæ sunt extra actionem*, ut rectè vertit Riccobonus. Nam hîc Pacium non semel fefellit animus, qui sic interpretatur. *Quo sanè artificio utendum est in iis, quæ extra tragœdiam.* Non enim μηχανή est artificium τῆς πρὸς εἰδός, ut bis ille est interpretatus. Neque δὲ δράμα in eam partem sic sumitur quasi sit tragœdia, sed pro actione, quæ tragœdiæ subiecta est. cùm μηχανή extra tragœdiam non sit, cuius est pars; sed extra actionem primariam, siue argumentum totius fabulæ. Quamobrem qui poemata scripserit, cuius actio primaria exitum non habeat, nisi per machinam, is vitiosè scripserit. Atque ea causa fuit cur actionem feminæ, quæ Deorum subnixa auxilio præclarum aliquid, & eximium dederit, ad Epopœiam minùs aptam esse priore parte dissertationis fuerit disputatum. Ac meritò quidem, nam monitore Philosopho cap. XV. nihil esse debet ἄλογον ἐν τοῖς ποιήμασιν. *In actionibus nihil esse debet supra rationem.* τὰ ποιήματα sic interpretatus sum actiones, quoniam fabula Deos admittit quidem certis de causis, ut mox disputabitur: sed non Actio.

Enimuero ut imperatoris militarem gloriam, quam ipse sibi labore, atque fortitudi-

ne collegerit, iniquum est à poëtâ inobscurari silentio : ita Heroï vitium & probrum obiicere mihi videtur, quisquis illum alienâ virtute, vt furtiuis corniculam plumis gloriantem palam circumducit, & ostentat. Quæ per machinam fit actio, Dei est, non Heroïs. A Deo gloriam rei bene gestæ ad hominem qui diuertit, vtrique facit iniuriam. Hierichuntis ciuitatis moenia tubæ clangore conuulsa sunt, atque dissipata, ineptè illius excidium. Iosux, non Deo tribuetur : Mosis radio in Ægyptios Arabici sinus aquæ reuolutæ illos oppressere, Deo non Mosis debetur ea laus. Tum ab eâ actione deterretur animus humanus, cui se imparem præsentit ; præsentit verò, si sensus expers non est, quisquis à Deo vno actionem aliquam fieri putat. A Deo nubibus insidente micant fulgetræ, vibrantur fulmina in Ægyptios; id conabitur homuncio, & Salmoneum aget ridiculè?

*Hic Iuno Scaas sauisſima portas  
Prima tenet, sociûmque furens à nauibus ignem  
Ferro accincta vocat.  
Jam summas arces Tritonia, respice; Pallas  
Incedit nimbo effulgens, & Gorgone sauâ.  
Hoc quia Deæ efficere creditæ sunt ; homo*



quæ virgo sit aut mulier attentabit.

Præterea cùm Epopœia verisimili studeat maximè, vt accuratè disputatum est quæst.

IV. primæ partis, tum certè multò magis actio.

Quî tandem erit illa vero similis si homini tribuitur, quæ vires eius superare creditur? Variæ denique actiones poëtarum, quæ allatæ sunt quæstione prima partis secundæ, id planè persuadent.

III. ACTIO per machinam viribus humanis maior esse debet, curenim Deus excitaretur, cùm suppar sit virtus humana. Rectè id vidit & monuit Horatius:

*Nec Deus intersit, nisi dignus vindice nodus.*  
Quare Homerum reprehendit Aristoteles, qui Mineruam de cælo adduxit, vti milites remoraretur, cùm prudentis viri consilio id perfici potuerit.

IV. SI poëtæ non licet ad machinam confugere, cùm humanitùs res confieri possint; quantò grauiùs obiurgandi sunt Philosophi & Historici, veritatis scilicet indagatores, qui id peccauerint. Anaxagoram lib. I. Metaph. cap. IV. reprehendit Philosophus, qui mentem in difficultatibus Philosophicis soluendis tanquam machinam adhibeat: & quia hic locus vsui esse potest, rescribendus mihi est:

Ἀναξάρχου γὰρ μηχανὴν χρηται τὰ νῆα πρὸς τὴν κοσμοποιίαν, καὶ ὁ πόρῳ διαπρήση, ἀφ' οὗ τὴν αἰτίαν ἐξ ἀνάγκης ἔσθι, τότε ἔλκει αὐτόν. ἐν δὲ τοῖς ἄλλοις πᾶσι μαῶλλον αἰτιάται ἢ γινωσκῶν, ἢ νοῶν. In Historicis quibusdam id vitij notat Polybius, qui Annibalem in Italiam per machinam immittant.

Cavit prudenter, & scopulum declinauit consultissimus Maro. Machinam is quidem adhibuit IV. Æneidos, vbi Carthagine Æneam Iouis imperio, & Mercurij legatione eripuit: At ea machina in Episodiis censetur, non in actione primariâ.

V. IMPRIMIS verò monet, ne fiat solutio per machinam, quod etiam monuimus, cùm de solutione dictum est. Φανερόν (inquit) ὅτι καὶ τὰ λούστῃ τῇ μύθῳ, ἐξ αὐτῆς δὲ τῆ μύθου συμβαίνει. Quamobrem Odysseæ id vitij inhæsit; quæ Mineræ allapsu, & ope soluitur:

Ratio cur neque in actionem primariam, neque in solutionem congruat machina, à nobis adducta est prioris partis quæst. vltimâ.

Iam in quæstionem venit, quænam pars fabulæ, & quâ de causâ patiens sit machinarum. Machina in omni parte esse potest, quæ sit extra actionem primariam & solutionem, vt in Episodiis omnibus. Causa verò cur utamur machina, est; cùm aliquid sciri debet, aut earum

rerum, quæ præteritæ sunt, aut quæ sunt futuræ, neque aliunde sciri possunt, quàm Deorum ope; tunc enim ad Deos confugiendum est. ἅπαντα γὰρ ἀποδιδούμην τοῖς θεοῖς ὁρᾷ. Id est, *omnia enim tribuimus Diis videre.*

## QVÆSTIO OCTAVA.

### De Moribus.

- I. *Morum definitio.* II. *Prima laus morum, ut sint boni in Heroë. Marini Adonis scholæ nequitia.* III. *Laus morum altera, ut congruant personis & τὸ εἶδος in specie. Torquati peccatum.* IV. *Laus morum tertia, ut sint ὁμοιοί similes. Similitudo est personarum καὶ ἐν ἑκάστῳ, id est singularium.* V. *Laus quarta morum, ut tenoris sint aquabilis.* VI. *Quid sit poësim esse moratam. Vulgi hallucinatio.* VII. *Viros fortes non dedecent lachrymæ, sed eiulatus.* VIII. *Cur secunda partes tribuantur moribus.*

**E**XPLICATIS iis, quæ ad fabulam attinent quodammodo, de moribus quæ est altera pars formæ in Epico carmine, quæstio poni debet.

I. MORVM definitio in hæc verba concipitur ab Aristotele cap. VI. de Poëticâ. Εἰ δὲ ἦθος μὲν τὸ ποιῶντων ὁ δὴ λαὸς πλεὺς παρὰ ἑαυτοὺς ὁποῖα τίς ἐστίν, ὡς οἷς ὁρᾷ ἔστι δὴ λαὸς, εἰ παρὰ ἑαυτοὺς, ἢ φθάρη ὁ λέγων. Διότι ὁρᾷ ὁρᾷ ἐν ἡθούσιν ἦθος ἐνίοι τῶν λόγων. Id est, *Mores sunt, qui significant quæ sit prælectio alicuius, iis in rebus, de quibus non constat, utrum is, qui loquitur aliquid sequatur, aut fugiat.* Paciùs, & cum Pacio Heinsius παρὰ ἑαυτοὺς explicant voluntatis nomine; φιλοσοφώπῃς Robortellus prælectionis. Non enim omnis actus voluntatis est παρὰ ἑαυτοὺς, sed is duntaxat qui ab Aristotele VI. Ethicorum dicitur ὁρεξὶς βουλευτική, *cum consultatione appetitio.* Cùm scilicet homo suæ actionis potens deliberat aliquâ de actione, & pro arbitratu, eam in partem inclinat quæ arridet. Id verò explicatiùs docet cap. V. libri tertij Moral. Η παρὰ ἑαυτοὺς ἀνὰ εἰς βουλευτικὴ ὁρεξὶς τῶν ἐφ' ἡμῶν. *Praelectio est appetitus ex consultatione earum rerum, quæ sunt in nostrâ potestate.*

Cùm igitur ex moribus homines boni, malive sint, non erunt sanè eiusmodi, nisi bene, vel malè sint morati; at mores nulli sunt absque prælectione, neque prælectio nisi iis de rebus quæ sunt in nostrâ potestate, quamobrem id fieri necesse est, uti nemo bonus aut

prauus sit, qui non habeat in potestate actiones suas. nullus itaque nisi ἡλίθιος ἢ μεμνόμενος, quæ verba sunt Philosophi cap. v. lib. III. Moral. deliberat de rebus necessariis, de fortuitis, deque iis quæ sunt ἀδυνάτα vel ἀλόγα, vt de diametri cum latere mensura, de thesauri inuentione, & id genus aliis. Qui verò sanæ, & integræ est mentis, ea in consultationem atque deliberationem vocat, quibus ipse pro arbitrio moderatur.

Mores igitur sunt habitus ex prælectionibus orti. Qualitas scilicet quædam, cuius accessione vis animi corroboratur, acuitur, & inclinatur ad varios effectus. Laudes & ἰδιότητες siue proprietates morum ab Aristotele cap. XV. Poëticæ recensentur quatuor. Prima, vt mores sint boni. altera, vt congruant. tertia, vt sint similes. quarta, vt sint æquales. De singulis pauca nobis libanda sunt.

II. Prima laus morum est, vt sint boni. ἐν μὲν καὶ τοῦτον ὅπως χρῆσθαι λέω, id est, *vnum*, & *maximum*, vt boni sint, erunt autem eiusmodi, si ex prælectione oriantur bonâ. Ἡ δὲ (inquit erit) φαῦλον μὲν, ἐδὲ φαύλῳ ἐξὴν παραιρεσιν, χρῆσθαι ἵνα χρῆσθῃ. In officio est itaque Poëtæ bonos mores imitari, atque id imprimis in Heroë, cuius vita, &

mores minimè mali sint, & maximam partem boni. quare Achillem bonum ab Homero fictum ait Aristoteles cap. XV. nam animo in Deos erat pio, & idem iuris gentium retinens, & amicitiae cultor, atque animi fortitudine longè præstantissimus. Ac licèt animo præcepseffet, neque iræ satis potens; non tamen sine causa irascitur. Habuit enim causam plausibilem, & βίαι ἰσχυρόν. At si mores aliquando prauos imitari necesse sit; neque ij splendide accurari debent, neque in principe viro; omnium verò minimè in Heroë: Thersites in Iliade, Sinon in Æneide pessimè sunt morati, viri scilicet ignobiles. Mezentijs verò in Æneide & Procorum in Odyssæa mentio est, quò eorum vitiis, virtus Heroum illustrior fiat. At enim Plato aliàs quidem, sed apertè in dialogis de repub. poëtas Tragicos, Comicos, Epicos, de rep. illâ suâ iubebat exulare, ne prauis moribus suam illam rempublicam corrumperent. iniuria sanè. Nam descriptio prauorum morum, si rarò, si breuiter, si quo fine par est, fiat; non officit moribus, sed etiam eos instituit sapientissimè. Non enim eorum meminerunt boni Poëtæ, quò eos suadeant, sed quò ab iis deterreant. Lacedæmonij seruos foedè ebrios

ebrios à filiis spectari volebant, non qui stude-  
rent ebrietati, sed qui ab eâ abhorrerent.  
Exemplum moris pravi ponit in Oreste Euri-  
pidis Aristoteles, apud quem Menelaus prauus  
est, qui Oresti fratris filio, mortem patris vin-  
dicanti non tulit auxilium. De istâ Tragœdiâ  
Euripidis, qui titulum seu argumentum Græ-  
cus auctor illi dedit, cum Aristotele mirè con-  
gruit: Ait enim: ὃ δράμα ἥν' ἐπὶ σκηνῆς διδουμένη-  
των χείριστον τοῖς ἥθεσι. πλὴν γὰρ Πηλεΐδου πάντες φῶλοι ἦσαν.  
Id est, *Drama istud ex iis, quæ in scenâ placue-  
runt, fuit, quàm pessimè moratum. Omnes enim  
personæ improbæ sunt præter Piladem.*

Hæc in Euripide qui reprehendit Aristote-  
les tam seuerè, quam notam Marino inureret?  
aut quo nomine, satis digno eius poëma com-  
pellaret? Non est certè poëma, non poësis, in  
quo omnes personæ pessimè moratæ sunt. nam  
vt alia non peccaret, (peccat autem & grauiter,  
& vt plurimùm) quid tam moribus perditum,  
& desperatum dici potest? nempe est hoc pro-  
stibulum pudicitiae, nequitiae ludus apertus,  
Christianæ sanctitatis propudium. Est mo-  
rum aliquid, quod in Homero non ferat pro-  
fana Philosophia, cuius nihil est præter pau-  
ca, quod pudorem possit facere: Et officinam

illam nequitiaë , atque corruptelæ probabunt , & osculabuntur qui Christo nomen dedêre.

III. ALTERA conditio morum est, vt sint ἀρμότουντα , vt congruant. Quæ præceptio pertinet ad personas καὶ ὅλου & in specie spectatas, non καὶ ἑκάστου siue in singulari. Id enim differt hoc præceptum à sequenti: Exemplum in feminâ posuit Philosophus , quam fortem qui fecerit , dabit mores qui non congruant. De ista præceptione eleganter monuit Horatius in Arte.

*Tu quid ego , & populus mecum desideret, audi.  
Si plausoris eges aulaa manentis , & vsque  
Sessuri , donec cantor , vos plaudite , dicat.  
Ætatis cuiusque notandi sunt tibi mores,  
Mobilibusque decor naturis dandus , & annis.  
Reddere qui voces iam scit puer , & pede certo  
Signat humum , gestit paribus colludere , & iram  
Colligit , ac ponit temerè , & mutatur in horas.  
Imberbis iuuenis tandem custode remoto,  
Gaudet equis , canibusque , & aprici gramine  
campi.*

*Cereus in vitium flecti , monitoribus asper,  
Vtilium tardus prouisor , prodigus aris,  
Sublimis , cupidusque , & amata relinquere  
pernix.*



*Conuersis studiis atas, animisq; virilis  
 Querit opes, & amicitias, inseruit honori.  
 Commisisse cauet, quod mox mutare laboret.  
 Multa senectutem circumueniunt incommoda,  
 vel quod*

*Querit, & inuentis miser abstinet, ac timet uti:  
 Vel quod res omnes timide, gelidèque ministrat.  
 Dilator, spe longus, iners, auidusque futuri,  
 Difficilis, querulus, laudator temporis acti,  
 Se puero censor, castigatòrque minorum, &c.*

IV. TERTIA laus morum est, vt sint similes.

τεῖτον δὲ ὁμοίον, qui ὁμοίον differat ἀπὸ τῆ ἀρμόδιοντος  
 difficultate non caret. Ἀρμόδιον attinet ad per-  
 sonas in specie, hoc est secundum sexum, æta-  
 tem, dignitatem; ὁμοίον δὲ siue simile, singulari-  
 bus, vt Oresti, Vlyssi, Achilli addicitur. Simi-  
 litudo enim ducitur ex characteribus & linea-  
 mentis vniuscuiusque; Etenim vt medicus  
 homini non medetur, inquit Aristoteles in  
 Metaphysicis, sed Calliæ: ita neque quisquam  
 similis est homini, sed Calliæ. Neque huius  
 præceptionis fuit nescius Horatius in Arte:

*Aut famam sequere, aut sibi conuenientia finge  
 Scriptor. Honoratum si forte reponis Achillem;  
 Impiger, iracundus, inexorabilis, acer,  
 fura neget sibi nata, nihil non arroget armis.*

*Sit Medea ferox, inuictaque; flebilis Iño;  
Perfidus Jxion; Jō vaga; tristis Orestes.*

Non parum multorum iudicio peccauit Torquatus in suo illo Mago, quem virum sanctum, & Christianum inducit cantu XIV. atque illi mores profanos adscribit: vires, potentiam, scientiam, radios, clypeos, palatium, & cætera contatricis illius artis arma concedit. Sed quoniam censura hæc ab aliis occupata est, de eâ pluribus dicere supersedebo.

V. QUARTA laus est, vt mores sint ὁμοιοῦς æquabilis tenoris. de quâ præceptione Horatius in Arte:

*Siquid inexpertum scenæ committis, & audes  
Personam formare nouam, seruetur ad imum  
Qualis ab incepto processerit, & sibi constet.*

VI. AT hîc meritò controuersia esse potest: Sîtne omnis poësis morata, & quî morata distinguî possit ab eâ quæ moribus cassa est. Id plebi ratum est, eam poësim, & orationem bene moratam esse, quæ præcepta rectè viuendi tradat, & ὡς νόμος loquatur. Quæ hallucinatio est non exigua. Nam vt hîc à nobis auctore Philosopho disputatum est, mores sunt, qui prælectionem loquentis in lucem adducunt; ex quo is bonus, & malus iudicetur.

Non itaque Theognidis sententiæ, non præcepta vitæ instituendæ, non Senecæ opera morata sunt *κειως*, sed *καταχρηστικῶς* & tralatitiè. Non enim illis præceptionibus mores eius, qui loquitur, veniunt in cognitionem. Profligatæ enim virtutis homo præcipere rectè potest. Morata itaque erit poësis, & quæ mores sceleratos hominis scelerati rectè effinixerit, quæque mores honestos viri boni suâ in luce collocârit.

Cùm Terentius primas à Varrone in Ethicis tulerit, ab eo exemplum placet accipere. Qui legerit scenam v. actus primi Andriæ, & diligenter inspexerit quibus momentis animi sententiam ponderet, & libret Pamphilus, ac tandem eam inclinet, atque figat vni parti; non poterit is nescire quid sit moratam esse orationem. Illa verò poësis minimè erit morata; quæ eius, qui loquitur consilium, & electionem non indicet, sententias licèt quantius pretij cumulatè exaggeret.

VII. AUDIO non deesse, Virgilium, & Homerum imprudentiæ qui notent; apud quos Achilles, & Æneas lacrymentur. Nam iniquiunt Aristoteles id reprehendit. τὸ δ' ἀτοπίον ἔστι μὴ ἀρμότοντες, ὅτε θρηῆος ἐν τῇ Σχολῇ. Id est, In-

*decori, & inepti moris exemplum est eiulatio Vlyssis in Scyllâ.* At ista petitio futilis est. Nam Aristoteles Vlyssis eiulatum ægrè tulit, sed non lacrymas. Viros magnos lacrymatos fuisse, vel dictum antiquum vincit, quo ἀγαροὶ αἰδοῦντες αἰδοῦντες dicuntur. Enimverò viri fortes lacrymantur sæpè, non Poëtis tantùm auctoribus, sed etiam Historicis, cùm sacris, tum profanis. Achillis gloriam non legit sine lacrymis Alexander, neque Alexandri famam ficcus audiuit Cæsar. Etiam Christo Domino à quo risum nihil meruit, lacrymas expressere multa. Lacrymæ humanitatem indicant, eiulatus animum testatur esse victum.

VIII. AT cur secundæ partes moribus debeantur, tacuisse Aristoteles videtur; à nobis hæc esto ratio. Fabulæ quidem primus datur locus, quia fabula est ipsa actio cum ornatu suo, in actione verò felicitas: moribus itaque secundæ debentur, nam mores habitudines sunt quædam animi, habitudo verò omnis est actionis gratia.



## QVÆSTIO NONA.

## De Sententia.

- I. *Sententia ambigua potestas. Aliquando pro Gnome, aliquando pro Diancæâ.* II. *Definitio sententia, quæ est Gnome.* III. *Tres laudes siue conditiones sententia.* IV. *Prima laus sententia, ut sit καθολική, id est uniuersim pronunciata.* V. *Altera laus sententia, ut sit brevis.* VI. *Tertia laus, ut sit morata.* VII. *Sex rationes quare sententia placeat.* VIII. *An frequens usus sententia esse debeat. Augusti Cæsaris ea de re mens, & sententia.* IX. *Quid inter sententiam, & acutè dictum intersit.* X. *Cur acutè dicta placeant.* XI. *De Sententiâ, quæ est Diancæa.* XII. *Definitur, & eius partes adducuntur.* XIII. *Inter partes formales tertius locus debetur sententia.*

I. **S**ENTENTIÆ nomen est potestatis ambiguae, hâc enim voce tum γνώμη, tum Διάμνα comprehenduntur, quæ duo inter nimium quantùm interest. Αμφιβολία illius dictionis multis fuit offendiculo, neque iis de plebe duntaxat, sed etiam primariis. Aristi-

des lib. de oratione ciuili in hæc verba loquitur. Γνώμην λέγω τὸν νοῦν καὶ τὰ ὑπονόηματα, ἐν οἷς διέσκειται τὰ πρᾶγματα. Ad verbum. *Sententiam appello mentem, & conceptus in quibus res reperiuntur.* At διαοίᾳς est hæc definitio, non γνώμης. Idem peccauit Hermogenes περὶ ιδεῶν. Illis auctoribus. iam aliis peccare pudor non est. Longè alia est Philosophi mens, & sensus. Γνώμην is definit lib. II. Rhet. cap. XXI. Διαοίᾳς verò lib. de Poëticâ cap. VI. Nobis vt deleatur ambiguitas illa, γνώμη sententia appellatur; notissima cùm sit eius vis, & significatio in hanc partem: Σφαιροία verò, quoniam necdum nomen apud Latinos reperit, Græco gaudeat, & dicatur Dianœa. De sententiâ primùm quæramus.

II. SENTENTIAM definit Aristoteles cap. XXI. libri alterius Rhet. in hæc verba. Εστὶ δὲ γνώμη ἀπόφανσις, οὐ μὲν περὶ τοῦ καὶ ἐκαστον, οἷον ποῖός τις Ἰφικράτης, ἀλλὰ καὶ ὅλου. Ad verbum. *Sententia est enunciatio, non de singularibus, vt qualis sit Iphicrates, sed de vniuersalibus.* Subinde attexuit, οὔτε περὶ πᾶντων καθόλου, οἷον, ὅτι τὸ διὸν πᾶς καμπύλος ἐναντίον, ἀλλὰ περὶ ὅσων πρᾶξεῖς εἰσὶν, καὶ αἰρετὰ, καὶ ἀρεκτὰ ἔστι πρὸς τὸ πρᾶξιν. id est. *Neque tamen est de omnibus vniuersalibus, vt quod rectum sit contrarium*

*rium curuo ; sed de iis quorum sunt actiones, & quæ appetere, aut fugere quis potest, ut agat.* Quibus verbis hæc subiecta est significatio. Sententia est pronunciatum aliquod vniuersim de vitâ rectè informandâ. Quæ à Plutarcho est definitio, eodem recidit. Απόφασις καθολική πρὸς τὸν βίον λόγῳ σωτόμῳ. Plutarchus explicatiùs dicit, cùm addidit (λόγῳ σωτόμῳ.) Non erat id tamen admodum necessarium. Si enim sententia est ἀπόφασις μία, una enuntiatio, longa certè non erit, cùm propositio sine vitio longiùs trahi nequeat. Potest verò sententia ad duos versus protendi, ut in exemplo allato ab Aristot. ex Eurip. liquet.

II. TRES itaque sunt dotes sententiæ. Prima, ut sit vniuersim dicta ; altera, ut sit una ; tertia, ut sit morata.

IV. PRIMA laus sententiæ est, ut à certis loco, tempore, personâ, cæterisque, quæ res singulares ambiunt, & figunt quodammodo, auocetur. Exemplum esto. Clytemnæstra in Agamemnone loquitur. *Quem pœnitet penè est innocens.* De se loquitur vnâ, & tamen à se ad vniuersos homines sententiam traduxit ; atque ab omni loco, & tempore fecit liberam, & eximiam. Nunc cum Clytemnæstrâ oratio

eadem illigetur. certè ego penè innocens habenda sum , quam malè quondam facti , nunc quidem temporis poenitet. quantum dignitatis illi decessit ? Ab Horatio esto exemplum alterum lib. III. carm. Ode II. *Dulce , & decorum est pro patriâ mori.*

V. ALTERA sententiæ laus , vt sit *συντομία* breviter comprehensa. Quæ enim funditur in multam orationem fit euanida , & languet. Exemplo clarebit præscriptio. Hæc Horatij sententia ex lib. III. Ode VII. *Pulvis , & umbra sumus* , producatur in hæc verba. Si rectè philosophari placuerit , ac de nobis pronunciare , nihil equidem video , quicum meliùs hanc vitam nostram fluxam , ac caducam possim conferre , quàm cum vmbra , quæ fugitivo , ac perpetuo lapsu vanescit. Quòd si penitiùs in naturæ humanæ cognitionem intrare placeat ; quis erit tam parum intelligens , & rudis ; qui coagmentationem hanc corporis , cuius formam , atque pulchritudinem suspicimus , non videat computrescere aliquando , & tandem in pulverem collabi ? Enimvero istis periodis , atque circuitionibus venustas omnis , atque dignitas sententiæ contabuit. Lædi vult Philosophus sententiæ maiestatem ,



vel causæ, cur vera sit, coniunctione; cùm per reticentiam causæ ab Enthymemate sententia discrepet; ab exemplo mox allato lucem affundit.

ὅστις ἐστὶν αἰσχροῦν ὅστις ἐστὶ ἐλεύθερος

Γνώμη. πρὸς δὲ τῷ ἐχόμενῳ, αἰσχύνημα

Ἡ χρηματίζων γὰρ δοῦλος ἐστὶν ἢ τύχης.

Id est,

*Non virorum vllus, qui sit liber.*

*Id est sententia: addito autem eo, quod sequitur, fiet enthymema.*

*Aut diuitiarum enim seruus est, aut fortuna.*

VI. TERTIA laus sententiæ est, vt sit morata & vitam informet. Etenim si de re Physicâ, si de Mathematicâ, si de Metaphysicâ breuiter, & vniuersim dictum adducatur, erit illud sanè quidem axioma quoddam, sed non sententia, cùm informationi morum minimè seruiat: veluti si quis audiat, *Sol est maior terrâ*, aut quod est exemplum ab Aristotele II. Rhet. cap. XXI. *Rectum contrarium est curuo*, non is, certè ad vitæ officia prudenter obeunda commouebitur. At si audierit Horatium Ode alterâ libri III. pronunciantem. *Rarò antecedentem scelestum deseruit pede pœna claudo*; aut illud incerti auctoris apud Stobæum, *Αἰσχροῦς χα-*

ερατὴρ ἐκ λόγου γινώσκειται. excitabitur continuò, qui castè viuat, & linguæ moderetur.

De Syllogismo vel Enthymemate oriri sententiam docet Philosophus. Putatis enim, & circumcisis προτάσι atque ποσλήφι, quas præmissas scholæ dicunt; nascitur sententia. In hoc Enthymemate exemplum ponit. *Omnis homo aut fortuna, aut diuitiis obsequitur. Nullus igitur homo liber est.* silentio prematur τὸ ποσλείδμων, superest hæc sententia, *nullus homo est liber.*

Nunc de multiplicibus, variisque sententiæ formis, speciebus, ac figuris disputationem integram Rhetoribus permittimus. Quæ verò quatuor maximè Philosophicæ sunt ditio- nis; quæque à nemine hætenus disputata sunt, vestigemus. Primum, Ecquænam sint in sententiâ tantæ deliciæ, quibus animi capiuntur. Tum, sintne sententiæ frequentandæ sæpius. Deinde, quæ differant ab iis, quæ acutè dicta appellantur. Denique, cur hæc acutè dicta placeant.

Est in pretio & arridet sententia, quia breui ambitu multa concludit. Ita numus aureus pluris est centum æreis, & Deus Opt. Max. rebus omnibus creatis longè potior est, quibus mole, & numero cedit; nam virtuti, non

moli pretium est : longam itaque orationem in breuem quia cogit sententia, fit magni. Eius enim possessione facilè & citò locupletatur ingenium. Ad hæc, sententiam qui profert, à plebe summotum se putat, & eam qui audit, se summoueri autumat, vulgo enim imperito *πῶς καὶ πόθεν* ignota sunt, nihil autem *suauius dignitate & excellentiâ*. Prætereà vniuersè cùm dicis, Enthymematis consequens adducis, retices antecedens; quod auditor suo Marte inuenit, & animum ab vniuersali propositione ad singularem cum voluptate conuertit, parit quippe aliquid ipse per sese, quo partu gaudet animus, cùm in actione sit eius felicitas. Tum, homines omnes moribus quibusdam amici sunt, & aliis inimici; mores illos odiosos in vno aliquo singulariter notaueris, lædes haud dubiè : vniuersè si designes, monebis tu quidem, quantum satis erit : ipse per sese vulneri suo medebitur. Sit amans vini quispiam & ebriosus : Illum nominatim si dixerit orator fœdum, qui se vino ingurgitet; conuicium fecit; at si dissimulanter de ebrietate vniuersè dixerit, auditor sine dolore, atque tristitiâ suadebitur. Adhæc, hominem alicui miserè addictum opinioni, pudet ab eâ discedere, quam-

obrem apertè ipsum si adoriare, aut secum ipse se purgabit, aut animum obfirmabit; præ pudore manus ægrè dabit. Demùm sic animus humanus à Deo Opt. Max. comparatus est; vt iis quæ ad mores pertinent, miris quibusdam illecebris, facile flectatur, & in ea suoapte pondere, atque momentis inclinet; sententia verò omnis morata est, vt suprà pronunciatum est.

Frequens vsus sententiæ non debet esse; tum quia priscae illius, & aureæ ætatis nullus; qui vel eloquens, vel disertus habitus sit, in sententiis, aut acutè dictis multùm se amauit; tum quia sententiarum exaggeratione tumet oratio. Raræ sunt in Virgilio, raræ in Homero, in antiquis Oratoribus paucæ; & illæ quidem non quæsitæ ambitiosiùs, sed à re ipsâ vltro oblatae. Quare merito suo odiosos illos Satyricus increpuit his verbis. *Pace vestrà liceat dixisse, primi omnium eloquentiam perdidistis, leuibus enim atque inanibus sonis ludibria quadam excitando fecistis, vt corpus orationis eneruaretur, & caderet. tum. Grandis, & vt ita dicam pudica oratio, non est maculosa, neque turgida, sed naturali pulchritudine exsurgit. Idem. Nunc rerum tumore, & sententiarum*

*vanissimo strepitu hoc tantum perficiunt, &c. Deinde, Ac ne carmen quidem sani coloris enituit, sed omnia quasi eodem cibo pasta, non potuerunt usque ad senectutem canescere.*

Congruit planè in locum istum Augusti hæc de re sententia, quam Suetonius posteritati consecrauit. *Genus eloquendi sequutus est elegans, & temperatum, vitatis sententiarum ineptiis, atque inconcinnitate, & reconditorum verborum ( ut ipse dicit ) fœtoribus, præcipuamque curam duxit, sensum animi quam apertissimè exprimere: quod quò facilius efficeret, nec alicubi lectorem, vel auditorem obturbaret, aut remoraretur; neque propositiones verbis addere, neque coniunctiones sæpius iterare dubitavit, qua detracta afferunt aliquid obscuritatis, et si gratiam augent.* En Augusti præscriptionem de sententiis, acutè dictis, atque stylo, cui suffragabuntur omnes, quibus mens bona, quibus placida & serena fuerit. hac de re iterum quæretur, cum disputatio instituetur de dictione.

At quod inter sententiam, & acutè dictum interfit, hoc est: sententia siue in verbis, siue in verborum potestate caret pugnâ atque conflictu: Acutè dictum verò totum est in congressu, & ut ita dicam, in dimicatione. Faci-

liùs exemplis, quàm oratione res clarebit. Triplicis itaque generis adhibebimus exempla. I. de sententiâ purâ. II. de acutè dicto purè. III. de utroque mixto.

Sententia pura est, quæ dicti amplitudinem, ac maiestatem continet; sed contentione caret. In Phoenissis Euripides pronunciauit. *Ἀπανα δὲ τῶν ἁνδρῶν ἡμετέρῃ Πατρίδι.* Id est, *viro fortè ubique patria est.* præclare. Etiam Seneca in Hercule furente sine ullâ contentione. *Cogi qui potest, nescit mori.* Eximium est istud Menandri: *ὁ δὲ φέρων λογισμῶ πάντ' ἔχ.* Id est, *Ingenio qui excellit omnia possidet.* Tum hoc Tullij: *Exilium ibi putat esse, ubi non est virtuti locus.*

Acutè dictum purè, est contentio quæ casafit, & vacua ab sententiâ. Hecuba in Hercule furente. *Ille tot Regum parens caret sepulchro; & flamma indiget ardente Troia:* Sententia est nulla, sensus tamen est magnificus, & contentio aperta. quod Priamus in tantâ flammâ, quâ ardeat Troia, flammâ tamen careat. Nec laude caret illud Menandri: *Μισῶ πονηρὸν, χεῖνόν ὅτ' αὖ εἴπῃ λῶν,* *odi prauum etiam cùm dicit bene.*

Sententia mixta est, quicum annexa sit contentio. Vt in hoc Publ. Syri. *Avaro tam deest,*

*deest, quod habet ; quàm quod non habet.* Etenim sepositâ contentione , viget tamen sententiæ vis , & dignitas. Veluti si dicatur : Avarus nemo dives. Eadem laus est in isto Augustini dicto. *Deus melius scitur nesciendo.* Nam ad sententiam quâ dicimus Deum esse maiorem orâ , & ambitu mentis nostræ ; hoc est comprehendendi non posse : accedit etiam venustatis aliquid ex pugnâ verborum , scientiæ , & nescientiæ.

Haud erit à Philosopho alienum vestigare, quid rei sit , cur acutè dicta placeant.

Cùm in Sophistarum myrotheciis nihil sit lautius , & corruptæ eloquentiæ magistris nihil carius , iis oratoriæ facultatis luminibus , quæ contentiones ab auctore ad Herenn. & à Tullio acutè dicta , & à nuperis hominibus acumina dicuntur ; facturus operæ pretium mihi videor , si fontem ipsum , atque caput vestigem , ex quo manat ea voluptas , quâ mirificè illorum animi mentésque capiuntur. Quam in commentationem intentus aliquantulum animaduerti delicias non modò illas , quas ex istis acutè dictis percipimus , sed etiam plerasque omnes alias , è rerum inter se pugnâ & conflictu oriri. Quid enim est , amabo , cur tam suauiter auribus , & animis insidias ponat,

E c

vocum atque neruorum concentus? quia scilicet in multiplici sonorum coniugatione graui cum acutis pugnant, & interiectis, mediisque sonis veluti fecialibus quibusdam, ac pacis interpretibus sociantur. Cur in fidibus, *νήτη* cum *ὑπάτη*, καὶ *μέση* composita modulatè, numerosèque sonat, atque placet; cùm quibusdam aliis absurda sit, atque aures vellicet odiosè. Cur *ἐπιτείτη*, *δὲ πέντε*, *δὲ πασῶν*, καὶ *δὲ δὲ πασῶν*, γὰρ vibratæ aures mulcent suauissimè? litis nempe & amicitiae causâ, quibus percipiunt aures, illas vel inimicè congregi, vel amicè coire. Cùm aures capiat Musica, tum oculorum blandissima conciliatricula est pietura, cuius lenocinia omnia in colorum concertatione atque conflictu posita esse docent artis illius prudentes viri. Nam id, quod in illâ pingendi scientiâ venustatis, & operæ habet plurimum; vt corpora quædam eminere, alia subsidere videantur; cùm tamen in æquo, in plano, in proximo fusa sint omnia; id artifices colorum pugnâ conantur. Siquidem ea omnia quæ extare volunt, largâ luce accendunt; quæ deprimere, tenebris, & nigro colore excæcant. Ab artibus ad mores si gradus sit, nihil cum maiori apparatu, ambitu, aut volu-



ptate spectatum est Romæ ludis Circensibus, in quibus cùm multa essent odiosa, illud vnum iucundum fuit, pugna, atque conflictus. Dolorem, qui ex sæuissimis & indignissimis cædibus concipi poterat grauissimus, voluptas ex dimicatione nata vincebat. Tantùm est illecebrarum in congressu aduersariorum, atque fortunæ varietate, quæ hunc affligit, illum erigit; & quem erexerat, ab afflicto sæpe percellit. Nunc verò à moribus nostro vitio corruptis ad mundi pulchritudinem oculos conuertamus. Quid est, cur cùm idem ipse sit, sui tamen fastidium non pariat? quid inquam, aliud est, quàm ἔργος & αἰτέργος qui perpetuis suis velitationibus velut in theatro pascunt curiosos. At non solus Lunę citimus mundi locus rerum congressione placet; suprema etiam illa, & cælestia corpora conatibus inter se contrariis continentur. Quare vniuersa mundi substructio in vacuo, & inani librata minimè nutat, aut impellitur? *Cur non pendenti machina mole ruit?* Quid? si ego erratiliū siderum contrariis in sese nisibus id tribuam? quæ dum rapiuntur superioris cœli impetu in occasum, in ortum ipsa renituntur, & eo conflictu vnde-  
cunque pari sibi constant. Huius certè senten-

Ee ij

tia est auctor Mercurius ille, qui sapientiâ suâ  
 ter maximi nomen sibi quæsiuit. Is in sermo-  
 ne catholico ad Tatium his verbis mentem  
 concepit suam. Η ὁ ἐναντίως πλεὺς ἀντίρροπον τῆς κί-  
 νησεως ἔχει ἐς ὧσαυτ. Η γὰρ ἀντιπηγνία σαφὲς ἐστὶ φανερόν.  
 Nunc verò Solis, Lunæ, & erraticorum side-  
 rum lapsus & stationes, accessus & recessus,  
 congressus & coitiones, nocte, die, crepuscu-  
 lis, vere, æstate, autumnno, hyeme mundum  
 tantâ varietate temperant, vt fastidio huma-  
 no quàm facilè medeantur.

Quamobrem cùm omnis ea voluptas, quæ  
 ab artibus, à picturâ, à musicâ, à ludorum ap-  
 paratu, atque adeò orbis totius aspectabili  
 venustate percipitur; pugnae cuidam rerum  
 atque congressui ascribi debeat: necesse est  
 eam, quæ ab acutè dictis oritur, delectatio-  
 nem vni verborum & sententiarum conten-  
 tionis acceptam referri debere.

At enim cur pugna ipsa placet? propter varie-  
 tatem: sed cur ipsa varietas arridet? duplici sanè  
 de causâ, quarum altera est, Ingenium homi-  
 nis, quod est eiusmodi auctore Philosopho I. I.  
 Metaph. cap. I. vt naturæ ipsius quodam impe-  
 tu in rerum cognitionem atque scientiam fe-  
 ratur. In rerum autem varietate aliquid discit

quod per se antè ignotum erat, aut certâ quadam ratione ignotum. Altera ratio est, rerum varietate, spirituum fieri commutationem, ex quâ iucunditas oritur: nam cùm animus in vnam rem defixus, diu illam contemplatur, vnum, & eundem insistit spiritum. ( sic appellat Philosophia corpuscula quædam, quibus tanquam instrumentis animus vtitur ad rerum cognitionem percipiendam ) spiritibus verò istis natura tum lucida est, tum calida, quare agitatione diuturna ignescunt facile, & vaporant, vnde existunt dolor, & fatigatio. Varietati itaque rerum, spirituum varietas seruit, prior igitur ille spiritus qui agitatione incaluerat; mutatione illâ & quiete tepescit, atque recreatur. Et quoniam spiritus illi in totum corpus se diffundunt, atque illud tranant, voluptatem titillatione faciunt. Virgilius lætitiâ quâ gestiunt corui, in eam spirituum lenem agitationem refundit. sic enim canit:

*Haud equidem credo, quia sit diuinitus illis  
Ingenium, aut rerum fato prudentia maior.  
Verùm ubi tempestas, & cœli mobilis humor  
Mutauere vias, & Iuppiter humidus austris  
Densat, erant quæ rara modo, & quæ densa  
relaxat.*

E c iij

*Vertuntur species animorū, & pectora motus  
Nunc alios, alios dum nubila ventus agebat,  
Concipiunt. hinc ille avium concentus in agris,  
Et late pecudes, & ouantes gutture corui.*

De sententiâ quæ sit Gnome abundè disputatum est; de Dianœâ ponatur quæstio. Hîc tamen moneo Gnomen aliquando ab Aristotele vsurpari pro illâ animæ vi, & intelligentiâ quæ res demonstrat, aut declarat quodammodo, sic enim cap. VI. Poët. *Διάνοιαν ἣ ἐν ὅσοις λέγοντες ἀποδείκνυσί τι, ἢ καὶ ἀποφαίνονται γράμῳ.* Id est. Dianœam ( dico ) ea omnia in quibus qui loquuntur demonstrant aliquid, aut declarant mentem suam. hîc *γῶμη* vsurpatur pro mentis cognitione. Dianœa in genere vis est animi, ( quæ rectè à quibusdam cogitatio veluti coagitatio dicitur ) quâ multam per disquisitionem inuestigatur, quid sit, vtrum sit, & quibus gaudeat affectionibus id de quo quæritur. In Metaphysicis lib. VI. cap. I. Dianœæ attribuuntur Scientia, Prudentia, & Ars, quarum duæ in molitione rei fixæ sunt, prima in cognitione, sed cum discursu, nam quæ cognitio est sine discursu siue agitatione Dianœa non est, sed *νοῦς*, id est, intellectus, qui est habitus primorum principiorum, vt disputat

Philosophus lib. VI. Moral.

Dianoëam itaque in specie, quæ est pars tertia formalis Epopœiæ, his verbis definit Aristoteles cap. VI. de Poëticâ, *τρίτην δὲ διαίαντα τῆς ποίεσις λέγειν διδάσκειν τὰ ἐνόντα, καὶ τὰ ἀρμόζοντα*. Id est, *Tertia pars est Dianœa, hoc est posse dicere, ea quæ insunt, & quæ conveniunt*. quæ definitio sic explicatur, ut nomine τῶν ἐνόντων intelligamus ea, quæ ingenio & naturæ rerum ex sese conveniunt; nomine autem τῶν ἀρμόζόντων ea, quæ accidunt, & sunt ornamento. Dianœa itaque est vis animi quæ explicat, tum naturam rei, tum eas quæ naturæ congruunt, affectiones.

In officio Dianœæ est *ἀποδείκνυαι καὶ λείπειν, καὶ ἐκπύρειν τὰς παθολογίας, οἷον ἔλπειν, καὶ φόβον, καὶ ὀργὴν, καὶ ὅσα ποιεῖται, καὶ ἐπὶ μέγεθος καὶ μικρότητα*. Id est demonstrare, & dissolvere, & motus animorum præparare, velut misericordiam & metum & iram & quæcunque talia sunt. adhuc autem & magnitudinem & parvitatem, ex lib. de Poët. cap. XIX.

Quinque sunt itaque Dianœæ partes, demonstrare, dissolvere, motus animorum ciere, augere, & minuire. Demonstratione egent, quæ latent; solutione, quæ nexa sunt, & ple-

xa; granditate, quæ sunt exigua; imminutione, quæ grandia sunt, & enormia. hæc sententiæ officia enucleatiùs explicare Rhetoricæ est, non Poëticæ. Quamobrem illis superfedo. præteriri tamen non debet Commentatoris in Poëticam interpretatio. *Sermones*, inquit, *quibus perturbationes mouentur, magis proprij sunt Rhetorices, quàm Poëtices: perturbationes autem animi quæ mouentur per sermonem Rhetoricum & Poëticum sunt metus, ira, amor, odium, gaudium, & dolor, & cætera quæ hominum animis accidunt, quæ enumerata sunt in libris Rhetoricorum.*

Dianœæ discrimen à moribus est, quia ex moribus *περὶ αἵρεσις*, id est electio eius quiloquitur, vel quidpiam agit, in notitiam venit; ac proinde sitne vitio, an virtute affectus. Dianœa verò est, *ἐν οἷς ἀποδείκνυουσὶ πὺς ἔστιν, ἢ ὡς οὐκ ἔστιν, ἢ καὶ τοῦ π, ἀποφαίνονται.* *In iis est tota, quibus demonstratur quippiam esse, aut non esse, aut uniuersè aliquid declaratur.* cap. VI. Animi itaque affectiones per mores fiunt palam; Rei verò de quâ posita est quæstio, proprietates, & exstantia, & cætera eiusmodi per Dianœam agnoscuntur.

Faciunt interpretibus negotium ea verba,  
quæ

quæ definitioni *ἡγενοίας* attexuit Philosophus. nam cùm sic pronunciasset : Dianœa est vis animi, quæ explicat tum naturam rei, tum eas, quæ naturæ congruunt, affectiones; adiunxit οὐδ' ἔτι τῶν λόγων τῆς Πολιτικῆς καὶ Ρητορικῆς ἔργον εἶναι. Οἱ μὲν γὰρ ἀρχαῖοι πολιτικῶς ἐποίουν λέγοντας. οἱ δ' νῦν ρητορικῶς. odiosi sunt, qui nodum hîc in scirpo quærunt. *Dianœa* ( inquit ) cùm ad *Rhetoricam*, tum ad *Politicam* pertinet. *Veteres* siquidem poetæ personas inducebant quæ politicè, apertâ et nudâ ab omnibus figuris oratione uterentur: nuperi verò ac recentes eas in scenam producunt, quæ *Rhetoricè*, id est, omnibus Oratoriæ facultatis luminibus dictionem suam exornant. cap. V I.

At quid causæ est, cur tertius Dianœæ locus detur? quia, ut iam suprâ monuimus, in actione felicitas; in moribus bonitas, & virtus; in sententiâ vis animi, & intelligendi acumen consistit.

## QVÆSTIO DECIMA.

### De Dictione.

- I. *Definitio Dictionis.* II. *Quid sit interpretatio, siue ἐρμηνεία apud Aristotelem.* III. *Ver-*  
Ff

*ba multa in nominibus censentur. IV. Sensa animi esse παθήματα, quæ lateant, & vocibus proferantur. V. Quæ nata sit Histrionica, & quomodo distincta à Poësi. VI. In recitatione vis maxima. VII. Dictionis partes octo. VIII. Dictionis Poëtica laudes quinque. IX. De perspicuitate; cur primaria laus; quæ oriatur, quanam illi officiant. X. De maiestate dictionis; quæ fiat magna oratio Poëtica. Alia est dictio Poëtica, alia Oratoria. Poësis Gallica nimis timida. XI. De æquabilitate dictionis. Cur fædum sit inæquabile dicendi genus. XII. De numeris dictionis Poëtica. XIII. De concinnitate, & venustate dictionis. Concinnitas dictionis est διῶν τι distinctum à numeris & verbis, oritur ex metaphoris, & dialectis. Aurea, & diuina mediocritas in usu ornamentorum. Gallici sermonis penuria. XIV. Non omnis pars Poëmatis ornari postulat. XV. Sitne potius poëma scribendum Latino sermone, quam patrio. XVI. Quis locus inter partes formales debeatur dictioni.*

I. **D**ICTIO ab Aristotele cap. VI. Poëtice in hæc verba definitur: Λέξις λέξις ἐστὶν διὸ ἀπὸ τῆς διομοσίας ἐρμηνείας. Id est, Definitio Di-



tionem esse interpretationem per nominis prolationem. Philosophus suo more, id est accuratâ illâ suâ, & ut ita dicam, succinctâ oratione loquitur. Quare vel hic locus indicio est certissimo, librum istum de Poëticâ meritò in operibus Aristotelis censeri. Hæc definitio rudioribus, & in Peripateticâ disciplinâ malè initiatis tristior, & angusta nimis videbitur, cui explicandæ seruiant hæ cautiones.

II. CAUTIO prima sit. Ex Aristotele iis in libris quos inscripsit *πεὶ τῆς ἐρμηνείας*, id est, de interpretatione, quædam voces sunt alienæ, quædam negantes; tum & aliæ tertij cuiusdam generis, quæ neque aiunt, neque negant. In his sunt nomina solitaria, veluti, homo, aut leo: in illis sunt propositiones, putà, Homo est iustus: Leo est fera. Hinc orta est solemnitas illa vocum distinctio in affirmantes, & negantes. Quæ porrò neque aiunt, neque negant voces, minimè sunt orationes, neque si *ἀκριβοῦς λέγειν*, & accuratè loqui placet, sunt *ἐρμηνεύειν*, siue interpretationes; cùm iudicij, & veritatis, aut falsitatis vacuæ sint. At quæ affirmant, vel negant; illæ & orationes, & interpretationes compellendæ sunt. Pronun-

ciat itaque Aristoteles dictionem esse interpretationem sensu iam explicato.

III. CAUTIO altera est, istâ voce ὀνομασίας non tantum comprehendendi, quæ Grammaticis nomina dicuntur, & sunt ἄχρονα; sed etiam verba, quæ per tempora flectuntur. Nam & Philosophus cap. III. lib. de Interpretatione, ubi de verbis distinxisset, pronunciauit ea verba, quorum significatio certa esset, esse nomina. Αὐτὰ μὲν οὖν, καθ' αὐτὰ λεγόμενα τὰ ῥήματα ὀνομασθέντι, καὶ σημαίνεσι.

IV. TERTIA cautio est, ab Aristotele voces eiusmodi eâ gratiâ dici ἐρμηνείας, id est, interpretationes, quia sensa animi mente comprehensa interpretantur. Nam rerum cognitiones ait c. I. de Interpr. esse παθήματα τῆς ψυχῆς, affectiones animæ: Neque iniuriâ, cum in animâ receptæ, illam afficiant quodammodo. quæ itaque latent in intellectu rerum cognitiones, atque intelligentiæ per dictionem in apricum, & lucem adducuntur. ἔστι μὲν οὖν (inquit eodem capite) τὰ ἐν τῇ φωνῇ τῶν ἐν τῇ ψυχῇ παθημάτων σύμβολα. Est itaque mens Philosophi, cum dictionem esse interpretationem per nominum prolationem dixit; ut ipsa sit oratio continua, atque perpetua; quæ animi sensa in medium profe-

rat. Quamobrem parum Philosophicè nonnulli aiunt dictionem esse explicationem sensus animi. Nam & gemitus, & gestus, & voces ἀσώδητοι explicant varios sensus ; cùm tamen iudicij , ac veritatis vacuæ sint , ac proinde ἐρμηνεύειν dici nequeant.

Definitio modò explicata vtrique dictioni solutæ , & strictæ congruit : facilè tamen , si qui sunt proprii characteres , adhibeantur, vtraque propriâ definitione gaudebit. Nam & ipse Philosophus cap. VI. his verbis Poëticam dictionem designauerat. Λέγω λέξιν μὲν αὐτὴν ἣν μέτρῳ σὺνδρασκουσιν. aio dictionem esse metrorum compositionem. Quanquam non vno metro tantùm à Rhetoricâ distinguitur Poëtica ; sed etiam ornatu , & formâ longè discolor est.

V. EXPLICATA naturâ , & definitione dictionis , de eius partibus , & ornamentis instituenda est quæstio. Ac primùm quidem disertè cauet Aristoteles capite XIX. τὰ σχήματα, siue figuras dictionis omnes in Poëticam minimè congruere. Ambigua enim est potestas τῶν σχημάτων. Alia siquidem recitanti propria sunt , alia ipsi orationi. Cauet (inquam) vocis , oris , vultus , manuum , totiusque corporis conformationem ad Poëticam nihil at-

tinere, sed ad Histrionicam. Nam cùm primis temporibus Poëtæ per sese versus suos ipsimet recitarent; decoris, & dignitatis retinentes erant: subinde verò vbi eam prouinciã Histrionibus reliquere; qui Poëticæ vim, & ingenium minùs callebant; fuerunt docendi artem pronunciandi. Ars porrò illa, quæ & recitantes fingeret, & voci, atque gestui moderaretur, ὑποκριτικὴ Græcis; nobis Histrionica appellatur. Illam Glaucon Teius primus in præcepta conclusit, auctore Philosopho III. Rhet. quo testimonio ea continentur omnia, quæ iam monuimus, quare fastidio non erit. *Nondum (inquit) in usu erat ars histrionica.* Καὶ ὅς τις πρὶν τραγικῶν, καὶ ῥαψωδίας ὅτε πρῆλθεν, ὑπερχρίνοιο ὃ αὐτὰς τὰς τραγωδίας εἰ ποιηταὶ δ' ὡς τὸν. Id est, *Sero enim ad rem Tragicam & Epicam accessit.* Poëta enim primis illis temporibus ipsimet tragedias recitabant. His attexuit: Δὴ λον οὐδ' ὅτι καὶ ὡς πρὶν ῥητρικῶν ἔστι δ' ποιῶντων, ὡς περ καὶ ὡς πρὶν ποιητικῶν, ὅτε ἐπερί πινες ἐπετραμαλίσθησαν, καὶ Γλαύκων ὁ Τεῖος. Id est, *Manifestum itaque artem illam & Rhetorica pariter, & Poëtica congruere; in quam quidam alij præter Poëtas operam suam contulerunt, ut Glaucon Teius.*

VI. PLANE ars illa recitandi, quæ Actio

Romanis dicta est, magnam cum poemati; tum orationi dignitatem affert. Rhodiis orationem Demosthenis contra Æschinem mirantibus; quid (inquit iste) si bestiam audiretis? Virgilio primas non nemo præcipere se posse non diffidebat, si vocis suauitatem æquare posset. scholæ etiam nostræ Magister docet lib. III. Rhet. cap. I. actores præmia & ipsis Poëtis, & Rhetoribus sæpe præcipere; auditorum tamen, & iudicum vitio, Ἀλλὰ τὴν μορφήν ἐστιν ἡ πολιτικῶν, καὶ Ἀλλὰ τὴν τῆ ἀκροατῆς μορφήν. Tullius in Oratore. *Infantes*, inquit, *actionis dignitate eloquentiæ sæpe fructum tulerunt, & disertis deformitate agendi multi infantes putati sunt, ut iam non sine causâ Demosthenes tribuerit & primas, & secundas, & tertias actioni.* at de iis abundè.

VII. DICTIONIS partes recenset octo Philosophus cap. XX. sunt verò hæc. Elementum, syllaba, coniunctio, nomen, verbum, articulus, casus, oratio. De singulis nunc disputandi, neque otium est, neque si sit, necesse est, cum partes istas Grammatici diligentissimè sint defuncti.

VIII. DICTIONIS Epicæ laus est quintuplex. I. Perspicuitas. II. Maiestas. III. Æqua-

bilitas. IV. Numerus. V. Concinnitas quædam. De singulis pauca delibanda sunt.

IX. ARISTOTELES cap. XXII. meritò primas partes tribuit perspicuitati, & continuò monet cauendum ab humilitate. *Λέξεις δὲ ὁρετῆ, σαφῆ, καὶ μὴ παπινύειν εἶναι*. Primæ verò debentur perspicuitati, quia eo fine quisque loquitur; si bonæ, & sanæ mentis est; vt intelligatur; quoniam dictio est interpretatio earum rerum quas mente concepimus: quamobrem quò perspicuè magis vnusquisque loquitur, eò finem tenet felicius; & rectius loquitur. Et quando contrariorum contrariæ sunt affectiones, necesse est obscuritatem in oratione esse vitium longè maximum. Nam qui loquitur obscurè, nihilo plus efficit, ac si taceret: & auditor itidem intelligit dicentem nihil, & loquentem implicata. Quanquam & hic magis est odiosus; qui vexet, & malè habeat auditores. Peccabant itaque turpiter Rhetores illi antiqui quos obiurgat Quintilianus lib. VIII. qui discipulorum orationem attollebant istâ voce, *Σχεπτειν*. Oritur perspicuitas dictionis ex proprietate nominum. *σαφες αὐτῇ μὲν οὖν ἔστιν ἢ ἐκ τῶν κυρίων ὀνομάτων*. lib. de Poët. c. XXII. quod semel atque iterum monet. Ratio à nobis est.

Auditor

Auditor assuetus vocibus propriis continuò rem illis contentam penetrat, atque cernit. impropriâ verò nominum appellatione auditoris ingenium à re vñâ ad alteram traducitur cum voluptate quadam, si rarò & appositè; cum ægritudine, si frequentius. Discerpitur enim illâ frequentatione cogitatio. Perspicuitati etiam seruiunt periodorum circuitus mediocres, vinculorum apta dispositio, acuminum infrequentia, particularum vsus parcus. Periodorum enim granditate abnormi pendet auditoris animus, & ægrè initium cum fine committit, atque comparat. Vinculorum *ἀναξία* luxat orationem, & auditor ordini studet, quem non inuenit. Nocet perspicuitati frequentia acuminum, tum quia sæpe infelicitè, & incommodè illigantur; tum quia fatigatur auditor cùm sensum vestigat, qui vt plurimùm latet in acumine. Officit particularum insolens, & nimius vsus; extricandis enim illis operam qui ponit auditor, significationem amittit. Huius fraudis non imprudens Terentianus ille Dauus in Andriâ herum lusit. Huic enim quærenti quid narraret, Veterator ille respondit: *Æquè, quidquam, nunc, quidem.* Tum etiam & Syrus simili in

causâ. *ita res est hac nunc, quasi cum.* Hoc probari potest cùm studio, & datâ operâ sententiam suam rectam aliquis cupit. At quis in Poëta Epico hoc ferat? aut quis non vituperet?

X. ALTERA dictionis laus est, ut sit augusta, & à plebe summotâ. ita Philosophus cap. XXII. his verbis: Σεμνή γὰρ, καὶ ἐξ αὐτῆς οὐσα τὸ ἰδιωτικόν. Aristoteli consentiunt quotquot non imperiti de re Poëticâ disputârunt. Ipse Aristoteles lib. III. Rhetor. cap. I. secum congruit. Docet enim primos Poëtas licet de re futili canerent; in pretio tamen fuisse, & gloriam assequutos fuisse ingentem, qui verborum splendore, & dignitate, omnium admirationem mererentur. Quare & Rhetorum primi, ut Gorgias, illorum dictionem imitari conabantur; quò in gloriæ quoque participationem venirent. Atqui notat eos imperitiæ Philosophus, qui Oratores poëticâ dictione florentes laudarent, cùm alia sit Poëtæ, alia Oratoris dictio. Καὶ νῦν (inquit) οἱ πολλοὶ τῆς ἀπαίδευται τοῖς ποιούτοις οἰόνται ἀφ' ἀλέγειν καὶ λίσσασθαι τὸ δ' ὅτι ἐστὶ; ἀλλ' ἑτέρου λόγου, καὶ ποιήσεως λέξεις. Accedit Aristoteli Lucianus, qui sic in Rhet. Mag. loquitur: Πήτωρ πολὺ ἔνεργε τῆς ποιητικῆς μεγαληγορίας. ὅτιν. Id.



est, *Rhetor multum abest à maiestate Poëticâ.*

Accedit etiam Arbiter apud quem Eumolpus in hæc verba loquitur: *Effugiendum est ab omni verborum, ut ita dicam, vilitate, & sumende voces à plebe summotæ. Ut fiat. Odi profanum vulgus & arceo.* Adest etiam vir emunctæ naris, & ingenij acerrimi Horatius, qui in hæc verba sententiam proferat lib. I. sat. IV.

*Neque enim concludere versum*

*Dixeris esse satis, neque si quis scribat, uti nos Sermoni propiora, putes hunc esse Poëtam.*

*Ingenium cui sit, cui mens diuinior, atque os Magna sonaturum, des nominis huius honorem.*

Multis prosequitur hoc argumentum, atque dictionem eam desiderat, quæ etiam extra metrum magna sit & florens; ita ut soluto etiam carmine,

*Inuenias dissecti membra Poëta.*

Quare inquit,

*Non satis est puris versum concludere verbis, &c.*

Id monuisse operæpretium fuit, tum Latinæ poëseos gratia, tum etiam Gallicæ, & huius quidem multo magis; cui dicitur id adhæsisse corruptelæ; ut si quid à vulgi consuetudine

Gg ij

abhorrens allatum fuerit , continuò repudietur , quare ea languida & effeminata quodammodo quibusdam esse videtur , neque satis digna , quæ Æneïdi seruire possit. Quamquam audio existere Poëtas robustissimi ingenij , qui Epopœias scribant , & re ipsâ eam calumniam confutent. Nonnihil etiam timeri potuit Latino poëmati à Grammaticorum gente , qui cùm sint humilis ingenij , & styli ; sermoni propiora possunt scribere , ad poëmatis verò dignitatem assurgere nequeunt.

At cur dictionem magnificam esse oportet? quia admirationem , & voluptatem ciere debet. Ab assuetis autem non impellitur animus. Assurgit itaque , vel quò placeat , vel quò in admirationem vocet.

Quî verò grandescit? nempe (inquit) Philosophus cap. XXII. Εἰ τοῖς ξεινοῖς κέχρηται. si peregrina in vsum adhibeat. Quæ peregrina sint docet eodem cap. ξεινὸν ὃ λέγω γλῶτται ἢ μεταφορῶν , ἢ ἐπέκτασιν , ἢ πρὸς τὸ ὁρᾶν κρείον. *Peregrinum dico , linguam , translationem , extensionem , & quidquid à propriâ potestate traducitur.* Quod iterum monet eodem capite.

Linguarum nomine varias Dialectos com-

prehendit. Augetur itaque oratio à Dialectis, Metaphoris &c. vel quia mens auditoris excitatur ad insolentiam illam verborum, vel quia discit aliquid, vel quia Poëta eruditior videtur, qui præter solitum sapiat, & loquatur. Quid sit Metaphora, *Επέκτασις*, & Metatheses illæ, quid Ænigma, quid Barbarissimus fusè disputavit præter alios Quintilianus libro altero. Dialecti porrò & Metaphoræ tum aliis partibus Poëticiæ, tum maximè Epopœiæ congruunt ex cap. XXIV. διὸ καὶ γλώττης καὶ μεταφορῆς ἐνδέχεται μάλιστα. Cùm maiestas dictioni concilianda sit; certè humilitas, & tumor pariter fugienda sunt. de quibus quæremus hîc postquam de quintâ dictionis laude fuerit disputatio.

XI. DICTIONIS laus tertia est Æquabilitas; per quam vno tenore, & vniusmodi veluti filo textitur oratio. Præceptionem istam vnus omnium explicauit elegantissimè Horatius.

*Inceptis grauib; plerumque, & magna professis*

*Purpureus, latè qui splendeat, vnus, & alter*

*Assuitur pannus; cùm lucus, & ara Diana,*

*Et properatis aqua per amœnos ambitus agros,*

Gg iiij

*Aut flumen Rhenum, aut pluuius describitur  
arcus.*

*Sed nunc non erat his locus, & fortasse cu-  
pressum*

*Scis simulare. Quid hoc? si fractis enatat ex spes  
Nauibus, are dato qui pingitur; amphora cœpit  
fñstitui; currente rotâ cur urceus exit?*

*Denique sit, quod vis, simplex duntaxat, &  
vnum.*

Non sum nescius adduci hoc testimonium pro  
vnitate fabulæ, de quâ disputatum est priori  
parte huius Dissertationis: at meo præterea iu-  
dicio rectè quadrat, & congruit æquabilitati  
dictionis.

Fœdum est non Poëtæ tantùm, sed etiam  
Oratori vitium, scribendi genus non æquabi-  
le; nam & arrogantia notat, & imbecillitatis  
hominem, qui plus oneris sibiumat, quàm  
ferre possit. Monitorem habet Horatium:

*Sumite materiam vestris qui scribitis aquam  
Viribus, & versate diu, quid ferre recusent,  
Quid valeant humeri.*

XII. QVARTA laus est, vt sit numerosa.  
De numeris Poëticis nemo Grammaticus, aut  
Orator non scripsit, quare de iis dicere super-  
sedebo. Si quid sit in rem nostram, illud,

cùm de versu hexametro instituemus dicere, perfectum dabo.

XIII. QUINTA laus dictionis est venustas quædam, & concinnitas, quæ difficiles, imò nullos habet explicatus. Ingenij bonitate, non præceptis continetur. Ac primùm quidem distinguitur à numero, & verbis; quoniam iis remanentibus, illa interit in hoc versu Virgiliano.

*Sunt mihi bis septem præstanti corpore Nymphae.*  
Concinnitas sua, & lepos inest. En aberit, si legis.

*Corpore bis septem præstanti sunt mihi Nymphae.*  
cùm tamen & verba eadem, & idem sit numerus. Quantò turpiùs incedet, si dixeris,

*Præstanti bis septem sunt mihi corpore Nymphae.*  
Sordescit igitur oratio verborum *μετὰ ῥόδ,* & transpositione; venustati non tantùm opponuntur sordes, sed etiam humilitas quæ ex proprietate verborum oritur. Exemplum ab Æschylo adducit Philosophus cap. XX. Poët. Æschylus & Euripides in Philoctete, ipsam inducunt eodem versu, sed mutatâ vnicâ voce conquerentem, sic quidem Æschylus. *Φαγέ-  
δαινα ἢ μουσάρχας ἐαδὶς ποδός.* Phagedana (hoc est cancer in carne, ut hîc sumitur) edit pedis mei

*carnes.* Euripides verò ita: Φαγέδανα ἢ μοναρχίας  
 δόλαι το πόδός. *Phagedana epulatur pedis mei car-*  
*nes.* Attexuit Philosophus auditorum iudi-  
 cium. Iambus ( inquit ) Euripidis concinnus  
 est iudicatus, Æschyli verò vilis. τὸ μὲν Φάμεν  
 καλῶς, τὸ δὲ ἄπειλός. In Virgilio quæramus exem-  
 plum. Ecloga IV.

*Nec varios discet mentiri lana colores,*

*Sponte suâ sandix pascentes vestiet agnos.*

Tolle μεταφορὰς illas, quæ in dictionibus *discet,*  
*mentiri, vestiet* elucet; flos ille, & dignitas ver-  
 sus extinguetur. Neque vbiq; tamen, aut  
 nulli metaphoræ, transpositioni, & Dialecto  
 locus esse debet. Vix dici potest quàm dirum  
 Gallos ceperit odium transpositionum, aut  
 Dialectorum. Nam si quid paulò insolens, aut  
 præter aulæ sermonem proferatur, continuò  
 repudiatur. Græci, Latini, Itali liberius, &  
 pro arbitratu propemodum iis vtuntur, Gallis  
 verò vocem suo loco mouere; aut Dialecto,  
 præterquam Aulicâ, vti religio est. De Dia-  
 lecto secùs pater ille poëseos Gallicæ Ronfar-  
 dus edixerat. Sequutus enim Græcos, & La-  
 tinos in hæc verba loquitur. *Jete conseil de v-*  
*ser indifferamment de tous dialectes, comme iet ay*  
*desja dit, entre lesquels le courtisant est tousiours*  
*le*

*le plus beau , à cause de la maïesté du Prince ; mais il ne peut estre parfait sans l'aide des autres. Car chacun iardin a sa particuliere fleur , & toutes nations ont affaire les vnes des autres. Comme en nos haures , & ports , la marchandise bien loin cherchée en l'Amerique se debite par tout. Toutes les prouinces , tant soient-elles maigres , seruent aux plus fertiles de quelque chose ; comme les plus foibles membres , & les plus petits de l'homme seruent aux plus nobles du corps.*

Audio ab aduersariis facultatem illam de vsu dialectorum Græcis permitti , propterea quòd vnaquæque illorum ciuitas vt imperij , ita sermonis proprij erat retinentissima , cui honos & dignitas esset sua : Gallis verò tantumdem licere nolunt , in quos & vitæ , & sermonis vni Regi sit imperium , & potestas. Honestà planè est oratio. At quid causæ est , cur antiquis verbis Poëtæ Gallo interdictum est ? Ab Homero ad extrema Græcorum tempora anni fuère supra bis mille , & Homeriana verba etiam nuperis venerationi fuerunt ; at quæ ante sæculum apud maiores nostros floruère , nobis sordent. Vnum è tribus in causâ est , aut sermonis Galli vitium , aut ingenij mobilitas , aut subobscura quædam inuidia.

Tum quidni licet cùm à Græcis , tum à Latinis verba quædam potestatis maioris , atque virium , aut earum rerum quæ nostris hominibus in vsu non fuerant , mutuari ? Romanis id etiam laudi datum est ; nam præter exempla , quæ supersunt , & abundant ; adest Horatij edictum :

*In verbis etiam tenuis , cautusque serendis  
Dixeris egregiè , notum si callida verbum  
Reddiderit iunctura novum , si forte necesse  
Indiciis monstrare recentibus abdita rerum ;  
Fingere cinctutis non exaudita Cethegis  
Continget , dabiturque licentia sumpta pudenter.  
Et nova , fictaque habebunt verba fidem , si  
Græco fonte cadant parcè detorta. Quid autem  
Cacilio , Plautoque dabit Romanus ; ademptum  
Virgilio , Varioque ? ego cur acquirere pauca  
Si possum , inuideor ; cùm lingua Catonis & Enni  
Sermonem patrium ditauerit , & nova rerum  
Nomina protulerit ? Licuit , semperque licebit  
Signatum presente notâ producere nomen.*  
Illis poësis Gallica præsidii ; atque copiis miserè sibi interdictum voluit ; ergo exilis est , & ieiuna ; & *Tametsi bona est natura , redditur culturâ iuncea.*

Atqui cùm aliis rebus , tum verbis non tan-



tum cultior esse debuit, quàm Latina, aut Græca; sed etiam ditior; neque adeò id tantum quia maiorum verba auditione acceperit, sed etiam quia ὁμοιοπαθεῖαν gratiâ, atque frequentatione copiam, vim, atque vbertatem quandam maiorem desiderat.

- In rebus quidem omnibus aurea est mediocritas; in dictione est maximè. Nam cum alibi facile sit, & primum labi; tum hîc imprimis. Rectè Horatius in Arte.

*Decipimur specie recti: Brevis esse laboro,  
Obscurus fio. scēt antem lenia nervi  
Deficiunt, animique. Professus grandia turget,  
Serpit humi tutus nimium, timidusq; procella.  
Qui narrare cupit rem prodigialiter unam,  
Delphinum sylvis appingit, fluctibus aprum.  
In vitium ducit culpæ fuga; si caret arte.*

Atque iterum,

*Hic dum vitat humum; nubes & inania  
captat.*

Id autem vitij à Grammaticis κακὸς ἔργος dicitur, de quo Quintilianus in VII. his verbis. Denique κακὸς ἔργος vocatur, quidquid est ultra virtutem; quoties ingenium iudicio caret, & specie boni fallitur, omniumque in eloquentiâ vitiorum est pessimum, nam cetera cum vitentur, hoc petitur.

H h ij

Miserè quidam dictioni ita sunt addicti, & in illam vnam intenti adeo, vt nihil in illam satis putent esse exhausti. Quamobrem dum toti in eâ sunt, modum non tenent. Quos idem qui nobis laudatus est Quintilianus lib. XII. his verbis admonet: *Sed & copia modum habet, sine quo nihil nec laudabile, nec salutare est, & nitor ille cultum virilem, & inuentio iudicium desiderat: sic erunt magna non nimia, sublimia non abrupta, fortia non temeraria, seuera non tristia, graua non tarda, lata non luxuriosa, iucunda non dissoluta, plena non tumida.* Eos qui difficili & moroso sunt ingenio, anxia illa, & stultè religiosa scribendi ratio inuasit: cùm bonitatem ingenij, & ὁμοίαν illam celeberrimam comitetur natiua quædam orationis pulchritudo. Quamobrem ego

*Horum amulari exoptem negligentiam*

*Potius, quàm illorum obscuram diligentiam.*

XIV. HIC quoque quæri potest, sitne par omnibus poematis partibus diligentia adhibenda. Vetat princeps artis nostræ c. XXIV. τῇ δ' ἀέξει δι' ἀφαιρέσεσιν ἐν τοῖς ᾄσμασι μέρεσι, καὶ μήτε ἡθικαῖς, μήτε ἀφαιρητικαῖς. ἀποκρύπτει γὰρ λίαν λαμπρὰ λέξεις καὶ ἡθικά, καὶ τὰς ἀφαιρέσεις. Id est: *In partes poematis otiosas, quaque moribus, aut sententiis vacant,*

*ornatus dictionis conferri debet. Dictio enim illustis suâ luce, moribus, & sententiis officit. Pulcherrimâ hac præceptione nihil explicatius, aut pulchrius dici potest. quamobrem exemplis duntaxat id confirmare placet.*

Virgilius orationem Latini Regis moratam nullo ornatu, nullâ metaphorâ, nullo fucopinxit.

*Olli sedato respondit corde Latinus.*

*O præstans animi iuuenis: quantum ipse feroci  
Virtute exuperas; tantò me impensius aequum est  
Consulere, atque omnes metuentem expendere casus.*

(capta

*Sunt tibi Regna patris Dauni; sunt oppida  
Multa manu; nec non aurumque, animusque  
Latino est.*

*Sunt alia innuptæ Latio, & Laurentibus agris,  
Nec genus indecores, sine me hæc haud mollia  
fatu*

*Sublatis aperire dolis. simul hæc animo hauri.  
Mænatam nulli veterum sociare procorum  
Fas erat; idque omnes Diuinique, hominesque  
canebant:*

*Victus amore tui; cognato sanguine victus,  
Coniugis & mæsta lacrymis, vincla omnia  
rupi;*

*Promissam eripui genero , atque arma impia  
sumpsi.*

*Ex illo , qui me casus , quæ Turne sequantur  
Bella vides , quantos primus patiare labores,  
&c.*

In his versibus verba omnia propria. Res enim magni momenti auditorem attentum suâ dignitate facit. at in IV. Georgicon, quibus flosculis, luminibus, ornamentis pepercit, quoditior de re oppidò exili fieret oratio. De apibus ita canit.

*Sin autem ad pugnam exierint, nam sæpe duobus  
Regibus incessit magno discordia motu.*

*Continuòque animos vulgi, & trepidantia bello  
Corda licet longè præsciscere. Namque morantes  
Martius ille aris canor increpat, &c.*

Ad hæc sunt res quædam, quæ ornatu, & cultu corrumpuntur, de quibus Manil. III. Astron.

*Ornari res ipsa negat, contenta doceri.*

Quamobrem ab Horatio sapienter dictum est,  
*ut quæ*

*Desperes tractata nitefcere posse, relinquas.*

XV. IN disputationem quoque venire potest, sitne poëma nobis patrio sermone, an Latino, vel etiam Græco scribendum. San-

Etissimè nos obtestatur, & compellat eâ de re  
 Ronfardus. *Je supplie tres humblement ceux à qui  
 les Muses ont inspiré leur faueur, de n'estre plus  
 Latineurs, ny Grecaniseurs, comme ils le sont plus  
 par ostentation que par deuoir; & prendre pitié  
 comme bons enfans de leur pauvre mere naturel-  
 le. ils en rapporteront plus d'honneur & de repu-  
 tation à l'aduenir, que s'ils auoient à l'imitation  
 de Longueil, Sadolet, ou Bembe reconflu & rabo-  
 biné ie ne sçay quelles vieilles rapetasseries de Vir-  
 gile & de Ciceron, sans tant se tourmenter. Car  
 quelque chose qu'ils puissent escrire, tant soit-el-  
 le excellente; ne semblera que le cry d'une oye, au  
 prix du chant de ces vieux cignes, oiseaux dediez  
 à Phœbus Apollon. Après la premiere lecture de  
 leurs escrits, on en tient non plus de conte que d'un  
 bouquet fany. Encore vaudroit-il mieux comme  
 un bon bourgeois ou citoyen, rechercher & faire un  
 Lexicon des vieux mots d'Artus, Lancelot, &  
 Gauvain; ou commenter le Romant de la Rose,  
 que de s'amuser à ie ne sçay quelle Grammaire La-  
 tine qui a passé son temps. Sanè quàm turpiter  
 Ronfardum sua fefellit opinio. Lanceloti,  
 Gauuanij, & eius, qui est de Rosâ libri, quis no-  
 strum meminit sine risu? ipsius etiam Ronfardi  
 famam non pauci proscindunt. At Fracastorij,*

Sannazarij, Bembi floret etiam nunc gloria. Neque tamen ij poëmatis dignitatem satis æquarunt. Pressiùs id disputemus. Esto poëma suis omnibus laudibus cumulatum, dictione Gallicâ conscriptum; pertinebit fateor etiam ad mulieres: at, si gravitate, & dignitate præstet; non placebit illarum stomacho: si maiestate caret; ne poëma quidem erit. Carebunt illi auctores alterâ laude, quam ambiunt; aut dignitate poëmatis, aut muliercularum gloriâ. Audio non deesse, quibus dignitas Epica sit nihili; fauon verò deterioris sexus sit longè maximi. atque illi eâ se tutantur ratione non absurdâ. Solæ legunt, solæ laudant, solæ etiam emunt mulieres. Quare ad eas itur, apud eas recitatur, earum iudicio arbitrium literarum permittitur. Agrestes (inquiunt illi) Latini, & Græci idiomatis scientes, rerum pulcherri-  
marum gustu carent; neque lautitias huius ætatis nostræ norunt. Non vsquequaque ego illis aduersari velim. Esto sanè ita vti disputant. Gallica illa poësis totâ Galliâ celebretur; Galliâ certè continebitur, finibus scilicet arctissimis; adhæc quàm facilè senescet, & risum deformitate suâ mouebit. Quis nostrum intelligit Iouillæi dictionem? quis non ridet antiquo-  
rum

rum sermonem. Etiam Ronfardus ille vapulat à mulierculis, quibus se totum dedit. At si quod fuerit poëma suis omnibus laudibus illustre, Latino sermone conscriptum, nullo illud terrarum ambitu, nullis temporum finibus circumscribetur. Vincit maiestate sermonis, vincit amplitudine idiomatis, vincit temporis diuturnitate. Quandiu enim florebit Religio Christiana, florebit verò ad senectutem orbis, & excidium rerum omnium; vigebit Latina lingua. Quamobrem potius est, & maius operæ pretium Latinè, quàm Gallicè scribere; ita tamen potius, vt laude digni sint, qui patriâ id conentur oratione.

XVI. POSTREMVM dictioni locum deberi probant & demonstrant ea, quæ à nobis priùs de dignitate fabulæ, morum, atque sententiæ fuêre disputata.









# DISSERTATIONIS

## PARS TERTIA.

### DE CAUSA EFFICIENTE *Epici Carminis.*

#### QVÆSTIO PRIMA.

Quis habitus sit Poëtica.

- I. *Quid sit Scientia.* II. *Quid Ars.* III. *Quid Prudentia.* IV. *Epica est prudentia.* V. *Epica non est Historia.* VI. *Epica non est Ars.* VII. *Epica non est Logica.*



VANTI sit Philosophiæ, atque adeò Peripateticæ operam dedisse, hæc Dissertationis nostræ pars tertia abundè docet. Cùm enim Grammaticorum natio in verbis, atque dictis antiquorum conquirendis, legen-

li ij

dísque tota sit : de naturâ Poëticae facultatis rectè constitutum à se tum putat, cùm oratione auctoritatibus, atque testimoniis veterum exaggeratâ, cumulatâque rem perturbatam atque sensus vacuum attulerit. Atque ij dignitatem suam vtcunque tutari possunt, quando de prouinciâ non abeunt suâ; cùm autem in alienam inuadunt, tum existimationem suam, atque famam illudunt turpissimè. Enimvero nisi alieno essem animo à litibus, & à iurgio abhorrerem quàm qui maximè, næ homines oppidò idoneos nactus essem, in quos facerem exempla. Vnius ego meminero, cuius etiam nomini placet parcere; vt non hominem, sed ἀφιλοσόφους illos, & Philosophiæ Peripateticæ imprudentes, studiorum suorum aliquando pudeat. En eius pronunciatum. *Ergo si me audias longo intervallo dissociatæ sunt Poësis, ac civilis scientia. Hæc enim vera est scientia, atque inter eas, quæ in actione versantur, nobilissima: Poësis quippe quæ in rebus singulis, & indiuiduis versatur, etsi paulò aliter, quàm Historicus, &c.* Quàm multa, quàm graua peccat. Nullus fuit peccandi locus, quem non occuparit. Principio πολιτικὴν scientiam dixit, & ne dubitandi copiam relinqueret veram asseruit, ac-

curauit scilicet pronunciatum. At ea, scientia non est, vt liquidò iam constabit. Tum scientiam in actione versari (vti loquitur) censet. Quo dicto nihil est foedius, & ab omni Philosophiâ cum Peripateticâ, tum Academicâ magis abhorrens. Deinde Poësim rebus singulis & indiuiduis addicit. At quî adeò præceptoris sui immemor fuit, quem illustrauit commentariis. Aristoteles Poësim Historiæ præfert, docetque esse aliquid φιλοσοφώτερον, vt ostendimus primâ parte Dissertationis. Quia Historia τὰ καὶ ἐκαστον enarrat; Poësis verò celebrat τὰ καὶ ὅλον.

Quò totâ de re liqueat, paulò altiùs exordiri orationem necesse est. Commodè Philosophus VI. Moral. cap. III. virtutes quibus animus in veritatem connititur, esse quinque pronunciauit. Sapientiam, Mentem, Scientiam, Prudentiam, & Artem. Duæ primæ, cur nos nunc quidem temporis sollicitos habeant, nihil causæ est. De aliis tribus ambigi potest.

I. DE scientiâ itaque Philosophus accurat disputationem lib. VI. Moral. cap. III. & illam definit in hæc verba: Επιστήμη οὗν ἥ ἐστιν ἐν τῷ θυμῷ φανερόν, εἰ ἀκριβολογεῖσθαι, καὶ μὴ ἀκολοθεῖν ταῖς ὁμοιότησιν. Πάντες γὰρ ἀπολαμβάνομεν, ὃ ἐπιτάμμεθα μὴ εἰδέμεν.

αὐαί ἄλλως ἔχειν, &c. in quibus multus est. Id est.  
*Quid sit scientia hinc clarebit, si disertè & certò  
 definire placet, neque verisimilitudinibus tantum  
 obsequi. Scire enim se unusquisque nostrum exi-  
 stimat, cùm id quod cognoscit, secus se habere non  
 posse intelligit. Tum ὁπισθεν illud, siue id quod  
 scitur, æternum esse & mutationi minimè  
 obnoxium esse iubet, atque eiusmodi; ut ne-  
 que oriri, neque interire queat. Εξ αἰάγνης ἀρε-  
 τῆς ὁπισθεν. Αἰδίου ἀρετῆς. τὰ γὰρ ὅτι αἰάγνης ὄντα ἀπλῶς αἰ-  
 δια πόρτα. τὰ δὲ αἰδια ἀγνῆτα, καὶ ἀφθάρτα. Est ita-  
 que scientia cognitio rei, quæ mutationi mi-  
 nimè sit obnoxia, atque ista vox cùm ab Ari-  
 stotele fuerit, tum etiam à Platone, & omni-  
 bus quotquot Philosophiæ se dedidère homi-  
 nibus. Qui omnes eò ab singulis rebus scien-  
 tiam abiudicarunt, quòd hæ fluxæ essent, ac  
 caducæ.*

II. ARTEM definitione circumscribit Philo-  
 sophus c. IV. eiusdem lib. VI. ἐξ ἡμῶν τὸ λόγου ποιη-  
 χήν. *Habitu cum ratione efficientem.* tum addit:  
 Ἐστὶ τὸ τέχνη πάντα πᾶσι γνέσθαι, καὶ τεχνάσθαι, καὶ θεωρεῖν. ὅπως δὲ  
 γνῶνται πᾶσι ἐνδεχομένων καὶ ἐστὶ, καὶ μὴ ἐστὶ. Id est. *Ars  
 omnis versatur in molitione rei, & tota incum-  
 bit, ut eorum aliquid efficiat, quæ esse & non esse  
 queunt.* Neque illud effatum tam est ab Ari-

stotele, quàm ab ipsâ rei naturâ. Ecquæ enim ars esse potest, aut intelligi; quæ rem non molitur, & naturæ enitenti non obstetricetur quodammodo?

III. PRUDENTIÆ verò definitionem his verbis cap. v. lib. vi. comprehendit. Λείπειται ἄρα αὐτῷ εἶναι ἐξ ἀληθείας λόγου τεχνικῶς. Id est. *Confectarium est (prudentiam) esse habitum cum ratione practicum.* Hæc prudentiæ definitio nihil admodum differt ab artis definitione, nisi quia prudentia dicitur τεχνική; ars verò ποιητική. Et ne cui negotium facerent istæ voces, monuit diligenter Philosophus. Nam diuersas esse vires atque potestates istarum vocum cùm ipse docet, tum nos ipsi Dissertationis parte alterâ ostendimus.

Hi sunt itaque characteres οὐσιώδεις, & vt loquitur schola, formæ, & differentiæ essentialis istorum habituum.

Scientia opus nullum efficit, ne inceptat quidem, aut conatur; sed in vnam rei contemplationem intenta proprietates, vires, ac doctes illius introspicit, atque certis rationibus demonstrat. Ars autem omnis actiuosa est, & machinatrix, quæ rem architectatur, & efficit, rem inquam minimè moratam. Pruden-

tia verò etiam ipsa ex sese efficit rem aliquam; sed moribus ornatam; id est, mores instituit. Hic in rem nostram erit Prudentiam in species suas distribuere. Tres sunt illæ nemini non notæ. Prima dicitur *πολιτική*, altera *οικονομική*, tertia *μοναστική*. Illa respubl. atque regna legibus informat, & ciuitates temperat institutis, vnde etiam illi nomen quæsitum est. Altera familiam regit ac gubernat, à quo munere nomen traxit. Tertia instruit moribus vnumquemque ciuium, quò secum sanctè habitare, atque sibi moderari queat.

IV. NVNC ego de Epicâ nostrâ sic constituo, vt sit prudentia, eaque præstantissima. Huic enim rei vni studet, & in hoc vires omnes, atque curas intendit; principum vt virorum animos, atque mentes instituat, quum belli, tum pacis tempore sanctè rem administrant publicam. Et quando à principibus viris ad priuatos, morum sanctitudo, aut corruptela deriuatur, & in totum corpus descendit; consequens est, vt Epica doctrina salutem, atque sanctitatem in omnes reipubl. ordines insinuet. Atqui eam disciplinam, quæ mores publicos, & priuatos informat, prudentiâ contineri & congruens est omnium  
 Philo-

Philosophorum sententia , & ex iis , quæ docuimus de definitione prudentiæ , vincitur. Atque vt rem decidam. Hæc Epica rectè cum Ethicâ , siue Morali Philosophiâ congruit ; Vtraque enim mores instruit , ornat , atque locupletat ; Ethica quidem pressius , Epica elegantius. Atenim reclamant gens Grammaticorum tota , nec sibi eripi antiquam possessionem finit. Neminem hîc durius appellabo. Verùm audacula est ista Grammatica , neque satis meminit se Rhetoricæ , Historiæ , Philosophiæ , atque adeò huic nostræ Epicæ ancillari. Loquitur accuratè Philosophus , etiam eleganter Rhetor & Epicus ; scilicet Grammaticæ operâ pro imperio vtuntur. Non sunt istæ disciplinæ in potestate Grammaticæ , neque ab illa habentur , sed illam habent , vt Græcis loqui consuetudo est.

V. HISTORIÆ Epicam qui addicat , nã is hallucinatur. Quantum à se sint segregatæ Historia , & Poëtica , docuimus primâ Dissertationis parte.

VI. NOBIS nunc temporis cum Philosophis , gente acerrimâ , & exercitatissimâ discrimen est , qui auctoritate , exemplo , ratione pugnant Poëticam in artibus censeri : auctori-

tia verò etiam ipsa ex sese efficit rem aliquam; sed moribus ornatam; id est, mores instituit. Hic in rem nostram erit Prudentiam in species suas distribuere. Tres sunt illæ nemini non notæ. Prima dicitur *πελιτική*, altera *οικονομική*, tertia *μοναστική*. Illa respubl. atque regna legibus informat, & ciuitates temperat institutis, vnde etiam illi nomen quæsitum est. Altera familiam regit ac gubernat, à quo munere nomen traxit. Tertia instruit moribus vnumquemque ciuium, quò secum sanctè habitare, atque sibi moderari queat.

IV. NVNC ego de Epicâ nostrâ sic constituo, vt sit prudentia, eaque præstantissima. Huic enim rei vni studet, & in hoc vires omnes, atque curas intendit; principum vt virorum animos, atque mentes instituat, quum belli, tum pacis tempore sanctè rem administrent publicam. Et quando à principibus viris ad priuatos, morum sanctitudo, aut corruptela deriuatur, & in totum corpus descendit; consequens est, vt Epica doctrina salutem, atque sanctitatem in omnes reipubl. ordines insinuet. Atqui eam disciplinam, quæ mores publicos, & priuatos informat, prudentiâ contineri & congruens est omnium Philo-



Philosophorum sententia , & ex iis , quæ docuimus de definitione prudentiæ , vincitur. Atque vt rem decidam. Hæc Epica rectè cum Ethicâ , siue Morali Philosophiâ congruit ; Vtraque enim mores instruit , ornat, atque locupletat ; Ethica quidem pressius, Epica elegantius. Atenim reclamationem gens Grammaticorum tota, nec sibi eripiantiquam possessionem finit. Neminem hîc durius appellabo. Verùm audacula est ista Grammatica, neque satis meminit se Rhetoricæ, Historiæ, Philosophiæ, atque adeò huic nostræ Epicæ ancillari. Loquitur accuratè Philosophus, etiam eleganter Rhetor & Epicus ; scilicet Grammaticæ operâ pro imperio vtuntur. Non sunt istæ disciplinæ in potestate Grammaticæ, neque ab illa habentur, sed illam habent , vt Græcis loqui consuetudo est.

V. HISTORIÆ Epicam qui addicat, nã is hallucinatur. Quantum à se sint segregatæ Historia, & Poëtica, docuimus primâ Dissertationis parte.

VI. NOBIS nunc temporis cum Philosophis , gente acerrimâ , & exercitatissimâ discrimen est , qui auctoritate, exemplo, ratione pugnant Poëticam in artibus censeri : auctori-

tate quidem ; nam artem poëticam eruditorum omnium ore celebrari ecquis tandem non audiuit ? Exemplo ; cùm Rhetorica Poëtica cognata , & soror quodammodo , inter artes censeatur : Ratione ; siquidem præceptorum , quibus res aliqua efficitur , multitudine ars omnis definitur ; præcepta verò poëmati condendo nos ipsi tradimus. Istæ petitiones paucis eliduntur. Auctoritate vulgi nihil mouemur , præsertim cùm hæc causa nostra adeò non sit deserta , vt auctores non habeat. A nobis faciunt Francisc. Patricius , Madius , Piccolomineus Mazonius. Exemplum à Rhetoricâ infirmum est. Nam Rhetoricæ officium est , aptè dicere ad persuadendum , & finis persuadere dictione. Finis verò , & officium Epopœiæ est vitæ , & morum institutio. Rationi , quâ pugnant , vis est aliqua ; minimè tamen , si fuerit aliquod rei faciendæ præceptum inter artes continuò locum habere debet. Doctrinam inter , quæ *μεθοδος* Græcis dicitur ; & artem interest plurimùm. Scientiæ docendæ via , & ratio nemini ars dicitur. Quis enim moratæ Philosophiæ , aut naturalis , vel alterius cuiuscunque scientiæ præceptiones in artibus aliquando posuit ? Ars est cuius effectum

neque scientia est , neque mores , sed artefactum. Quamobrem cum neque Physica, neque vlla alia scientia ex sese sint artes; neque earum præceptiones in artibus numerentur, sed sint viæ , atque *μεθοδοι* ad illas disciplinas; de Epicâ nostrâ, quæ morata est Philosophia, eandem legem rogamus. Obiiciunt se se pro arte nonnulli, atque intercedunt hac ratione. Quæ syllabarum quantitatem , metri numeros , accuratæ periodi ambitum , & quæ eis agnata sunt ornamenta, docet facultas, ea certe ars, si quæ eo nomine dicenda est , appellari debet. Nullus inficior, artem esse fateor, sed Grammaticam, quæ nostræ seruiat , & obsequatur Epopœiæ. At , inquiunt , Actionem illam Heroicam instruere, suisque partibus atque laudibus exornare , in artis erit officio, quia enim opus aliquod efficit. Redeunt ad ingenium , & odiosè nos obtundunt. Enimverò & Physicen qui instruit Philosophus; de corpore naturali vniuersè primùm quærit; tum de corpore simplici, atque adeò de elementis & cælo; deinde de mixto imperfecto, vti schola loquitur, de iis nempe quæ *μετέωρα* dicuntur, quibus forma est infirma & *ὀκείντος*; deinde de mixto perfectò, cuius forma est sui

subiecti retinens & stataria quodammodo. Non eò tamen Physicæ instituendæ ratio in artibus censetur, sed doctrina, & μέθοδος appellatur. Ad hoc exemplum de Epicâ constitutum.

VII. NEQVE verò defunt ex nostris hominibus, qui arti Logicæ Epicam velint dedere, quia Epica ψευδὲς λόγῳ utitur. Nam ut εἰσικλη, siue Sophistica λόγῳ φαινομένη, Rhetorica παιγνίον, Analytica ἀποδεικτικόν, ita Epica ψευδὲς. At λόγος ille ψευδὴς Logicæ est dictionis. Deinde Epica exemplis virtutem suadet, exempla verò à Logicâ arte ducuntur. Postremò ὁδολογισμοῖς adhibet etiam auctore Philosopho, quippe quæ decipiat. At pace istorum dixerim, ὁδολογισμῶν laborant ipsi. Enimverò Physica, & Moralis, atque adeò omnis scientia in Logicæ erit potestate atque diœcesi, hæc illorum si quid valet ratiocinatio; cùm in confirmandis suis pronunciatis disciplinæ omni usus sit λόγου ἀποδεικτικοῦ; in technis, & aculeis Sophistarum expediendis, λόγου φαινομένου. Rem planè ineptam. Illæ siquidem primariæ disciplinæ sequioribus istis pro famulis utuntur. Nam quod ab exemplis pugnant homines, id frigidum est. Quæ enim pars Philosophiæ

exemplo caret, neque tamen eò Logica dici debet. At suaues sunt, qui *παλαίωμα* nobis obiiciant, quia Heroem ex omnibus aliquem vnum omni virtute cumulatam, qualis fortè nunquam fuit, aut extiturus est, Epopœia adducit in exemplum. Mirum nî Cyropædiam Xenophontis, & Oratorem Tullij intra Logicæ fines concludant, quorum ille imperatorem, hic oratorem, non qualis extiterit, sed qualis mente comprehendì potuerit præstantissimus, in specimen & exemplar produxerint.

## QVÆSTIO ALTERA.

### De Furore Poëtico.

- I. *Definitio furoris in genere.* II. *Textus Aristotelis emendatus. Pacius & Ricobonus defenduntur contra Robortellum.* III. *Quotuplex sit species furoris.* IV. *Platonica divisio furoris.* V. *Quid Aristoteles de furore.* VI. *Tot furoris species, quot animorum perturbationes vehementiores.* VII. *Poëta Epicus in constitutione fabula furere non potest, quis furor in illo admitti possit, & quomodo nascatur.* VIII. *an arte, an natura poëta existat.*

Kk. iij,

I. **M**ERITO dubitari potest, fueritne aliquid in ore hominum omnium celebratum magis, quàm furor poëticus: de quo vt nemo aliquantò eruditior tacuerit; nemo tamen satis eius definitionem vel tradidit, vel eius species, partésve, atque ποιότητες explicuit. Furor à me in hæc verba definitur. Animi cis, & trans rationem vehementior impetus: Græcis diceretur ὁρμή ἐκστατική. Contingit itaque furor, quando animus apud se non est, cùm scilicet aliquâ vel perturbatione intrinsecâ, vel impressione externâ differtur, & de sede rationis amouetur. Suadetur nostra definitio ab Aristotele, qui de Poëticâ cap. XVII. quærit; quinam sint apti maximè commouendis perturbationibus; atque id detulit ad eos qui ingenij sint δ'φύῳς ἢ μερικοῦ solertis, vel furore perciti. Τοῦτων γὰρ οἱ μὲν δ'πλαστοί, οἱ δ' ἐκστατικοί. Ex his enim illi bene sunt à naturâ ficti, atque comparati; hi verò de mente dimoti. Quid enim aliud est ἐκστασις, quàm incitatio quædam vehemens, quâ animus à se quodammodo distrahitur.

II. HIC caueri debet, Græco codici labem interuenisse, quæ Robortello fuit offensionis. In codicibus Benianis, Pacianis, Casau-

bonianis, aliisque legitur. Τῶτων γὰρ οἱ μὲν ὀπλά-  
σαι, οἱ δὲ ἔξεταισικοί. Quæ verba Ricobonus, Pa-  
cius, atque alij feliciter interpretantur: felici-  
ter inquam, nam cùm vitium esset in Græco,  
& ἔξεταισικοί, pro ἐκσατικοὶ legeretur, interpreta-  
ti sunt rectè de furore. At Robortellus inter-  
cessit parum commodè his verbis. *Pacius*  
*hæc quæ postremo loco ab Aristotele dicuntur,*  
*non videtur intellexisse, cùm ait. Etenim poëta-*  
*rum aliqui ab ipsâ naturâ ad poëticam bene for-*  
*mati sunt, aliqui autem à mente abstrahuntur.*  
*Debent igitur verti sic. Ex his enim hi quidem*  
*facti, factique sunt ab ipsa natura apti ad fin-*  
*gendum & comminiscendum; illi verò optimè*  
*indagant, inquiruntque omnia propter incredi-*  
*bilem aciem mentis.* At bonâ veniâ Robortel-  
li, minùs ipse vidit Aristotelis mentem, ac Pa-  
cius. Nam Græca lectio est huiusmodi: ἐκσαλι-  
κοὶ, non ἔξεταισικοί. Enimverò vox illa cùm fami-  
liaris est Græcis eâ in potestate, tum & Ari-  
stoteli; veluti lib. VII. Moral. ἐκσαλικὸν τῷ λογί-  
σῃ dixit eum, qui à mente deturbatus esset.  
Deinde res ipsa indicat id, quod monemus.  
Nam cùm Philosophus docuisset ciendis mo-  
tibus animorum illos idoneos esse, qui indo-  
lis essent ὀφθοῖς, aut μολικῆς, adiecit ea verba;

de quibus est controuersia. Ex quibus illud conficitur; **ut**, cùm τὸ μακρὸν non congruat cum ἔξετασικῶ viro indagatore, ac peruestigatore; sed ἐκταλικῶ, hoc est eo, qui à se excussus fuerit, nec fuisset sit compos: legendum planè sit hîc ἐκτατικοί, non ἔξεταστικοί. At quid causæ fuit, cur aliqui τὰς β' πλάσας agendi vim tribuerint, cui patiendi potestas tantùm debeatur? Hæc enim verba οἱ μὲν β' πλάσαι, sic vertunt, *Alteri ad fingendum sunt idonei*, cùm sensus subsit: alteri à naturâ ficti sunt ad id muneris, quod initio proposuerat.

III. **FURORIS** species duas constituo, Alter enim furor est à naturâ, alter à Deo, Quæ diuisio est & à Platone in Phædro, & ab Aristotele in Problematis, & à communi hominum omnium intelligentiâ. De furore diuino quæstio & longioris est operæ, & propriæ dissertationis, quam elucubramus: quamobrem de vno furore naturali dicere nunc aggredimur.

IV. **PLATONICI** pro more Σληνηρείας, & mysteriis hanc quoque partem Philosophiæ contaminant, & magnificè nihil dicunt. Sex statuunt rerum veluti gradus. Primus, isque nobilissimus est, εἰς π, res vna quæpiam, neque  
mutatio-



mutationis, neque diuisionis patiens. Sextus atque omnium infimus Materia, quæ perpetuo cieatur motu, & infinitis secetur locis. Ex intermediis primus est Mens, quæ ab vnitæ illâ simplici abest aliquantùm, motus tamen expers, & æterna. Tum secundùm Mentem est Ratio, quæ neque vna est, neque æterna, neque infinita, & eadem mutationi obnoxia. Rationem infra est opinio ea, quæ non modò non sit vna, sed etiam infinita sit, & mobilis. Tum quinto loco est Natura, quæ corporis partes, & puncta tranat omnia, & in illis mouetur, atque diuiditur. Cùm enim in Materiâ sessitet, cum illâ fluctuat, subsidit, erumpit, & mergitur. Nunc verò quæ res est mysterij plenissima, anima per istos gradus à materiâ ad illud Vnum ascendit, & ab illo Vno ad materiam deuoluitur. Sapit enim uerò, inquiunt, anima quando est coniuncta cum illo Vno, desipit quando est cum Materiâ, in illis quatuor gradibus interiectis cùm versatur, furit. Et quoniam illi gradus sunt quatuor; efficitur, vt sint quatuor quoque furoris species: Poëticus, Mysticus, Vaticinium, furor diuinus. Demum gradus illos fabellis, consecrationibus, & si verum licet dicere, nugis distin-

guunt , augment , illustrant , quibus enarrandis iam otium non est. Nunc satis sit à Platone ipso imaginem quandam & adumbrationem eius rei inchoasse. τῆς θείας μαρίας τετάρων θεῶν τέτταρα μέρη διελθόντες , μουσικῶν μὲν ὅπτιοιαι Ἀπόλλωνος γέντες , Διονύσου ὃ τελεσικῶν , Μουσῶν δὲ ποιητικῶν , τετάρτῳ ὃ Ἀφροδίτης , καὶ ἔρωτος. *Diuini furoris quatuor species constituimus, totidemque Diis consecramus, Vaticinium Apollini, Baccho mysticum, Musis poëticum, Veneri & amoris quartum scilicet amatorium.* Missis Platonicis ad Peripateticos nos conferamus.

V. ARISTOTELES Problem. sect. XXX. vbi loci de atrâ bile inceptat disputare, in eadem verba loquitur, ac in lib. de Poëticâ. Ait enim ὅσοις ὃ λίαν, πολλὴ καὶ θερμὴ, μαρικοί, καὶ θυφεῖς, καὶ ἐρωτικοί. Id est. *Quibus est multa (bilis) atra, & calida, ij perciti sunt, & ingeniosi, & amoris dediti.* Quibus autem (inquit) calor ille temperatus est, οὔτοι μελαγχολικοί μὲν εἰσι φρονιμώτεροι δέ. *Illi quidem sunt melancholici sed prudentiores,* & ad omnia reipubl. munia obeunda ἀφάροντες *præstantissimi.* Pro variâ itaque bilis atræ temperie animam variè affici & impelli censuit Philosophus. Quibus caput incescit vis melancholiæ acrior, ij inquit, νοσήμασιν ἀλίσχον-

ἔσθι, ἢ μαρικοῖς, ἢ ἐνθουσιαστικοῖς, altero ex istis morbis tentantur, furore naturali, qui mania dicitur, aut enthousiasmo. Ab eâdem bile feminæ existunt Sibyllæ, Bacchæ, & viri Enthei, ὅτε Σίβυλλαι, καὶ Βάκχιδες, καὶ οἱ ἐνθεοί. Qui certè sunt tales non à morbo, sed à temperamento naturali, ὅτε μὴ νοσήματι γίνονται, ἀλλὰ φυσικῇ χρᾶσι. Tum monet de Maraco poëtâ Syracusano, cuius poësis præstantior esset, cùm is fureret. Demum melancholicos siue magistratibus gerendis, siue rei militari, siue disciplinis, & scientiæ omnium aptissimos pronunciat. quod priori parte huius Dissertationis monuimus. In controuersiam vocari potest, censueritne Philosophus furorem esse alium ab isto naturali, quique à Deo affletur animis. Eam quæstionem non inanem, sed otij maioris, opellæ nostræ de furore diuino addiximus.

VI. QUANDO furor est impetus animæ cis, vltrâve rationem, certè cùm anima præter consuetudinem vehementiùs impellitur, tum eam furore percelli necesse est. Et quoniam vndecim sunt eius perturbationes, totidem existant furoris species oportet. Amore impotentiùs vexatur Anacreon? furit, qui canat:

Θελῶ, θελῶ μελεῖναι,

Θελῶ, θελῶ φιλεῖναι:

*Volo, volo furere;*

*Volo, volo amare.*

Et Theocritus. ὥς εἶδων, ὥς ἐμαῖν.

Irae se permittit aliquis? ab eâ idem perditè & miserè impellitur. Nam *ira furor brevis est*. Furorē in irata Medæa eius nutrix eleganter exprimit actu tertio apud Senecam.

*Incerta qualis entheos cursus tulit,*

*Cum iam recepto Menas insanit Deo,*

*Pindi niuali vertice aut Nisæ iugis:*

*Talis recurvat huc & huc motu effero,*

*FVRORE ore signa lymphati gerens.*

*Flammata facies spiritum ex alto citat.*

*Proclamat, ô superi! oculos fletu rigat,*

*Renidet, omnis specimen affectus caput,*

*Hæret, minatur, aestuat, queritur, gemit.*

*Quò pondus istud verget? ubi ponet minas?*

*Ubi se iste fluctus franget, exundat FVRORE.*

*Non facile secum versat, aut medium scelus,*

*Se vincet; iræ novimus veteres notas.*

*Magnum aliquid instat, efferum, immane,*  
*impium.*

*Vultum FVRORE cerno.*

De aliis mentis perturbationibus, quarum im-

pressionem, & impetu vincitur ratio, idem esto iudicium. De furore verò poëtico sic ego statui oportere iudico.

VII. FURERE poëtam tum cùm Epœiæ ὁρᾶται, siue constitutionem suis omnibus partibus instruit, certè non putem: est enim eiusmodi informatio, Rationis opus accuratissimum. Nam cùm omnes penitus Heroicæ virtutis laudes, hoc est potissimam Politicæ, & moratæ Philosophiæ partem comprehendat; vt nostræ Dissertationis pars vltima docebit, quâ illas aptè sine ratione coagmentabit? At in Episodiis quibusdam, in descriptionibus, & orationibus aliquantum furoris aspergi non negauerim. Neque tamen is furor, aut à Deo est, aut etiam à victâ ratione, sed eatenus dumtaxat. Poëtæ in rei cuiuspiam meditationem contentione vehementi, bilis atra calorem concipit, euolat sursum, & cerebrum inuadit. Animus itaque accessione bilis inflammatur magis atque magis, & omnes vires obstinatus in cogitationem illam vnâ intendit, adeò vt rerum omnium aliarum, suæque ipsius salutis oblitus esse videatur. Furoris illius spécimen in Eumolpo edidit Arbitr.

Fœdâ in tempestate, naue lacerâ, re-

Ll iij

mis conuulsis , fracto malo , clauo cum gubernatore in mare excusso , miserabili pereuntium in gemitu , & mulierum comploratu , *Ecce ( inquit ) audimus murmur insolitum , & sub diatâ magistri , quasi cupientis exire belluæ gemitum . Persequuti igitur sonum , inuenimus Eumolpum sedentem , membranaque ingenti versus ingerentem . Mirati ergo quòd illi vacaret in viciniâ mortis pœma facere , extraximus clamantem , iubemúsque bonam habere mentem . At ille excanduit , & finite me ( inquit ) sententiam explere , laborat carmen in fine . Jnnicio ego phrenetico manum , iubeóque Gytona accedere , &c.*

VIII. NEQVE tamen si quis atrâ polleat bile , de quâ cum hîc tum primâ parte huius Dissertationis à nobis disputatum est ; continuo is in poëtis censendus est , nisi accesserit cognitio disciplinarum propemodum omnium , studium acre , & obfirmata quædam in componendo , expoliendóve carmine peruiacacia . Quamobrem assertior Horatio , qui pronunciat.

*Naturâ fieret laudabile carmen , an arte  
Quæsitum est . Ego nec studium sine diuite venâ ;  
Nec rude quid prosit video ingenium . Alterius sic*

*Altera poscit opem res, & coniurat amicè.  
 Qui studet optatam cursu contingere metam,  
 Multa tulit, fecitque puer, sudauit, & alsit:  
 Abstinuit venere, & vino. Qui Pythia cantat  
 Tibicen, didicit prius, extimuitq; magistrum.*

Parum itaque sine arte natura, & sine naturâ ars valet. Hæc sine illâ tristis est & exsucca; illa sine hac, vasta, & inculta. Neque quisquam in poëtâ à nobis vtramque desiderari mirabitur; qui à Vitruuio libro I. audiuerit in architecto nihil minus requiri. Itaque (inquit) ingeniosum esse oportet, & ad perceptionem disciplinarum docilem. Neque enim ingenium sine disciplinâ, aut disciplina sine ingenio perfectum artificem potest efficere.

Quamobrem in nugis est ille Musarum chorus, & Apollinis afflatus. Neque Philosopho digna est sententia, quæ Musis id acceptum ferat, quod est artis, & naturæ. Poëta sine reprehensione dixerit:

*Est Deus in nobis, agitante calescimus illo,  
 Impetus hic sacra semina mentis habet.*

Plato verò, & Aristides de eiusdem familiâ homo, citra dignitatem Philosophiæ pronunciarunt eadem verba. ille quidem in Phædro, hic in Platonicâ primâ. ὅς αἰὲν παρίας μου-

272 DISS. PARS III. DE CAUSA EPOP.

σὼν ὅτι ποιητικὰς ἡρώας ἀφίκηται, παιθεὶς ὡς ἄρα ἐν τέ-  
χῃς ἱκανῶς ποιητὴς ἐστί μοι, ἀτελής αὐτὸς τε, καὶ ποιήσεις ὑπὸ  
τῷ μεγαλοδυνάμει, ἢ τῷ σωφρονοῦντος ἡφανίαδι. Id est. *Qui*  
*absque Musarum furore ad fores poëticas acces-*  
*serit, persuasus de solâ arte futurum poëtam:*  
*et ipse imperfectus erit, et eius poësis illa sana*  
*furentis comparatione nulla erit.*







# DISSERTATIONIS

## PARS QVARTA.

### DE FINE POESES.

- I. *Poëseos finis non est voluptas.* II. *Animi voluptas quæ ex imitatione oritur ad poësin pertinet.* III. *Finis poëseos non est gloria rumusculus. Mala artes, & ineptiæ quorundam poetarum, qui uni gloriæ ridiculi student.* IV. *Finis Epopœiæ est, viros principes instituere, qui rempubl. rectè constituent, & administrent.*



X iis, quæ tertiâ parte huius Dissertationis disputata sunt, satis poterat intelligi; ei methodo, (quam artem quidam dicunt, quæque est de Epico poëmate) finem positum esse, ut poëma illud omnibus suis partibus instruat. Neque eò nunc spectat

Mm

hæc quæstio ; sed in eo tantum disputat ; ec-  
quis tandem sit Epopœiæ finis constitutus.

Poësi generatim atque vniuersè probrum  
obiiciunt multi , & tanquam voluptati na-  
tam criminantur. Epicurum quis non rideat ?  
Homo delitiis perditus, & voluptate diffuens  
poësim nequitiae ream dicit , & amoribus de-  
ditam queritur. οὐ δ' Επικούρου φροντὶς ἡμῖν, ὅστις ἀσέ-  
μνου παρὰ τοῖς ἰδίοις κήποις ἠδονῆς γεωργὸς ἔστιν, ἀπασαν ὁμοῦ  
πεινικὴν, ὥσπερ ὁλέθριον μύθων δῖλεαρ ἀφοροῦμένους. me-  
ritò inquit Heraclides Ponticus. Num  
etiam ridendus est Plato , qui fabellarum va-  
rietate , & verborum luxuriâ Philosophiam  
matronam grauiissimam comat studiosus ; &  
idem poësi virgini mundum obiiciat , atque  
nequitiae damnet ? Pellicit (inquit) animos de-  
lectatione , irretit blanditiis , atque meretri-  
culam agit. Quid ais Plato ? Tu , qui vagam,  
& incertam venerem facis , quid aliud agis,  
quàm ciues in ganeis, non in ciuitatibus ha-  
bitare iubes ?

Non tamen is ego sum , qui voluptate poë-  
ticâ mores corrumpi sinam ; cùm poëtas malè  
moratos à re literariâ exulare velim. Ovi-  
dium laudo , qui sanctè monet :

*Eloquar inuitus , teneros ne tange poëtas,*

*Submoueo dotes impius ipse meas.*

*Callimachum fugito, non est inimicus amor;*

*Et cum Callimacho, tu quoque Coë, noces.*

*Me certè Sappho meliorem fecit amica,*

*Nec rigidos mores Teïa Musa dedit.*

*Carmina quis potuit tutò legisse Tibulli?*

*Veltua, cuius opus Cynthia sola fuit?*

*Quis potuit lecto durus discedere Gallo?*

*Et mea nescio quid carmina tale sonant.*

Voluptatem in aliâ poësi dominari, qui non sinimus, quantò minùs in Epicâ feremus. scitum est in Philosophiâ, & effatum sanctissimum, virtutes animi omnes, siue quibus informantur mores, siue quibus veritas tenetur, ab obiectis dignitatem suam, atque speciem ducere. A quibus si quid deflectat & aberrer, id quoque vitiosum sit, & ab eâ disciplinâ alienum. Atqui poëmati Epico finis est principis viri institutio, vt à nobis mox demonstrabitur. Quid erit igitur tam à poëmate Epico abhorrens, quàm ea poësis, quæ voluptati seruiat; cùm ab illâ non morum alatur sanctitudo, sed, si quæ priùs fuerit corrumpatur?

II. Quid itaque? tristem poësim, exsuccam quodammodo, atque duram laudabimus, aut etiam vultuosam, & difficilem? mi-

Mm ij

nimè omnium. Nam & Aristoteles IV. cap.  
 poëtas omnes, & poëtis deditos χαίρειν iubet.  
 At illud gaudium non ab illecebris voluptatis,  
 sed ab imitatione rerum accuratâ deriuatur.  
 Videmus enim inquit χαίρειν τοῖς μιμημασι πόνεται,  
 imitatione homines omnes gaudere. Cui sen-  
 tentiæ suæ fidem facit ab experienciâ. Earum  
 enim rerum imitatione, & imagine perfectâ  
 gaudemus; quæ per se, suâ vi, & naturâ foedæ  
 sunt, & tristitiam afferunt: quales sunt θύων  
 μορφῆαι καὶ ἀγριωτάτων καὶ νεκρῶν, ferarum truculen-  
 tæ formæ, atque cadauerum. Cùm itaque poë-  
 sis omnis in imitatione posita sit; gaudio, at-  
 que lætitiâ abundet, necesse est. Ad hæc pul-  
 chritudinem cap. XXIV. dignitatem c. IX.  
 & admirationem c. XXIV. poëmati maximè  
 Epico accersit: pulchritudinem quidem, quæ  
 ex partium inter se comparatione; dignitatem,  
 quæ ex rerum magnitudine; admirationem,  
 quæ ex agnitionibus, & peripetiis oriantur.  
 Hæc sanè tria gaudio, atque lætitia sapientis  
 mentem perfundunt; animum verò, aut cor-  
 pus labefactant minimè. Quanquam & alia  
 est quædam voluptas à verbis, nominibus, ad-  
 iunctis, numeris, & Grammaticâ illâ mun-  
 ditie, quâ plebs maximè capitur, & gaudet:

quam ego non repudio quidem, sed in vltimis colloco. Quod monuit pars secunda huius Dissertationis.

Lucretio suffragor hîc, ac lubens, qui pulchrè sanè lib. IV. eâ de re censuit.

*Nam veluti pueris absynthia tetra medentes  
Cum dare conantur, prius oras pocula circum  
Contingunt mellis dulci, flauoque liquore:*

*Vt puerorum atas improuida ludificetur,  
Labrorum tenuis; interea perpotet amarum  
Absynthi laticem, deceptaque non capiatur,  
Sed potius tali tactu recreata vale scat.*

*Sic ego nunc, quoniam hac ratio plerumque  
videtur*

*Tristior esse, quibus non est tractata, retróque  
Vulgus abhorret ab hac, volui tibi suauilo-  
quenti*

*Carminè Pierio rationem exponere nostram,  
Et quasi musco dulci contingere melle:*

*Si tibi fortè animum tali ratione tenere  
Versibus in nostris possem, dum percipis omnẽ  
Naturam rerum, ac præsentis utilitatem.*

Delitiis itaque istis qui carmen Epicum temperauerit, is nostrâ hac in facultate princeps erit. quippe

*Omne tulit punctum, qui miscuit utile dulci,  
Mm iij*

*Lectorem delectando, pariterque monendo.*

*Hic meret ara liber Sosis: hic & mare transit;*

*Et longum noto scriptori prorogat ævum.*

Vt poetarum nequissimi sunt, qui voluptati student vni; ita omnium sunt ineptissimi, qui sibi suæque gloriæ omnia mancipant: de quorum stultitia cum nihil satis pro merito dici possit, de illis dicere superfedebō.

IV. DE fine Poëseos vniuersè disputare, neque huius loci est, vbi tantum de Epopœia instituimus quæstionem; neque nostræ diligentiae, cum nullus sit locus in quo Sophistarum oratio luxuriet vberius. Quibus tantum est otij ab re suâ, vt ex priscis, & nuperis auctoribus flores omnes legere licitum sit, atque ex iis suæ poësi coronam texere: vt suum illud pulchrum nihil inuideo; ita hoc ego ab iis vicissim peto, ne incuriâ neglectum à nobis istum locum putent; sed studio Philosophiæ prætermissum. Memini dicere me quæstione alterâ primæ partis, poësi τὸ γένος finem positum esse ab Aristotele, vti animum vitiis purgaret; quamobrem, & epico carmini id congruat necesse est. Quæ enim generis laudes sunt, descendunt illæ pari potestate ad species. Erit itaque nostræ Epopœiæ, & om-

ni poësi id commune, ut labem omnem ab animo detergat; sed quoniam unicuique speciei suus est χαρακτήρ, sua vis, & potestas propria, in eam nos conuerti necesse est.

Tragœdiæ est animus à teneritudine animi nimia, quæ ex metus & misericordiæ motu oritur, cum voluptate quadam liberare, ex Philosopho cap. VI. de Poëtica. Nam cum in tragœdiâ maximè dominantur τὰ παθήματα, atque in his primæ sint misericordia, & metus; auditor cum voluptate docetur vtriusque impetum ferre æquiùs. Ab assuetis enim non fit τὸ πάθημα; assuefcit verò frequentatione tragœdiæ. Epopœiæ verò partes erunt, non tantum duas illas perturbationes profligare, sed etiam omnes animi impetus reprimere; tum multò magis ad genus omne virtutis principes viros, atque Reges exemplo herois acuerere. Nam si Epica nostra cum politicâ congruit, quod tertiâ parte vicimus, quid erit in eius officio magis, quàm principem virum, atque magistratum omni virtute instituere, qui rempubl. legibus temperet optimis, & ab hostibus integram tueatur?

A nobis facit Horatius vir in omni genere doctrinæ præstans, Philosophiæ sciens, Poë-

seos peritissimus , & Augusto à consiliis. Is iam grandior , & rerum vsu callidus Epicum carmen Philosophiâ , & Philosophis Homerum φιλοσοφώτερον pronunciauit. Testimonium in hæc verba dixit.

*Troiani belli scriptorem , maxime Lolli,  
Dum tu declamas Romæ , Præneste relegi;  
Qui quid sit pulchrum , quid turpe , quid utile ,  
quid non  
Pleniùs , ac meliùs Chrysippo , & Crantore  
dicit.*

*Cur ita crediderim , nisi quid te detinet , audi.  
Fabula , quâ Paridis propter narratur amorẽ ,  
Græcia Barbaria lento collisa duello ,  
Stultorum regum , & populorũ continet æstus.  
Antenor censet belli præcidere causam.  
Quid Paris ? ut saluus regnet , viuâtq; beatus ,  
Cogi posse negat. Nestor componere lites  
Inter Peliden festinat , & inter Atriden.  
Hunc amor , ira quidem communiter urit  
utrumque.*

*Quidquid delirant Reges , plectuntur Achivi.  
Seditione , dolis , scelere , atque libidine , & irâ  
Iliacos intra muros peccatur , & extra.  
Rursus quid virtus , & quid sapientia possit ,  
Vtile proposuit nobis exemplar Vlysses;*

*Qui*



*Qui domitor Troia , multorum prouidus vrbes  
Et mores hominum inspexit , latúmque per  
aquor*

*Dum sibi , dum sociis reditum parat ; aspera  
multa*

*Pertulit , aduersis rerum immerfabilis undis  
Sirenum voces , & Circes pocula nosti ;*

*Quæ si cum sociis stultus , cupidúsque bibisset ,  
Vixisset canis immundus , vel amica luto  
fus. &c.*

Auðtoritati accedit ratio. Nam poëmati Epi-  
co hic finis constitutus est; vt principem virum  
virtutibus , quæ ipsum deceant , omnibus ex-  
ornet. Virtutes autem primariæ , ac veluti Re-  
giæ vel paci , vel bello accommodatæ sunt ,  
aut etiam vtrique. In pace hæc sunt; Vrbes ,  
& ciuitates fundare ; religionem constituere ;  
pietatem fouere ; dies fastos , ac nefastos dice-  
re ; acuire ciues præmiis , & magnificentia ad  
virtutem ; à vitiis deterrere poënis ; matrimo-  
nia legibus sancire , amoribus moderari. Nunc  
verò , quam partem Virgilius luculenter , &  
magnificè non tractauit ? libros primum , ter-  
tium , quartum , quintum , sextum , & partem  
septimi qui legerit attentè , næ is dubio locum  
nullum relictum esse fatebitur , quin de re poli-

ticâ præscripserit diligentissimè. In bello hæc dominantur; delectus militum, prælia, duëlla, insidiæ, ciuitatum obsidiones, & quæ his affinia sunt bellicæ virtutis officia. Extititne aliquando vel historicus, qui disertè magis in his versatus sit? aut etiam extiturusne est aliquis, qui diligentius, & magnificentius ea describi, atque narrari posse putet, quàm ab eodem Marone libris altero, septimo, octauo, nono, decimo, vndécimo, & duodecimo celebrata sunt? Atque has virtutis heroïcæ partes vno poëmate comprehendit Virgilius, & vni Heroï attribuit. Homerus verò easdem duplici cùm poëmate, tum Heroë distinxit. Sapienter à Tasso factum puto, qui Virgilium imitari maluit. Habent enim Æneis, & Hierosolyma admirabile illud, quod in Epico carmine veluti caput esse voluit Aristoteles cap. XXIV. Nam esse vnum aliquem hominem, qui virtutes illas omnes *πολιτικὰς*, & militares complexus sit, admirabilius est, & heroïcum magis, quàm si quis excellat quidem alterâ, alterâ verò deficiat.





# AD DISPUTATIONEM DE EPICÆ APPENDIX.

## DEFINITIO METAPHYSICA EPOPOEIAE.

- I. *Etymologia Epopæia.* II. *Epopæia dicitur pictura.* III. *Epopæia quæ mendacium dicatur.* IV. *Epopæia Definitio Stoica.* V. *Epopæia accurata definitio.*



VAMQVAM ea explicatio Epicæ carminis, quæ per quatuor causas à nobis explicata est, satis esse poterat viro Philosopho; cùm ea sit perfecta vniuscuiusque rei cognitio, quæ ex quatuor causis assurgit; ne quid tamen iure desiderari queat, & vt omnium mentes expleamus, hîc appendi-

Nn ij

cis loco Metaphysicam definitionem Epopœiæ attrexemus.

I. ΕΠΟΠΟΕΙΑ, siue epici carminis ἔπῳμον, & nominis notatio est à dictione Græcâ ( τὸ ἔπος ) quæ verbum, & vocem hominis significat; à quâ suâ primâ potestate amplâ sanè atque laxâ ad strictam magis restringitur, & illi parti poëseos addicitur, quæ versu ἑξαμέτρῳ heroum facta celebrat. Auctore Eustathio id audeo, qui sic præfatur in Iliadem. Επος ( inquit ) ἰδὲ ξ' ἔστι βῆτι τῷ ῥαψωδῶντων κατὰ τὴν δ' αἵρετον. Tum. Epici poëtæ, οἱ δὲ τὰ ἑξαμέτρῳ ἠρώζοντες. Tullio non placuit ista vox, Epopœius: Epicum poëtam maluit appellare lib. de opt. gen. orat. *Ennius* ( inquit ) *summus poeta epicus*. Deinde. *Tragici, Comici, Epici, Melici etiam, atque Dithyrambici*.

II. PLERISQUE omnibus mirificè arrisit illud Simonidis dictum; quod à Plutarcho lib. de aud. poët. accepimus, ζῶγραφις μὲν ἔστι φησὶ τοῦ πλεονέκτου, ποίνου ὃ σιγῶσθαι πλεονέκτου ζῶγραφις. *Poësin picturâ loquaci, & picturam poësi tacitâ definiri*. Neque nobis sanè itidem displicet tralatio illa, quandiu tralatio est; quæ tamen si pro definitione accuratâ producitur, inepta est cùm ad alias poëseos partes, & spe-

cies explicandas, tum multò magis ad definiendam Epopœiæ naturam.

III. NONNULLIS Poësis omnis videtur mendacium illustre; aut cantatæ quædam malis artibus deliciæ, atque præstigiæ. Nam & Pelusiota, ut monuimus, mendacium poësi in materiam dedit, & Aristoteles partes poëtæ primarias esse dixit  $\psi\delta\delta\epsilon\alpha\zeta$   $\chi\zeta$  τὸ εἰκός; mentiri ut par est: & Plato docet poëtam maximè laborare  $\omega\epsilon\iota\tau\acute{\alpha}\ \sigma\acute{\iota}\kappa\alpha\ \delta\acute{\iota}\kappa\alpha$ , ἀλλὰ τῇ ὄντων εἰδωλα. Pace eorum hominum dictum sit. Aristotelis, & Platonis atque aliorum Philosophorum mentem non satis inspexêre, qui τὸ  $\psi\delta\delta\epsilon\alpha\zeta$  Aristotelicum, & τὸ εἰδωλον Platicum pro ignauâ illâ imbecillitate animi, quâ quis menti vitium offert, & præter illam loquitur, fuêre interpretati, cum Philosophi ad fabulam resperxerint, quâ viri principes officij sui admonentur.

IV. STOICIS ut quidem retulit Laërtius poësis est:  $\sigma\mu\phi\upsilon\lambda\iota\kappa\acute{\omicron}\nu\ \pi\omicron\iota\eta\mu\alpha$ , μίμησις  $\omega\epsilon\iota\acute{\epsilon}\chi\epsilon\iota\tau\alpha\iota$ ,  $\chi\acute{\iota}\ \alpha\iota\ \theta\epsilon\sigma\pi\acute{\iota}\alpha\iota$ . Straboni verò libro primo est  $\mu\iota\mu\eta\lambda\iota\kappa\acute{\eta}\ \tau\tilde{\epsilon}\ \beta\acute{\iota}\varsigma\ \lambda\acute{o}\gamma\eta\iota$ . Quæ omnia ut vera sint, non tamen sunt eiusmodi, quæ rei naturam satis explicent.

V. EX Aristotelis præceptis carmen Epi-

cum in hæc verba definiri debet. Est imitatio actionis vnius, integræ, perfectæ, totius, quæ narratione dramaticâ, & versu hexametro viros principes cum admiratione, & delectatione ad primarias virtutes excitet, atque adhortetur. Definitionis Metaphysicæ partes duæ sunt; ex quibus illa effertur, & existit; genus, & differentia. In definitione Epopœiæ pro genere est imitatio; quæ adiuncta sunt ei reliqua, differentia officio funguntur. Nam imitatio pluribus disciplinis sui copiam facit. Philosophus sub initium de Poëticâ loquitur in hæc verba. *Εποποιία ὅ, καὶ ἡ τῆς τραγῳδίας ποιήσις, ἐπὶ ὅ κομῳδία, καὶ ἡ διθυραμβοποιικὴ, καὶ τῆς αὐλητικῆς ἡ πλείστη, καὶ κιθαριστικῆς· πᾶσαι τυγχάνουσιν οὖσαι μίμησις ὃ σῶλον.* Id est. Epopœia, quæque est Tragœdiæ poësis. Comœdia præterea, & Dithyrambica, & pleræque ex iis quæ tibiâ & citharâ canunt; omnes planè in id conueniunt, vt sint imitatio. hæc de genere Epopœiæ satis funto.

Epopœiam ab aliis disciplinis segregat reliqua pars definitionis allatæ: ab iis quidem, quæ solutâ oratione vtuntur; quia ipsa versu canit: à Dithyrambicâ & Lyricâ, siue illa citharâ, siue tibiâ vtatur, tum quia Epopœia

versu loquitur hexametro , tum quia actionem vnam , totam illustrem , & πολυμερή , & certæ cuiusdam magnitudinis ornandam suscipit : à Comœdiâ & Tragoediâ , quia ipsa est ἐξηγητική , id est *narratiua* , vt docet Aristoteles capite XXIII.

D. O. M.









ILLVSTRISSIMO VIRO  
 CLAVDIO DE MESMES  
 COMITI D'AVAVX  
 SANCTIORIS IN GALLIA CONSILII  
 administro, ac summo Regij Ærarij Præfecto  
 V M B R A.

E C L O G A.

**Q**VIS modus ô Sime? Nec me pascente pudet vos  
 Maturâ sub luce, pigro torpere cubili?  
 Roscidus inuito, si non properabitis, humor  
 Aruerit cythiso; saturis nunc mollior herba est  
 Graminibûsque, thymoque, & odoriferis Meliphyllis.  
 Nunc etiam teneras dumeta recentia frondes  
 Sufficiunt; agros ut sol accenderit æstu,  
 Offendet solido, & spe dens ludetur inani.  
 Nec vobis iter est longum; qua florens amni  
 Molliter acclinem dat sese collis; & istam,  
 Si longa est, sermone viam, cantûque leuabo.

*Carminē quō captæ Dryades, facilēsq̃ue Napææ;  
 Linquebant sylvas Dryades, saltūsque Napææ.  
 Cantabat Daphnis, discebat Thyrsis, & omnis  
 Tityrus. Experiar, numeros & verba notavi.*

**V**IX tenerâ cum luce recens concreuerat orbis,  
 Prima suo vix tum lucebant sidera cælo,  
 Latæque nascenti ridebant lilia terrâ;  
 Omnibus instituit cū Pan conuiuia Diuis.  
 Hic roseo primūm florentes ore iuuentæ  
 Attoniti videre Deas; videre, Deasque  
 Obstupuere Dei. suus hic natalis amor.  
 Verūm alias inter tantūm supereminet Vmbra,  
 Quāntūm infelices superant violaria rhamnos.  
 Illam inter comites ut vidit pulcher Apollo,  
 Ut periit, cecūmq̃ue hausit per membra furorem.  
 Namque ut erat radiis frontem redimitus, & igne;  
 Immemor, aut nondum expertus quō flamma valeret;  
 Imprudens, victūsque animi propiore salutat  
 Officio: paribus studiis, & honore vicissim  
 Vmbra Deum Dea, formosum formosa colebat.  
 Ah! quid agis Virgo? quō te malus abripit error?  
 Ah! Virgo infelix, infelix tu quoque Phæbe.  
 An Phæbus magis infelix, an tu Dea? Certè  
 Infelix Deus ille, infelix tu quoque Virgo.  
 Ecce ineunt reliqui festos per mutua cætus

*Calicola, inque vices celebrant conuiuia lati.  
 Vos certare odiis pedibúsque fugacibus ecquis  
 Aut pudor, aut modus est? tantas incidite lites.  
 Túque, ó Phœbe, prior radiis caput exue, túque  
 Parce metu Dea, tu plantis Dea parce tenellis.*

*Ah! Virgo infelix propior vix adstitit. Ignem  
 Continuò rapuere coma, tinctúsque repente  
 Horruit aternâ circum caligine vultus.  
 Extemplo celeri vertit vestigia plantâ.  
 Phœbus at impatiens flamma, impatiénsque repulsa  
 Quò magis illa fugit, fugienti hoc acrius instat.  
 Ad Zephyros fuga prima, dein telluris in orbem  
 Est quantum. aternos intexunt orbibus orbes.  
 Sublimem curru cum Sol rapit alite mundum,  
 Infernum Vmbra ruens prateruolat. Ille Triones  
 Cum peragrat leuis insistens, fugit illa sub austros.  
 Per sata, per fragiles cursu rapiuntur aristas;  
 Nec sata, nec fragiles cursu laduntur ariste.  
 Per freta, per liquidi fugerunt aquoris undas;  
 Nec freta, nec liquidi libarunt aquoris undas.  
 Quid faciat? quò se praeceps ferat? abdita terris  
 Antra sub, & solas valles, nemorúmque recessus?  
 Additus hic etiam misera insidiatur, & omnes  
 Rimatúrque vias, aditúsque interrogat omnes.  
 Si qua corde Dryas facili, succedere luco  
 Inuitet trepidam, & tacite indulgere quieti;*

*Languida vix licuit fessa componere membra ,  
 Obsidet extemplò lucum , radiisque coronat .  
 Motarunt sylvas Zephyris ludentibus aura :  
 Occupat ille aditum , frondésque illabitur inter .*

*Si colles præter , rupes si præter acutas ,  
 Aut montes ire excelsos miseretur Oreas ,  
 Hospitâque inuitam persuadeat antra subire :  
 Non latuere doli Solem . Cùm letus eoo  
 Promit odoratum caput , & cùm languidus undis  
 Puluerem Hesperiiis fessum caput abluit undis ,  
 Obliquè malus inclinat , longisque iacentes  
 Emensus terras radiis obrepit in antra .*

*Si quæ Naiadum ( Nympharum Naiades unæ  
 Sunt tenero faciles animo , & ) miserescere lenes )  
 Orauit miseram in placidas descendere valles :  
 Mulcet ubi tacite riguas in margine ripæ  
 Fortunata quies , & mollis Amaracus undas .  
 Pulvere vix licitum fædo detergere frontem ,  
 Collectâque sitim dulci restinguere lymphâ ,  
 Ducere vix animam : cælo cùm inimicus ab alto  
 Axe super medio , querulos in vallibus amnes  
 Vexat agens , & anhelantem procul exigit Vmbra .  
 Illa alios cursus , alios iterare recursus ;  
 Illa fugas alias , alias iterare latebras  
 Cogitur : haud misera requies , haud meta laborum .  
 Ergo p̃j vates Vmbra succurrite . Musas*

*Vmbra amat infantes, placidos amat Vmbra poëtas,  
Séque illis ultro facilem cantantibus offert.*

*Stringite supremas umbrosa cacumina fagos,*

*Et summas teneris frondes inducite lymphis:*

*Stringite , & humenti ( superaddite ) stringimus  
Vmbrae.*

*Parcite oves ultra procedere. Venimus , herba  
Dives ubi tellus , ubi florum prodiga turget.*

## EIDEM ILLVSTRISSIMO VIRO.

**M**EMINISTI ( VIR ILLVSTRISIME )  
illius disputationis , quâ domi tuæ pugna-  
bant aliqui , non posse tripudij pompam versu sa-  
tis Latino describi. Nam cùm argumentum eius  
saltationis , quam hîc subieci probarent ; nega-  
bant tamen iidem ætatis huius nostræ Latinita-  
tem illi describendæ esse parem. Asserebam ego  
verò , tui rei periculum mihi commisisti. Habeto  
igitur illam , & vide quanti mihi sis , qui præiudi-  
cia hominum nihil verear , quò tibi placeam. Mi-  
rari sanè mihi sæpe contigit , defuisse adhuc qui  
tripudiis leges aliquas ponerent. Ante XXX, aut  
XL. annos cuilibet in Tragœdiam & Comœdiam  
impunè quidlibet audere licitum erat ; ita ut  
multos , etiam de literatis , non puderet vnum ali-

quem hominem ab usque pueritiâ ad senectutem in eâdem Tragoediâ perducere. Extitêre tandem aliquando, qui malo illi mederentur. In tripudia verò ( sic appello genus illud saltationis, quod à Francis nostris *le Ballet* dicitur ) satis inquisiuit eruditorum nemo. Quamobrem omnis eâ de re potestas permessa est iis hominibus, qui à studiis cùm humanioribus, tum Philosophicis alieni sunt, atque in vnam corporis ( vt ita dicam ) gestionem intenti pro suo arbitratu miscent omnia atque perturbant. Non defuturos certè spero, qui Spartam illam aliquando colant, & non tantùm nobis afferant ex Athenæo, & Polluce grammaticam supellectilem, sed artis illius naturam & regulas nos edoceant. Ego interim vnum aut alterum monebo, quo præludam eorum laboribus.

Primum esto. Tripudij vim omnem in imitatione positam esse, quâ actiones hominum exprimantur. Ita docet Philosophus cap. I. de Poët. *Αὐτῶν δὲ τὰς ῥυθμῶν μιμουμένων χρεὶς ἀρμονίας οἱ τῶν ὀρχιστῶν, &c.*

Alterum est, vt, quoniam omnis ars, quæ in imitatione posita est, vnam actionem imitatur, necesse sit tripudium vni actioni seruire. Huius pronuntiati auctores tres adduco luculentos. Primus sit Philosophus cap. VIII. lib. de Poët.

ἡ δὲ οὕτω καὶ τὰς αἰτίας μιμητικαῖς ἢ μιὰ μιμήσεις ἐνός ἐστιν οὕτω καὶ τὸν μῦθον, &c. Id est, *Oportet igitur ut quemadmodum in aliis (artibus) imitatricibus, una est imitatio unius, ita & fabulam &c.* Alter esto Robortellus. in illum locum Aristotelis in hæc verba loquitur: *Per alias artes intelligi puto artem pingendi, sculpendi, saltandi, &c.* Tertius sit Auerroës commento suo in hoc caput de Poëticâ; quem hîc hoc maximè nomine produco, quia ratione nititur robustâ. *Oportet (inquit) ut ars imitetur naturam, videlicet ut omnia quæ agit, agat secundum unum propositum finem, & ad eum omnia referat.*

Tertium est, ut illi vnitati officiant, quæcumque ad actionem illam non pertinent vel καὶ ἐκτός, vel ἀναγκάως. de quâ præceptione iam nihil dicam, cum pluribus illa sit à nobis explicata, tum primâ, tum secundâ parte huius libri.

## TRIPVDIVM.

## EIVS ARGVMENTVM.

Huius tripudii finis propositus est, palam facere dissidia populorum religione potius, ac pietate; quàm armis componi. Continet autem præter descriptionem loci, & Epigramma, quod à nostris hominibus vocitatur *le Recit*; partes quatuor. Singulæ verò partes ex multis scenis (quas nostrates appellant *Entrées*) constantur. Constantino autem exhibetur.

## LOCI DESCRIPTIO.

**L** Ittus ad extremum, pompa scenæque redemptor  
 Dadalus, æriis altè tentoria velis  
 Fixerat, & latè in vastum distenderat orbem.  
 Arte laboratos Phrygiâ, multoque tapetes  
 Illusos auro dederat latera omnia circum.

Pensilis ex alto patulis crystallina ramis  
 Funibus it Tyriis arbos, & lampade noctem  
 Centenâ vincit, latè loca lumine florent.

Huc Constantiaden mensis comitata remotis  
 Lecta manus procerû sequitur. Tum protinus aulam  
 Ter gemini subeunt Zephyri, lenique vaporant  
 Spiritu, & hoc magnum venerati Epigrammate  
 Regem,  
 Mox quoque ut in procures raptim sparsere, recedunt.

## EPIGRAMMA.

Discordes studiis populos componere sola  
 Relligio potis est, sceptrumque vocare sub unum.  
 Adspicis ô Princeps! ut summo vertice cæli  
 Labitur, & regnum eterno tibi munere firmat.

## PARS PRIMA TRIPVDII.

**M**OX bellator equus gemmis crinitus, & auro  
 Instratus, rutila nutant cui vertice crista,  
 Intulit



*Intulit Europam ad lituum, freno annuit illa  
Desuper, & memorem doctas remeare per artes,  
Gaudentemque ultro numeris, coramque videri  
Ardentem, totâ pulchrè circumtulit aulâ.*

*Barbarico actutum cultu stratîsque superbum  
Attalîcis subigens elephantum ad cymbala prodiit  
Asia, & in radio gradientem temperat aureo,  
Tum quoque inaequalem gibbo per sîstra camelum  
Africa sublimis longâ moderatur habenâ.*

*Non illa semel, atque iterum regale per aquor  
Implicuere choros. Elephas felicior arte  
Enituit, formâ longè generosus honestâ  
Vicit equus, male par concessit utrique camelus.*

*Defluxere feris Nympha, puerisque remittunt.  
Mox ipsa, versis numerorum partibus, ire  
In choream pedites, dextris per mutua nexis  
Nunc coeunt, nunc & secum saliere soluto  
Agmine, tum aduersis incurrunt frontibus, & mox  
Conuertere fugas, breuibus dein corpora g yris  
Inter sese agitant, recto nunc calle recedunt,  
Obliquo nunc & redeunt, tandem orbe peracto  
Testantur longam repetita per oscula pacem.*

*En geminus subit, aulaumque à limine versum  
Hinc illinc suspendit amor; simul aurea latum  
Extulit os, diuûmque incesit Gloria passu.  
Non tot odorato surgens aurora cubili*

*Eoïs nitet in gemmis, non oris honore  
 Optarit, pulchrâve ausit contendere formâ.  
 Ut venit in medias, oculis blanditur, & ultro  
 Incautis se se insinuat, fallitque veneno.  
 Terrarum variis distinctum gentibus orbem  
 Ad numeros agili alternans sub pollice versat,  
 Et Nymphis blandè circum ridentibus offert.  
 Pérque manus illæ inque vicem mirantur, & vsque  
 Suspiciunt, tantoque super molimine gaudent.*

*Cùm fera pacatis prodit Discordia, vestem  
 Discolor incinctam, breuibus redimita colubris;  
 Turpiter os illi sparsum, vaga lumina fœdè  
 Huc illuc distorta, facem complexa flagrantem  
 Dextra micat, dirus toto furor ardet in ore.  
 Vix geminos malè sana choros iterarat, & illa  
 Concepere nefas, stimulis vitalia cæcis  
 Est tacito liuor sub pectore; cautiùs ex hoc  
 Spes illis tegitur vultu; pellacibus ex hinc  
 Officiis, studiisque omnes nituntur iniquis  
 Nequidquam mundi diuam superare potentem.  
 Illa dolos sedenim sensit, paribûsque precantes  
 Eludit studiis simulans, ars vincitur arte.  
 Ergo alios tentant cursus, aliòsque recursus  
 Inter se vacuis similes; dum tempore certo  
 Irrumpunt pariter, factoque sub agmine dextris  
 Inuadunt orbem. Nequidquam Gloria contrâ*

*Luētatur. Namque is vi scinditur, & tria scissus  
 Fruſta dedit. Quæ pars Aſia ditiffima longè  
 Contigit, aurore populis celebrata ſuperbit:  
 Haud ſtomacho ſine, deformem tulit Africa Maurū:  
 Heſperiam Europa armorum paciſque potentem  
 Admiratā, ſerum concepit pectore Martem.  
 Triftior exceſſit paulatim Gloria, at illæ  
 Exultare prius, dein & ſua cernere fata,  
 Mox indignata non unā abſcedere portā.*

## PARS SECVNDA.

*HÆC pompa facies prior, hic prior impetus. Exin  
 Vt prima aulaſ diſceſſit ſcena remotis,  
 Et noua naſcenti cœpit ſylueſcere lucò:  
 Continuò biſoris ſub criſpo fiſtula cantu  
 Audiri, atque iterum Diſcordia ſæua redire  
 Aurea deducens ternos per vincula montes;  
 Baccatūmque iugis Niſam, ſyluiſque Niphatem  
 Vndosum, & ſanctis Libanum tecta alta Prophetis.  
 Hinc tremulâ titubare lyrâ, caueâmque ſubire  
 Tres Afri, & rigido nutare cacumine viſi  
 Mons Luna, Maurūſque Atlas, currūſque Deorū:  
 Europa totidem ducebat tibia, nudam  
 Vertice Pyrenen, atque Italia Apenninum  
 Dorſum ingens, Alpēſque eterno frigore canas.  
 Ad numeros motant olli capita ardua, & ictus*

*Ingeminant, numeros impulsus rettulit aër.  
 Non secus ac quondam trepidâ symplegades actâ  
 Exiliisse loco, atque aduersis cornibus in se  
 Incurrisse ferunt: aut qualis in aquore Delus  
 Aegeo, nunc has cornu, nunc impulit illas  
 Errando, & totâ vexauit Cyclades undâ.*

*Exultat medios inter Discordia montes  
 Utque illos tadâ increpuit, sonuere recessus  
 Ingentes: latera extemplò per aperta fenestras  
 Dant rupes: Mauros Afra vomuere leones (suis  
 Tergeminos, quibus os rabidum, quibus horrida  
 Colla iubis: totidem maculoso tegmine lynces  
 Montibus ex Asia trepidum saliere per aquor:  
 Europa scopulis, clypeo gladioque coruscus  
 Miles iit triplex, & se collegit in arma.  
 Alter in alterius (veluti quos obiicit hosti  
 Æmula fors, additque in aperta pericula) primo  
 Hæsit in aspectu tacitus, lentoque pererrans  
 Lumine, quid, quantumue ausint, interrogat hostes.  
 Mox quoque collectas toto de corpore vires  
 Expedit, ignescunt ira, furor impius omnes  
 Precipitat sensus, numeris tamen ille tenetur  
 Nec sine lege furit. Primi cessere leones  
 Inque cauos iterum montes latuere recepti.  
 Tum lynces varia, mox & generosa virorum  
 Pectora, secedunt montes, lucusque recedit.*

## PARS TERTIA.

TERTIVS *hinc scena vultus. Maris unda supinam  
 Infusa in caueam spumoso incanuit amne:  
 Hinc illinc cecis educta canalibus omnem  
 Jussa locum implevit. Tremulis concentibus aër  
 Protinus impelli, sensim inclarescere leni  
 Sirenes voce, atque aures suspendere cantu.  
 Quatuor in totidem mox flumina curribus adsunt  
 Sulcator Pharia Nilus telluris, & ora  
 Bagrada regnator Libyca, pulchérque Zairus,  
 Quique Niger trahit à nigrâ cognomen arenâ,  
 Sublimes vitreo crocodilus in aquore vectat.  
 Parte aliâ torto modulati turbine concha  
 Tritones currus subeunt, scenaque superba  
 Quatuor ostentant fluuios: in corpore longo  
 Danubium ingentem, lacrymantem succina plenis  
 Eridanum ripis, Rhenique fluenta bicornis,  
 Et te Parisios prater qui labere muros  
 Sequana. Mox aqueo lenis molimine cantus  
 Aulam mulcet agens (dixere hydraulica Graï)  
 Scilicet Eoüm Gangem, Tigrimque ferocem  
 Fluctibus, & placidum Euphratem, Nymphisque  
 marinis  
 Dilectum ante alios praestantem fluctibus Indum  
 Ardentes fluuiialis equus per carula ducit.*

*Omnibus hic formæ decor. Alto à vertice latos  
 Canities humeros infunditur, aurea crines  
 Intexit vitta, & barbam discriminat auro:  
 Candida littoreis radiantur tempora fertis:  
 Ex humeris glaucus nodo dependet amictus:  
 Dextera nunc vibrat, nunc vibrat lauat tridentem,  
 Vt res cunque ferent, ut bellorum exiget usus.*

*Concordes vix passa aliquot componere gyros  
 Egit in aduersos tristi Discordia motu,  
 Purpureo sulcans fluctus Discordia lembo.  
 Infremuere vnda, spumant vada salsa, feraque  
 Fluctibus insultant, extremoque agmine cauda  
 Irascentur aquis: numeros sub verbere fluctus  
 Reddit, & ipsa modum saltu Discordia seruat.  
 Iratis Diui similes, vibrare tridentem,  
 Intentare minas, repetitis ictibus iram  
 Ad sonitum concha moderari, undamque secare.  
 Paulatim sidunt fluctus flumini recedunt,  
 Scenæque continuò tenui siccatur arenâ.*

#### PARS QUARTA.

*ECCE eadem, facie sed discolor Asia scenam  
 Intrat agens, prius in placido letissima vultu  
 Ridebat, sumptis nunc horrida seuit in armis:  
 Missile lentatur dextrâ, saeuumque minatur:  
 Parte aliâ clauam exsuccos nudata lacertos*

*Africa molitur: quam pone Europa subiuit  
 Altior ingrediens, & nudo fulgurat ense.  
 Jam tristes animis surgunt discordibus ira.  
 Iamque oculos furor accendit, iam tela coruscant:  
 Aëra cùm leni tenuem vox carmine mulcet,  
 Quo cantu conuersi animi, deterfus & alto  
 Corde dolor, tranquilla redit decor omnis in ora.  
 Hic croceis nubes radiis tabulata per alta  
 Adrepens, tacito crispata volumina lapsu  
 Explicat exsinuans, & odoro perpluit imbre.  
 At nebulas inter, folio subnixa micanti  
 Ibat Relligio, & sensim demissa per auras  
 Ad regis latus assedit; quo territa visu  
 Et longè fugit, & tenebras Discordia captat.  
 Europam & comites cepit Reuerentia Diua,  
 Illius ante pedes cecidere in genua, simulque  
 Præreptas olim partes, auulsæque mundi  
 Fragmina, quæ leuis pro more inserta gerebant  
 In sacro posuere sinu. Gratatur, amatque  
 Relligio, partésque globi componit habendo.  
 Integer in se aptis exit compagibus orbis,  
 Qualis erat, quando in medias se Gloria primum  
 Intulit. Illum ergo regi, pietatis honore  
 Esse argumentum voluit, propriumque dicauit  
 Diua potens, nubésque inter se lata receptat.  
 Ecce ascendentem, & cæli supera alta tenentem*

*Dum tacitis omnes animis, oculisque tuentur,  
 Prodit ab eo citriis latissima pomis  
 Sylva: illam trunco acclinis, lentusque, sequentem  
 Ad numeros tenui ducebat arundine pastor.  
 Grex ouium circum stupet, & nil gramina curat  
 Immemor, aut trepido currentem flumine riuum.*

*Ecce nemus foetu latum, malisque beatum  
 Puniceis, Atlas impubis agebat ab Austro  
 Multiforis flatu calami; charissimus Atlas  
 Et Mauris Nymphis, & Mauri gloria ruris.  
 Circum Capripedes, & acutis auribus adstant;  
 Hinc illinc Satyri, cantusque ediscere certant.*

*Parte aliâ sensim baccarum pondere curua  
 Accessere olea, leni quas Thracius Orpheus  
 Et voce, & cytharâ trahit: illum voce canentem,  
 Argutoque fides tractantem pollice, pulchra  
 Admirantur Hamadryades, numerosque sequuta  
 Mutauere alios alio sub carmine motus,  
 Mox Asia in citrium nemus emicat; Africa syluam  
 Puniceam tenet, Europa pars optima cessit.  
 Quaque suâ dites decerpit ab arbore ramos,  
 Quos regi dicat, & dominum testata recedit.  
 Paulatim abscedunt sylua; vacuo area circo  
 Latum animis Constantiaden, proceresque remisit.*





## EIDEM VIRO ILLUSTRIS.

**D**AMONEM istum (VIR ILLUSTRIS-  
SIME) cùm Legatus Regius in Poloniam ve-  
nissēs, vidissē te narrabas. Versus (inquebas) is  
canebat aliquantò duriores, quique non essent  
stomacho nostrorum hominum. Ægrius certē  
quidem ille tulit contemni musam suam, statuīt-  
que imposterum abstinere se versibus. Eius de-  
sperationem, & ἀμνηστίας ita subleuasti. Polliceba-  
re, si Parisino cœlo vteretur, futurum, vt con-  
suetudine nostrorum hominum eius genius man-  
suesceret, & versus emollirentur. Hoc est huius  
Eclogæ argumentum. Bene vale.

## D A M O N.

## E C L O G A II.

Interloquutores DAMON & ÆLIA.

**D**ICITE *supremos Damonis dicite luctus*  
*Vistulides Musæ; quorum miserescere rupes,*  
*Littoræque, & rigido didicere in cortice sylua.*

*Sarmatiam seu tu humanas mollire per artes*  
*Instituis, MEMMI, irato seu iura Sueco*  
*Dicis, & infidum reuocas ad fœdera Rhenum;*  
*Tot plausus populorum inter, vocēsque fauentum*

Qq.

*Hunc gemitum tamen audiri sine : Blandius aurem  
Oppositi tremulo impellunt sub pollice nerui.*

*Pastor ab ingrata quondam Thaumantide Damon  
Cum fugeret, chari pecoris, calamique, sui que  
Immemor ah ! nimium, veteresque oblitus amores,  
Per sylvas, per saxa, per indiscreta locorum  
Fbat, ad immites donec stetit aquoris undas.  
Hoc illum perhibent deserto in littore secum  
Ter denos fleuisse dies, & carmine Divos  
Crudeles Divos, crudeliaque astra vocasse.  
Lutea non illis surgens aurora diebus  
Extulit os, roseo Vesper nec lumine frontem  
Explicuit, totos habuerunt nubila menses.  
Haud pelagi cecidit furor, haud cecidere tumultus,  
Vsq; imbres, usque & pluuio sub sidere nimbi.  
Ille animi tandem victus, seuque doloris  
Impatiens, quoniam superis inuisa fuisset,  
In fontem stygiis optauit credere vitam.  
Officij tamen ante memor, prius aquora, rupes,  
Littoraque, & sylvas tanti loca sola laboris  
Conscia, supremam moriens testatur in horam.*

D A M O N.

*Conigera pinus, intonso vertice fagi,  
Aëria quercus, dulcesque gementibus umbra.  
Vos sylva testes, ut me malus ignis adhærens  
Vrit, & immites populantur viscera flamma.*

*Audistis sedenim, & duro sub cortice molles,  
 Aërio tremulas motastis vertice frondes.  
 Naias in ripis, in cliuis fleuit Oreas,  
 In sylvis Dryas, in saltu fluere Napæa.  
 Sylua mea custos animæ, tibi credita cura,  
 Cura, ignisque meus. Tu fessum sylua leuabas,  
 Casariam ipse tibi fingebam lentus, & umbras  
 Molliter humentes cantabam, & amabile frigus.  
 Hac potui tenuis, aternum mihi denique salve,  
 Aternumque vale. Extremum quod te alloquor hoc est.*

*O nemorum Siren, sub quâ didicere magistrâ  
 Et Parus, & Trochilus, pictis & Achantides alis,  
 Et numeris quacunque suos meditantur amores.  
 Non ego te posthac solâ sub nocte, reclinis  
 In cubitum, effultus violâ, tenerove hyacintho  
 Mulcentem satyros, & agentem carmine Nymphas  
 Excipiam, inque vicem blandos equabo labores.  
 Si bene quid de te merui, sociique penates,  
 Et lacryma, & gemitus, castique merentur amores:  
 Nec puduit mecum officio certasse priorem,  
 In lacrymas Damon tibi sit triste argumentum.  
 Hac potui tenuis. Extremum, quod te alloquor, hoc est.*

*Riuule, qui teretes irato rore lapillos  
 Spumeus obiurgas, rauco qui murmure circum  
 Laberis, & dociles socias in carmina fluctus.  
 Ah! quoties mecum in tristes tua flumina cantus*

Qq ij

Parus  
 Mélange  
 Trochilu.  
 Roitelet.  
 Achanti  
 Chardon-  
 neret.

*Egisti miserans. Si nostra sonaret acutè  
Fistula, & in tenues vibrans gracilesceret auras;  
Urgebas raucos reuoluto corpore lapsus,  
Et grauius toto stringebas flumine ripas:  
Me contra mutare vices si Musa iubebat,  
Te contra mutare vices tua Musa iubebat.  
Riuule saepe meos mecum miseratus amores,  
Hac potui tenuis. Extremum quod te alloquor, hoc est.*

*O praeceps saxi facies! ô fornice curuum  
Pumiceo tectum! ô sparsis spelunca labruscis  
Casta fide domus, atque mea bene conscia mentis.  
Excipe Damonis postremos excipe versus.  
Dixit, & in viuo sculpebat talia saxo.  
Absiste, ah! quisquis nescis ignarus honoris  
Quò valeat decus, & laudis iactura decore.  
Hic locus, hîc sacer est. Diuûm hoc sanctissimus antro  
Arâ habet, hîc lacrymas Damon cum sanguine fudit.  
Hæc fatus rigidum vertebat in ilia ferrum.*

*Forte ulmum ad patulam somnum captabat, &  
Longo victa die, venatûque Ælia multo, (umbras  
Ælia Nympharum pulcherrima. Fletibus illa  
Pastoris tenerum roseâ ceruice soporem  
Excussit, inuenisque adductam in vulnera dextram  
Sustinuit, trepidûmque inuasit talibus ultro.*

Æ L I A.

*Quis furor ô Damon? misero quid vis tibi?*

## DAMON.

*Scis heu ,  
Scis ô Nympha , neque est cuiquam te fallere. sed tu  
Parce ultra velle , & miserum sine cedere fatis.*

## ÆLIA.

*Novi equidem , & te mæstitiem subiisse repulsa  
Indolui , mecúmque unà doluere sorores.*

*Parce tamen sauire animis. Hac sensibus imis  
Nunchauri , & faciles animo venerare Napeas.*

*Diues aqua , diuesque externa mercis , & agri  
Sequana , quâ longo tortos dat corpore motus ,  
Turritam attollit Regina Lutetia frontem.*

*Vrbs alias tantùm supereminet illa , myricas  
Sublimi quantùm despectant vertice pinus.*

*Hic Phæbus , Phæbique chorus consedit , & omnis  
Nervorum , vocisque sciens Parnassia Musa:*

*Hic Linus Inachides , citharâ hic Oeagrius Orpheus  
Personat argutâ. Hic animis testudine sensus*

*Museus facit. Arrectis stant auribus omnes.  
Sape etiam pastoritiâ se in veste propinquis*

*Infundunt omnes pratis , mistique vicissim*

*Et Deus , & pastor iungunt in carmina voces.*

*Huc agedum , huc propera , mihi ne pratende pu-  
dorem ,*

*Dic Orpheo. Diuûm veni præcepta sequutus.*

## EIDEM VIRO ILLVSTRISSIMO

cùm ad summam ærarij præfecturam exercendam aggrederetur.

**Q**VIS deceat carmen cultus, quæ cura poëta  
 Sit potior, magnum quâ prouocet arte Maronẽ  
 Dum meditor (MEMMI) studiis te Gallia nostris  
 Diuersum longè tulit. Atro in turbine belli  
 Spemque, metumq; inter, populique, & principis iras  
 Dum trepidat; memor officij, quo Marte furentem  
 Europam nuper sancta per fœdera pacis  
 Placabas; regni arcanis asciuit, & ari  
 Vnde mali labes ibat, præfecit iniquo.

Ex illo Musa loca sola & inhospita saxa,  
 Ac solis habitata feris spelæa frequentant.  
 Nempe illas vrit dolor, & quas ruris amœni  
 Delicia quondam, syluæque, amnèsque iuuabant;  
 Quisve fides fuerant cordi; scenæve cothurnus  
 Regnator, soccive habiles popularibus auris.  
 Ante alias tristi mæret concussa dolore  
 Melpomene: non illa tædæ, lituiue canorem  
 Nunc amet, Heroasve in pralia mittere cantu.  
 Vidi egomet (neque me falsis manifestus Apollo  
 Lusit imaginibus) Themidi cùm plurima coram,  
 Quæsta, sinum lacrymis impleret, & ora querelis.

*Memmiacas intra locus est sanctissimus ades,  
Quò populis penetrare nefas, turbare clientum.  
Huc etiam patribus, quoties super anxia regno  
Cura vocat (vocat alternis malesana diebus)  
Religio est inferre pedem. Laquearibus aureis  
Illusum nitet in pictis emblemata figuris.  
Parietibus vitreos bombyx incocta colores  
Ex alto pendet, vitreoque sedilia fuco  
Et citriam vestit mensam, calèbsque cubile.  
Atque huc Memmiaden virtutum exercitus omnis  
Subductum populis adeunt, curasque vicissim  
In commune ferunt. Postquam se se Themis illuc  
Intulerat mediàmque augustâ sede locarat,  
Melpomene contra paucis sic ora resolvit.*

*In vitas hominum cui fas inquirere Diua,  
Et tremulo mores librare examine lancis;  
Quo pia gens vatum tanto se crimine demum  
Implicuit? quibus exitium, veniensque per auum  
Dedecus indignum crudelia fata minentur.  
Vsq̃ adeone odium nostri superos habet? Ecqua  
Afflictis unum tandem succurrere rebus  
Invidia est? Patrio insontes detrudite cælo,  
Et vitæ (libuit quoniam) immortalis honorem  
Eripite. Asceos fontes, riuosque venena  
Insuscent sacros, pestemque bibentibus afflent.  
In flammam, in cineres eat & Parnassia laurus,*

*Atque hedera Pindi, & Musarū quidquid ubiq; est.  
Nos tamen & superis prima sacrauimus aras,  
Atque sacros prima ritus indiximus aris.*

*Nemo preces, nec vota nisi per carmina quisquam  
Nuncupat, à primo soluat seu littore nauem,  
Aut flauis durum messorem inducat aristas.*

*Armata haud licitum castris educere pubem,  
Molirive urbem sacro sine carmine sancta  
Religio vetuit, prisca vetuere parentes.*

*Quin etiam populis olim qui iura dedere,  
Iustitiæ nostris duxerunt fontibus haustus:  
Syluicola Celtis Druydæ, Graisque solones,  
Et Persæ magus, atque Arabi Caldeus, & omnis  
Per populos latè legum consultus & equi.*

*Non aliis inuenes studiis insueuerat atas  
Prisca, nec armorum alternas pacisque per artes  
Formabat teneram nisi Musâ interprete pubem.*

*Ah! memini, fuit illa dies cùm carmina Reges  
Aut canerent ipsi, aut faciles cantantibus aurem  
Præberent, magnique esset coluisse poetam.*

*Ille iugum subter celebres qui misit Athenas  
Bellorum pacisque sciens Pisistratus, ille  
Ah! miserè laceri digessit membra poeta,  
Et qui deficerent suppleuit carmine sensus.*

*Credo equidē iuuenis Macedo (cū multa moneret  
Naturæque super, super & molimine regni*

*Plus-*



*Plurima, sorte hominum maior pater ille lycai )  
Intentus placido dicentis ab ore pependit.*

*At tumidum imperiis Persam, Parthumque ferocem,  
Eoasque Arabum gentes, & nomina mille,  
Tot populos patriis domitos adiungere regnis  
Hoc opus, hoc nostrum est. Divina Heroibus afflat  
Ilias hos animos, mortalique eximit auro.*

*Quid memorem Augustum, imperij cum prima  
locaret*

*Fundamenta, suasque in leges cogeret orbem,  
Virgilium coluit, teretemque in corpore pingui  
Dilexit Flaccum, versumque extorsit amicis.  
Quid Mecænates referam, aut atate sequenti  
Terrarum Reges dominos? vixere, fuitque  
Ævum illud; nunc & Pietas, nunc & bona patrum  
Religio, nunc & patimur convicia Musa.  
Principibus quianam solida virtutis amorem,  
Et laudis gustum exsurdat vesana libido.*

*Sancta Themis, vosque o superi, virtutibus orbem  
Tutari quibus est studium & sanctissima cura:  
Hunc sinite emoto nutantem cardine rerum  
Galliam, & in peius Musas fulcire ruentes.  
Hunc unum petit auxilio, rebusque iuvandis  
Gallia, & hunc petimus tanto in discrimine Musa.  
Dixerat. atque olli placido Themis ore rependit.*

*Nam tibi nequidquam, superis charissima Virgo,*

R r

*Cura coquit pectus, stimuloque exercet inani.*  
*Nonne vides etiam tum cum pulcherrima rerum*  
*Memmius exigeret, tanto cum auctore Suecus*  
*Sarmatâque in longum sancirent fœdera tempus:*  
*Externo procul ut cygnum sub sole canentem*  
*Fouit & effæto steriles in corpore Musas.*  
*Cumque iterum aternam, in pacem componeret orbẽ,*  
*Et votis pariter pacem, pariterque beata*  
*Auctorem pacis populique urbẽsque vocarent*  
*Memmiaden: nihilo Bauarum minus ille poetam*  
*Audiit auratâ rigidas testudine gentes*  
*Mulcentem, & lyrico franantem carmine Rhenũ.*  
*Vt furor insideat populis, aurique libido*  
*Dirior attonita pertentet pectora plebi:*  
*Ille humiles poterit populos simul arte leuare,*  
*Et simul Heroum factis intendere mentem.*  
*Parce metu virgo, atque animis hac accipe. Genti*  
*Memmiadum vis est animi, quæ pondere rerum*  
*Surgat, & euictâ nitatur in aëra mole.*





ILLVSTRISSIMO VIRO  
 IOANNI ANTONIO  
 DE MESMES D'YRVAL  
 REGIA CONSILIIS SANCTIORIBVS,  
 ET IN SVPREMA PARISIORVM  
 CVRIA PRÆSIDI INFVLATO.

**C**VM fratri tuo Auauxio Viro Illustrissimo  
 Calendis Ianuariis anni M. DC. L. Vmbram  
 inscripsissem : is faciliè agnouit , id factum esse  
 exemplo Passeratij ; quiauo tuo , viro itidem cla-  
 rissimo, Vmbram quoque Calendis Ianuariis anni  
 M. D. LXXVIII. dedicasset. Recepi ego tunc in  
 me , vt in singulos annos eadem argumenta cum  
 Passeratio tractarem. Sed quoniam ille maximo  
 quidem ordinum omnium dolore , imprimis verò  
 meo nobis ereptus est : æquum est , vt Horti Cir-  
 cæi descriptionem , quam illi destinaueram , de-  
 feram tibi. Tu illam pro tuâ humanitate accipe,  
 & cum Passeratianâ compone. Quantum hæc  
 nostra lucubratio Passeratianæ de styli dignitate

R r ij

concedit; tantùm certè ego tui obseruantia omnes, qui tui volunt dici, vincam, atque superabo.

## H O R T I C I R C Æ I.

Cœli & soli ingenium.

**M**OLLIOR hîc cœli facies, hîc largior æther.  
*Vestit odorato florentes lumine campos.*  
*Blanditiis rerum, & felicitis munere Floræ*  
*Dignus amore locus se se venientibus ultro*  
*Obiicit, & sensus blandè grassatur in omnes..*  
*Alcinoo nec se tanti pomaria iacent,*  
*Nec Veneri dilecta sua Cinyreia regna.*

### Horti Sepimentum.

NON alta medium fossa, non mœnia circum  
*fuere, aut altis instant à turribus arces.*  
*Nulla domus, nulla pendenti tegmine sedes.*  
*Nam neque decussum metuit de nubibus imbrem,*  
*Aut rapidos soles, hyemémve Aquilonibus actam..*  
*Quippe illic ver perpetuum lucésque serena,*  
*Et molles Zephyrorum animæ; teneraque sub umbrâ*  
*Motantis sylvæ, secti per gramina riui*  
*Deliciis manant, & largo nectare currunt.*  
*Ergo littoribus, lucisque habitatur opacis.*  
 PLANITIEM molli quæ se demittere cliuo

*Gaudeat, innexis ambit per mutua ramis  
 Tonderi patiens, & ligno ductilis arbor:  
 Ante alias lasme, priscis Apiaria saclis  
 Natio lentore sequax, tum latus honore  
 Lentiscus triplici, & Paphia gratissima Myrtus.  
 Huc operum artifices, hortensi & in arte magistra  
 Accessere manus, nimiam qua forfice durâ  
 Luxuriem hinc illinc cadant, ramósque sequentes  
 Instituant varios animantium inducere vultus.*

*Hic tonsas inter frondes crura omnia soluit  
 Ceruus anhelanti similis, per dorsa, per armos  
 A capite in duplices funduntur ramea lumbos  
 Cornua, in excelsa riget auris vertice, & omnes  
 Excubat in strepitus, omnesque inquit in auras.  
 Inde canum manus emicat, in sauum ille latratum  
 Totus hiat; tritos alter vestigat odorâ  
 Nare humilis calles; hic pectora lata, pedesque  
 Arduus in primos, vestigia caca videtur  
 Elapsi sensisse feri. Labor omnibus unus  
 Affectare viam; facies non una, nec unus  
 Impetus. Instat eques curuo venator in are,  
 Incenditque canes; illum non fossa moratur  
 Non saltus: Pedites circum fremuere, manûque  
 Vocêque dant animos, & prona corpore currunt.*

*Parte alia horrendum latè sus frendet, & hirtis  
 Horridus in setis spumas agit ore, molares*

*In falcem dentes lunantur acumine duro  
 Pestis acerba canum. Quorum illi vulnere longo  
 Per teretes costas, pèrque ilia, & intima ventris  
 Aut agras posuisse putes, aut ponere vitas.  
 Ecce alij caso dependet inutile pondus  
 Poplite crus; aliis humeri luxantur inertes.  
 Funerea si quis cadis, plagave cruenta  
 Sit purus, sani si corporis integer; ille  
 Spemque inter celerem medius, tardumque timorem  
 Cunctatur simul & rapitur, simul instat, & hæret;  
 Tantum irâ ringit. Sani diducta minantur  
 Labra inter dentes, & amaro gutture fauces.  
 Non ita Venator, sed tantâ in cade suorum  
 Toruus acerba tuens, tortis nudata lacertis  
 Brachia, & ingenti crispâ venabula ferro,  
 Setosumque apri pectus meditatur in ictum.  
 Quid memorem Tigres, vario quid tergo Lynceas,  
 Informesve Vrsas, aut saenos ore Leones?  
 Cetera quid referam? magicas quæ ducta per artes  
 Venantùmque animos acres, irasque ferarum  
 Dant legere, atque locum pictâ cinxere coronâ.*

### H O R T I D I S T R I B U T I O.

*AT facies cultu interior, luxûque beatam  
 Vim facit illecebris; sed enim dimensa viarum  
 Pratexit succis arbos quæ manat odoris:*

*Assyriis Nardus , Panchæa Cinnama genti ,  
Balsama Iudeis sudantia , Thura Sabæis ,  
Et Casia , atque omnis Nabathæi copia ruris.  
Quatuor imprimis spatio diuortia iusto  
Ingentes secuere vias , totidémque dedere  
Fronte sub aduersâ , & iusto discrimine partes.*

## PRIMA PARS DEXTRORSVM.

Flores coroneles.

*PRIMA sub eoo nitet , & felicibus Euris ,  
Quam tenui introrsum partitur limite centum  
Trames in areolas , stant quarum in vertice centum  
Puluilli , & totidem adductâ tellure quadrantur.  
Hic totas ostentat opes , gaudeatque superba  
Diuitias , totumque sinus Dea Flora decorem  
Vltro aperit. Viola hic subluce purpura , & albâ  
Hic facie candet viola altera , & altera flauet ,  
Atque sui Narcissus amans , missusque sub auras  
Candentem croceis pingit cratera capillis.  
Nec non & teneris Hyacinthus nomina regum  
Inscriptus foliis multâ ferrugine lucet.  
Quo lethi exortes Amaranthos carmine dicam ?  
Aut te , quæ vita retinens , formæque perennis  
Integra , durando viuacem Nestora vincis ?  
Lilia quid referam ? toto quæ vertice gentem*

*Supra humilem florum vertuntur; lactea quorum  
 Tempora ridenti radiant euincta coronâ.  
 Altera nec desunt humili conualle petita  
 Lilia virginibus Celtis, argentea crines,  
 Crinibus & nexas nitidis argentea baccas.  
 Floralis de gente nihil: non Flammea triplex  
 Purpureas virgata comas, non iris odora,  
 Non teneri desunt Anemone Veris amores.*

PARS SECUNDA SINISTRORSVM.

Labyrinthus.

*FLORIBVS ad laeuam Zephyro supposita tepenti  
 Pumila buxus erat, ramos quæ tonsa comantes  
 Serpebat vario in labyrinthum dedala flexu.  
 Mille trahit, retrahitque sinus, mille orbibus orbes  
 Implicat, atque vias totidem. Non peruius illis  
 Ad capita est callis, portis panduntur utrumque  
 Ad latus: introrsum inuitat quæ semita, longè  
 Abducit, veteremque noua spe fallit, & intro  
 Admissis semel, ac cæcum in penetrabile receptis  
 Egressum miseris negat irremeabilis error.  
 In medio nigra ex Ebena, & candenti Elephanto  
 ( Inter quæ tenui discrimine linea currit  
 Aurea, & in varias mirâ secatur arte figuras )  
 Arcola exacto. circum comprehenditur orbe.  
 Natus Acidaliâ hic pario de marmore lauis,*

Natus



*Natus uterque aderant : & qui de nomine Graïo  
Olim dictus Eros , priscis forma dator : & qui  
Æmulus aduerso latatur nomine frater.*

*Par utrique decus , par oris gratia , párque  
Flos tener etatis , paria arma , habitúsque , mineque  
Risúsque , atque ioci , atque leues sine crimine rixa.*

*Lactea purpureus longè per colla capillus  
Ibat , & in nuceo ludebat pectore , molles  
Per laues humeros Zephyris motantibus ala  
Mille sub aduerso traxerunt sole colores.*

*Cum pharetris teretes arcus in terga reiecti ,  
Ante pedes iacuere faces , sparsaque reiectis  
Luminibus vittæ. Circùm ipsi brachia nexas  
Implicuere manus , & toto corpore proni  
Alternique sibi arrident , atque oscula figunt.*

### P A R S T E R T I A D E X T R O R S V M.

*Satiuæ , & pumilæ arbores.*

*T E R T I A pars horti gaudet bene culta satiniis  
Arboribus , seu quæ molli lanugine poma  
Vestiuere , nuces seu queis calicem dare circum ,  
Et rigido placuit tutari cortice fructus.  
Liberius nullam ramis impune vagari  
Natura , ingeniumve sinit. Si quis tamen ausit,  
Protinus ars illum spatio castigat in arcto.  
Nec minùs interea prouentu lata beato.*

*Luxuriat sylva , & grato sub fasce laborat.*  
*Namq; idem (quidenim non possunt carmina) ramus*  
*Se primum induit in florem , foliôque comanti*  
*Idem umbras captat , fœtûque superbit opimo.*  
*Quin etiam quo se fructus de cortice trudens*  
*In gemmam tumet , ecce alter pubescit eodem,*  
*Atque alius pleno maturat corpore succos.*  
*Ambrosiâ turgent Ficus , nudântque resecto*  
*Vbera plena sinu ; saturantur nectare mala*  
*Punica , & inciso risere putamine grana.*  
*Quid referam sauo Hesperidum vigilata dracone*  
*Poma auro circum radiata , & Perside ( pestem*  
*Languenti stomacho ) longè tellure petita.*  
*Huc variâ quidquid sparsit regione locorum*  
*Hortorum Pomona potens , frugisque repertrix*  
*Arborea , pleno congeßit prodiga luxu.*  
*Hic floret Pyrus , hic & cerea copia Pruni,*  
*Hic Cerasi dulces , & Oliua Tibure digna*  
*Atque Nuces , & cunëatrix sapientia Mori.*

#### PARS QUARTA SINISTRORSVM.

##### Rosetum.

*AT spatio in quarto latè genus omne Rosarum*  
*Felici spirat sylvâ ; seu purpureus quas*  
*Incendit fulgor , multôque illustrat in auro ;*  
*Sine niuem qua nativo candore laceßunt ;*

*Intactam, puroque recens à sidere lapsam.*

Riuus in horti superiori parte.

*Præterea nemoris, lenisque crepidine cliui  
Purior electro, nitidisque argentea bullis  
Diues aquæ salit, & liquido unda fugit pede, torto  
Arboreos inter fœtus se corpore flectens.  
Succineis ex hinc, longisque canalibus acta,  
Et riuos secta in tenues, circumflua plenis  
Areolas ripis, & odoriferos puluinos  
Irrigat: aternos tereti ceruice reflexa  
Purpureis potant labris Violaria fontes.  
Innumera ramis volucres vocalibus errant,  
Et liquido tenerum demulcent aëra cantu  
Tractari faciles, & picta tergora pennis.*

Fons in horti medio.

*Hortorum spatium in medio, quò lata viarum  
In sese incurrunt; pario de marmore labrum  
Vix humili plano supereminet; audet in orbem  
Fre tamen vastum. Exterior vestitur odore  
Ripa Chamamelæ, cū Psampsycho, & Calamyntha.  
Intus aquæ dulces, & lymphe simplicis unda  
Lumine sub tremulo, puroque sub aëre ridet.  
Concha capax mediâ subigit, spumamque triumphat  
Circum indignantem nequidquam. Haud aureus illâ  
Extulit eoo Ganges sub sidere. Nempe  
Segmentis coit variis, testudine sectâ*

Sf ij

*Murice purpureo, flavis conchylibus, auro  
Per medios fuso nexus, lentoque argento.*

*Insistit concham Venus (oceanitide qualis  
Emicuit quondam limphâ, felicius astra  
Tunc nitido in cælo, pictis tunc candida terris  
Lilia, tunc facili nituerunt aquora fluctu,  
Totâque se vultu explicuit natura sereno)  
Aurea casaries Zephyro data prada nitentes  
Lacte humeros infunditur. In membra omnia longè  
Textilis it ventus, nebulâve intextus amictus;  
Sustinet hunc lauvâ, fluctum ne libet; at ore  
Et dextrâ, similis leges, & iura roganti  
In vocem pendet, meditatâque verba minatur.*

*Nereidum chorus, atque omnis gens humida ponti  
Officiis circum certant, speculum illa subinde  
Admouisse oculis gestit domina, ista flagrantem  
Umbellâ prohibet solem. Pigmenta, colores  
Cerussa que illi gemmata in lente feruntur.*

*Fœminei gerit hac Castum miracula mundi,  
Quem Malæce Nymphas inter doctissima nendi  
Diuinum tenui per fuscum pollice duxit,  
Et filis fila intendens per mutua, donum  
Esse dedit quondam Veneri, propriumque dicauit.  
Stamina non hyalo satura, aut quæ plurima Seres  
Vellera diuitibus pectunt pendentia ramis  
Sufficiunt in opus. Res mole, & corpore cassas*

Nobilibus digitis in telam intexit habendo:  
 Tres indignati radios immiscet, amantis  
 Tres animi, totidémque spei, totidémque timoris.  
 Huc lenes animi rixas, risúsque querelis  
 Compositos, placidè huc verbis pugnantia verba,  
 Et tenera quantum forma, tantum illa rigoris  
 Addidit, ac telam lacrymarum temperat imbre.  
 His, atque his inter se qua contraria pugnant,  
 Frontibus aduersis, ullà haud imitabilis arte  
 Longinquis exegit opus mirabile sacclis.  
 Vim facit ille animis, Diuósque, Hominésque,  
 Ferásque

Omnigenas facili victor submittit amori.  
 Atque hic Cymodoce soror, & soror altera Doris,  
 Atque oculis Hyale glaucis, & lactea Clio,  
 Spióque, & Xantho pulcherrima Neptunine  
 Carula per candore nitent. Quibus omnibus exstant,  
 Et caput, & nitidi crines, & eburnea colla.  
 Haud Phorcus, Phorcique chorus, Glauciq; senecta  
 Hinc aberant, Nereúsque pater, Protheúsque futuri  
 Præsciús: exultat tremulis Inous in undis  
 Grandæuos inter puer, & delphina fatigans  
 Mollia, quà libitum est, iuncis attemperat ora.

Quatuor ad latera inter se discrimine iusto  
 Tritones versas inflant ad sidera conchas,  
 Et totidem largis riuos pulmonibus efflant.

*Vnda micat , quam stare putes , enodis ad instar  
 Oblongæque hasta ; iugis sic agmen aquarum  
 Integrat , atque alium ex alio fons sufficit amnem.  
 Qui summi recidunt latices , ludentibus auris  
 In teneros fluctus sparguntur : Vapulat illis  
 Vnda recepta lacu , questuque immurmurat aquor.  
 Tritonum de gente unus , postrema coërcens  
 Agmina , odorata magnam iaculatur aqua vim.  
 Illa sub ore Dei , patulôque à turbine concha  
 Altiùs assurgens , molli se fornice sensim  
 Curuat agens , omnémque adeo ( mirabile visu )  
 Inuoluit vitreâ circum testudine pompam.  
 Aëra per purum latè loca odoribus halant.*





ILLVSTRISSIMO VIRO  
IOANNI IACOBO DE MESMES  
COMITI D'AVAVX,  
REGIA CONSILIIIS SANCTIORIBVS,  
ET IN SVPREMA PARIS. CVRIA SENATORI,  
nec non Præsidi infulato designato.

D A P H N I S.

ECLOGA.

Interloquutores MENALCAS & TITYRVS.

MENALCAS.

**N**AM quis te patriis tam longos Tityre menses  
Collibus inuidit? Zephyris te mollibus aura,  
Te sylva gemitu, querulo te vitreus amne  
Biuara, te Gentiliaci fleuere recessus.  
Fama fuit, postquam crudeli funere Daphnis  
Occidit, aut alio te rura tepentia sole  
Quasisse, aut etiam pertasum lucis, & aura  
Aetherea, immiti posuisse sub aquore vitam.

Biua  
Riu  
Gen  
ou d  
belin

*Dicam equidem , neque enim quidquam tibi chare  
Menalca ,*

*Abnuerim. Vt nostro Daphnim vis inuida lethi  
Complexu tulit ; & tristi sub funere merfit :*

*Tum mihi quæ fuerant rerum latissima , tristes  
In vultus se se induere , & sordescere cultu :*

*Tum mihi nec calami , nec latis frondibus umbra ,  
Nec niueas amor in pecudes , nec rura placere.*

*Impulit ah ! fateor sensus , vicitque cupido  
Et fontes alios , aliósque inuisere colles ,  
Si quâ tristitiem mens poneret : at neque colles  
Nec fontes animis possunt auertere luctus.*

*Iam mihi cùm vita spes nulla , nec vlla mederi  
Effet cura super ; solis in vallibus , antra ,  
Aut rupis latus exesa , nemorùmve recessus ,  
Aut maris irati spumantia littora circum  
Errando , vitam in lacrymis luctûque trahebam.  
Forte igitur sylua cùm flerem acclinis ad oram  
Ah ! memini ; coram per leuia saxa fluebat  
Pauper aqua riuus ; circum , supràque labrusca  
Malleolis buxum stringebant , aëra nubes  
Sparserat , & lacryma mihi mæsta per ora cadentes  
Vrgebant calido pigrantem flumine riuum.  
Ecce mihi ante oculos cælo delapsus ab alto  
Adstitit intonsâ Daphnis bene comptus oliuâ ,*

*Et*



*Et prior. Ecquis erit tandem modus? Eia age luctus  
Tityre iam satis est, postquam me lata piorum  
Excepit regio, insanis te questibus ultra  
Indulgere nefas, enūmq; absumere fletu.*

*Qui mare, qui terras, cœli qui lumen amicum  
Temperat, & facili Mundum sub numine torquet:  
Ille meo, ruris quantum est à flumine Rheno  
Vsque Pyrenæos montes, & ab Alpibus vsque  
Oceanum, sylvasque omnes, collésque supinos,  
Credidit arbitrio, & pacis dedit esse potentem:  
Atque hac (inquit) erunt tranquilla præmia menti.  
Infrenes olim populos, gentésque superbas  
Pacasti, nunc & Patriam pacare memento.*

*Quare agite, ô pueri! festis sub solibus, aui  
Quod superest, agite; haud ultra meditabitur agnis  
Insidias lupo, aut vitulis lactentibus vrsa.  
Frigora nec metuet nascenti vinitor vna,  
Nec segeti lolium, nec iniquis mensibus anni  
Infundi pratis torrentia flumina messor.  
Nectare spumabunt amnes, in vellere crispo  
Purpureos sandix ad frontem vestiet agnos.  
Præterea extremo sepositos littore, Mærim  
Iurgia felicem mecum componere Mærim,  
Et flauum Lycidam, quo non præstantior alter  
Aut gregibus prohibere lupos, pagove latrones;  
Nec non & vestri Melibæum ruris honorem*

*Restituam, & magno sociabo fœdere Pani:  
 Tympana mox, lituique aberunt, & tristis Erynnis.  
 Per populos latè bigas pax aurea flectet,  
 Addet se sociam Themis, & bene conscia recti  
 Cana Fides, castique tenax Constantia Veri.*

*At tu chare mihi, tecum dum vita manebat,  
 Tityre, nunc etiam post acta tempora vita  
 Charior. Ah! me si quid amas, luctum exue, fletu  
 Parce ultra. Quid enim lacrymis mea gaudia misces?  
 Grex tuus interea colles, ripasque pererrat  
 Immemor herbarum, salientis & immemor unda.  
 Balatu queritur tantum, & vix osibus haret.  
 Muta tibi pendet mœrenti fistula quercu:  
 Te fontes, te rura vocant, tu rura reuise  
 Ocyus, & liquidis currentes fontibus undas.*

*Præterea non usquam abero, nec Auauxius ullo  
 Tempore defuerit. Qui me tibi nomine reddet  
 Proximus; ille meos reddet cum fenore mores.  
 Olli Nympharum domus, olli Pieris, olli  
 Castali j latices, olli tua fistula cordi;  
 Sic ego præcepi moriens, sic ille recepit.*

*Sed neque Memmiadum (quoniam hac te cura  
 laceſſit  
 Ultra pastorem) quisquam de gente, Minerva,  
 Aut Themidi, aut latè populis, aut regibus aequè  
 Dilectus fuerit: summo quem chara Senatu*

*Accepit iuuenem Patria, & iam signat honore  
Insula præcipuo, magnum quem exinde per omnes  
Lata gradus mittet, primo dum stabit honore.*

*Dixit, & auertens meditantem multa reliquit.  
Tum mihi odorato vestiri lumine circum  
Visa fuit sylua, & nitido splendescere vultu.  
Tristites tum animo cecidit, latæque remisit  
Mente dolor, toto salierunt pectora motu.*

## M E N A L C A S.

*O felix animi pastor, viteque beatus,  
Tristia cui Daphnis post funera seruat amorem.  
Vidi ego, qui circum pagos, & compita circum  
Multus oberraret frustra: nam compita circum  
Et circum pagos errantem lusit amicus  
Omnis, at ille tamen fuerat tum dignus amari.*

## T I T Y R V S.

*Hinc antiquus amor nota in præcordia venit,  
Et teneri studium pecoris, calamique voluptas.  
Cætera dicemus, tum cum mihi venerit Ægon  
Sequanides; olli mandauit plurima Daphnis.*



## D A P H N I S.

## E C L O G A IV.

E I D E M

I L L V S T R I S S I M O V I R O.

**L** V G E M V S *Daphnim* pastorem, occidit *Daphnis*,  
*Daphnis* occidit, & pax fugit longè à nobis.  
 Ex illo tempore capellæ meæ sæpius incurrunt in se cornibus,  
 Et quæ erant priùs quietæ, nunc inter se pugnant  
 Frequentiùs. heu heu per nymphas capellæ meæ  
 Quiescite ô suaves. hem hæc rursus, hæc praua.

*Daphnis* occidit, & pax fugit longè à nobis.  
*Symetha* luget quod cornu sibi fregerit sinistrum,  
*Hæri Cissetha* fregerat dextrum. Ecce etiam hic  
*Dasichætes* vir gregis utrumque amisit,  
 Illum bubulcus malus saxo percussit. Occidit *Daphnis*.

*Daphnis* occidit, & pax fugit longè à nobis.  
 Lupos miserè timeo cùm sim paruus. Lupi sunt  
 Etiam bubulcistimendi: Canem amatorem gregis strangulauit  
*Lampurum* catulus lupi, & capram quæ gemellos pepererat.  
 Clamabam ego sed exiliter. Ille enim ringebat dentibus,  
 Ille ringebat dentibus, & ego vehementer timebam.

*Daphnis* occidit, & pax fugit longè à nobis.  
 Ripis conuiciatur, & arenis hic riuus aquæ,  
 Vos igitur ô *Cycni Musarum* aues lugete.  
*Ventus* ex alto in sylvas irruit, rami

# Δ Α Φ Ν Ι Σ

## ΕΙΔΥΛΛΙΟΝ.

ΤΩ ΑΥΤΩ ΑΝΔΡΙ ΣΕΜΝΟΤΑΤΩ.

**Δ** Α Φ Ν Ι Δ Α κλαίωμες τὸν ποιμῆν'· ἀπώλετο Δάφνις·  
Δάφνις ἀπώλετο, κ' εἰσάνα φύγε τηλόθεν ἀμῶν.

Εκ τῶν γε μέλισσα κορύπῃλος ἐντὶ τραχίσκος,  
Ασύχαι παρὰν χιμῶναι κεράεσσιν μαλάρῃαι  
Νιῶ πλέον. Αἶ, αἶ, τῶν Μοισσῶν ποτὶ αἴγες ἐμείω  
Παύσασθ' ὦ γλυκεραί, χ' αἶσ' αὖ πάλιν, αἶδε κηκίσα.

Δάφνις ἀπώλετο, κ' εἰσάνα φύγε τηλόθεν ἀμῶν.

Ἡ ρά ραγίστα κέρας Σιμαίης ὀδύρετο λαῖον,  
Ερθῆς Κισσάδα καὶ δεξιόν· ἡνὶ δὲ τῶνος  
Αμφότερον Δασυχαίτης αἰγῶνες κεκλός ἀήρ·  
Τοὶ πέτρα βάτας τύπτεσκεν. Απώλετο Δάφνις.

Δάφνις ἀπώλετο, κ' εἰσάνα φύγε τηλόθεν ἀμῶν.

Τῶς λύκος αἴλινα μικρὸς ἐὼν ἔρμεα· λύκοι ἐντὶ  
Καὶ βάταις φοβερόν. Κύνα παρὰν φιλοπόμῃον αἴγας  
Λάμπουρον, καὶ τῶν λυκιδόων διδυματόκον αἴγα.  
Τυτθὸν ἐμειῦ φωνεῶντος· ἄραθι δὲ τῶνος ὀδόντας,  
Τῶνος ὀδόντας ἄραθην, ἐγὼν μάλα πολλὰ φοβέομαι.

Δάφνις ἀπώλετο, κ' εἰσάνα φύγε τηλόθεν ἀμῶν.

Ὄνας ὑβρίσθι, λαμαῖοις τε καὶ ἰάμασι τῶνα.  
Ορηγες Μοισσῶν μύρεαδε ποτὶ ὕδασι Κύκνοι.  
Ὡνέμος οὐρανὸν ἀεικέσσει τ' ἄλσισι, παρέμνοι

*Franguntur, terra illis spargitur,  
Vos rosa, vos hyacinthi, vos anemona timete.*

*Daphnis occidit, & pax fugit longè à nobis.  
Noster bubulcus peritissimus canendi  
Damœtas inquit ( mihi enim satis est fontes, & rubos  
Canere ) Leonem Venetorum ad fluctus maris miserabiliter  
Lugere, quia Daphnis mortuus est qui spinam,  
Quæ illi adhæserat ad pedem, extraxerat.*

*Daphnis occidit, & pax fugit longè à nobis.  
Sarmatica Aquila in sylvis luget mortuum  
Daphnidem, valles miserabiliter resonant  
Et montes, & fluuij, & fontes, & profunda sylvæ:  
Illi aquila compegit alas quæ vellebantur, Daphnis,  
Et laqueis soluens validis ipsam liberam dimisit.*

*Daphnis occidit, & pax fugit longè à nobis.  
Terra illa, quæ gaudet tribus coronis pro insigni, luget quoque,  
Terra illa vrsæ supposita est & draconi,  
Luctus ad vrsam usque & Draconem peruenit;  
Et vos ô Leones Dani & Bataui lugetis.*

*Daphnis occidit, & pax fugit longè à nobis.  
Illum vrbes, illum magna ciuitates,  
Illum vici minores, & casa pastorum,  
Illum populi, & reges lugent. Latatur solus Mars Deus belli.  
Mars, ô Mars tumultuose latare, occidit Daphnis.*

*Lugemus Daphnim pastorem, occidit Daphnis.  
Daphnis occidit, & pax fugit longè à nobis.  
Sic Damœtas cecinit, illi verò respondit Delphis.  
Tempus erat, quando sub Zephyro bene olenti prata  
Florent, venit Hebe filia Clearistidis*

Κλάζονται, ποτὶ τὸν γὰρ πάξετο ὄρος ἀπ' ὄρε,  
Νῦν ῥόδα, νῦν ἰάκινθε ἔμει, νῦν ἔτ' αἰεμένα.

Δάφνις ἀπώλετο, κ' εἰσάνα φύγε τηλόθεν ἀμύγῃ.  
Ημέτερος βῆτας ὡς πισταῖμος καλὰ εἰπεῖν  
Φατὶ Μενάλας (μοι κρέαντας, μοι τῶς βάπτος ὄρεα  
Ποπυύσδεν) τὸν λίην ἐνέτων πῶτα κύματα κυγὸν  
Μύρεσθαι. ὑπὸ γὰρ σφύρεν οἱ πάλαι ἦν ἀκκαθάν  
Οἷσιν ἐρρδδιδμύω ὀνύχεσιν ἐπλάττο Δάφνις.

Δάφνις ἀπώλετο, κ' εἰσάνα φύγε τηλόθεν ἀμύγῃ.  
Σαρματικὸς μὰν ἐκρυμοῖ ἀνέκλαυσε θαιούτα  
Αἰετός, ὄρεαλέως γράονται χ' ὄρεα κ' ἄλκη,  
Κ' ἀέναοι ποταμοὶ, καὶ νάματα, ἔβας ὕλας.  
Αἰετὰ ἔμπαξε πτερύγων σποτίλματα Δάφνις  
Καὶ δεσμοῖσι λύων κρατερῆς νιν ἐλδύθεον ἦκε.

Δάφνις ἀπώλετο, κ' εἰσάνα φύγε τηλόθεν ἀμύγῃ.  
Τὰ τελάδι σεφάμων ἐπίσημος ἐκλαύσαν ῥέρε.  
Ταῖς ἄρκτοις ὑποθεῖσ', ἀγρίω θ' ὑποθεῖσα δράκοντι.  
Τὰς ἄρκτους κλαυθμὸς, κυγερόν τε δράκοντα κηχμή.  
Ω Δαυὶν λίνες, λίνες γράεσθε Βαζυών.

Δάφνις ἀπώλετο, κ' εἰσάνα φύγε τηλόθεν ἀμύγῃ.  
Τίωον εὐκλῆμα πολέες, μεγάλ' ἄστα τίωον,  
Τίωον ποιμνικὰ μύραν πρ' ἄλσα κῆμα,  
Χ' ὡς δᾶμος, χ' ὡς ἄλξ. Γάθισεν μοιῶς ὁ Ἀρης  
Ἀρες Ἀρες γάθῃ πολεμέκλονε. Κάτθλας Δάφνις.

Δάφνιδα κλαῖωμες τὸν ποιμνί', ἀπώλετο Δάφνις,  
Δάφνις ἀπώλετο, κ' εἰσάνα φύγε τηλόθεν ἀμύγῃ.  
Οὕτω Δαμοίτας, οὕτω δ' ἀπαμείβετο Δέλφιν.  
Ἡς χεῖνος δῶδει Ζεφύρω ὄκα περπνὰ πέτληα  
Λημνίων αἰθεῖ, κ' ἡνθ' αὖ Κλεαρίστιδος Ἀβας,

*Colligere violas, colligere hyacinthos.*

*In capite gestabat coronam, ipsa verò peritissima canendi  
Cantabat sic; memini, nam tunc grex meus saltabat.*

*Musæ bucolicæ cantate Daphnidem pastorem:*

*Daphnis cælum tenet; Tu igitur pax veni ad terram.*

*Certè pacem amat Deus,*

*Certè pacificos valde amat:*

*Daphnidem igitur maximè, quin etiam filium suum dixit  
Quòd bella sedauerit, & pacem suaserit.*

*Daphnis cælum tenet, tu igitur pax veni ad terram.*

*Beatorum multitudo innumerabilis*

*Daphnidi obuiam venit; parentes maximè, & pater ipse,*

*Et auus, & consanguinei, imprimis verò Sacerdos*

*Memmius qui sacrificabat Deo ad altaria*

*Pro Rege Francorum Ludouico nono.*

*Daphnis cælum tenet, tu igitur pax veni in terram.*

*Gloriosissimum & valde dilectum filium*

*Salutauit. Te semper celebrabit omne genus hominum*

*Honoratum, & prudentissimum mortaliū.*

*Hic tamen cum parentibus beatus viues, omnia beatā*

*Consequēris. Hic Deus bona omnia largitur.*

*Daphnis cælum tenet, tu verò pax veni in terram.*

*Hæc cum dixisset, gaudentem Daphnidem in ædibus pulchris*

*Bene ædificatis, constructis ex adamante: (constituit*

*Subter verò erant horti, & ordines arborum,*

*Et quercus, & platani, & pinus, & cyparissi*

*Daphnis cælum tenet &c. (siccat*

*Illic neque frigus teneritudinem gemmarum, neque flores ex-*

*Sol, viciſſim Ver & Autumnus*



Δρέψασθαι δ' ῥόδον, δρέψασθ' ὑακίνθινα φύλλα,  
Κρατὶ δ' ἔχουσα κελεύει φασον πολυίδρις αἰοιδὸς.  
Αἰετο, μέμνασθαι, ὅκα πᾶς ὠρχεῖτο τραγίσκος.

Δάφνιδα βωκυλικῇ τὸν ποιμνὸν αἰεῖδτε Μοῖσσαι.

Δάφνις Ολυμπον ἔχῃ, εἰρήνα ἔρπε ποτ' αἶαν.

Ναὶ τὸν ἀσυχίαν ὑλύμπια δώματα ναίων

Ναὶ τοὺς ἀσυχίους πελώριον ἀμφαγαπάξῃ,

Δάφνιδα δ' ὡρεῖται, δ' φιλίπτερον ὑφέα θῆκε.

Τῷ τε βοᾷ παύειν, τὰ δ' ἀσυχίαν καταπέτῃαν.

Δάφνις Ολυμπον ἔχῃ, εἰρήνα ἔρπε ποτ' αἶαν.

Τῶν μακάρων μὲν ὅμιλος ἀνέριθμοι, καὶ ἄμετροι

Αντίον ἔρχονται, πατέρες δ' μάστιγα, τεκνὼν τε,

Καὶ πάππος, καὶ συγγενέες, καὶ ὡρεῖται ὁ ἱεὺς

Μέμμιος, ὃς ῥέξσεκε θεῷ ἱεροῖς ὅππ' βωμοῖς

Ἡγητῆρος ὑπὸ Φερίκων ἐνάτω Λοδοίκω.

Δάφνις Ολυμπον ἔχῃ, εἰρήνα ἔρπε ποτ' αἶαν.

Χαίρειν κύδισιν, μάλα καὶ πεφιλισμένον ὑόν

Εαδλὸς ἔφη. τὸ δ' αἰεὶ κελαδισὴ πόνῳ γῆμος ἀνδρῶν

Αἰσίμον, θῦμῃν τε, βροτῶν ὡρεφένεσσαν ἄλλων.

Ἡ δ' ἄμμιον ποκέεισι στωόλβιος. Ολβία πᾶντα

Κτήσεται, ἃ τε θεὸς πᾶντα σῶρε χρῆματα δώτωρ.

Δάφνις Ολυμπον ἔχῃ, εἰρήνα ἔρπε ποτ' αἶαν.

Ταῦτ' εἰπὼν, γαλεδιτὰ ἰδρύσαστο δώματι κελεύει,

Εὐπῆκτῳ, στερεοῖο τετυγμένῳ δὲ ἀδάμηντος.

Νέρθεν ἔλω καὶ πος πολυδείδρεος, ἡδὲ καὶ ὄρχος,

Αἰ δρυὲς, αἰ πίτυες, πλάτῃ μοί τε, καὶ αἰ κυπρίσσοι.

Δάφνις Ολυμπον ἔχῃ, εἰρήνα ἔρπε ποτ' αἶαν.

Τῷ μὲν μήτε κρύος θαλλόν, μήτ' αἴθεα φρύγῃ

Αἰλιος, ἀλλήλοισιν ἀμοιβὰς εἶαρ, ὅπως

*Hæc fructus affert, illud verò flores.*

*Daphnis est inter beatos, &c.*

*Ipsi verò Daphnidi inde est via lata ad domum Dei:*

*Quò vadit cum lubet, & alloquitur patrem caelestem,*

*Petitque quidquid placet, & omnia illi dantur,*

*Pacem autem petit maxime, pacem bonus obtinebit.*

*Daphnim bucolica pastorem canite Musa,*

*Daphnis est inter beatos, tu igitur pax ad nos veni.*



Καρποὺς ἄδ' ἐφέροισα ἰαίνεσθαι, δῶθεα πλῦο.

Δάφνις Ολυμπον ἔχ', εἰσάνα ἔρπε ποτ' ἄμματος.

Οἱ πλωθε πλατεῖα θεῶ ποτὶ χαλκόβατες δῶ,

Καὶ πατέρι φοιτῶν ἀγροῦέται ἔρδμῳ

Λισσόμενος θνατοῖς πόρτ' ὄλβια· πόρτα δ' ἀφαιρεῖ,

Εἰσάναυ τε πολὺ πλέον, εἰσάναυ εἰς ἕξ.

Δάφνιδα βωκολικῶν τὸν ποιμνὸν αἰείδετε Μοῖσσαι,

Δάφνις Ολυμπον ἔχ', εἰσάνα ἔρπε ποτ' ἄμματος.



---

## SUMMA PRIVILEGII

Regis Christianissimi.

**C**AVTUM est auctoritate Regis, ne quis in regno suo, aliisve locis suæ ditioni subiectis intra decem annos proximos, librum, qui sic inscribitur : *Dissertatio Peripatetica de Epico Carmine*, auctore P. PETRO MAMBRVNO è Societ. IESV, absque Sebastiani Cramoisy Regis & Reginae Architypographi permisso, imprimat, aut diuendat, à die publicationis horum exemplarium: qui secus fecerit, multa indicta, prout amplius in diplomate regio continetur, coërcebitur. Datum Parisiis die 14. Octobris 1651.

Sic signatum, De mandato Regis, C RAMOISY.

---

## Facultas R. P. Prouinciális.

**E**GO CLAVDIUS DELINGENDES Societatis IESV in Prouincia Franciæ Præpositus Prouincialis, facultatem concedo, vt *Dissertatio Peripatetica de Epico Carmine*, à P. PETRO MAMBRVNO elucubrata, & duorum eiusdem Societatis eruditorum virorum iudicio approbata, typis mandetur: In quorum fidem has litteras manu mea subscriptas, & officij mei sigillo munitas dedi. Parisiis die 12. Octobris Anno à Christo Incarnato 1651.

Sic signatum, CLAVDIUS DELINGENDES.







